

671.3421  
084  
16

卷廿七

人物志三之二

卷廿八

藝文志一

卷廿九

藝文志二

重修信陽縣志  
董錫賡署

重修信陽縣志卷二十七人物

人物志三之一

列女

節孝女

宋節

節

貞女

義婦

貞女

貞女

烈女

孝婦

婦人之行不出閨門關雎葛覃桃夭芣苢首三百篇皆處常履順貞靜和平而當時內行之修王化之行具可考見其變者行露柏舟一二見而已劉子政傳列女取行事可爲鑒戒不限一操范氏宗之亦采才行高秀者非獨貴節烈也魏隋而降公私史乘乃多取患難顛沛殺身殉義之事蓋晚近之情忽庸行而尙奇激國制所喪志乘所錄與夫里巷所稱道流俗所震駭胥以至奇至苦爲難能而文人墨客往往借倣儻非常之行以發其偉麗激越跌宕可喜之思故其傳非遠而其事尤著抑至性所存倫常所係正氣之不至於淪漸而斯人之所以異於禽獸載筆者宜莫之敢忽也信陽地居中原歷代聖賢之所陶冶天地山川之所鍾毓其懿德奇行表見於生人者男與女殆各得其半而鄉曲間真意未漓古風未泯婦德可述者尤多焉豈非聲教所被廉恥之分明故名節重而義勇強與今於人物一門特志列女凡節孝義烈賢慧各項撮其實之較詳者撰爲列傳餘則用唐書例各以類從臚其姓氏附註略歷分列如左



乾隆志以後至今百八十餘年代遠年湮遺漏實所不免茲姑就所知者臚舉之而以節孝為多蓋婦人之德以節為本生人之行以孝為先具此二端而其他即可包舉於其中且處常處變難易固殊舉此亦見人生之有幸不幸所望生斯土者之各自勉焉

其守節孝親教子者則有平昌關陳張氏張志誠女陳作元新妻文民陳張氏張守憲

氏張廷瑞女作新子玉瑞妻文民陳余氏余教緒妻民國立瑞兄陳張氏張守憲

立嗣子玉張氏樹德妻民國一門四節五里店劉黃氏陳生黃信妻劉

劉羅氏羅士彬女樹德妻民國一門四節五里店劉黃氏陳生黃信妻劉

莊伍曹氏曹三世盛佩女伍妻茂伍鄒氏鄒復旦大學妻一門三節馮家

門三節陳張氏陳履陳周氏陳履陳沈氏履一門三節吳陶氏吳

夫春繼母戚豐末吳雷氏雷妻德春吳鄒氏鄒德春均子連查一門三節五里店陳柯

氏陳緒省繼室陳郭氏郭三華妻三子陳馬氏馬華得妻光緒三省表四子一門三節

劉張氏張太學生劉萬劉彭氏彭伯麟妻子劉涂氏涂元麟妻一門三節共同建時一坊表

城北三承恩四字碑在沈家灣沈黃氏黃玉胡子女沈世沈陳氏陳榮林叶唐

啓妻嗣子沈梁氏梁餘女世唐胞弟一門三節潘袁氏袁大順子潘袁氏袁葉

大惠然長子潘程氏程大魁元女一門三節城內郭高氏郭慶慶表妻郭

啓妻嗣子沈梁氏梁餘女世唐胞弟一門三節潘袁氏袁大順子潘袁氏袁葉

盧氏 子廩 行生 盧嶠 妻高 慶女 慶會 嗣 一門雙節王何氏 綬何 妻年 徵八 玄十 孫四 女廩 緒生 王表 敬

王蔡氏 妻敬 光綬 子愬 表會 一門雙節董曹氏 潤賈 生長 子曹 檢身 妻孫 嗣女 子恩 培賈 董王 氏

道實 光緒 存惠 紀女 潤子 祠檢 一門雙節柳林周喻氏 之周 嗣萬 母選 同妻 治知 縣表 立幸 周劉

氏 縣儀 之周 嗣立 宰光 緒世 綬表 妻知 一門雙節山河村高李氏 妻李 福榮 姓女 表高 有文 誼

入高劉氏 忠劉 妻承 恩女 統文 誼子 萬一門雙節鄧柴氏 西榮 禮魁 鄧代 女英 子永 村鄧 家

鄧馬氏 美羅 次山 子馬 永秀 齡林 妻代 一門雙節周方氏 光周 緒志 緒妻 鄧禮 魁代 女英 子永 村鄧 家

表一門雙節五里店胡黃氏 有胡 雙廷 煥妻 坊光 緒門 外表 胡劉 氏 大廷 勳煥 妻一 門雙

節馮家莊張李氏 表張 有洛 雙妻 光緒 碑綬 姓張 周氏 洛州 同周 應彤 妻女 一門雙節衛南

村劉家塆劉楊氏 坊劉 廷賈 雙妻 光緒 碑綬 姓張 周氏 洛州 同周 應彤 妻女 一門雙節衛南

西一門雙節杜家阪嚴蔡氏 玉附 妻生 蔡道 允學 勳表 女附 生嚴 合特 坊立 子嗣 執嚴 曹氏 生賈

玉冠 執德 妻一門雙節平昌關陳李氏 妹進 士李 敬書 妻澤 陳董 氏 敬樂 書妻 弟一 門

雙節楊柳河周王氏 元王 敬緒 光緒 女周 表照 周王氏 照赤 緝敬 妻紹 光緒 元表 弟一 門雙節

赤土村魏呂氏 魏八十 德純 妻年 魏黃氏 德黃 萬純 子鍾 女一 門雙節五區張程氏 此張

妻張葉氏 德世 稷嗣 子一門雙節平昌關劉羅氏 表劉 有鴻 雙典 妻旌 劉董 氏 子鴻 遠典

達表一門雙節清河村李甘氏 有李 炳節 山母 節李郭氏 女賈 生雙 郭保 善一 門雙節

梅黃康劉氏 康心 妻康 李氏 訓心 明妻 一門雙節柴蔡氏 年蔡 二錫 十古 守女 節柴 嗣子 宏立 妻

重多言易系長卷十一 人物志三之一 列女

本年八十六表柴郭氏郭保善年女立本妻二表一一門雙節陳柴氏協和

萬利陳侯氏萬元利胞弟一門雙節李董氏六區正義鄉子董鈞女李開旌表妻

南人吳文斗李陳氏樹長庚妻一門雙節五紀屯魏葛氏魏守樹燿光緒旌表弟

一門雙節當谷村羅沈氏羅堂妻羅金氏魏守樹燿光緒旌表弟一門雙節曹嚴

氏曹買嚴家災孫曹涂氏徐毓培妻一門雙節大王冲柴周氏周天祥

建坊妻光緒旌表柴張氏張振田女德統旌表一門雙節衛北村臺子湖周

劉氏周鳴孝祠柴張氏張振田女德統旌表一門雙節張陳氏陳生陳恕修姊張張梁氏廷

祥子少一門雙節東雙河翟李氏李品三女翟陳氏陳子鶴洲女玉一門雙節

馮家莊張何氏張守典妻子張周氏兩次割股療親妻一門雙節明港全陳

氏陳德昭坊女全明港街同全周氏南女坊在明港周郁一門雙節全楊氏

附生楊教齋女明港全向運妻現年六十全嚴氏嚴文博女向運弟街一

四歲國民國九年喪揚區類曰節晚松高正妻現年六十二歲街一

門雙節蕭曹店蕭賴氏蕭風玉佩妻蕭閻氏鳳兄子一門雙節雙井店李楊氏

李有雙節碑李王氏天南子一門雙節王李氏祥遠坊王王涂氏祥麟銘

妻一門雙節關家灣關張氏關安元母光關李氏安元妻一門雙節余

何氏解余心余曹氏子心張氏文游一門雙節城東張王氏張全功妻張余

氏全功妻一門雙節周徐氏周清表周姜氏姜伯良讓女一門雙節

沈李氏 西孝或朱子天啓龍女年沈家十灣七沈沈胡氏 庚胡子啓一龍女西一門雙節潘楊氏

附湖生北潘應山恆楊繼室烈乾隆三曾十孫十六年清建河雙村大廟坊敷 潘劉氏 斌湖女北應山廬生子劉

一與坊姑共一門雙節潘余氏 販長臺關附生八余歲大廟 潘黃氏 曾黃孫殿梓妻女壽凌

碑九街十七歲人曹治瑞中旌表文立一門雙節此外於明時則有馬楊氏 室馬子寶繼陳

戴氏 戴誼夫冠名姑於清康熙時則有汪王氏 知州榮贈竹女古松城汪區毓其妻孫族表

皆樸履生梓余陳氏 正余旌表田入妻雍郭李氏 乾城內旌表買郭坊在劉龍堂室嚴范氏 村八嚴甲

九翼守節年十乾隆時則有歐陽曾氏 舒山曾德明女旌城內歐李陳氏 考夫乾名隆失

山旌鋪表吳坊將中余胡氏 妻嘉山慶村余心鏡余董氏 長頁臺生關余養心女崑崙妻元廣碑益在姑慕母

甯魯氏 旌那家集坊甯金榜妻嘉慶隆陳陳氏 東妻根道光平旌昌表關有陳坊來杜劉氏 女劉衛敏

妻西道村光旌勳表立潘吳氏 捐出修山店潘大才妻潘郭氏 修歲船買橋潘道英繼室捐贊嚴李

氏 光李旌錦表女武平昌關附書生嚴書思傳妻道任吳氏 有任坊可入望節妻旌表戚李氏 妻鄭自隆新

音國庵臣並妻宗守節鄉捐費修湖余唐氏 相廬生唐幹姑母選余訓引講妻子鄭李氏 妻鄭自隆新

字壬寅坊旌表北榮思天廟錫四會郭氏 芳曾祥麟妻嘉慶北旌表節廟孝流劉楊氏 贊劉廷

建嘉坊慶旌北表三都里大遠音四字嘉慶道光時則有余郭氏 妻城內附營生占余魁遠母煥劉

張氏 妻衛南光村旌劉表參麟劉張氏 妻駱陀光旌劉表停陳呂氏 夫洋河陳緒妻于光緒數初日

卒杜楊氏 內楊杜福金林燈女妻城何曹氏 妻駱同治旌阿表玉坤杜羅氏 世社同堂販其杜姑環年妻九五

人物志三之一 司女

十 劉胡氏 文衛東村 劉黃孫氏 信五里店 盧店 黃忠 旌妻 子闕張氏 妻關武 胡劉氏 內城

劉守順相妻女 杜李氏 李提妻 敦厚女 杜表 萬藍舒氏 妻武 旌妻 光舒 旌妻 表 旌妻 碑 女 在 徐家堂 藍白塔

李馭道左附文 余呂氏 關西北 順三女 里長 許臺 關人 余思 履德 齊碑 文 在 楊姚氏 獻福 妻 劉陳

氏 陳西妻 文清 光准 鋪劉 胡林氏 妻林 樹冰 培玉 附 生 曰 楊余氏 龍附 寺 生 楊世 心 秀 板 妻 女 子 黃

歷繼光恩 緒廣 西表 潘經 胡盧氏 盧胡 千寶 戶廟 妻 有 碑 許 周劉氏 培德 柳妻 河 周 王胡氏 店 五 里

光三表 張查氏 旌東 張龍 萬津 明橋 道南 光股葛氏 承出 禮山 店 殷 毛呂氏 卓毛 妻 文

十壽六九 劉倪氏 贊東 雙妻 河劉 胡樊氏 表平 慶昌 生關 胡正 南 妻 道 光 旌 胡全氏 全平 樂昌 山

表女 附生 嚴胡 郁恢 洛妻 同文 治旌 余丁氏 碑武 在 庠 關丁 北明 善 外 女 長 舉 長 人 盡 全 關 履 余 邵 有 妻 碑 旌 表

陳余氏 飲余 助心 瑞女 在 母 子 家 河 廟 陳 甘 關 鄧 陽 妻 家 人 貧 苦 履 守 齊 族 弟 之 開 文 業 方 周 氏 周 長 邨 臺 南

貢女子 作祖 賢妻 副 杜江氏 妻 衛 西 村 旌 杜 表 志 一 陶陳氏 妻 俱 旌 家 表 莊 有 陶 碑 大 剛 蘇李氏 附

履李仁 妻文 同女 治太 旌子 表 蘇蘇楊氏 妻 出 豐 村 旌 表 志 蘇 表 允 萱 郭張氏 妻 俱 旌 家 表 莊 有 陶 碑 大 剛 蘇李氏 附

李氏 石李 橋良 郭運 女 青 妻 胡李氏 青柳 春 妻 胡 陸蘇氏 女 增 生 陸 金 蘇 元 同 妻 仁 孫張氏 應 西 村 孫張

治荷 表妻 同 蘇朱氏 允太 子 妻 蘇周歐陽氏 道 楊 光 柳 旌 河 周 廷 有 坊 妻 余胡氏 應 西 村 孫張

節孝 余坊 心 進 鏡 士 妻 郭 道 光 庚 十 四 年 立 曹周氏 忠 附 妻 生 年 曹 六 培 十 祚 三 子 可 余劉氏 蔚 城 女 內 余 劉 殿 文

周石氏 康 駱 生 周 店 世 石 府 佩 妻 亭 清 壽 旌 亭 表 姊 周姚氏 世 城 內 表 杜 入 錫 洞 梁 周王氏 炳 出 妻 山 清 旌 附 表 生 周

氏	八格	十妻	逸益	氏	妻	字	杜	表	左	周	歲	年	同	氏	年	旌
子	十妻	妻	士女	風	陳	平	家	山	袁	張	旌	客	堂	氏	旌	店
馮	年	年	陳	東	張	家	有	碑	氏	氏	表	建	夫	十	表	周
桂	八	年	太	雙	氏	李	碑	左	遠	妻	萬	碑	履	七	十	子
永	周	彭	子	光	昌	劉	李	家	左	光	店	城	匪	歲	表	紹
女	陶	郭	五	北	張	危	李	不	客	光	緒	內	死	家	昌	昌
青	氏	氏	城	結	梅	氏	李	店	家	緒	周	節	席	家	照	清
年	立	彭	蘇	表	光	氏	李	明	店	周	文	節	死	家	張	氏
七	萬	年	允	劉	女	明	李	妻	明	時	祠	十	守	家	氏	氏
十	節	七	蘭	文	古	港	李	危	妻	表	孝	節	光	家	氏	氏
九	吟	十	妻	曹	族	全	李	保	妻	遇	內	等	節	家	氏	氏
有	會	六	曾	張	陳	結	李	仁	妻	邱	公	壽	一	家	氏	氏
碑	季	天	氏	氏	金	全	李	極	妻	劉	百	公	期	家	氏	氏
天	氏	郭	氏	周	周	李	李	女	妻	家	期	五	有	家	氏	氏
郭	氏	劉	氏	氏	周	氏	氏	劉	妻	表	子	歲	五	家	氏	氏
劉	氏	氏	氏	氏	周	氏	氏	家	妻	鄉	生	麟	福	家	氏	氏
之	劉	劉	氏	氏	周	氏	氏	郭	妻	邱	河	書	田	家	氏	氏
彬	青	青	氏	氏	周	氏	氏	胡	妻	守	陳	瀛	宜	家	氏	氏
妻	山	女	氏	氏	周	氏	氏	郭	妻	邱	川	女	文	家	氏	氏
年	年	八	氏	氏	周	氏	氏	郭	妻	守	妻	貧	二	家	氏	氏
八	十	十	氏	氏	周	氏	氏	郭	妻	守	妻	苦	王	家	氏	氏
十	二	二	氏	氏	周	氏	氏	郭	妻	守	妻	節	王	家	氏	氏
郭	郭	郭	氏	氏	周	氏	氏	郭	妻	守	妻	節	王	家	氏	氏
嚴	嚴	嚴	氏	氏	周	氏	氏	郭	妻	守	妻	節	王	家	氏	氏
余	余	余	氏	氏	周	氏	氏	郭	妻	守	妻	節	王	家	氏	氏
氏	氏	氏	氏	氏	周	氏	氏	郭	妻	守	妻	節	王	家	氏	氏
平	平	平	氏	氏	周	氏	氏	郭	妻	守	妻	節	王	家	氏	氏
昌	昌	昌	氏	氏	周	氏	氏	郭	妻	守	妻	節	王	家	氏	氏
關	關	關	氏	氏	周	氏	氏	郭	妻	守	妻	節	王	家	氏	氏
給	給	給	氏	氏	周	氏	氏	郭	妻	守	妻	節	王	家	氏	氏
嚴	嚴	嚴	氏	氏	周	氏	氏	郭	妻	守	妻	節	王	家	氏	氏

旌表周子紹昌妻清股吳氏  
 旌表西清江旌表馮韓氏  
 旌表馮河獻策門壽韓八宏十學七女萬光  
 旌表周子紹昌妻清股吳氏  
 旌表西清江旌表馮韓氏  
 旌表馮河獻策門壽韓八宏十學七女萬光

謝唐伯繼春室為碑表文進士	鄒述曹戴氏表毅冠奇宮國女動製縣池古史背憲以獎同治旌女顧氏游河劉張王氏	堂尹嚴氏尹樂高妻河	表緒族郭李氏附槐妻生光緒之袁蕭林光女緒石表郭張氏張守華緒女石表郭承春忠妻青光石	王氏駱光緒店李應茂郭袁氏之袁蕭林光女緒石表郭張氏張守華緒女石表郭承春忠妻青光石	妻馬汪氏昂廉生汪光輔緒模袁古建坊會劉氏紀魯妻河曾劉蕭氏怡出書山妻店劉李	吳氏米敦本論吳茂牧光村緒女表黃魏氏古山賈生魏起妻雲胡馬氏王元勤胡保女有北	妻孫陳氏夫陳名占祥魁河女失其姜田氏紹城內妻姜汪魯氏樂魯正貴女傅女馬元勤胡保女有北	妻光緒蘇郝氏裕太喜子妻城蘇張董氏母張人宗董尹繼慶室姑蘇陳氏贊法部主母事孫陳近廷	妻有倫蔡郭氏長媳夫芳沒女守蔡節俊胡姚氏子姚胡女應衛西妻村蘇魏氏蘇太允子朗城	杜氏母子八河程學董余氏吳家鎖有董明曹劉張氏正吳家羅劉陳程氏讓吳陳家	文撰陳董氏兼色兼鈺林女萬駱雲駱路店陳文允優修廬生室陳恕重修南附丹生州光判結余旌輔有撰碑羅程	千自堪陳余氏有餘碑心歲歲買女郭縣洪皖燧鎮十優陳文備源妻生子延修姑母病有割節光緒末世籍表	氏沈城內劉德室九光緒增旌表豐年十陳龍氏死龍質文之姑母病有割節光緒末世籍表	基女同治世表妻有子培余曹氏馮家莊有碑陳氏光緒士旌村表坊在裕閱家一固妻沈劉	八德十七妻嚴余氏平昌向嚴書萬學正黎題室竹節松同治九年曹李氏馮李家莊
--------------	------------------------------------	-----------	---	---	-------------------------------------	--------------------------------------	--	---	---------------------------------------	-----------------------------------	---	---	--------------------------------------	--------------------------------------	-----------------------------------





妻光緒石胡氏 妻賤店石宗漢王張氏 妻光緒店王作杞王楊氏 妻世黃傳

氏黃琮自友女湯董氏 妻湯之家老妻喬李氏 妻城內建李勤妻本戴呂氏 妻五里店妻戴炳興

人榮舉趙劉氏 妻南光緒趙金祥表沈劉氏 沈劉氏 妻生林劉繼室婦周許氏 妻五里村周康許

氏許珠女衛東村左劉氏 五劉守富節女左國順二妻二十劉徐氏 妻徐村劉明女

現妻年六十九守節劉任氏 二立十厚歲女守清河卒年劉六明十文妻年傅李氏 妻實村李與

玉傅成會陳氏 周會河陳門輝五姪十節九女守節杜盧氏 妻盧于歸月女徐夫村杜壽塔

涂氏 碑在祥雷官妻廟年東里許二舉守人節全履十備餘文有柴郭氏 妻于歸月女徐夫村杜壽塔

子末榮書表丹碑郎在張南仁里撰碑路文劉沈黎氏 本正修陽妻同治黎承章女沈沈李氏 妻正

李善妻女由庠庚沈張氏 子正安陽妻張子化時慶女沈涂高氏 貧守志年七涂十修六網妻光家

有緒旌表潘范氏 媳大廟氏 亦潘守植妻其潘胡氏 大胡廟姓潘胡志金倫妻女潘周氏 山張周家

潘從女道大廟 潘周氏 同治雙旌河表周立滄女在大廟南附貢潘秀選應職文室潘梅氏 家

廟梅文幹道女大潘梅氏 大譚廟家 潘附大生梅廟南附貢潘秀選應職文室潘梅氏 家

甘氏 緒大廟旌表潘立碑妻光潘會氏 廟臺子德妻附生曾光傅緒一旌女大潘李氏 妻李春華

金女世大廟旌表董黃氏 允武懷生子元顯甲女光洗緒盆表知縣董周黃氏 妻黃道西李春華

表十乾隆三雙年街旌熊陶氏 妻西年雙七河十熊五開泰立碑董周黃氏 妻黃道西李春華

十年二周張氏 妻西年雙八河十周餘廷松周胡氏 妻西年雙九河十周五廷純游劉氏 妻清游河洪緒新繼寺

妻西年雙八河十周餘廷松周胡氏 妻西年雙九河十周五廷純游劉氏 妻清游河洪緒新繼寺

室七壽八游夏氏西游雙河夏時清郭周氏西雙河周餘民國沈七臉年盆郭揚之焜

蕭夏氏西附生河蕭明生夏文年七夏涼光緒宣統時則有汪楊氏中宜興揚坊汪

李陳氏女山陳武妻堂張羅氏武正雲子乃長舉妻女張梁劉氏書城子內榮劉姑清三梁女玉中

號梁李氏李母城內梁亞常妻姑嚴何氏妹附生何教妻運胡樊氏胡雙維法臣妻女城內

揚興徐李氏大李之本妻揚民女亞城內張陳氏曾陳三妻繁宜女統河表村張高黃氏女黃北雪尖浪

山高懋嚴後氏呂湖北嚴隨德潤後子鴻法訓平李楊氏村楊李朝首榮妻山河張周氏河清

修周廷業張女張教陳郭氏善進同善郭榮光緒女五流表民國特陳嘉船給妻子類善五禮

色詞章余李氏李余文瞻寬女長善萬喬氏療城內萬紹培章玉附妻割股龐高氏友高鳳

東宜統炳表林鄒藍氏聯布理問妻國書紳之媳陳潘氏陳洋庭店生林嚴氏德嚴

英廷儒妻胡朱氏妻城內胡德張陳氏子南滄泉光緒志旌妻表陳席氏陳東

發葉胡氏柏東城妻鍾牛氏城牛正五典桂妻古萬劉氏劉萬學家忠瑞妻北王全郭氏陳東

然女明港全嚴氏正妻尚昌王氏女吳昌占順王成一陳盧氏陳協和同妻直子文政廉

劉殷氏妻吳家年八劉世榮劉殷氏吳家元家順光緒炳旌女劉曹氏宗吳家劉長恩光

妻陳萬氏有吳家度妻陳吳聶氏吳家心鎮榮妻孔葉孔氏恆吳昌妻宗吳家劉長恩光

羅劉繼嗣妻吳董氏家廉生董榮女吳家吳冷氏鐵冷法榮桂女吳家黃馮氏仁馮

旌表有碑妻吳董氏家廉生董榮女吳家吳冷氏鐵冷法榮桂女吳家黃馮氏仁馮

年女親民國興揚吳楊氏織吳法恭妻吳家陳阮氏福榮妻陳李陳氏李柔金萬

妻 陳熊氏 修明子 萬選陳學 李王氏 女四知川 縣中李江 炎夏妻讓 楊鄧氏 龍寺喬楊 世女棠黃	妻 梁氏 游林河 明道女 陳選學 李王氏 女四知川 縣中李江 炎夏妻讓 楊鄧氏 龍寺喬楊 世女棠黃	妻 郭強氏 光緒 周李氏 柳附生 周守樹 李董萬氏 文健林 妻妻河 李王 氏	甲附生 郝在明 遠妻女 八吳袁氏 殿出山 妻吳李氏 殿出山 妻吳李氏	氏 有六區 郭遠檢 斗世女 丙駱駝 文慶趙 生宏勳 妻妻民 修民國 聯突揚 郭晏氏 家青起 石妻橋 郭郝蕭氏	氏 三妻步 郭繁緒 未張張 碑省郭陳氏 妻妻民 國國國 突之之 李劉氏 妹開李 封劉郭 惜友琴 妻妻琴 張陳	七山妻 十餘現 年李王氏 內舉人 王芳慶 妻妻女 周熊氏 周開李 劉氏 妹開李 封劉郭 惜友琴 妻妻琴 張陳	陳李氏 李炎夏 子善女 奶知琴 陳雷潘氏 雷潘洪 秀智妻 女余吳氏 女六附 風生親 熊忠吳 余大 本義	祠 蔡樊氏 向衛東 村妻妻 蔡席何氏 錫馮家 光緒剛 表女有 席王李 氏	揚 萬姚氏 安康生 姚寶林 興女衛 碑在東 城東萬 邦周李氏 嗣知昌 縣李兆 統祥族 表妻入 山鄧周 孝周	氏 天厲應 陳何氏 修陳齊 妻妻淇 伍氏 文伍錫 輝茂妻 民女國 馮家莊 郭胡氏 那廉生 郭胡氏 集生胡 大錫大 楷會妻 厲黃	亮關妻 文王潘氏 麟王慶 翟王氏 夫王悅 子廷女 亮失其 郭胡氏 那廉生 郭胡氏 集生胡 大錫大 楷會妻 厲黃	集將房 孝友產 妻妻內 柴郭氏 立郭保 善年女 王大十 有沖柴 碑龔夏 氏	周陳氏 啓出山 周金李氏 金進士 壽增妻 裕光澤 緒孫女 表游河 碑張黃氏 天百錫 花妻寺 晚鄉年 張	妻 程孫氏 正母子 妻河程 余胡氏 尚慶順 潔妻妻 余杜劉氏 動母子 妻河蘆 光西旌 村表劉 有敏女 杜
---	--	--	---	---	---	---	---	---	--	---	--	--	---	---

碑妻有李郭氏山郭妻葆善表女有李炳馮李氏柱馮國陳王氏妻陳春鄒陳氏馮郭何

氏憲郭妻存吳馬氏正朝妻吳林米氏林震東妻龔蕭氏惠妻陳黃氏鼎妻三戴

朱氏有馮家莊嚴郝謝氏心馮家莊郝陳蔡氏網憲妻陳易陳氏文易妻表有炬

路碑在大艾戴氏妻馮河表有艾碑樂山李張氏選李金妻尹汪氏藍歲店尹九傳妻黃劉

氏集劉黃三運陽妻邢家慶郭氏集郭開應貴妻邢家黃劉氏集劉黃清修裔妻邢家張王氏

碑出山明店張運西祥妻北妻三表杜甘氏林甘慶才妻柳沈戴氏集劉黃清修裔妻邢家張王氏

陳依堯風妹守沈節園妻七夫故無葉林氏樂野區葉溫董氏考南李家店八十五歲族名失

旌為表請曹伍氏馮河村昭伍妻仁劉余氏馮劉河恆山妻永品梁周氏姊五區周厚琴

陶劉氏女五區劉文喜妻王張氏王張有世貴妻曹譚氏世區曹趙喻氏地附生趙喻氏

妻李彭氏妹武岸彭遠道李沈氏啓慶生沈啓銘附生胡曹氏貴妻張馮氏文張

聚彭李氏向李學郁女赤土八彭李傅氏梅年六十五歲蕭吳陳氏林慶女亦陳瑤

子村附生吳有德先吳陳氏天朗妻典年七十一歲吳陳吳氏雷妻甯王氏林慶女亦陳瑤

用那家集甯汪劉氏汪家獻妻古城盧潘氏喪其夫坊名盧何氏喪其夫坊名盧何氏

柴張氏旌表志惠母柴周氏旌表志壽祖母樊高氏道五里店樊李氏旌表志惠母樊李氏

妻劉胡氏文五里店劉侯曹氏文五里店侯陳樊氏俊憲妻陳張郝氏張張郝氏張張郝氏

何辜氏附生開陽妻光緒旌表郭王氏之青石橋郭柴周氏柴周氏柴周氏柴周氏柴周氏

何辜氏附生開陽妻光緒旌表郭王氏之青石橋郭柴周氏柴周氏柴周氏柴周氏柴周氏

人物志三之一列女

黃柴氏附生柴敬妻合余李氏李文甫妻石杜氏母杜石功預李陳氏

李德厚妻吳王氏與表汪李氏有魏孫氏五子徐氏守白李氏善李陳氏

文為李杜氏武元柴楊氏湖王北立齊涂氏雲王羅氏化

王侯氏王侯柴楊氏湖王北立齊涂氏雲王羅氏化

王振李杜氏萬富李鍾朱氏朱屈康氏屈吳夏氏吳孫胡氏胡

海妻高陳氏高鍾朱氏朱屈康氏屈吳夏氏吳孫胡氏胡

新孫自高陳氏高鍾朱氏朱屈康氏屈吳夏氏吳孫胡氏胡

馬氏山吳延北蔡張氏張王劉氏劉呂孫氏孫

老堂呂家呂明德妻明湯鮑氏鮑許李氏李郭陳氏

王李氏李明德妻明湯鮑氏鮑許李氏李郭陳氏

張氏陳朱高氏朱吳金氏吳張陳氏張明李氏明

在甘劉何氏何鄒楊氏鄒張陳氏張李張氏李曾氏

沖姓陳盧氏盧張董氏張陳氏陳李張氏李曾氏

金尊周黃氏周吳蔣氏吳張周氏張程秦氏程丁韓氏

張王氏張歐陽梁氏歐高陳氏高何王氏何程秦氏程丁韓氏

善程良歐陽梁氏歐高陳氏高何王氏何程秦氏程丁韓氏

徐家堂丁三文思妻葉曹氏曹正有模妻女馮家莊周陳氏阜陽村周化南葉周

氏五紀屯阜陽店道中碑在楊張氏女數編自敬妻田曾氏田次廣林妻沈蕭氏

洪妻梁沈氏梁連榜妻查王氏查金劉李氏劉明劉宋氏劉師有富碑室某

氏從雷村利刀藏身側姓負母兒行夫乞死撫兄追成改立不張王氏臨家神張中何

陶氏長河村何劉馬氏劉玉成田妻姑母吳王氏吳光表沈梁氏廣沈妻延沈陳氏

庚妻劉殷氏殷元炳妻劉陳歐陽氏封股陳烈表蔡袁氏生袁景沈山附

郭周氏周焜妻郭翟李氏心李敏勤室女程馮氏祖城東李店程左孫氏甲孫桂

左妻董王氏富妻陳李氏五里店妻陳馬汪氏妻世隆王苗氏濟王朱吳氏

吳心濤芹妻駝張王氏張泉陽店妻北陳尚氏在陳陽店北馮方氏羊名龔村真

馮氏正八甲妻曹蕭氏魏陳齊氏庭世曹陳氏培太河村曹陳齊氏村衛陳北

心球魏嚴氏魏陳齊氏庭世曹陳氏培太河村曹陳齊氏村衛陳北

室奇魏嚴氏魏陳齊氏庭世曹陳氏培太河村曹陳齊氏村衛陳北

戴氏馮河村曹曹王氏世馮錫河村曹曹湛氏德河村曹曹潘氏林河村曹曹

妻 劉徐氏 明河村 劉何饒氏 郎城中何傳子文文權女

錫爵妻家貧苦守李何氏 郎城中何傳子文文權女

後因斷炊縱死王李何氏 郎城中何傳子文文權女

之母歐陽萬氏 陽武金街歐郭項氏 貴郭妻金胡樊氏 胡興史

母之歐陽萬氏 陽武金街歐郭項氏 貴郭妻金胡樊氏 胡興史

夫沒楊守志 妻壽七周七際 潘翟氏 廟廬家潘惟道妻大張王氏 清石光緒張

碑立張雷氏 雷十鳴九女有仙節石奉張氏 廟廬家潘惟道妻大張王氏 清石光緒張

某華元女 譚家一河高胡甘氏 子甘家珠武生胡日清 金魯氏 姑育石大舖

世套灣金柴周氏 子出立山榮店光緒某女 旌大王沖九柴德立香妻 錫其年代失考及最近

者周劉氏 培楊德妻河馬王翟氏 年六十秀八妻王樊氏 培五里店樊之李郭氏 關郭李儀李

有慶煥妻 曹樊氏 瑛五里村曹國樊馮氏 傑五里店樊之李郭氏 關郭李儀李

馬陳氏 陳書元 瑛五里村曹國樊馮氏 傑五里店樊之李郭氏 關郭李儀李

氏 集方恆瑞 女東妻 田王氏 良東 翰妻 劉羅氏 鴻古 劉汪氏 女古 劉文秀妻 楊張

氏 張治典 妻北王黃郝氏 琳五里店黃偉方張氏 育九寶家店方曹陳氏 屈衡北

曹大曹李氏 邦親家 曹屈張氏 屈家有妻 吳薛氏 國北有妻店吳汪呂氏 屈北

北新商店汪曹鄧氏 女八曹甲輝村 翰妻 周陳氏 里陳萬相周正女 齊北

明春新妻店汪曹鄧氏 女八曹甲輝村 翰妻 周陳氏 里陳萬相周正女 齊北

元劉三田周氏 北田樂十書里 順周李氏 建雙勳井店周李尹氏 國龍井李

榮村妻葉廷姚余氏 心五樂紀妻屯姚姚莊氏 天五保紀妻屯姚姚莊氏 王翟氏 五秀紀妻屯姚

姚莊氏 天五保紀妻屯姚姚莊氏 天五保紀妻屯姚姚莊氏 天五保紀妻屯姚姚莊氏

姚莊氏 天五保紀妻屯姚姚莊氏 天五保紀妻屯姚姚莊氏 天五保紀妻屯姚姚莊氏

姚莊氏 天五保紀妻屯姚姚莊氏 天五保紀妻屯姚姚莊氏 天五保紀妻屯姚姚莊氏

姚莊氏 天五保紀妻屯姚姚莊氏 天五保紀妻屯姚姚莊氏 天五保紀妻屯姚姚莊氏

姚莊氏 天五保紀妻屯姚姚莊氏 天五保紀妻屯姚姚莊氏 天五保紀妻屯姚姚莊氏

南村周式郭方氏五紀屯郭顧明氏五紀屯顧馮馮氏世衛北村顧孫沈氏西衛

威村孫德杜劉氏龍井杜李陳氏龍井李黃鮑氏龍井黃陳崔氏店衛西村

妻呂李氏登蕭王張余氏學阜張田馮氏按母皆獎之興董孔氏心董全妻村董

董陳氏董伯董張劉氏湖衛西村喜張吳氏錦張允蘇趙氏明妻裕程秦氏

善程義曹彭氏志曹尙劉蔡氏之才家徐周氏徐周文梁陳氏妻梁王王

氏董伯村王劉賈氏玉邢集劉汪陶氏庚汪永張董氏董光浮女馬陳氏漢陳三

三馬榮馬殷氏山妻恆李徐氏徐莊女李李柴氏河李萬忠女劉張氏張榮

祥口劉萬張李氏繼阜陽村張楊孫氏萬孫家冲楊玉臺子清妻左余氏河余村春

妻葉氏宋家灣李顧氏河李館行黃高氏存中妻志子黃張氏王

店黃高盧氏店盧大相女王張馮氏馮斌女蘇張氏河蘇正女

蘇張氏蘇正里河劉楊氏劉自朱伍氏劉曹氏劉思妻葉董氏昌葉吳石氏萬石

黃氏唐劉繼劉余氏劉自劉張氏劉正劉曹氏劉思妻葉董氏昌葉吳石氏萬石

化女吳家鐵吳法黃黃氏李宗蔡舒氏翁始直呼為孝子極孝

嚴陳氏嚴孝友吳熊氏女高梁胡查氏胡魁和馮周氏馮萬載

良能妻姓

立能妻姓

人物志三之一 列女



未婚節婦乾隆時則有鄭李氏傳有嘉慶時則有張陳氏聘妻敬夫明女張志進之母

送歸張氏以文成其吳李氏水中山舖李慶文死吳字於本固家合葬焉後人死稱於

節表有碑文立碑刊烈高文古咸同時則有盧李氏甲南新店妻盧登蔡

四地彭水知縣湖北王來避文汪申開夫計守志嚴余氏厚平昌關嚴

氏盧鼎臣女南新店崔汪氏婚妻申開夫計守志嚴余氏厚平昌關嚴

狄成守志表丁李氏明徐家牛李豐貴氏守字節不文氏在明店誠街氏北寄門表家

劉柯氏道明明子亮婦女拒雙髮死劉王趙氏在五紀屯王康雷未婚妻中進同治李裕表碑

節其名不而九貞百輪絞冰霜成苦李張氏未婚妻光緒緒亮表城入內節李守祠模光緒

時則有何張氏南張傑未功婚女繼室人何陳李氏林祥河店陳寶李馬氏詩舉婦人馬典柄

禮光緒過門未成涂王氏及筭修錦沒王孝服女入門守竹五君胎年姑壽六字十修後

有旌表雷曾氏西門雙喜士門雷德貞年六以五夫卒周高氏店周登瀛女字乃出呂山

之乃志出於五至沒性清便適周學使獎以乘性堅刀區類嗣等物開蓋節烈

貞烈婦則有王張氏族人太福嫁夫沒張劉氏五區劉十金年如女遇匪張德海水妻杜

邵氏沒平昌關杜克全妻夫何馬氏新村妻純族女人申過陽臺死何王傅氏店五里

母欲且奪其入門自縱死旌表有始與劉陳氏生陳佩裕女母殉河死附石趙氏趙附生

郭氏海女駱殉店夫石吳氏堯駱夫石宗張張氏張佩裕女母殉河死附石趙氏趙附生

宗厚海女駱殉店夫石吳氏堯駱夫石宗張張氏張佩裕女母殉河死附石趙氏趙附生

同治入中總坊匪 杜夏氏 杜家 杜志 杜左氏 杜山 杜文 杜生 杜清 杜源 杜王 杜張

死夫 張王氏 蕭匪 過妻 被民 講罵 賊一 殺年 陳左氏 女山 陳文 彬妻 沒夫 死源 王張

氏 三里店王保石橋下同 死三年 胡張氏 母古 謝城 其胡 志玉 璞妻 死夫 沒李 張氏

張學繼女 殉夫 李張 呂氏 賣黃 於院 某姓 入剛 門女 大張 罵不 舉絕 妻被 夫某 故守 李張 氏

官訊 連川 撰表 立文 薛李 氏 族河 欲村 擊農 其人 志薛 氏 不銀 從妻 屢極 骨貧 道大 一銀 日沒 氏 僅 捶 死 人 報 強

近哀 緝之 遠黃 伍氏 夫茂 故桐 哀姊 痛黃 督家 以院 身黃 玉喪 森葬 舉年 泣二 陳十 於于 姑歸 前逾 請年 擇生 夫一 兄子

振子 錫綬 請為 旌表 坊夜 翻服 曰樂 節自 烈盡 風輪 高林 丁謝 陳氏 其城 子內 耀謝 東俊 夜聊 出妻 氏民 持國 燭十 往六 尋年

死遺 遇強 于廷 從繼 焚其 身之 傷謹 黃氏 夫某 時謀 氏某 年赤 二貧 十遊 三債 有逃 去三 子數 無年 立無 鐵耗 地成 氏傳 勤已

教紡 子績 成針 立帶 皆以 能養 力終 畏其 身胡 氏 斤夫 某嗜 去賭 以無 賭賴 氏家 泣產 與蕩 夫然 絕氏 勤勤 子紡 往積 依有 母棉 家數

往自 瘞食 之其 力布 卒流 落食 終以 死身 氏開 沈胡 氏 遇沈 西本 罵修 之母 而咸 死豐 初 徐周 氏 女周 徐天 章

匪成 去妻 尸同 浮出 六年 天被 氣匪 正擄 投身 河變 死金 齋氏 月游 西七 日金 匪良 昭正 游妻 河民 擄十 氏九 罵年 不四

身絕 皆口 槍被 刀擊 傷死 無事 完後 膚見 氏楊 聶氏 日聶 西宜 楊關 廷氏 妻聞 國蘭 廷二 遭年 亂八 服月 毒十 身五

死一 時年 二周 陳氏 日游 土河 匪陳 陷世 游錫 河女 白家 西宜 楊關 廷氏 妻聞 國蘭 廷二 遭年 亂八 服月 毒十 身五

擊出 一時 歲年 二周 陳氏 日游 土河 匪陳 陷世 游錫 河女 白家 西宜 楊關 廷氏 妻聞 國蘭 廷二 遭年 亂八 服月 毒十 身五

朱氏 賢湖 北應 夫死 乞人 逐以 身女 殉成 豐家 初需 防為 阻馮 而氏 止婢 家馮 貧獻 茹勸 藥納 無為 異妻 志佐 大理 婦家 禮政 遇有 馮

注之 然俯 曰首 妾忍 固受 乞已 人又 女逐 必之 乃依 容族 仍人 行居 乞儲 而工 己以 欲給 他大 適婦 不仍 可時 得浚 也逼 言其 己改 出節 利氏

人物志三之一列女

刀鄉人敬之自喻張氏志鄰河人村曹附生張非輝女新入寺講行強樂森氏呼青年守  
矢去案禮實將曹禿子長拘訴明死投於獄死甲丁周氏叔出山繼店室周年世昌女十六歲山千丁  
長報案禮實將曹禿子長拘訴明死投於獄死甲丁周氏叔出山繼店室周年世昌女十六歲山千丁  
歸年除氏服毒死月

貞女咸豐時則有丁元章女貧城內字人因光緒時則有郭元善女不城內人志  
張玉麟翠麟教揚州以奉張嶼其山當女時受業其女生所適非門人皆死不盛傳品

清依商城傳漢申以卿守女終死王老姑清江教父王命恩從至感陳都宅以陳玉亭代織  
以禮之教養子孫側稱死老姑歲沒時配陳宅之吳守典養母佩恩死之陳宅以陳玉亭代織

二人立碑路旁秦敬堂女文勤氏賦力德靈明敏之志女適內人四大街十人優歲卒貞靜  
烈女則有楊有姑與僕女翠琴傳有陳烈女銅附川開陳夫志訃豪自女壺字蕭杜巧姑風杜

所深女陷恐中為死人魏仔文女七胡為店匪人所切不辱二罵年害十易佩琪女家易  
七遇人擢匪投二水十年十李氏女鮮其店面李恕二忠女八曲月嫻十貞靜日年二狼十匪破人

吳家死店查氏女十衛東村國惠二第十臘月一初保六日五遇甲查承鳳大罵年二吳氏  
日法匪陷女吳民家二八年八月身死五李氏李樹忠匪女吳國二家八井死十金姑河清

遇村劉家入村馬金上仙羅峯下姑罵母不年絕十九履特履同羅治三愈年卒月殺六日曹十一姑山羅  
朱堂店曹二子謨三之次八女年在二境一左家字信嚴石為生之孫隨劫不辱罵亂賊信

陽於店曹二子謨三之次八女年在二境一左家字信嚴石為生之孫隨劫不辱罵亂賊信  
解遭死肢邱少費女二名十文夜匪劫女河家被擄老罵灣不絕口至姓馬家大二塘十四坡年七死月

解遭死肢邱少費女二名十文夜匪劫女河家被擄老罵灣不絕口至姓馬家大二塘十四坡年七死月

孝婦於明嘉靖時則有韓氏安氏均詳明史於清則有陳王氏知縣平昌汝

割陳志勤妻董陳氏重錫人陳元配川割女孫知縣盧孫氏妻孫珠女附久生病盧惡向樹榮

表不厭坊旌蘇黃氏妻太割子股城癩蘇親五仁陳周氏割五股里店陳宜善統策旌室甘張氏張舉培人

其中女孫割甘家沖親甘

孝女光緒時則有李德姑孝城內母增生非命仰洪女死性純陳六姐五里店慶善化

榮之性孝友痛父沒於外有緹姜效蘭人奉養誓死一女因終其老無朱紹英業勳

坊無朱人奉養女因不父母衰胡稱姐有雷一鳴女或有振霖

賢慧於明初則有王殷氏指澤州悅之錫有妻衛康熙時則有郭楊氏湖北生

楊郭芳女歲有訓乾隆時則有嚴萬氏關嚴子侯妻有平昌咸同時則有周郭

氏郭年玉田百零四歲光緒生旌表有緹郭許氏室城內葆祖士母有鑑庚繼陳呂氏

息店縣知縣呂福妻有傳五劉王氏劉士賢妻有古城馬汪氏城陸馬生清潔妻有傳古張

明氏南新街店母有傳萬傳甘周氏甘知縣守典女孫陳李氏城陸馬生清潔妻有傳古張

路氏妻生家金階檢放教子玉有階方妹子城附內生王獻綸放齊尹氏妻待洛賓子有齊風蘇余

氏余文煥女蘇允姚唐氏唐煥卓女宜賢坊承德伍朱氏馮清河村朱聲義

文妻勉勵十他媳于歸子翁人姑以孝義方翁令姑各自樹勞特獎給歌田頌頌之四石伍陳氏

藉以勉勵十他媳于歸子翁人姑以孝義方翁令姑各自樹勞特獎給歌田頌頌之四石伍陳氏

時成河為伍人任洗瀾烹調赤貧博儲貨鄰告張姓以難事勤紡直續其而與之

重修言場孫志卷十七 人物志三之一列女

名	才女則有陳呂蘅妝	明教相	三平昌	詳詳	插喝	柴陳氏	捐曹	義婦則有李孫氏	義女則有明崇禎時之李姓婢	心日	之姪	一六	習女	鄭大	之絕
張韻菊	女舉以詩張名樹滋	數相	空並	以少	幾問	氏	產入	則有	女則有	慈至	及男	卒十	終陳	婦義	民處
女舉	以詩張名樹滋	內義	關陳	功從	死抱	德歲	祠女	李孫氏	明崇禎時之李姓婢	善翁	時者	薛尹氏	日善	女事	國親
女舉	以詩張名樹滋	外義	一三	固軍	匪者	六賈	南新	李孫氏	明崇禎時之李姓婢	業喪	擇已	游蒙	作妻	化翁	九族
女舉	以詩張名樹滋	兒義	渡聘	原十	奪誰	妻陳	學子	李孫氏	明崇禎時之李姓婢	氏葬	相出	學修	勞孝	之姑	年中
女舉	以詩張名樹滋	童義	船妻	提餘	抱母	捐蔭	店附	李孫氏	明崇禎時之李姓婢	力兒	當平	苦姑	苦姑	以幸	肅而
女舉	以詩張名樹滋	皆並	教性	督年	中曰	建林	盧生	李孫氏	明崇禎時之李姓婢	子女	配時	過敬	過敬	享而	和
女舉	以詩張名樹滋	乘倡	子慈	迎無	吾孫	祠女	金向	李孫氏	明崇禎時之李姓婢	贊及	偶相	於夫	於夫	壽和	老
女舉	以詩張名樹滋	氏設	有善	息音	合孫	學柴	煥妻	李孫氏	明崇禎時之李姓婢	助姪	資夫	寔有	寔有	八老	幼
女舉	以詩張名樹滋	遺一	方多	不赴	匪疑	虛母	榮張	李孫氏	明崇禎時之李姓婢	楓男	遺敬	室賢	室賢	十幼	七皆
女舉	以詩張名樹滋	初訓	耕義	去呂	去匪	息母	羅氏	李孫氏	明崇禎時之李姓婢	解女	之教	方長	方長	七皆	敬
女舉	以詩張名樹滋	云小	讀行	疑氏	疑之	縣初	橋南	李孫氏	明崇禎時之李姓婢	養婚	不子	代幼	代幼	蘇	嚴
女舉	以詩張名樹滋	各居	正苦	擁而	擁而	之縣	橋南	李孫氏	明崇禎時之李姓婢	為嫁	受嚴	子書	子書	嚴	氏
女舉	以詩張名樹滋	安淮	守再	刀刀	刀刀	乳鄂	橋南	李孫氏	明崇禎時之李姓婢	家事	酬親	職知	職知	蘇	嚴
女舉	以詩張名樹滋	其河	通達	擬哀	擬哀	母成	橋南	李孫氏	明崇禎時之李姓婢	人弟	內族	奉大	奉大	蘇	嚴
女舉	以詩張名樹滋	業濱	為尼	卒之	卒之	豐盧	橋南	李孫氏	明崇禎時之李姓婢	侶親	外中	養善	養善	蘇	嚴
女舉	以詩張名樹滋	子陳	自以	始不	始不	間圭	橋南	李孫氏	明崇禎時之李姓婢	鄉里	尊卑	服年	服年	蘇	嚴
女舉	以詩張名樹滋	孫家	為全	言善	言善	抱之	橋南	李孫氏	明崇禎時之李姓婢	稱以	寒寒	勞二	勞二	蘇	嚴
女舉	以詩張名樹滋	八樓	尼其	被善	被善	初五	橋南	李孫氏	明崇禎時之李姓婢	賈為	寒寒	末十	末十	蘇	嚴
女舉	以詩張名樹滋	十房	其終	初五	初五	他里	橋南	李孫氏	明崇禎時之李姓婢	年勞	寒寒	宵歸	宵歸	蘇	嚴
女舉	以詩張名樹滋	二捐	後身	他里	他里	適店	橋南	李孫氏	明崇禎時之李姓婢	五繼	寒寒	稍繼	稍繼	蘇	嚴
女舉	以詩張名樹滋	人贊	正三	適店	適店	被附	橋南	李孫氏	明崇禎時之李姓婢	十達	寒寒	懈達	懈達	蘇	嚴
女舉	以詩張名樹滋	五建	陳左	被附	被附	罪生	橋南	李孫氏	明崇禎時之李姓婢	八晚	寒寒	弟繼	弟繼	蘇	嚴
女舉	以詩張名樹滋	世木	氏	罪生	罪生	房陳	橋南	李孫氏	明崇禎時之李姓婢	辛年	寒寒	婦達	婦達	蘇	嚴
女舉	以詩張名樹滋	同橋	正驗	房陳	房陳	匪房	橋南	李孫氏	明崇禎時之李姓婢	專	寒寒	達終	達終	蘇	嚴
女舉	以詩張名樹滋	堂七	正驗	匪房	匪房	正驗	橋南	李孫氏	明崇禎時之李姓婢	一	寒寒	年時	年時	蘇	嚴
女舉	以詩張名樹滋	孫十	正驗	匪房	匪房	正驗	橋南	李孫氏	明崇禎時之李姓婢		寒寒	年時	年時	蘇	嚴

魯壽而女後壽有除壽已志入其列壽傳而者德不可計外也專立行善壽一從錄有焉德則有郭潘氏妻郭年田

八歲十郭周氏八郭燦三斗歲妻年李何氏母外九郎十李一歲固郭徐氏八郭新八命妻年郭

何氏八郭瑞八虹妻年郭翟氏九郭毅一歲年劉周氏九劉十金八階母年李劉氏妻李年正八陸

十二嚴胡氏年中宦嚴積庶室嚴吳氏植吳可年減八女嚴四家嚴嚴郭鄒氏妻郭年維九車

十四郭王氏年郭以十度妻郭王氏八郭雲二熊妻年郭楊氏八郭十一鯢妻年郝張氏

九郭大獸妻年郝柴氏九郝榮一林妻年周王氏年周立官繼室郭王氏年郭八合十興二妻

歲郭余氏八郭泰三繼室年張涂氏母年光九前光後祖李周氏李周氏利既庚旂妻女舉戶部人郭

九信母年董蔡氏九蕭十漢三勳妻年嚴劉氏八嚴十瑞四麟妻年馬白氏九馬十學六易歲母年郭

熊氏八郭向一文妻年郭余氏八郭喬三妻年郭歐陽氏八郭溥九妻年郭陶氏年郭八信十妻

五郭張氏八郭健六妻年黃胡氏年柳林黃三妻周何氏八周十世八歲妻年孫劉氏年郭八信十妻

慶妻現年郭嚴氏八郭仲四妻年郭翟氏八郭傑四妻年郭張氏八郭十世八歲妻年郭張氏

郭昭一妻年郭吳氏八郭朝迎妻年郭鄭氏八郭世一廉妻年郭翟氏八郭十世八歲妻年郭張氏

郭王氏八郭世勳妻年劉許氏八劉忠妻年寶梁氏九寶一考妻年陳程氏年郭王氏

元鼎室年陳王氏年陳重華妻郭李氏八郭十世三妻年郭馮氏八郭十世相妻年郭王氏

八十林妻年郭席氏八郭榜七妻年嚴朱氏佐嚴家販朱存周三女嚴嚴鄧氏八郭全村女

嚴十家餘妻年郭杜氏九十樹歲妻年郭周氏八郭十彬歲妻年郭袁氏八郭十桂五歲妻年郭張

人物志三之一列女

郭家能繼室生之方鄭氏年方文宣妻現胡梁氏年胡八詳妻現黃胡氏

郭澤母年八十五歲王郭蘇氏年郭十歲郭蕭氏郭家

黃建吉女胡勉齋陳周氏年陳國華室郭蘇氏年郭十歲郭蕭氏郭家

妻年八十九歲郭家七忠妻年王張氏精母年九十歲郭唐氏年郭十歲郭蕭氏郭家

陳鄭氏年陳慶八妻現郭潘氏年郭八妻現郭吳氏年郭八妻現郭唐氏年郭十歲郭蕭氏郭家

周劉氏年周九妻現郭潘氏年郭八妻現郭吳氏年郭八妻現郭唐氏年郭十歲郭蕭氏郭家

郭尹郭氏立城內郭初濟度時其胎兒經庚時賢孝子俱成同懷福生人林

徐胡氏年徐八章十歲現梁孟氏年梁十歲附生梁五妻年享壽

梁楊氏年梁十歲現梁孟氏年梁十歲附生梁五妻年享壽

劉周氏年劉九妻現梁楊氏年梁十歲現梁孟氏年梁十歲附生梁五妻年享壽

方胡氏年方九妻現梁楊氏年梁十歲現梁孟氏年梁十歲附生梁五妻年享壽

陸氏年陸九妻現梁楊氏年梁十歲現梁孟氏年梁十歲附生梁五妻年享壽

彭高氏年彭九妻現梁楊氏年梁十歲現梁孟氏年梁十歲附生梁五妻年享壽

歐陽張氏年歐九妻現梁楊氏年梁十歲現梁孟氏年梁十歲附生梁五妻年享壽

孫張氏年孫九妻現梁楊氏年梁十歲現梁孟氏年梁十歲附生梁五妻年享壽

許甘氏年許九妻現梁楊氏年梁十歲現梁孟氏年梁十歲附生梁五妻年享壽

蘇黃氏年蘇九妻現梁楊氏年梁十歲現梁孟氏年梁十歲附生梁五妻年享壽

董陳氏年董九妻現梁楊氏年梁十歲現梁孟氏年梁十歲附生梁五妻年享壽

十歲董潘氏 貢城內 恩曾祖 董允 謙妻 歲 綢 禮 之 母 恩 百 工 家 芳 歲 增 殖 享 壽 九 十

四歲董梁氏 培城內 悅母 事親 夫恩 子買 檢芳 妻 儒 士 培 申 千 總 董 劉 氏 買城內 董恩

芳芳 耐子 勞培 申妻 八性 八姻 吃 易 黃 氏 七 易 家 辛 培 芝 十 三 妻 嘉 慶 易 戴 氏 兆 興 家 妻 培 生 易

二於 乾七 年乙 亥 辛 於 道 光 易 陳 氏 年 易 家 辛 培 同 兆 八 稱 為 賢 易 路 氏 相 易 家 妻 培 卒 易

氏 母 生 於 培 易 蔚 文 妻 勤 儉 持 家 廣 行 善 事 應 十 八 三 歲 為 賢 易 路 氏 相 易 家 妻 培 卒 易

壽於 八 十 二 歲 年 劉 歐 陽 氏 卒 城 內 八 十 五 歲 之 妻

陳善同曰列女志節孝志賢慧志義婦正也如未婚節婦烈女烈婦貞女義女孝婦各類其中容有違於中道者何以志曰為訓俗也女教之不修門內多話諍之聲野外有訐樂之習以視吾志之所列類為人情所難其賢不肖相去為何如矯焉而過於中較之淫邪放僻或勉焉而失之不及者究為勝之觀過知仁讀者節取焉可也





人物志三之二

列女傳

明王殷氏山東德州王汝錫之妻明建文時汝錫任大甯中衛百戶從靖難師戰死夾河氏撫其三歲孤悅以查黃遺失背負悅徒步間關數千里至南京始得優卹悅襲職改調信陽世襲衛職是爲祖嫡遷信陽之始祖氏享大年卒葬震雷鋪北山水環抱青烏家稱爲勝地今號殷婆墓云

明馬楊氏馬錄繼室馬賓母錄戍南丹前妻前子俱以瘴沒戍所其門人輩念錄老貧無子爲續娶南丹楊氏生子賓南丹古賓陽故以名之未幾錄沒賓尙幼氏辭父母棄墳墓間關萬里攜子扶旅榷歸信陽家無擔石儲矢志冰葉備歷辛苦賓卒以教誨成名河州通判邑人王祖嫡與賓友善氏沒祖嫡祭文以六難哀之見師竹堂集

明陳戴氏陳某妻戴誼女弟戴冠姑母也夫早沒無子氏擇族中賢者爲夫嗣冠爲之贊曰夫旣絕而能續其姑家欲替而能復其初有婦之範有母之模茲乃吾之姑

明義女佚其姓氏城內鎮遠坊李姓之婢名秋菊貌醜性慧勤操作善將

息嬰兒主人深愛重之崇禎十四年女年及笄適張獻忠陷城大肆屠戮戶無炊煙女抱幼主延申乘夜混出城匿灝河南岸蘆葦中晝伏夜行竄南山榛莽間數日不得食覓山菓草子嚼哺延申已左良玉率兵來賊始去事定抱延申歸則其家已無一人存者女稱貸營葬整理殘廢撫幼主如已出誓不復嫁鄰婦謂曰若爲幼主計善矣獨不自爲終身計乎女泣曰我自幼作李氏婢蒙主人恩育視同己女如此大德欲報無由今主人全家遇禍此呱呱者安忍置之且吾齒長矣倘遇人不淑恐作婦難於作婢也背德不祥棄孤不義請勿復言逮延申七歲爲延師課讀長爲授室延申夫婦深感之呼爲菊姊事以庶母禮服食同之家務胥秉承焉女年六十餘卒延申哀毀逾恆殮祭從豐葬之八家馭先塋子孫歲時祀之延申後累世書香舉人煦炳卽其裔孫也

明曹氏婢失其名明末李自成僞將軍韓華美景凌高據信陽四出劫掠馮家莊曹姓閩室逃避白馬山中遇難其家有一婢負幼主曰興自伍家寨逃出藏匿倉房堞山內採野韭飼曰興賊去方歸婢至老不嫁撫曰興至成人後婢死曰興葬之祖塋側後嗣奉祀焉

清郭楊氏湖北應山縣明忠烈公都御史漣之曾孫女附生芳女郭家馭

歲貢郭琛繼室德淳才備洞明大義母家爲勝朝忠裔聲華赫奕姻婭皆貴族郭氏儒素家風相形不免見絀氏不歸寧者三十年竭力教訓子孫後琛以司鐸歷篆州縣其子新命顯忠敦復錫命瑞虹從龍皆有聲庠序半預貢選少子六宰高捷南宮作牧湖南氏兩膺誥命外家始通往來鄉里榮之享壽八十有三歲

嚴萬氏乾隆舉人萬侯女侯與平昌關附生嚴方生死交方晚年始舉一子子鰲自以將就木慮嬰無所託欲擇良家女多才而齒長者妻之先授以家政知女長且賢商之侯侯漫諾之時子鰲三齡女年已十五矣無何方歿侯悔之而難於負約方族中惡少利子鰲稚稍稍侵蝕之侯患之偶與家人言咨嗟而莫誰何女聞之出語侯曰曩者以兒許嚴氏子父母之命不可違今子鰲雖孩提吾夫也若俟其成人而後嫁則遺產盡矣兒自度能主中饋事盍不令兒往其家保持之耶侯聞女言喜過望亟請嚴氏之賢者達此意尅期迎女歸女入門卽迎子鰲姊來同居經理出納握籌署簿鉅細靡遺婢織奴耕條理井井未數年田宅日進諸惡少知其能皆斂迹女平日看護子鰲飲食撫育如慈母少長延名師課之讀著一婢美而慧使伴讀略通書算復教以縫紉烹調及鉅

細內務逮子熬成人姊爲筮吉日行合巹禮及期親眷咸集女盛裝並飾婢偕出衆錯愕女從容曰無他余齒已長置此婢特代育子女爲廣嚴氏宗祀計耳衆大悅亟令三人交拜是日盡歡而散女念子熬門祚薄因勸之更置一妾李氏女連舉兩男婢生三男李生五男子孫蕃衍時人稱爲嚴十門爲邑望族

蔡劉氏丹谷山附生劉英哲女水口廟上冲蔡家老灣份生蔡直子曰恭妻年十九于歸閱四年曰恭沒氏哀毀絕飲食誓以死從翁姑暨父母慰勸而防護之卒乘間閉門自縊死事聞知州朱汝琳給匾旌獎南汝光道李慎修立碑舉人萬侯撰文倪雲露書丹碑在白馬橋節孝祠大門外西側

嚴余氏余家經女幼字平昌關嚴德準父母早沒依兄有裕以居家貧甚氏年十七有裕預送至德準家將擇吉合巹以德準病而緩期未幾德準沒姑憐氏命蹇諭令回母家待字氏泣曰兒以未婚而寡命也命可違乎請終於此有裕聞迎氏歸留之將相機圖再議氏曰妹嚴氏婦也留此奚爲卽日返姑見之喜極而悲與氏相向哭自是氏足不出戶朝夕勤紡績針黹以奉甘旨姑沒殮葬如禮以夫弟德滋子法孔爲嗣教

子讀入泮年八十七卒

嚴余氏平昌關嚴學正繼室于歸期年學正沒無出前室兒書麟三歲氏愛之如已出一日抱病且危醫不治家人抱置門外氏隨而撫之泣適一道人過問故與藥一丸服立甦氏喜抱歸調理兒羸尫過甚外症雖去內癥未消每發則時痛而大啼氏仿推拿法每日按兒腹而徐摩轉久之兒腹漸暖漸軟啼漸止及長兒病全愈爲之授室並延名師課讀人以爲後母之撫前子如氏者實爲僅見書麟數年入泮有四子其三並有聲庠序

鄭李氏附生碩彥女幼字鄭自新甫及笄自新沒氏聞闔門自縊父母救甦曰必欲女存詣鄭守喪則可許之衰服入門事舅姑無違禮夫弟妹皆幼氏襁褓提攜佐姑不逮舅老病委頓牀褥氏經營湯藥積數年焚香祝天願以身代舅沒姑老食指日繁附身附棺稱禮而行並婚嫁弟妹以弟子珮嗣自新祀乾隆中奉旨旌表進士郭六宰爲文表其墓

胡稱姐龍井村胡家傳女母黃氏天性純孝八歲時父亡母多病稱姐服侍湯藥奉進甘旨旦夕牀褥間未嘗少倦戚族交口稱之母長臥七年卒不起稱姐殮葬如儀弔客爲悽然起敬大祥日奠於墓稱姐哀慟過

甚不意火著衣遂焚死時嘉慶十三年三月清明日國學生饒炯爲作贊表其墓

吳王氏趙莊德化縣知縣吳正偉子大勳妻年十七生一子一女二十二

歲夫沒誓以身殉翁姑重以事親撫孤見責始節哀視事越三年翁姑卒於任所氏扶三柩回里安葬整理家政並延師教子不意子十二齡又殤氏慟甚絕食五日幾斃親鄰以竹箸撐其齒灌以稀粥始甦復百方苦勸以吳氏禋祀不可中斷遂撫堂姪士俊爲嗣鞠育教誨無異親生逮髮匪之亂避居打水瓶山寨田地荒廢生計維難而親族待以舉火者猶七家尋士俊年二十五又沒遺女孫二男孫文藻僅八月而本生女及壻亦早亡遺外孫女二氏以垂老之身遭亂離之際撫四女一孫由保抱以至成人劬勞尤甚至其周濟族鄰貧乏資以嫁娶生活者極衆家中食客日常數十人蒙其惠而教子成名者數家族人某以歲荒鬻女已署券氏聞卽贖回爲養成而資遺之卒年七十四文藻好學知禮有名於時孫曾繩繩螿螿皆能世其家云

雷孝女同光時人縣北明港什字村農夫雷一鳴女家貧親老倚兄中田力耕以爲養女年十七兄嫂相繼沒遺姪景聘三歲數口嗷嗷坐以待

斃父母日夜悲泣謀生無策女慨然曰天生女子四肢五官俱備何獨不能自立以養父母撫孤姪乎於是截髮放足誓志不嫁竭力耕作無異男子又以其餘暇從事縫紉織染居常貞潔自守雖日雜農人操作而言笑不苟人咸敬而重之始而宿債漸清閱數年積有贏餘舉家溫飽景聘稍長娶妻率其教遂以小康後父母卒女經紀喪葬畢終不復嫁年七十五卒

按雷一鳴一作雷振霖

周徐氏年十七時以夫中清病用冲喜例迎歸未合卺而中清沒氏勸其姑憇翁納妾延宗祀連舉二子一女男長孟山次銀橋時髮捻猖獗鄉無居人翁及妻妾先卒氏攜孟山弟妹南北奔竄先後六七年終免於難並爲完嫁娶家道以康孟山有子三讓爲中清後人以此光山胡季堂之嫂云

陳周氏五里店陳殿元妻幼嫻女訓事翁姑盡禮殿元家道素豐氏獨率子孫以儉樸有餘則以濟急振貧廣行善事嘗捐園地數石創辦義學以教貧家子弟享壽八十七歲卒時孫曾內外四十餘人

郭許氏固始許寬圃女年二十四歸鑑庚爲繼室性慈祥撫前室子世惠世衡及女不啻己出督二子力學皆以少年有聲庠序未幾長子世惠



卒孀婦曹氏依之爲命矜卹尤摯同治中次子世衡復卒次媳沙氏終年多病遺孤家葆十二歲氏出入鞠育未嘗言勞時鑑庚已解組歸田陶情詩酒治家課孫全由氏任之氏生一女適五里店陳嘉麟早孀氏時赴女家爲之料理家政教訓諸孤至光緒己卯丁酉孫家葆外孫善同先後並膺河南鄉試第一聯翩館閣時論榮之以爲氏之教云卒於宣統元年享壽九十三歲與鑑庚同壽

柴周氏幼從父兄讀女誡諸書識禮義年十八歸大王冲柴德科相敬如賓事翁姑處姊妹謙和恭順不妄言笑德科沒遺一女氏誓以身殉諸姊妹以翁姑衰老大宗無後相規勸氏節哀治喪撫姪立鼎爲後娶妻張氏生子志惠甫周歲而立鼎又沒張氏撫棺號泣痛不欲生氏諱以養親撫孤大義張氏率乃攸行數十年如一日光宣間姑媳先後奉旨旌表

魏葛氏五紀屯魏守鐸妻歸三年夫故矢志靡他事上撫下諸循禮義守節三十年人無間言守鐸弟守政妻易氏結褵四年夫沒子方周歲幼撫長教訖於成立娒娒孝親持家並著賢聲人以爲難

吳陶氏吳德春繼母咸豐末德春父死於匪德春亦沒氏年方少艾不以

變易節苦守五十餘年卒年八十有六德春妻雷氏子歸二載生子連奎而寡矢志靡他翁死匪亂不得屍與姑以木刻翁像葬之兵燹後薄田十數畝躬自耕作仰事俯畜積五十餘年卒七十有九連奎長娶妻生子延運而妻沒繼娶鄒氏生一女連奎病故撫延運使成立年八十與祖姑陶姑雷一時並著風烈民國初褒揚

陳張氏衛東村陳達妻年二十夫故子甫歲餘撫之成立一生敬上和下勤儉興家有宗姪士宗四歲失怙恃或覬其產謀戕之氏收養使自立奸謀不得逞鄉人重其義

陳柯姬五里店陳三省繼室年二十四三省故遺二子在襁褓前室三子一女皆幼氏以詩書針黹課其子庭戶嚴肅咸豐中避亂縣城日率子女洗麵筋以度日後子女皆成立卒年七十六三子棟華妻郭氏四子毓華妻馬氏皆青年居孀孝親教子一門三節爲時所重

李高氏武庠高學唐女歸廩生李雅林弟桂林年餘夫沒無子女屢自經以殉因家人救護而止強起任事家貧與姑同爨宿自啖粗糲而姑必特膳視姪輩如己出擇其賢者嗣夫後生平勤苦耐勞享年八十餘

蕭賴氏蕭曹店蕭鳳妻與夫姪玉珍妻閻氏皆青年居孀咸同中避匪縣

城孤苦相依並著節操事平旋里經理家政恩義無間教子玉佩尤有義方閻氏無子爲玉佩另訂妻室生子以後玉珍二氏各享壽七十餘郭陳氏羅山訓導陳丕烈女青石橋附生郭家瑜子思奎妻相敬如賓事翁姑得其歡心未幾姑與夫俱沒氏念翁翁衰老弟幼弱且身有遺腹勉起視事已生一男稍長令與夫弟同就外傳無何翁沒子忽夭殤氏不以哀毀廢節忍淚操作撫夫弟子爲嗣民國初奉令褒揚

李姚氏北城刑部郎中李根固次妾根固沒氏十九歲有遺腹數月至期舉一女氏以宗祧無望誓不欲生姑何泣諭曰是亦汝夫遺體胞血未乾而棄之何以對死者氏由是揮淚強起與長妾吳互相勸勉事姑與嫡室維謹教女以針黹賢女箴等書使知婦道長爲擇配名門冰霜之操三十年如一日光緒癸巳覃恩親族將並舉以聞吳自以守節時齒已加長不欲濫邀寵命而氏遂獨得旌表云

歐陽萬氏歐陽武衛繼室夫沒遺前室子六歲己女方周歲而翁姑衰老動作須人氏上事尊嫜生死盡禮下撫遺孤艱苦備嘗至子成立兩斷弦而兩續之婚嫁之需均從十指得來苦節堅貞聞於鄉里

董曹氏歲貢曹冠哲孫女城內恩貢董潤長子檢身妻及笄于歸甫半載

檢身沒以祖姑潘年邁姑李多病家貧無人侍奉忍死操作供甘旨其  
娣王氏歲貢王存惠女潤次子檢道妻歸未一載檢道沒遺腹生一女  
欲卽殉經重慈勸諭而止與娣同盡孝養分任家事俾伯叔檢芳檢儀  
得專心攻苦並舉明經鄉里賢之曹氏嗣子培基附生王氏女歸附生  
馮柄忠秉母教亦有賢孝聲

劉黃氏廩生黃信道女五里店劉師偉妻十八歲于歸十九生子欽文旬  
日而師偉沒欽文長娶羅士彬女越一年生子數月殤而欽文沒立嗣  
孫慎先娶王氏生一女未三年而慎先又沒祖孫姑媳三人孤苦伶仃  
相依爲命黃氏以禮法率婦而羅氏以誠敬事其姑王氏秉承家教動  
有軌則庭戶肅然人無間言黃氏年九十與羅氏皆光緒中旌表黃氏  
卒時羅氏年已七十王氏已五十居喪送葬一如孝子之事親鄉里嘖  
嘖稱述之王氏嗣子銓德畢業復且大學能興其家人以爲累世節孝  
之報

陳董氏陳允修之繼室年十九夫故子薰南不及百日家貧紡績自給教  
育有方光緒旌表薰南暨孫建中均入邑庠

闕張氏陳恕修祖母王孺人婢也貌寢而性良及笄孺人爲擇家丁闕武

配之未三年武死無出矢不二孺人命養螟蛉爲老計近冠又瘍孺人子文淵婦沒遺子女俱幼氏撫之並代理家政頗井井文淵德其賢欲納之氏泣拒曰主人器未亡人以其節也若易節又何取焉文淵益尊重之氏沒後命葬之祖塋側春秋祭掃

孫陳氏法部主事陳廷贊祖姑母孫近祖妻年十七于歸十九夫故氏時有遺腹欲卽殉姑泣勸曰孫氏一門係爾一身爾如生男汝夫祀卽不絕矣氏強遵姑命進食越四日果生男氏勤儉治家孝姑撫孤苦節五十餘年卒七十有八

楊烈女有姑松亭之堂姊字喬建謨咸豐間女隨母及婢翠琴避匪八城中途與母相失遇匪挾女及婢上馬女罵賊不輟屢墮屢挾道經指南院前水塘女與婢猛投其中賊倒戈以撓之曰亟出吾不汝害女大罵賊怒擲戈刺之女與婢輾轉入深淵死

毛呂氏毛文卓妻夫故守志四子俱幼不以家貧爲念盡力事親撫孤年九十卒

李柴氏駱駝店柴澤渠女夫李萬忠沒氏數自經未遂衆以奉養翁姑相責氏強起績紡以養年餘有無賴啖翁姑以重利迫令改嫁氏堅矢不

從遁歸澤渠家以守每逢朔望尙歸問翁姑安云

王苗氏王文清妻年二十三夫沒翁痛子臥病氏侍左右八晝夜衣不解帶翁卒家貧無養氏傭工度日得食先儘子女而已嘗不飽近鄰陳世均給地畝半使耕之氏躬自操作挑擔繼以乞討叔翁利其貧苦將強嫁之而氏誓死不移街紳曲爲保護以完其志後薄有蓄積子亦娶妻叔翁某年老無依氏不計前嫌招之同居以便就養焉

嚴李氏附生思書妻年二十七思書卒時長子錚三歲氏痛不欲生勺水不入口數日翁姑哀泣諭之始強起進食閱兩月遺腹生次子鏞氏泣曰番番在堂呱呱在室棚中者又未識父而是皆予之責也於是潔滌隨奉甘旨一如夫在時未幾翁姑及祖翁姑相繼卽世氏銜哀茹痛以一身經理喪葬如禮教二子皆讀書成人平昌關東有橋嚴氏舊建也年久漸圯氏易以石而新之行人便之名曰繼述橋同治中有司詳請旌表建坊入節孝祠武陟毛尙書樹棠爲之傳

湯董氏衛東村湯家老灣湯之謙妻生一男早夭年二十五之謙卒此時姑已前沒翁年七十兩代禮祀無託氏思翁尙康強乃私買一婢王氏跪泣翁前請納爲側室翁不得已從之果生一男命名之寬生時翁已

先卒三月氏視王氏愚頑躬自育之服藥益已乳乳之稍長俾之讀書及長授室生一子令承祧長門繼續又得三子寬事氏以母禮逮氏卒爲服三年喪建一廟名湯家小廟塑氏像其中朝夕焚奠又立石在廟前以誌功德云云

陳呂氏五里村陳兆麟妻呂故爲息縣鄧灣里大族氏母羅邑黎襄勤公女居孀不忍氏遠離相攸以兆麟贅焉氏幼嫻女訓識大義兆麟兄弟三人家故不豐既就婚僑寓外家附近王家莊每歲氏輒歸申省姑時其所闕乏而資贖焉以爲常咸豐丙申息申皆大饑姑終日仰屋愁歎氏傾奩挈歸奉姑闔家藉以無餒已而髮捻徧地家日益困氏乃迎姑就養光州之客次數年始歸迄析爨夫弟匿其腴產氏置弗較曰吾固不需此也子四人善均善初同案入泮光緒戊戌以疾歸故宅卒年七十五氏通經史工吟咏與兆麟著有家庭唱和集選入信陽詩抄數首清季堂姪善同爲之請四品封典

周郭氏柳林廩生周世緝之繼室幼有孝行十四歲時母翟氏病痢瀕殆氏中夜焚香告天請以身代隨割臂肉和藥以進母病立愈光緒五年姪孫內閣中書之全請於朝奉旨旌表孝女世緝兄弟四人伯與叔皆

早卒世緇與季弟簡齋遞掌家政逮季沒而家政集於氏之一身爾宅爾田條理井井同治初髮捻徧地人無寧宇氏率家屬竄伏林壑備經艱險賊去則嚴令諸子讀書並專館聘名師督責不少怠三子儒四子佩五子儉相繼游泮食廩餼六子儀以知縣分發新疆保候補知府加道銜儒出繼長房三夫弟亦無嗣簡齋請以儉等繼之氏不允意以簡齋亦多男爲均產業計本房不應獨享也簡齋復浼尊親再三言之始以儀承三房祧其他義行甚多里人嘗稱道之晚年患病子孫以醫藥進氏卻之曰天下安有不死之人乎久活多愁何益也臨終囑後人謹守家訓勿做佛事以民國九年卒壽一百零四歲生見四代子孫百餘人清封夫人

尹嚴氏洋河村二河販尹樂善妻夫故撫孤種地餬口咸豐間捻匪突至抱子匿蓬蒿中被搜獲跪而請曰妾兩代兩人家又極貧殺之何益匪憐而舍之遂逃避縣城並日而食者三載匪退歸編草爲廬日食藜藿子長漸自立娶婦生孫年八十二無疾終

郭翟氏青石橋郭家忠妻同治元年匪陷天心寨家忠死焉無子氏痛夫非命矢志不渝勤儉成家立賢以承夫祀卒年八十八



龐高氏龐炳林妻十九歲于歸未二年夫故遺一子文清方周歲旋忽殤氏以姑老失明忍死率娣奉養無缺理家政致富撫姪文華爲嗣獲成立光緒末旌表

潘黃氏大廟暇潘梓妻姑病危禱天割股以進姑病愈又五年姑暨夫相繼沒氏方二十五歲上有七旬衰翁下有三子俱弱孝慈兼盡日夜憂勤逮髮亂倉卒扶翁逃避致長次兩子被捕未久俱逃歸人以爲純孝之感卒年九十七五代同堂事聞旌表立石

曹戴氏爲明提學冠裔歸湖南曹驥甫三載而驥沒無子誓以身殉經祖姑及姑勸慰尙廢寢食姑爲溫語撫循食親給寢共牀氏始揮淚強起謹事翁姑翁姑沒盡哀盡禮立姪松石爲嗣同治末旌表知州宮國勳製瑤池古雪詩以獎之卒年八十

陳顧氏游河陳志唐繼室志唐沒氏年二十三無子前室遺孤中孚中萃均在垂髫氏慈以撫之嚴以教之不以爲前子也中孚等亦視氏如母不自知其爲前子也中孚生子德蔭德培與其妻謝氏相繼卒中萃又卒氏以哀痛餘生撫諸孫使有成立四十餘年孫曾繞膝門祚重興謝氏之兄知縣伯春爲碑文紀其事

陳徐氏陳鳳泰妻夫沒年二十三號哀悲毀幾不欲生以翁姑衰邁多病揮淚強起藉慰其心以婦代子翁姑對之不知有無子之痛也延師教嗣子蘭使成立同治末旌表

萬喬氏城內萬培玉妻性至孝姑病嘗割股愈之夫沒子紹章方三歲氏教之嚴卒成立有聲庠序氏卒年八十有五

曹嚴氏歲貢嚴家燮孫女當谷村曹培湘妻年十六因姑病從俗冲喜來歸姑沒未二載培湘亦卒僅一女氏撫兩夫弟培渭培漢周至不負姑託繼姑孫氏來處亦相得繼姑又生八子及翁沒同家五十餘口無人不敬氏無事不與商姑與諸娣歸甯其子女咸不願隨母往而願依氏鄉里以爲難年七十餘卒

楊余氏附生余心恆之女適黃龍寺楊世秀十月而夫沒誓以身殉翁姑泣勸曰我子死有媳在尙可相依爾再殉誰娛吾老者氏卽勉進飲食以安親心朝夕奉養無微不至時有疾輒不令親知猶強盡婦職數十年人無間言嗣子繼恩事氏亦以孝聞光緒六年御史丁振鐸蔣壽山奏請旌其門

汪魯氏古城汪永樂妻夫沒子傳濟六歲家赤貧賃屋半間紡績採薪以

給饗殯傳濟稍長教子讀書宵無油燃麻稈以續之傳濟中光緒甲午鄉榜

陳郭氏城內進士郭鑑庚女五里店翰林陳夢蘭四子通判嘉麟妻幼稟家教有賢聲及于歸從侍其翁荊州任所儉樸率舊服無絲織品晨夕饋饌仍躬親之未嘗假手僕婢姑治家嚴氏率職唯謹無幾微愠詞忤容與諸娣姒相處如姊妹所生子女互相保抱不分畛域年二十九夫沒諸房析爨氏經理田園總核出納門戶管鑰啓閉以時親事女工按日程績嫗嫗婢織秩序井井專館延名師課諸子讀及族中子姪之聰秀者諸子稍怠學杖責不少貸入夜命諸子環坐燈前溫習舊業胞嫂曹氏堂嫂呂氏臨終以其子女相囑託均爲之教養成成人分完嫁娶姪家瑄家環貧不能娶爲之經營授室以延其祀鄰人趙姓塾師石姓被火災各贈以單棉衣百餘襲地方修築砦堤橋路各工以及振饑興學無不特捐鉅款爲一族冠家中購儲藥品隨時施舍應時食物輒以分餉戚里未嘗獨享每歲終擇族中貧乏者分別賙以錢米率以爲常子善同官京外嘗馳書申誠以負國辱家爲懼平生自處耿介雖母家物未嘗妄取尤深以人死作佛事爲自誣其先晚年遭逢世亂家被匪劫

奔避無寧日以民國十八年卒於城內享壽八十氏父與翁皆崇祀鄉賢名宦姪與子並登賢書第一聯翩館閣鄉里以爲榮而氏處之歆然子三長善澧候選縣丞三善槩廩生國會議員善同其次也卒之日孫曾二十餘人柩自城還里人道旁叩迎填街溢巷多至慟哭失聲者宣統初奉旨旌表封夫人民國八年特予褒揚頒給歐荻流慈匾額並褒詞五色褒章

劉倪氏東雙河劉贊祥妻年二十贊祥沒遺四子一女並四童媳家徒四壁諸孤嗷嗷族人屢欲奪其志誓死不可居常不舉火晨起命兒婦拾薪掇野菜已則赴族鄰傭工迨晚歸持所得殘剩羹飯攪合野菜火化作粥平分子女媳等九口食之氏持杖監視戒勿爭儘粥不儘量一日一餐飽否不問也食訖命各就寢已則紡紗過夜午爲衣履資如是十餘年兒輩漸次成人春夏教以耕種秋冬挑販柴炭媳女等盡力紡績無間晝夜晚年漸置田產家道小康自奉極薄而濟人從豐兒輩循循禮法儼然大家矣咸同中其長孫蔭棠以郡首入邑庠孫曾蕃衍氏壽七十九光緒七年卒

陳張氏平昌關張志誠女年十七歸作新三年生子玉瑞甫四月作新沒

氏守節撫孤爲娶張廷瑞之女越三年玉瑞復沒無子兩世孤孀相依爲命氏六十三歲卒抱堂姪玉潤之子樹德爲玉瑞嗣依嗣母居玉潤亦早卒其母馬氏已老矣妻余氏爲余敦緒女年僅二十五所遺祇樹德一人而爲他人後兩家苦節併爲一家樹德娶增生張守憲女卽其嗣母張氏之姪于歸五年生子本立本正皆在襁褓而樹德沒張氏姑婦乃依母家居住逮馬氏沒復迎余氏同居姑媳三人形影相弔上慈下孝里黨交稱後張氏余氏等皆享大年本立本正均勤學能自樹立子孫蕃衍民國初其族人拔貢希元爲立一門四節碑

陳李氏進士裕澤之姊十八歲歸平昌關陳敬書爲繼室事祖姑與翁姑以孝聞次年夫故誓以身殉翁姑責以立嗣大義茹哀視事無何祖姑沒姑亦患沈疴氏侍湯藥歷久不懈越三年夫弟樂書娶董氏生子志清李育爲嗣又三年樂書亦沒一門兩孀影相弔至於奉甘旨操井白奴娣爭以身任中間迭經翁姑喪一切祭葬盡哀盡禮人謂雖敬書兄弟在不是過也志清成童延師課讀師每以孤寬之李則訓誡從嚴有過不貸故志清不畏師而畏母且不畏生母而畏嗣母後每述及母訓未嘗不感激而涕也

張王氏王錫齡女歸玉洲子全功翁姑老病終年臥牀褥氏侍奉周至無間寒暑全功亦體羸多病迄翁姑卒氏哀毀骨立飾終之典獨任其勞未幾全功病彌留與之訣曰吾門祚薄既無伯叔又鮮兄弟父母停柩未葬子女失怙無依汝值青年家又貧奈何氏泣曰營葬父母有子子事也無子卽媳事也教養子女父在母之責可少分父沒母之責無旁貸也君疾果不起者妾必有以報矣全功既沒氏茹哀治喪三柩並舉家計不足力紡績針黹以資彌補爲三子聘良師使就學子鳳文鳳翥鳳舞均有成立鳳翥早卒婦余氏爲附生壽愷妹歸甫五十日而寡誓志守節次女字於舉人何南傑未成婚而南傑故女聞耗奔喪苦守終其身光緒中氏奉旨旌表副貢王熙爲之文

戴呂氏五里村戴興註之妻夫故家貧姑陳氏久病氏奉湯藥晝夜不倦教子炳榮讀書紡績以供紙筆遂光其族

楊杜氏典史杜鶴瀛女黃龍寺楊世幹妻于歸三年夫故一女甫周歲時祖姑及姑均衰邁適髮匪竄擾氏扶老挈幼逃避山谷備極困苦擬爲世幹立嗣以同祖無人十八年不決氏伸獨斷援立長例以夫三弟子慶恩承繼族論翕然氏素行儉約而處鄉里則恤貧周急雖多費無所

恠和輯族鄙事事退讓家雖素封而炊爨縫紉以及堂上甘旨皆躬親之不以諉諸家人祖姑姑相繼沒盡哀盡禮人無間言年八十卒宣統初旌表立碑翰林陳善同撰文

嚴余氏平昌關人年十七歸嚴厚準適厚準疾未成禮而遽沒氏之死靡他孝敬孀姑和睦妯娌共操井臼不辭勞瘁嗣子法孔早年游泮光緒甲午旌表年八十有六溧陽狄郁爲文紀之

孫張氏孫荷猷妻夫沒子女俱無痛不欲生既而思翁姑喪子已屬難堪脫未亡人又以身殉是重益之憂也揮淚強起謹事翁姑甘旨湯藥一親任之撫長門次門子女恩同己出六世同居一家百口尤爲鄉黨所推重云

蘇李氏附生李大文女蘇履仁妻子歸五月夫沒自念嗣祀無人舅姑垂老不忍卽殉勉力操作曲盡婦道宅心仁慈寡言笑性溫和苦守六十年合族奉以爲女法卒年八十三姪允岱嗣

張王氏武生張殿文妻夫沒年二十五遺子二立志立朝值同治初捻匪平家計諸形拮据氏事衰姑撫諸孤倍歷艱辛孀居六十年睦嫻任恤遠近稱之卒年八十二孫十曾孫九至親三十餘口

方周氏長臺關方作賢妻夫沒子五歲氏時年二十五矢志靡他咸同間地方匪亂氏攜家避至王家岡撥蔬采薪以給饗殮亂平返里披荆斬棘歷盡艱辛以積勞沒其孫子傑光緒壬寅副貢

甘周氏知縣周守典女城南孫家冲甘昂千妻氏秉心慈惠自奉儉約布衣粗食一生不御裘葛子六人孫曾林立享壽八十閨閻中之福德星也叔氏夫婦皆早逝遺一女剛逾月雇乳母撫之時氏長子生亦僅百日察知乳母撫女不得力商之夫取女與己子兩乳之於是左挈男右抱女不知者以爲皆親生也及女長適青石橋郭之馨爲妻奩資豐厚媵以良田二十四石無何女年未三十病故遺兩男一女氏關注切至歲時遣人存問饋貽多品兩男甫長令次子以敬教之讀氏不時入塾考察誠以敬毋慢忘苦兒其後兩男皆能自立每一念及外氏未嘗不潸然泣下也

蘇余氏余文煥女太子城蘇允芳妻事祖姑與姑及本生翁姑均能得其歡心長嫂董孀居性剛善怒少不如意卽生齟齬氏以其孤苦曲予彌縫下氣柔聲未嘗有忤夫沒後紀剛家政條理井井睦嫺任卹遠近交稱子振儒振鏞皆秉母教能世其家孫曾二十餘人多知名



郭袁氏青石橋郭家彥妻秉性端肅孝事翁姑有賢聲教子尤有義方家彥早卒子四之翰之全之琦之馨並出仕各省之全尤負時望在廉州府治績卓著另有傳其他均能自樹立粟氏教也之琦赴璧山縣任歸里省親襲出黃金置氏前氏曰此何爲哉曰特以爲母壽耳氏曰黃金寶也非我所愛我只愛汝二哥在廉州不要百姓一文錢速速取去毋我溷也其教子之嚴如此咸同中氏攜子女避匪大王冲和靖寨忽山頂崩下一巨石洞穿住室後牆飛越氏臥榻而出老幼俱無恙人以爲神佑年七十七歲

柴郭氏郭萃翹女之全胞妹大王冲柴立勳妻年十八夫病用俗例冲喜于歸數月夫沒氏誓以身殉家人防之嚴姑袁氏諭之曰事夫如事君非徒一死寒責當代事父母立嗣承祀氏唯唯自此矢志柏舟飲酸茹苦數十年如一日姑沒慟哭暈幾絕立姪志傑愛若己出然察其行動恐難保先業乃提出船心畷田稞十九石五斗倡修柴氏先祠又捐貲踵修青石橋碑基樓石橋並捐積穀五石年七十二卒沒未三年遺產爲嗣子敗盡人以此服氏之先見光緒末旌表立碑城南七里棚工部侍郎張仁黼撰文中書劉子榮書丹

盧孫氏南新店附生向榮妻性純孝祖姑何氏患癱疾雙目俱瞽右臂生疽不能執筆氏親翁姑侍疾勤勞請代服御每餐執筆進祖姑食朝夕洗瘡敷藥更換衣服無間晝夜浣濯惡穢令寢席清潔祖姑幾忘其苦凡翁姑欲盡心於其母者氏輒先事而爲之不以勞翁姑亦不俟翁姑之命也如是者十有一年祖姑卒後二年亦病卒

王周氏幼讀詩書明大義歸王雲錦長子錫恩錫恩病痢翁姑頗以爲憂氏以命自安不聞詬誶聲甫一載夫攬重疾氏躬侍湯藥禱天願以身代竟不起氏念翁姑在堂上有重慈夫弟皆幼稚忍死持家勤勞治事承堂上歡維謹已祖姑及翁姑相繼沒氏治喪盡禮夫二弟鴻恩妻吳氏生子根以產厄卒氏撫根爲子未冠又殤繼立鴻恩次子德厚爲嗣家難迭經舊業不墜有爲男子所不能爲者夫弟拔貢錫彤爲之請旌蘇郝氏蘇家樓蘇裕喜妻于歸舉子女各一俱殤而裕喜沒祖翁年七十翁姑存家僅糊口又無兄弟氏揮淚強起持家養親歲值薦饑或竟日己不食而堂上甘旨未嘗缺乏祖翁翁姑相繼沒喪葬以禮近支無嗣可立撫夫堂姪女以終

應張氏阜陽村應國學妻農家女明大義夫沒無子矢志守節家境艱苦

而勤儉自勵遇夫弟國春國源恩義並至一切家政春等奉命唯謹至不呼爲嫂而爲姊云

陳余氏母子河董家灣陳開陽妻開陽沒氏青年守志之死靡忒家貧無以自存族人部郎開業偉其節行時周卹之氏紡績度日撫嗣子成立舉人余履齊爲泐碑紀其事

李何氏部郎何傳中之女福建永春州知州李樹敏次子廩生聯璜妻年及笄于歸琴瑟綦篤未幾聯璜以應試沒於旅次氏慟不欲生姑力勸之得不死逾三月生遺腹子達氏上事翁姑下撫兩孤艱苦卓絕長子畢業國立大學任自由縣縣長達留美畢業任河南農工銀行行長

姬傅氏平昌增生傅蘭芳女適姬毓英數年毓英故翁姑相繼沒子二皆在襁褓家極貧氏不以艱難易節勤劬撫孤日常一饔數十年未嘗言苦長子既娶旋沒其媳倪氏亦矢志不移氏之教也

胡林氏胡曰祿妻曰祿沒家四壁立紡績自給子玉冰在襁褓氏撫之成立有聲庠序咸豐末土匪蜂起玉冰創建淮同寨保障一方皆氏教也晚年孫曾繞膝人以爲貞節之報

謝氏城內萬椿婢女椿沒妻劉氏生遺腹子清選未半年亦卒劉氏之弟

以遺嬰孤弱無託哭拜於謝前請其撫孤謝念主人舊恩慨然應允遂對棺自矢撫清選至成立終身不他適殆巾幗中之程嬰也

今附生紹

孫

胡張氏古城胡璞妻素明大義于歸半載璞沒以家貧親老不忍卽殉揮淚強起勉操井臼上事重幃下撫子女族人交稱其賢母氏不諒陰受富室聘婚有日矣將詐爲病誑女歸甯以諾其事氏潛聞晝夜號泣勺漿不入口多人勸慰莫能解卒仰藥死

沈戴氏同光時清河村沈樹棠妻年十九夫故數旬生一子家赤貧力織以養嘗坐機上乳兒因自食不足乳少兒呱呱不止氏墮淚梭絛爲溼終教子成立

余胡氏年二十適羊山村余克峻長子心鏡事祖姑翁姑誠敬交至心鏡沒氏痛失所天誓以身殉殮後閉戶引刃自刎未殊血湧倒地媼母越窗赴救逾時始甦姑白氏日夜與同眠起防護之氏伺姑睡又自經爲姑所覺急解其縊已氣息奄奄因諭之曰爾從吾兒地下固佳但餘生旄倪將誰屬也況爾夫尙未立嗣其爲若敖氏之餒矣氏怵於嚴命勉營喪葬盡力孝養未幾祖姑姑相繼沒夫弟心浩心敏均在孩提氏辛

勤教養恩義兼至旋心浩生子文品抱以爲心鏡後教以成人道光中族人爲請旌表

胡劉氏勲業坊劉顯相女附生胡煥然少子守典妻子歸兩年守典沒氏痛不欲生姑慰之曰余方以媳賢孝藉慰遲暮媳死適速吾死耳氏忍痛理喪葬事姑尤謹夫兄等議分葬氏得薄田八石姑歸五門輪供膳養氏曰妾所以偷生者爲姑在也願獨力奉養倚姑守志自是針黹度日紡績奉親每餐必親手調羹所以致養者務盡其力之所得致三十年如一日其姑樂之嘗自歎生子雖多不如一媳姑八十六壽終氏家氏哀毀逾恆殮葬從豐鄉里稱爲有禮

馬汪氏廩生汪永滋女古城馬清潔妻樂善好施惠及鄉里光緒三年歲大旱襄邨饑民流入邑境氏賣妝奩助振施全活無算民國十一年卒年八十四子純讓附生孫紹光紹先留學日本子孫蕃衍

張明氏南新店張萬鵬妻有才略佐夫興家待人有恩禮年八十三親見七代五世同堂

胡樊氏城內胡維選妻年二十一于歸舉二子一女維選疾侍奉湯藥衣不解帶者累月午夜焚香願以身代無何夫故慟絕者再姑諭曰有老

稚在豈殉夫時也氏始忍痛營喪事姑撫孤乃二子相繼殤氏肝腸寸斷以衰姑在堂未便悲形於色一入房幃淚盈簾枕逮姑沒伯仲皆窘氏獨任葬費經營料理和親睦鄰均稱其賢民國初褒揚勒石

郭袁氏青石橋郭之藩妻十八歲于歸二十七夫故矢志撫孤事祖姑極孝先是翁故遺債纍纍後夫故又以乏用舉債子傳義好客疏財三十而沒虧負益多均經氏勤儉持家爲之清償子遺兩孫長五歲次三歲皆由氏教養成成人興多年傾覆之家延兩世垂絕之緒有爲英烈丈夫所不能爲者同治三年髮捻破天心寨氏先避居其間昏夜奔走失足墮山厓中得一平地旁有石洞踣於內絕食七日垂斃矣突來一嫗攜竹筐內貯糯米掬以食氏頓飽得生經家人蹤至始得歸光緒末親族上其事蒙旌表

胡李氏柳林胡清春妻生子三女一夫故家赤貧翁姑衰老氏竭一身之力晝則耕作夜則紡績日僅一餐而事翁姑餽粥必飽同治初元匪焚其居衣服俱燼氏構茅棚一間四周圍以柴藉蔽風雨假鄰人織機一具每日夜出布一疋荒地十數畝督率兒輩墾種博其餘利以資事蓄間日必供翁姑羹湯終其身無忤容少有餘蓄則造房屋購器具未幾

三子皆能自立先後娶婦家業蒸蒸日上氏年至九十餘

趙劉氏南關聚商坊趙金祥妻年二十三金祥故力作奉姑晝則爲人洗衣夜則針黹得錢以供菽水已則別食糠粃不令姑見光緒初旌表卒葬大拱橋東北有碑

陳魏氏洋河陳家畷陳積功妻夫亡有遺腹五月族人咸來爭繼氏與姑以大義拒之未幾舉一子傳言族人將謀害之乃抱匿外家及長娶婦得四孫未十年子亡又二年姑亡喪葬如禮人無間言年七十八一日呼媳與諸孫至牀前曰吾去矣爾等好好居家爲先人增光言畢氣絕某氏當谷村馬家冲萬順之母也家赤貧夫沒時順尙懷抱姑曹氏年近八旬夫彌留時與之訣曰我在尙可營生活我死爾一年少婦人何能爲可別適得身金以葬我餘以養我母與子我雖死無憾氏泣聽不語及夫卒姑述訣語氏揮淚嚴詞拒之戚鄰感其義賻助之完喪葬氏夜則紡績日抱子行乞間或爲人傭針有所得輒市甘旨以供姑而自食粗糲姑以天年終順亦有成立氏性端靜深穩不妄與人言笑冰霜之操孝謹之行實爲近今所僅見云

涂曹氏長臺涂文林次子道彥妻于歸生二女而道彥沒夫兄道章亦僅

一子族人覲其家資糾親族共議謀有以嗣道彥者氏宣言曰是不可以他求也因再爲道章定婚使兼祧兩門羣情翕然異議以寢

崔汪氏名鳳蓮皖太平籍從其父錦堂遷申故與同里崔思敬有婚約而未納聘同治初崔父以避亂攜思敬來依錦堂所學商未一年思敬殞崔父商於錦堂請迎媳婦錦堂以問女女曰夫死何歸其母曰兒從而翁歸耳女曰翁無家兒歸何依翁之欲兒歸蓋將以奪兒志也兒與崔郎名既定義無可移願留母所爲崔郎守母曰是余與汝父之志也鳳蓮由是居母所屏絕鉛華夙夜爲母分任內政奉侍晨昏率先諸弟婦年三十六卒蓋距思敬之死十有八年矣邑士大夫慕其風烈爭歌詠之

李馬氏馬步瀛女舉人柄詩姊幼字李典行翁病危姑迎氏沖喜到門而翁已死未成禮典行居喪因焚楮傷於火亦死姑勸氏歸氏曰媳既來願終事姑烏可以禮未成而二其心也以死矢守節終其身光緒中旌表

郭吳氏郭家灣郭之元妻心純良性貞靜事翁姑以孝克盡婦道和睦妯娌治家處世寬仁勤儉親里無間年至耄耋夫婦齊眉曾玄繞膝南汝



光道朱壽鏞贈五世同堂匾額之元八十二氏年八十

盧李氏以家寒適盧爲養媳年十二夫登甲病沒氏依戀其姑不肯他適姑不忍令其苦守屢議另婚女誓死不從孝事翁姑終身壽七十八光緒中卒

郭王氏附生王筱岡女青石橋郭之全三子傳懿妻年二十四于歸時翁出守廉州祖姑衰邁不能遠行留氏在家代翁姑奉侍未幾祖姑及翁姑與夫相繼沒遺一子克靖氏撫之成立娶媳伍氏長次兩房乏嗣以克靖兼祧大宗又代二房立嗣無何克靖又沒一女夭殤兩代孤孀相依爲命氏念宗祀未續先靈抱痛遂於夫墓側創建乃翁專祠立碑述功德並捐護墳田三石以垂久遠閩族翕然氏洞明大義秉心慈惠遇族間子姪無不愛若己出民國中捐修青石橋劉家河及區立小學校山脚下石橋兩座以便行旅常年購買藥材周濟貧病地方無不歌頌之

王張氏夫太福光緒中夫沒家窶族人議改嫁之氏陽許訂周月後及期酌酒祭夫從容衣飾仰藥死

劉柯氏東雙河道明子婦夫死立志守節凶徒敖大武乘夜破門入室掠

之去強奪其志氏力拒而死其父訟於官大武伏法

嚴徐氏夫家臻光緒中夫沒氏苦守多年父憐其貧勸另嫁氏誑歸省翁姑投縊死

何馬氏申陽臺何新材妻新材沒族人欲奪其志自縊死

劉王氏古城劉士賢妻咸同間士賢勞於公務貧難自養氏紡績相助家漸裕廣行慈善鄰里呼爲活佛育四子三女親見五代孫年九十二卒郭周氏青石橋郭家禮妻同治三年避匪天心寨寨破投井死

薛季氏洋河村農人薛大銀妻家貧極盡婦道未三載生一女大銀沒族人欲奪其志氏不從屢屢威脅氏一日抱女出自縊遠近哀之

張羅氏正陽羅長春女張乃舉妻家赤貧夫故其姑及夫兄欲鬻之氏剪髮自誓夫兄強迫縛置輿中行至半途氏裂縛躍下暈絕流血被面鄉鄰爲之訟於官仍斷令歸家守志氏依十指爲生活苦節終其身

李陳氏羅邑陳濟堂女年十七適知縣李紹枏子繩武姑少寡而多病終身纏綿牀褥氏侍奉湯藥終日不離左右雖親族未嘗通慶弔繩武以黨事累囚繫開封年餘氏徒跣籲救哀感行路迄繩武沒家徒四壁依十指謀生活嚴督兩孤發憤苦讀不以家貧自餒今其子詒曾裕民

均能自立世其家云

杜甘氏盧家沖杜世才妻世才家貧樵採爲生一日攀樹墜死時氏年十九無子女鄰婦謂之曰子可以去矣無夫無子生不可保節於何有氏泣曰妾翁姑老病小姑稚棄之非人夫之不終命也願厚自勉勵以修來生耳於是辛辛操作力謀生計畫則負米拾柴夜則織布紡紗翁姑依之得不凍餒而翁姑附身附棺之具致小姑贈嫁奩資無非氏十指所出也苦節卓行可泣鬼神晚年抱姪爲嗣年六十卒

伍鄒氏游河鄒霖溪女讀書識大義五歲時遇父母有疾輒終夜不眠七歲以年荒歸伍氏鴻文善事翁姑姑善怒見氏則解年二十生一子甫二月夫沒由是憂勞多病年四十猶盛夏御棉平生和順守禮自奉儉樸款客務豐嗜讀經史及古詩嘗與兒孫說歷朝掌故及聖賢持身涉世之道以勤儉及古列女嘉言懿行訓其女孫年七十九耳目聰強髮鬢猶黑以微疾終

伍陳氏馮河村貢生陳渭川女衛西村伍茂樸妻十九于歸未十年夫故一男二女氏勤儉持家增置田產稱鉅富庚子邑西奇旱氏盡捐倉儲以振饑黎又捐建王家墩陳家嘴木橋二道陳家嘴下首磚橋二座郝

家土門西石橋一座南汝光道朱壽鏞贈給樂善好施匾額晚年其子博文死於匪又撫諸孫成人壽七十五歲卒

席何氏何剛女十七歲歸席振鏗生一子甫二歲夫沒一慟暈絕鄰婦撫救之始甦忽聞其姑號天乞哀乃忍淚匍匐膝下跪而慰曰兒雖去媳卽兒也請勿自苦倘與死者相繼寡媳孤孫無依席氏禋祀斬矣姑爲之感泣自是扶老挈幼終日操作嘗磨豆腐爲業舖其餘糟以充饑子文洪苦之氏叱之曰吾聞能嚼菜根方能任大事今汝如是豈我所望哉文洪卒發奮有成漸致小康氏年九十四卒子孫蕃衍

傅李氏寶豐李與女十一歲值光緒三年大饑隨伯母逃荒至信陽適阜陽村傅家灣傅成玉爲婦得姑歡舉二男一女夫姑相繼沒氏獨力料理喪葬盡哀盡禮夫兄成謨成紀逼嫁圖產陰謀強賣已有成議氏聞之抱子夜遁輾轉至出山店就傭於周芾村家夫兄畏周勢不敢逼得完其節傭二十餘年男婚女嫁依主人以辦積傭資置田數畝子孫皆能自立氏守禮奉法至老弗弛鄉里敬仰焉

曾王氏王家岡曾雁門妻年十九于歸夫病已殆未幾卽卒夫婦未交一語氏矢志守節侍姑極孝翁姑相繼沒祭葬盡禮與夫兄弟析居後勤

儉持家經營田宅漸臻小康捐修夏家冲小溪木橋一道又修補街北石橋里人爲之立碑嗣子某

貞女秦氏湖北黃安縣秦敬堂女以經商來申元配李氏信陽人無子生女三貞女其次也讀書通大義李氏卒敬堂繼娶張氏以不睦遷之他所長女適王氏未半年亦沒敬堂泣謂女曰吾家已矣汝繼母不治生汝妹又幼吾年將就木汝能效北宮嬰兒子撫汝弱妹乎女唯唯未幾敬堂卒女迎繼母歸爲父立嗣子二相繼授室爲妹相攸適名門女席父業節衣縮食家產日豐外人咸覬覦之將利其嫁而分其室憇慮其繼母作合之事垂成矣被女偵知泣陳父命於母以死自矢勺水不入口者數日母知其志不可奪始已遂以處女終其身附生萬紹章爲作碑記以旌之

沈呂氏呂輔臣女沈家灣廩生沈啓鏞妻年十九于歸適姑疾革氏親奉湯藥晨夕無間姑卒哀毀如禮事繼姑以孝聞處娣姒姊妹間以溫婉稱待卑幼亦未嘗疾言遽色因數年不育勸少芳納妾少芳以年未三十不允尋少芳肄業京師譯學館以力學得咯血及漏症迄以不起氏哀痛欲以身殉願以遺囑不可負乃撫嗣子正銘長齋茹素靜坐斗室

不肯出寢門一步卽近族子姪輩亦未輕予一見民國八年冬一日忽  
囑正銘曰汝今已成立我將從汝父於地下我死但以布衣殮家人略  
不經意十二月十六日夜竟無疾而終

姚唐氏唐煥章女宣賢坊姚紹唐繼室生有至性孝慈寬仁事姑以誠相  
夫以敬愛前子如所生見媳輩如己女處娣姒無間言役婢媪同操作  
容止溫文面無厲色語言謹慎口無妄議其治家則克勤克儉以紡績  
鍼黹爲職事嘗謂布衣足適體蔬食實衛生以故一裘葛數十年弗易  
每餐未嘗有兼味年逾八旬視明尙堪貫鍼猶爲後輩縫紉弗輟子孫  
承其教聯鑣政學各界五世同堂百口繞膝雍雍穆穆稱大家焉氏以  
民國十五年卒享壽八十八歲五男三女十二孫曾孫二十玄孫四其  
福壽多男爲近今所僅見云

劉梁氏城內人夫喜聞其女適歐陽氏明崇禎中張獻忠破城歐陽氏一  
家遇害幼子名時方在襁褓賊投之水缸中適缸內先已有溺斃之一  
孩水淺得不死賊去梁氏往視婿家則死屍狼籍時方以手攀缸口啼  
哭梁氏遂將時救起殮葬宅中屍而撫時至成人教之讀書並爲授室  
後梁氏沒時葬之城北高廟山南麓祖塋子孫歲祀之時後裔蕃衍爲

邑名族

馮韓氏清河村土門韓宏學女適馮羅店馮獻策逾年獻策死於洪楊之亂生一子又殤氏誓以身殉旋念翁姑衰老而止是時家貧如洗氏器奩具並以鍼黹博工資得免凍餒平時自咽糟糠而甘旨未嘗不備翁姑沒盡哀盡禮或勸稍從儉約留餘資爲終身計氏曰吾之所以不死者爲翁姑在耳但得養生送死無憾吾事畢矣遑恤其他夫弟獻捷獻則早分居謀生無計氏時時分潤之兩弟感甚敬事之如母已而兩弟夫婦先後相繼亡均各遺子女二人尙幼氏爲之治喪事撫孤兒一切仰給於十指間兒啼則保抱提攜不遑寢處以是憂勞成疾嗣獻則子又以痘殤氏哭泣喪明年已五十餘矣然猶操作不少休卒教子女成立爲畢婚嫁光緒十九年有司以託孤寄命大節不奪請旌壽八十七而終

潘黃氏雞公新店武生黃殿甲女適大廟販潘梓如病篤割股療之夫故遺子遵法遵汝遵泗時髮匪肆擾翁年近七旬氏扶翁奔走歷盡艱險長次子被擄數載得生還人以爲孝行之報其教子課孫具有矩矱後五世同堂年近百齡神明不衰臨終猶諄諄誠勉後人享壽九十七歲

同治中旌表碑在大廟阪街北舉人曹瑞林撰文

潘周氏周淪女大廟阪附生潘遵熹繼室子歸甫生一子夫故氏守志不渝以婦道兼子職其翁姑嘗對人言有媳如此吾兒爲不沒矣家夙富氏救災卹鄰樂善好施夫族弟遵汝患痘症污穢不堪氏爲之料理醫藥婢僕所不願爲者氏爲之不厭人稱其賢同治旌表立碑大廟阪街南

張雷氏雷鳴女適仙石阪張時清數載夫故無子女家赤貧氏懷剪刀擬自殺以殉其胞兄奉母命勸止之依母家守志父以喻家灣田稞十石資之並助嗣子以種田資本氏苦節四十餘年自奉儉約救災卹鄰無或吝撫胞姪男女如己出年六十九卒嗣子爲立節孝碑於灣莊上

胡甘氏甘家選女適武生胡日清子金珠未一載夫沒一慟而絕翁姑以薑湯灌甦力勸慰之氏乃誓死守志抱夫兄子女爲嗣鞠養倍摯而教訓極嚴每值春露秋霜必攜子女祭掃夫墓哀痛失聲時家道中落債務紛繁乃晏眠早起內勤織紡外事田圃井臼躬操勞苦過於男子自奉儉約待客必豐稍有餘資儲蓄之以待不時之用翁姑喪葬子女婚嫁從容料理各得其所而貧乏之告艱老弱之乞求周之不少吝惜嘗



語人曰厚人者自厚救人者自救汝曹誌之年六十九卒含殮時顏色如生猶帶笑容

李王氏舉人王煦女適歷署南召商城縣知事李庭芳之胞弟潤芳爲妻甫五月而夫歿年方二十矢志柏舟孝事翁姑家雖富淡泊自安撫姪應曾以承夫祀全節而歿

順治志曰余以選舉既湖美申伯之遺化徵累朝之純粹矣若乃左文而右行後才而先品此尼父所深歎其難矧當濁世之末流乎然自文武憲邦而後代有其人要以氣節文章並重海內者爲人倫冠冕中原文獻於是乎在於都鑠哉澗水賢山秀色可餐後之視今猶今之視昔百爾君子可不勉旃康熙志曰語曰十步之內必有芳草十室之邑必有忠信矧以元舅陶淑之遺而謂虛無人焉已乎乃撻探數十年來哲彥何晨星耶今舉其論定於蓋棺其實崇之祀典與確信之睹記或矯矯素絲風勵百世或洋洋彩筆藻繪一時以至功在封疆節成致命者若而人皆足砥頽風而光史冊矣抑何讓於比肩接踵與唯天生才不盡後之君子擗三品之管以隨其後可矣

陳善同曰甚矣人才之難也蓋自乾隆十五年以至於今百八十餘年所得人物固僅此數毋亦年代淹而遺佚者多歟然自道咸以來運會否塞極矣而其間匹夫匹婦以忠孝節義著聞者至於連篇累牘美不勝收則國家作育之澤山川鍾毓之靈爲不可沒也生斯邦者允當力自振拔求所以續前哲範來茲不然行實不著於月且姓名不登於輶軒生則食息人間沒則草木同腐毋乃邑乘之羞乎



重修信陽縣志卷二十八藝文

藝文志

班固漢書志藝文撮錄篇籍自易尚書詩禮樂春秋論語孝經小學以及儒道陰陽法名墨縱橫雜農小說十家下逮賦詩兵天文曆譜五行著龜雜占形法數術醫經方房中神仙方技之屬所收可謂廣矣將以一代文人之製作驗其時治化之隆污固非苟焉而已後世史書及郡縣志志藝文者無不謹遵其制吾信陽乾隆志於藝文門獨詳載詩文失其旨矣今一依班志例分別經史子集各類刪其要以備篇籍其人或尙生存達而在朝窮而在野其著作講說紀述賦詠動成卷帙者則別自爲編以存故實而資將來之參考至於詩賦文詞單章片藝出於一人一事之撰詠有關當時政俗者傳誦相承未忍割棄則附設文徵內外篇以收容之要以規一邑之文化且於其人亦可爲一斑之見焉志藝文

藝文志一

經類 史類 子類 集類 附別錄



藝文志一

經類

鄉射禮直節本

明進士何景明輯佚

書疏叢抄

明進士王祖嫡撰佚

祖嫡自序曰予以編纂日事史館蚤入暮出同儕檢閱率不過數册長夏多暇輒假寐木天清邃絕無暑氣往往作遊仙之夢睡起倚玉闌俯金水徐步修廊循省默念大官之奉難消迅曜之陰可惜因憶歸極門外所嘗觀花啜茶中貴頗蓄墳典假二種則書傳會選尙書日記也其註解浩繁不能悉錄錄其訓詁名物可爲小學之助者次爲一編題曰書疏叢抄豈惟猶賢之義亦以見詞垣之臣優游閒適無時而非君恩也

四書主意

明進士張如芝撰佚

四書題要

清歲貢戴玕撰佚

唾餘易編二卷

清進士張綬佩撰

編首有蒙古博明序又綬佩自序曰唾餘編之於易也猶畫家之有寫意顧於前儒之註與疏說概不引入其故何也蓋唾餘編不於諸

家之言易者入門兼不於易入門原夫中庸性命誠明之旨而於天地山水乎求端得力是非姑不深計若己於斯道微有窺見迺復摻覽儒先傳本合不合殆不啻準諸規尺因思潔淨精微理本中正而至一揆以因貳濟行之義擇與執當必有權衡是其意趣己不相謀矣况發天人之祕冒天下之道雖一爻一卦氣象萬千更不許淺學臆測參以孔子十翼可得其大意者幸什有一二焉要其所得之一二又非盡能言喻爰撮其大要略附以解餘悉闕之昔人云畫石三面姑以爲彷彿似之而廬山真境或未嘗不存於此也若夫圖之與易相須後先河洛義文法式各具皆經之要領前人述備第以是編所主擇用則於前聖轉師揆一之意其同異微茫不能無辨雖不似中庸圖盡出唾餘創見而亦大半不合前人噫唾餘其亦妄人已然既妄成之則亦妄編次而存之雖不敢謂於經傳有所補益而管蠡微明正自不甘擲棄云爾

中庸圖二卷

清進士張綬佩撰

學庸講章

清拔貢李亦復撰

周易淺註

清附生黎孫溶撰

四書指南

清歲貢陳友蘭撰

史類

雍大記

板存四庫  
圖書館

明進士何景明撰

四庫全書提要云是編爲所作陝西總志乃其督學時開局立例召學官生徒分輯成編者訂改甫就景明以病去官僉事周宗化攝學政爲續成之始末具詳於段吳序中關中自三輔黃圖以來宋敏求程大昌所作最簡約有法景明以廣事摭採意欲突過前人而嗜博務多如歷代史贊之類概爲收入未免氾濫又文字多摹古人而失真如改沿革志曰考易藝文志曰志賁名目皆出自臆造幾於闕闕虬戶篠簞銑溪七子末派爲世所詬厲亦有由矣

神器譜

明左參王延世撰佚

樊氏族譜

明進士樊鵬撰

康海序曰陝西按察使司僉事樊子少南出其家譜一帙示余凡十三篇不遠胄以誣親不撰美以欺世蓋古人之所難也昔予嘗修先人之譜矣定例義以示空同子李獻吉氏獻吉以爲可觀後獻吉爲李氏譜則采而用之又數年予爲母氏族譜涇野子以爲直質與之



謂予獨無遠胃撰美之嫌如今少南所撰者讀之三復乃知英雄之意凡有所爲則一主於是而不計其他蓋又爲古人之所難也梅國與研岡之序道之詳矣敢敬題諸其首以爲作譜者取法焉

歐陽氏族譜抄本

歐陽獻輝續抄

歐陽氏譜唐貞觀中奉敕修宋歐陽修重修體例明備至隆興二年復有林坪譜淳熙中又有延世之沙溪譜信陽歐陽氏六一堂譜甚簡略大抵由沙溪轉抄而來其世系自明末歐陽昇始至清初三世時始漸詳

嚴氏族譜

嚴石生稿嚴家琨增輯付印

郭氏族譜

郭廷猷等修

是譜稿創於清嘉道間郭廷猷郭垂紳郭煊郭楨等至民國十三年郭之蕤之幹之玠始續纂成書付之剞劂內分祠堂譜例規則家訓繪音藝文序傳等門

柴氏族譜

柴士元撰柴上林增修柴立節續纂

讀史論略前編

清進士李裕澤撰

自序云童子十餘歲粗解文義而於古今變易之故茫乎未聞則教

者之過也正史本不易讀其簡而括者惟杜紫綸先生讀史論略最爲善本顧其書始自呂秦而皇古三代之事缺焉吳興鄭氏舊有三皇五帝三代總略可作前編但蕪蔓特甚難資誦習余欲令幼學讀杜氏論略因取鄭氏總略先增改之刪潤數過僅存其十之二三並考諸史鑑詳註原委雖不敢擬杜氏之書然童子習之亦可略知梗概矣東遷以降皆原本所無今增輯之春秋時事具載左傳學者讀之自知故此編於春秋從略而戰國則特加詳云

綱鑑摘要

清附生嚴作礪輯

子類

教嗣錄

明舉人戴誼撰佚

家庭庸言

入淡生堂叢書餘處

明進士王祖嫡撰

自序曰古今家訓諸書不下百餘種而子孫能行者十無一二然而父母之心無窮固不忍逆其不能行而默默也或以小學一書考亭之心良苦今率不講而乃別爲一說何居小學原之曲禮參之懿行家傳人誦通乎天下者也家訓諸書爲其子孫者也夫手澤而不忍御口澤而不忍觸猶然物爾出之肺腑託之筆硯諄諄焉不啻面命

使子孫良心不泯者展卷讀之有不廢書流涕感奮興起者乎雖然訓子孫者貴實不貴文貴近不貴遠尙藻績而忘悃愾探異代而略目前非所以訓子孫也訓子孫者期其必行而又酌其可行者也予家自高王父迄今雖世武弁而不敢爲不義事先昭勇生死含冤所以誨予兄弟者忠孝之外無他說也以故予自童子至茲不敢爲一不義事每欲以身所經歷及耳目覩記可法可戒者爲一編逡巡未能也茲不幸高淑人棄予先逝而予胃疾大劇懼卒爾溘先朝露無以詒子孫迺於註籍養疴藥餌之餘隨所記而筆之曰家庭庸言不敢爲高遠難行期子孫可行者也長洲張幼於寄家兒私語多載其所行善事或謂其籍是自揚非也昔趙營平振旅還所善浩星賜迎說謂宜歸功二將軍營平曰吾年老矣豈嫌伐一時以欺明主兵勢國之大事當爲後法卒死誰當復言之者余讀其傳未嘗不泫然歎忠臣謀國之遠如此夫爲國慮不憚自伐以示後爲家慮乃嫌自伐以貽後哉是非有定耳目難塗要之實不實耳以故余所行煦煦小惠亦偶及之不欲子孫忽卑近而慕高遠也漢陳咸小時父萬年召至牀下教之成睡去頭觸屏風萬年怒責咸叩頭謝曰具曉所言大

要教咸諂也嗚呼余所言雖不敢希冀古人然不敢教子孫以諂幸  
勿頭觸屏風哉

空華錄

明進士王祖嫡撰 佚

自序曰善乎莊子之言曰六合之外聖人存而不論非不論也不能  
論亦不必論也而世儒於所不能論不必論者務欲窮論而六合論  
內所有者顧以爲誣爲妄嚴斥而深闢焉何哉夫幽明死生人鬼猶  
陰陽之對待晝夜之循環也執無鬼之論是陽不必有陰晝不必有  
夜亦自詘矣若曰致力於所當爲而不惑於不可知則欽於昭昭惕  
於冥冥固相成之義也十目所視十手所指說者謂獨知之地無視  
與指敬畏之心若是之多是則然矣然可與能謹獨者道耳頑而悍  
者卽恐之以百目怖之以百手尙不知少懼與否而持吾心之視與  
指語之其不聞而大笑哉余性好異聞四五歲每聆人談鬼神事惟  
恐其詞之盡也稍長從外傳虞初諾皋諸家時時竊觀壯而遊四方  
聞見益廣然病撰是者一事而數出剿此以附彼而有所託以洩其  
憤有所藉以逞其辭又顯然爲烏有子虛者流而闢之斥之者不幾  
於癡人說夢乎不佞廬先人墓側深夜默坐有感鬼神事乃以目擊

或聞之不誣者紀之爲鑿戒取圓覺空華之語名夫空實無華病者妄執幻華雖滅空性不壞讀是錄者以幻華視之固可以真華視之亦可以幻華卽真華真華卽幻華視之亦可以本無幻華亦無真華視之亦可以實有真華實有幻華視之亦可以真華幻華非有非非有非無非非無視之亦可十目十手亦復如是

醫方金鏡

明歲貢方應時撰佚

青箱羣玉三卷

清附生王星室撰星室字營者

自序曰余山居多暇無以爲懷茅茨一楹茗香自給每手一編綠雪窗前敲寒宵之長漏夕陽影裏降暑日之炎敲有一話一言可采者悉付不律紀之殆三十餘年矣歲月浸久慮其湮墜故不復料揀詮次但以所得先後薈萃成編爲上中下三卷非敢邀著述之名聊以示王氏子孫足見宇宙廣闊無所不該俾知天地之氣候釋道之靈幻帝王之隆替人物之臧否婦子之妍媸山水之詭異以及珍寶服用鳥獸花木之類種種怪誕神奇令人駭目可以解頤亦五經之鼓吹六藝之鈐鍵學覽者之潭奧摘藻者之華苑也因其瑣瑣繁碎璣琳雜選命名青箱羣玉云康熙乙丑榴月中澣汝南王星室葛陂父

題於隱閒園之綠雪山房

徇書二十卷

清諸生黃墀撰 佚黃字珂度

近仁堂濟世良方

清諸生危恕中撰 佚

韻字同異考辨

清進士郭鑑庚撰

自序曰讀書在識字識字在審音故韻字尙焉余自去歲來高公餘卽詣文江書院與士子講論詩文老馬識途冀盡司牧之責此地文筆多可造而偏諷少誦傳率撫拾濫墨未能發明書理爰因才質之高下造就之淺深各授以文而加之批點經今年餘頗見進益每課外縣士子多有遠來者至詩筆則勝於文而音韻則別風淮南在所不免向有韻字同異考辨一刻蓋仿同異辨辨同諸本而參酌增損之版藏汝南郡南湖書院道遠攜來印本無多爰捐廉重鑄置版書院中囑兩學博典守之俾士子得指南而不迷所向惟是官如傳舍所望後任縣學諸君子將此版列入交代俾不至久而散失此則區區培植士林之心之所厚幸至外屬有來刷印者並不取版直以誌骨肉斯文一視同仁之誼因誌巔末以弁首

韻府翼

清進士郭鑑庚撰

醫方合錄

清曹淦撰 淦字步庵

保赤全書

清余殿香撰 佚

醫學合纂

清周光第撰

醫學指南

清曹宴林撰

傷寒闡微金匱要旨

清附生陳再田撰

藥性徵實論二卷

清附生王永欽撰

般若集

清僧了般撰

密音語錄十卷

京師濟寧輪  
輯入師

清眼聽和尚撰

穆堂語錄六卷

清僧穆堂撰

石翁濟禪師語錄十二卷

清僧石慧撰

集類

竹里談錄

明指揮王詔撰 殘

明王詔撰子祖嫡述曰不肖家世武弁不知詩書至先君竹里公始好文墨購求圖史甚於飲食茅屋數間種竹養鶴孜孜砻砻不殊寒士吾申文士藏書之富未之能過也每賓客盛集雅歌投壺怡怡終日酒酣慨慷議論風生滿座傾聽花月佳辰風雨清夜擁爐把酒必

呼不肖兄弟以身所經歷見聞者語之又嘗著爲談錄數十卷不減  
虞初諾皋人爭賞之不肖辱惡深重延我先考號天呼地無所逮及  
粉身碎骨不足報岡極之恩所以戀戀人世不卽殞滅者徒以竹里  
君遭人誣擠人生辛苦無不備試顏摧髮變產竭力窮明白之冤竟  
未一雪悠悠泉壤齋恨以終祖母耿七旬有四風燭未定興念及此  
五內且崩亦安能執志徇情碌碌而沒也哀痛甫定南北奔馳日理  
訟牘談錄遂散失十不存一偶於曝書之日翻得數十則悲感流涕  
字爲沾溼謹與裔弟揮淚筆之藏之家廟使後世子孫知祖考契闊  
艱難如此雖歷世久遠而展卷之餘如在膝下庶幾惕然悽然以永  
孝思於無窮云嘉靖己未秋不肖男祖嫡謹書

梅溪集

明驛丞何信撰

佚信字文實

鐵溪集

明集士高鑑撰

佚

何大復集二十八卷

清四庫全書著錄

明進士何景明撰

四庫全書提要云是集凡賦三卷詩一十六卷文九卷傳誌行狀之  
屬附錄於末王廷相康海唐龍王世貞各爲之序正嘉之間景明與  
李夢陽俱倡爲復古之學天下翕然從之文體一變然二人天分各



殊取徑稍異故集中與夢陽論詩諸書反復詰難斷然兩不相下  
平心而論摹擬踐徑二人之所短略同至夢陽雄邁之氣與景明諧  
雅之音亦各有所長正不妨離之雙美不必更分左右袒也景明於  
七言古體深崇四傑轉韻之格見所作明月篇序中王士禎論詩絕  
句有曰接迹風人明月篇何郎妙悟本從天王楊盧駱當時體莫逐  
刀圭誤後賢乃頗不以景明爲然其實七言肇自漢氏率乏長篇魏  
文帝燕歌行以後始自爲音節鮑照行路難始別成變調繼而作者  
實不多逢至永明以還蟬聯換韻宛轉抑揚規模始就故初唐以至  
長慶多從其格卽杜甫諸歌行魚龍百變不可端倪而洗兵馬高都  
護馳馬行等篇亦不廢此一體士禎所論以防浮豔塗飾之弊則可  
必以景明之論足誤後人則不免於懲羹而吹齏矣

學約三卷

江南圖書館存本

明進士何景明撰

二檀楊撫曰學何所以學夫人也約何所以約夫學也人之性一也  
稟賦有昏明焉有強弱焉是故力有大小不可強也等有高下不可  
躐也時有先後不可逆也匪學則弗變匪變則弗一弗變弗一惡乎  
人學以學之約以約之有以也又曰學之道明諸心而已矣心之道

盡諸聖賢而已矣聖賢之道求諸六經而已矣及諸子史者何譬之室焉心也者基也聖賢也者極也六經也者繩墨也子史也者垣牆也諸百玩物也缺一焉不可也明諸心以立其基盡諸聖賢以定其極求諸六經以式其繩墨博諸子史以密其垣牆備其物玩基以胚之極以趨之繩墨以理之垣牆以周之物玩以廣之是故因力以矩其化因等以昭其則因時以遜其施學也庶乎一矣於人乎何有此固大復何子約學意也噫嘻大復往矣繼其志者雲石岳子也讎其說者少岱谷子也二子之意猶夫大復也二檀楊子受而讀之若有契焉祕之所不忍也私之所不敢也遂定其篇表而傳之俾約天下之學不自知其不可也嘉靖十年歲在辛卯九月朔日識

校漢魏詩十四卷

見明史藝文志

明進士何景明撰

佚

編定王右丞詩集五卷

見明史藝文志

明進士何景明編

佚

古樂府選本

序見大復集

明進士何景明撰

孟有涯集二十卷

清四庫全書著錄

明進士孟洋撰

杜柎序曰嗚呼此孟有涯手稿也有涯名洋字望之登弘治乙丑進士歷官南京大理寺卿事詳傳誌捐館之明年我浚川王公收輯是

錄釐爲若干卷語諸棹曰孟有涯所爲文皆依稀古人後必傳吾子序之棹曰諳昔癸未八月棹以外艱山居有涯過我談藝文信宿而去其高懷貞義有如此者今特見其藁耳尙忍序之哉序曰有涯負奇氣明達不羣嘗以言譴謫走遐荒瘴癘地顛頓輻軻蓋自是探賸思苦卽屬辭純密駁駁然望古人闔闕矣讀是集者標格氣骨碩有渠夔調逸興迅罔有流易可謂博雅君子垂老不惑者也昔人謂子長史記在山川歷覽雲卿詩在遭貶嶺南後不其然歟遐哉邈乎風雅旣亡漢魏不作大歷代降沿時溺俗者薺薺然也我朝幾六世於茲自弘治以來二三君子思詣精微力變蘇黃追初唐而上之時或間有向往者顧體裁初訂力量鮮及亦有憚難悅易信今而疑古者有涯以何仲默姊丈朝夕接談貫綜罔愆遂克底名家然則乙丑之後若有涯篤信崇古者豈可多得君子謂海內人士翕然丕變綽綽休風循流溯源後世必有定論云有涯不可作矣浚川嘗發諸噫歎眞若骨肉遂梓是以不朽有涯豈非氣類相感懷舊章賢乎哉古之人有終身著述名沈無知已至死罔聞卽有聞或不再葉竟湮沒耳矣是集一傳若神劍寶鼎發諸埋設諸庭堂蔑有弗見見蔑有弗敬

者文哉有涯足以不朽矣而年而位亦何足計嘉靖乙未秋七月望  
研岡杜栴序

宦情錄

明舉人戴誼撰

伏

戴邃谷集四卷

清四庫全書著錄

明進士戴冠撰

子川述曰先君子捐舍垂二紀矣聿追遺澤痛切乃心夫先人玩心  
六籍肆力百家操觚染翰以古文自濯磨生平著述抑宏富矣未幾  
抱志飲恨中道告殂易箒之會遺孤不肖僅十有一齡耳倉皇罹變  
家務實繁稿之存者百不一二己爾及少長興念及此則撫膺是歎  
者屢矣殘編敝篋手澤猶新第莫能大撻墜緒爲憾也嘉靖己亥中  
桂林南嶠任公索稿梓之凡二卷維時速於就緒未及盡錄也丁未  
安厓張公以吉之名彥守申公暇讀之召川問曰稿其盡是矣乎川  
曰猶有一二之遺也公復問曰吾其遂成之可乎川再拜復謝公取  
川之藏者釐其次序分爲十二卷爰捐俸以梓之夫先人久湮之志  
幸不盡泯者得二公而益闡不肖數年之憾鬱而未伸者得二公而  
能釋二公其大有造於川也夫嗚呼語云百年論定先人沒未百年  
也論之定否未敢必也所遺之集後世文人與否未敢必也不肖之

心特不欲其泯泯爾君子讀之自有權衡矣乎清先緒二十年南汝光道吳重焘有重刻邃谷集序

至愚集

明進士馬錄撰佚

少南集

明進士樊鵬撰

康海序曰余在詞林讀歷代詩漢魏以降顧獨喜初唐焉其詞雖縟而其氣雄渾樸略有國風之遺響後三十年會信陽樊子少南出其詩聞其議論蓋初唐之雋者矣然體裁因時而易世道升降聲音畢從亦理之自然者少南生八百餘年之後能脫其近習聿造其奧如此非所謂豪傑之士者哉或曰唐初承六朝靡麗之風非儷弗語非工弗傳實雕蟲之末技爾子以雄渾樸略與之耶曰正以其承六朝之後而能卒然振發其氣詞或稍因其故而格則力脫其靡也或曰然則盛唐不足耶曰所謂文之以禮樂而考得其本者也少南集其所爲詩若干卷示余徵余序其首因其偶合於少南而欣愛其體裁故以是歸之學初唐而得初唐學漢魏而得漢魏學古君子使皆如少南斯可以爲我有明之盛矣乎嘉靖十五年丙申月丁亥序

韶亭集

明進士張四知撰佚

耐辱子集

明指揮王詔撰

師竹堂集三十二卷

明進士王祖嫡撰

李維楨序曰申陽王庶子胤昌先生以德行文學領袖人倫余計偕時造先生廬承顏接辭有虛往實歸之幸又六年而先生第南宮選庶吉士拜國史余忝先先生具員深有蒹葭倚玉之慚先生所爲開余甚至余不能承循則效出爲邊吏學殖日落先生掌握絲綸繪繡衣裳金匱石室之藏炳日星而挾風霜矣生平應酬詩文恆以片楮揭四壁或置方策中不復繕寫草故多逸郎君伯仲稍葺之無何仲卒復逸大半伯子旁求垂二十年得其四五付剞劂而以余爲先生布衣交委之序蓋國家稽古右文崇儒重道自師保疑丞諸大臣坐論代言隆禮典樂讎經修史造士掄才一切文事必以官翰林者任之而末學固陋爲館閣體拾宋儒腐敗之餘唾不中覆餗德靖以來反正取材煥然一新迨其流弊雕蟲刻鵠狗土龍無裨於用先生噤嘿道真涵泳聖涯所論撰出入六籍諸子二十一史其據證確其屯蓄富其鍛鍊精其見解超不模擬先輩而矩矱自合不逐趨時好而情事自暢有冠冕佩玉之度有行雲流水之致有律呂克諧之韻

有雋永不厭之味古爲大雅今爲大方卽其鄉何宗伯兄弟濟美厥祖馳驅中原莫與方駕而推遜先生不啻自口出矣讀先生家庭庸語而知其修齊之學書疏叢鈔而知其該博之功至於請復建文帝名號與景泰帝兩朝實錄則忠臣孝子人紀天常世所不敢言者文章莫大乎是他所散佚可無論況斌斌有是集乎閒嘗觀之前代與先生同姓三人仲任氏曰論說一經者儒生博覽古今者通人採掇書傳能奏記者文人精思厲辭連篇章者鴻儒節信氏曰詩賦明善醜之德洩哀樂之情故溫雅以廣文興喻以盡意非苟爲饒辨屈蹇之辭競陳誣罔無然之事以索見怪於世也仲淹氏之門人曰萬古爲兆人五常爲四國三才九疇爲公卿無所不知爲富貴無所不極爲生死先生之人與文考諸三王而不謬矣余因序集及之以俟傳先生於儒林文苑者取徵焉且寬伯子罔極之思

震川集

明進士何洛文撰

佚

彭城謬稿

明舉人岳東升撰

佚

北征草

明諸生劉鳴瑞撰

孫檝述曰余家先世爲江右梓溪劉氏由江右而弦而颯而申中更

屢遷皆以農事傳至先高祖生而穎異髫齡力學弱冠補博士弟子員讀書一目數行下又懷抱磊落謂取青紫如拾芥數入闈不售迨萬曆乙未兩子侍御公大參公同榜成進士猶壯心不已遂隸諸生中應舉子試會有封典郤弗受其時督學使者年家子也力勸而後得止之是以是縱情觴詠雖以子貴家徒壁立斗酒百篇意泊如也載傳州志所著有北征草行世至辛己罹兵燹遺編散失梨棗無存有先仲叔偶從山居書蠹中得詩若干首手錄珍之有年矣余小子追維弓冶言念前徽時恐殘編再失則往躅益溼亦後起者之責也因於宗署簿書之暇檢付劄牘俾棄葉而下一展閱間如聚高曾色笑於一堂也則斯刻亦絕續之關云康熙辛酉五世孫楫敬題於宗城官署

棲霞草堂詩

明危思謙撰

泰昌時人  
始源信陽

竹如草

明歲貢何弈家撰

華黍堂棄餘二十卷

明左參王延世撰

僅存文集卷三  
至卷五

舍亭詩草

一名叔子遺稿  
龍潭精舍抄本

明諸生王延酉撰

迴月樓集

明舉人黃文煥撰

佚



公車紀行

明舉人黃文煥撰

佚

問蛾篇

明舉人黃文煥撰

佚

閒閒語

明舉人黃文煥撰

佚

楚遊記

明舉人劉永泰撰

南征草

明舉人劉永泰撰

經史管見

明舉人劉永泰撰

劉氏存稿

明舉人劉永泰撰

詩集拾遺

龍潭精舍  
藏抄本

明諸生王星奎撰

南遊草一卷

龍潭精舍  
藏抄本

明諸生王星奎撰

黃暉序曰詩者思也心有所闕而莫宣借詩以洩之也詩者志也志之所在詩以傳之也故非有抱負者不能詩非博極羣書者不能詩非自出手眼獨抒性靈者不能詩奇情幽響要從骨縫中尋出三百篇真種子方許擷芳鮑庾入殼鍾譚難與一二俗儒道也王君半霞宮庶師竹公之孫大參喬峯公之子也英絕領袖執牛耳於詞壇蓋有年矣半霞生而儻朗高邁倜儻多大略兼聽博覽詞旨弈弈動人諸凡星象術數琴棋技藝之屬無不精妙且復博通內典十餘歲便

持守釋戒識者知爲金粟後身也乘風擊楫自謂唾手得之顧遭家  
不造兵燹頻仍懷才莫售牢騷不平之氣鬱而爲龍爲蛇爲鬼爲仙  
爲嘻笑爲怒罵爲風晨月夕爲花鳥禽魚爲交遊譜爲山水緣爲香  
奩私昵爲蒲團棒喝皆於詩乎發之鮮霞濯林澄輝傾岫高者將近  
龍標下亦不減盧次樞袁中郎諸人聲價少有向平之志兒女情牽  
不果乃束裝南遊下潯陽弔司馬青衫涉金山賀蘄王鴻業歷金陵  
過鳳凰臺登三山訪玄暉勝遊順流而下摻佚編於苟况叩慧業於  
支公玉牀醉倚憐無力之館娃東海垂綸羨客星之加腹賦華亭鶴  
唳采江畔蓴羹讀延陵十字碑坐臥三日君先人山陰道上重復應  
接懸崖曲澗凡謝公履齒所不到穆王八駿所未徧者莫不窮幽探  
隱模畫品題彙成一帙名曰南遊草雖不必天台忘返以爲泉石膏  
肓卽其臨巖嘯傲目送歸鴻誦左太冲招隱詩何必絲與竹山水有  
清音此時雖五鼎在前黃金肘後終不欲以彼而易此時康熙丁未  
花朝慙庵黃埤珂度氏頓首書於岫複居之賁塾堂

強裁篇二卷

龍淵精舍  
藏抄本

明諸生王星室撰

孫臨述曰竹里將軍有詩名而被讒大父有詩名而被黜將子美所

云文章憎命達其信然耶然竹里將軍以詩名而遂開百年文事之基吾大父以詩名而爲之後者文事漸衰抑又何也經滄桑鼎沸之後人知百代家聲至先祖而墮而不知數代心傳至先祖而獨難是集名以強裁意若不欲以詩名者而又嘗曰汝用心讀書成名後當爲我付刊求序可也要知是借是以相勉之意特爲子孫者亦不可聽其湮沒耳

嵩遊草

清副貢戴玘撰

金灘草

清副貢戴玘撰

安成王辰序曰在昔明夷歎黍墨胎咏薇過舊都而墮涕登彼山而失聲斯皆忠貞學問人宜其情深而文至也少陵一生飄泊赤甲白鹽間與柏中丞嚴明府相周旋陸放翁讀其集至小臣議論絕老病客殊方句爲之泣下曰如九尺丈夫俛首居小屋下思一吐氣而不可得則老杜殆似夔人而家居日少矣信陽戴胎簪名家子績學能詩其祖學憲遠谷先生與何大復先生同里同時相唱和戴氏集行世已久胎簪從而繼之麟不生於豢畜鸞不穴於鷓鴣自古記之矣胎簪以著作手爲塲屋文乃其剩技而數售數屈用是遊浪紆其鬱

抑適念亭周公令余邑胎簪與之偕來彭澤問柴桑之墟潯陽覓琵琶之亭於古人三致意焉至文江金灘則曰吾先世之所出也試訊之果得與族父老子弟歡聚家攷譜牒堂懸金碧一一與其兒時聞於先人之言符及展祖墓唏噓哽咽纏綿悽愴不忍別去因併其近作名曰金灘草周公至余序而爲之梓蓋余少嘗役於詩今鬚髯皓矣流連光景之作匪但不敢啓口亦不欲寓目也胎簪至性人應有至性語則聞其言而惕然領略而欣然傳誦必名教之相得者也必氣類之相合者也不則草石之無知豕鹿之無情孰令爲之孰令聽之耶吾吉歐陽文忠公仕於朝罷政終老汝潁間其於廬陵未數過也瀧岡阡表煩鬼神護呵今胎簪於滄田變易之後烽燐滅沒之日得瞻丘隴之雲霞沐松楸之雨露其辭之入而刺乎心心而感乎人乃真可傳耳非僅以詩名也

賜策堂文集

補源稿合藏

明進士何瑞徵撰

殘

瑞徵字含譽號荆屏崇禎戊辰科榜眼順治初授禮部侍郎卷首有錢以塏鄒麗中二序雍正時子輝少刊

珂冷山房集

清諸生劉永利撰

懷新堂詩集

清歲貢劉蓀芳撰

蓀芳字航石邑貢生舊志人物有傳卷首有莊回生薛耳楊大鯤諸

序

合一詩草

龍源精舍抄本

清拔貢張宰撰

宰字合一拔貢生固始吳晉昌序曰古者以詩取士故詩人多今未嘗以詩取士而詩人乃更多是豈今人之才過於古人耶蓋古人務實而今人務名務實則能詩者爲詩不能詩者不爲詩務名則能爲詩者爲詩不能爲詩者亦爲詩於是徧天下皆詩人矣觀者將何所折衷乎余請一言以斷之曰不惟其詩惟其人其人聖賢則其詩聖賢其人英雄則其詩英雄其人神仙則其詩亦神仙總之人能重詩非詩能重人如以詩而已嚶咬啁啞過則已焉吾未見王侯將相之勝於腐草朽木也中州合一張子以光明俊偉之品與凋儻磊落之才余一把臂而知其非恆人正如呂祖謙在金山見滕元發乘小舟破巨浪巋然神聳者竊意如是之人何必作詩然如是之人亦何必不作詩及得所爲詩讀之則又清新俊逸擅庾鮑之兼長雄渾老成踞高岑之最勝才人固不可測哉余與合一道同派學同源有聯牀

接席之誼余之所期於合一者處則聖賢出則英雄歸則神仙黃石赤松庶幾且暮遇之豈徒以詩重合一哉藉曰詩能重人則合一之詩俱在

丹谷山房文集

清進士劉櫟撰

偶齋文章

清舉人王臨撰

偶齋詩草

清舉人王臨撰

四宜堂稿

清歲貢王觀撰

自序曰詩也者本乎性而發乎情也自三百以迄漢魏六朝凡皆忠臣孝子遷客勞人騷人韻士抒寫性靈而發之聲歌以自適其情也而要必寄之風雲月露花鳥禽魚山川景物蓋人之情無非憂悲愉悅觸目而動當其憂悲非風雲月露花鳥禽魚山川景物之足爲憂悲也觸於目而不覺有愁慘之色則愁慘者在我而物若從而應之也當其愉悅非風雲月露花鳥禽魚山川景物之足爲愉悅也觸於目而不覺有欣暢之形則欣暢者在我而物若因而導之也故景因情生而情隨景見此詩之所由作也聖人者情之止乎義者也故其詩醇而正大而該賢人者情之範乎矩者也故其詩約而達微而臧

衆人者情之縱乎思者也故其詩或曠達而超脫或尖刻而流逸而其景物之觸乎目者要自各有領略之不同故其詩之品格亦因之而各異余非耽詩者亦非善詩者生平強半皆爲人傭終日坐皋比口耳聒聒如野田蛙鼓了無情趣晚間賈主宵談半夕意境稍豁不爾則悶酒數杯醺醺就寢夢中尋樂境耳醒起仍前夫安得憂悲愉悅之觸於目而發於詩哉然間亦有之或孤燈永夜或月下宵涼或窮途風雨意不必深期於豁目句不必險期於爽口或託物以抒懷或緣情以寄慨惟自適其適夫亦安知情之所發爲何如而敢漫爲品格之論哉抑又有說焉氣骨者吾人之根柢也志趣者吾人之身分也乃窮愁也而爲乞憐之態抑鬱也而爲喪氣之談褒揚之句而無稱情之譽規諷之筆而傷忠厚之懷情隨事遷天真汨沒雖觸目而動寓之於風雲月露花鳥禽魚山川景物者亦適見其氣骨之凡庸而志趣之卑陋矣亦安見發乎情者之必本於性哉余竊有志焉而未之逮也今老矣無復能追琢以求進矣暇時漫集百餘首藏之私篋俟高明者裁節而去取之

傍溪茅屋遺稿

清馬峻撰

子正午述曰先君九歲而孤痛念先王父甚深事奉先王母至孝昊天明發之思終身常如一日觀自敘與哭墓諸詩可見生午最遲得兩弟尤晚故愛午獨殷而慮午更切嘗諄諄誨午曰人不可以貧窘墮其志亦不可以微倖覬其成因大書居易俟命四字於寢室使午定省之下觸目驚心及易簀時口不能言猶手指以示蓋生平所得者在此故其囑兒輩者始終不易乎此也稿中抒發不一大指總不離此四字先君一生胸襟灑落興致淋漓觸景感懷題詠甚富晚年屢次刪訂所存不及什一謂吾與兒輩留遺筆並非欲以著作鳴世者卽此寥寥數語已足以示大意吾子果能體我亦不在多言也午等泣而受之藏諸篋中歷今三十餘年每一披卷恍若趨庭神志往來彌增哀楚自甲寅己未兩弟繼喪先君之遺言獨存午一人寤寐之間雖步趨恐後終恨不能光大前人之志用是寄諸梨棗願播徽音並以繼述之事跂我後世子孫云時乾隆癸亥節屆寒食

半灰子集

龍源精舍藏抄本

清諸生王作楷撰

寶真堂年稿六卷

清進士馬正午撰



是稿合詩文雜著隨年編次爲一集曰灑東雜記曰淮澳雜記曰求是堂雜記曰入官雜記曰甲子以後續刻曰留京雜記約分六卷湘南彭廷梅敘曰書曰詩言志大序曰詩者志之所由見也由志發言爲詩蓋有志而後有言有言而後有詩人之性情不可見聞其言而知之矣故儲泳有曰性情褊隘者其詞躁寬裕者其詞平端靜者其詞雅疏曠者其詞逸雄偉者其詞莊蘊結者其詞婉夫豈有意云爾哉其志如是則其詩亦如是而已矣後之作者不求諸志而求諸詞或失則矯或失則佞或失則誕或失則鑿彼其性情既違其真矣詞華又烏足取哉解此者可與觀馬君扶陽之詩矣扶陽之詩扶陽之志也詩由志發志與道存因其自然如聞天籟素位而言肖心而止動於性情安於義理其攻苦誠不在詩而在無詩之先也故觀扶陽之詩淺之可以知扶陽之境深之即可得扶陽處境之心更深之並可悟扶陽治心之法則揄揚之說無庸復爲扶陽贅也請細讀扶陽之詩時乾隆丙寅夏月題於據經樓中

松園詩集

龍潭精舍

清諸生劉倬撰

彭廷梅序曰曲學下士羣工末技苟有一長靡不思自見於世況半

生背古錦囊嘔出血者乎然而作者應不乏人傳者卒不少概見  
我不知窮愁困鬱之中其汨沒英雄何限矣而自負者則曰藏之名  
山石室俟諸其人嗚呼藏而俟之則其人之遇與否正未可知也微  
論難遇即使竟遇其人亦猶慰死灰於重泉之下耳興言及此誰不  
謂生平得一知己可以不恨哉然自古及今每重以爲難而吾獨於  
松園劉君有厚幸焉劉君與吾友馬君扶陽並出灞東二公居同里  
事同師同時而列諸生晨夕切劘者三十餘年厥後扶陽成進士靖  
位部曹松園至今抱膝窮廬聞其年屆六旬蒼顏白髮嘯傲於風雲  
月露徜徉於疏水簾瓢若絕不知冠蓋中尙有故人者松園之於扶  
陽如此而扶陽乃益不能不心折於松園也頃者余操選都門扶陽  
每與余言及松園輒亟爲推重因其不遇又不禁太息者久之已而  
出其詩稿以示余余已拔其尤者若干首編入國雅付之剞劂矣而  
扶陽又復取其全稿而選之訂之敘之刊之若惟恐闕揚弗及也者  
吾不知扶陽何以不能自己於松園也而扶陽之告余者則曰吾惟  
不沒人善云爾嗟夫凡人朋舊中有善可稱者多矣凡人於朋舊力  
能稱善者亦不少矣而究之通則互相標榜窮則不置一辭紛紛薄

俗莫不皆然多乎哉扶陽之致絕於松園也賢乎哉松園之見重於扶陽也然則古道未亡如二公者其可風也乎其可風也乎而扶陽之告我者又曰松園一生攻苦不顯於時老而乏嗣尤爲可惜余曰是不必爲松園慮也著作可以當兒孫兒孫天也非人之所能爲也著作人也非天之所能限也故兒孫不能無續絕惟著作可以永存兒孫不能無成敗惟著作可以不朽且著作之多尤可以當兒孫之盛著作之善尤可以當兒孫之賢扶陽其以余言告松園吾不獨以是爲松園慰且於松園有厚望焉是爲序時乾隆癸亥長至之吉

象園詩草

清拔貢祝齡九撰

道庭文集

清歲貢郭塚撰

石室文稿

清舉人余作礪撰

胎簪集詩十卷賦一卷雜文一卷

清舉人劉應陞撰

陳本忠序曰信陽劉君覲宸豫之詩人也自先君子以詩古文之學著於詞館聲稱遠近四十有餘年及退休於家而授學大梁書院先後至者千人君請業焉余始識之而君未之言詩也乙酉鄉試見君場中卷余決其必售固留之不使歸比榜將發則獨與之夜飲君意

若皇皇而余飲益劇視之若無事者知君之技必售而果售也公車將北上乃出其往日之詩先君子見之曰生之詩與古深矣異日繼信陽何先生而起者必生也後余官農部而君困於公車每飲酒時邀君與當時學士大夫如朱竹君程漁門姚姬傳諸人皆以詩文重於世然君一出其詩諸君子不暇相與言卽好飲者誦君之詩皆停杯未嘗呼酒也屢困而不售余視之若有不釋於中者及其歸也年未四十而死遇不遇命也若其詩之所至方日進而未之止有古人之業而不使之終豈不重可惜哉君之卒也先君猶在豫接其遺書與藏稿願得先君之言以爲序時方束行裝將北上迫遽中未暇爲之文比至家而吾父卽世嗟乎讀觀宸之詩余何忍無言耶時乾隆三十七年五月五日

課花草堂詩鈔

清舉人周淮撰佚

仙石山房集二卷

清歲貢張六丙撰

海粟齋詩鈔二十八卷

清進士郭鑑庚撰

自序云拙作何可存也下里巴人屬和者夥人以是短之吾以是豔之樵歌牧唱自適已事耳余生卽工愁長始學步殊多變調聽不和

平劇少深思體乖溫厚廿年鑿壁摩負米之肩萬里貢金落登山之淚如商賈之數行程如塾課之有日記蟲鳴唧唧雞肋星星姑妄存之不敢丐序並無可自序不可以詩名不成之爲書也道光乙巳十月識於川南高陽官廨續集以同治甲戌終合前集通二十五卷

未信草

清進士郭鑑庚撰

望山詩鈔八卷

清舉人張培金撰

中州書目云培金字生洲道光壬午舉人以大挑選湖南麻陽知縣其落花集一卷所謂落花別花憶花後別花後憶花廣憶花是花是人皆所寄意詩宗隨園性靈之說不以餽釘爲工落花集卽本隨園生非薄命不爲花句而演之讀史云新莽好周官井田爲亂始安石好周官新法成禍水如何太平書偏誤王家子泥古鮮變通流毒遂如此所以聖賢語時之義大矣使筆如舌逼真隨園是編以年分曰初蠶集曰籜冠集曰硯農集曰囊穎集曰聽蕉集曰落花集曰褐懷集曰緝秋集培金自作小序云詩本性情風人之旨遠矣漢魏六朝樂府體製各殊題難盡解要其義關君父友朋必託諸夫婦兒女非嫫媧也三唐遂集大成兩宋各有家數類皆自寫其性情余命宮磨

蝸五十未來蓼辛荼苦靡有蔗境每所感觸輒發之聲願春鳥啼烟  
秋蟲弔月都無得意鳴今老且病略次付梓以誌勞勞

絳雪窗詞鈔

清舉人張培金撰

指月齋詩集四卷

龍源精舍

清進士陳秩五撰

周煥圻敍曰抒情賦物墨客恆蹊感事懷古詞家盛概上稽六代下  
訖三唐氣骨並峭神采均絢錘之入厚首戒輕佻味之彌永不囿浮  
靡能協是旨方許擅場嘉道以來性靈競尙妍琢一字便詡驪珠巧  
饒片言徑誇麟角夙賢體製視同弁髦前朝格律棄等對狗開元輟  
響建安何論風趨日陋雅道漸蕪每念季世誰爲作者月航先生信  
陽魁宿五車學富千佛名高牽絲關中着鞭陝右理民之暇餘事作  
詩茹徵吐商嚼瓊漱壁生大復後綽有清思較胎簪集可方佳境清  
信陽詩人以劉應陸爲最潼關函谷秦郊商州牛山祠崇雁峯雲廡  
所著胎簪集多可傳者馬遷墓下魏武臺前三水居移同官秋感瀟橋柳色生洲薤歌凡此  
諸什無慚大雅至於中秋歎歎對月尤覘妙筆清空如話託興既摯  
含毫自淒集中名作如函谷潼關秦郊曉望牛頭山杜少陵祠李太白  
白集歷姓太史公墓郡下送郭奉香移居三水瀾橋  
對秋柳感懷等篇皆傑構也秋質之嶮品揆之醜論無所愧焉可以傳矣

僕本鄙人倦游斯土緬懷曩哲追維餘韻無端根觸不盡低徊寅斗

新春卯金舊裔邀我畫閣手校遺編

今正劉子怡宜撰輯信陽明清兩朝詩人編余選訂編十餘日

就之力始

岷岡玉英豐城劍氣眼福藉飽心香遂燕先生瑤章已錄斑

管茲窺全豹益詫猶龍馨歎雖遙精神可接少陵著咏最重別裁荆

州品題未敢竊此聊書小序用附風人

醉茗山房憶昔詩一卷

清進士陳秩五撰

江開序曰爲道德仁義之言者其人必不韻爲風歌騷雅之言者其人必不莊謂其有意爲之也若吾友敦齋大令世本力田至君始讀書致通藉宜其自命軼羣矣乃狀貌語言服食閑然穆然不待洗滌而浮華刊落淨盡其生性誠樸非歷境所能移者得天厚也然有時論時事之得失人材之藏否至大不可意往往背裂髮指纖毫無顧忌人輒以翹誚之君亦不以翹自諱嗚呼彼自以爲不翹者其語言文字何去君不可以道里計也蓋世所謂莊而不韻者必不能莊者也韻而不莊者亦必不能韻者也皆有意爲之非其至者君之於詩也心無所觸強之而不能心有所觸遏之而不可其蓄於中發於外者皆是物也故詩多奇氣而是編則斂之又斂有葉落垂實之象紀

其生平事蹟卽自修之年譜也而棄世之機兆矣嗚呼君生前有所作每就余商之今往矣而哲嗣猶以是編屬審訂且索弁言亦善繼其志者乃灑淚書之覺君之聲音笑貌猶在目前其詩之莊耶韻耶兼而有之耶讀者自能辨之咸豐丁巳十月

掛月齋制藝

清進士陳秩五撰

可雲齋詩鈔

清廩生李大培撰

有未能齋詩草

清廩生曹西林撰

管瞻新集

清廩生曹壽林撰

留刪詩草

清增生曹禧林撰

湘浦遺稿

清進士陳夢蘭撰

政餘草二卷

清州同陳鑑撰

靄亭詩草

清舉人謝伯春撰

鄭玉田序云詩貴性情專言性情者滑詩貴學力專言學力者滯詩貴聲調專言聲調者假詩貴氣魄專言氣魄者空要之四者不可偏廢尤須出以自然不施斧鑿則不言性情學力而性情學力自見不言聲調氣魄而聲調氣魄自存此非醞釀功深不可多得余與靄亭



訂交八載春雲綠屋冬雪紅泥一嘯一吟斯文性命年來烽烟戍鼓  
蒿目時艱屢保危城洵稱同志奈莼鱸味美張翰思歸秣馬膏車行  
將別矣所著今古體一卷性情學力聲調氣魄無不悉備如寒窗事  
業嗤磨鐵名士生涯尙有田是何如性情簾額兩聲剛二月馬蹏塵  
蹟已三年是何如學力好風涼客夢夜兩滴春愁是何如聲調三徑  
豈知憐主易九原應悔託孤非是何如氣魄然形迹盡無渾融自得  
真有手揮五弦琴目送千里鴻之度挑燈煮茗朗讀數宵他年棗陰  
雲穠梨花兩細鴛鴦繡出仍覓金針柯竹琴琴應不獨石卿俯首嗟  
乎堅溪釣月將遂隱志於初心葵驛吟風永繫離情於去爪爰書小  
序敬佩也感別也尾附五律以當渭城世事竟如此知心得幾人烽  
烟孤客淚詩酒故園春風雪漁竿舊苔苔鶴夢新買山能踐約同作  
葛天民咸豐十一年十一月十一日

晚香詩草

清知縣嚴德芬撰

許振禕序云壤擊衝歌不關學也大風垓下非求工也詩歌之興人  
籟乎天籟乎然不根柢於風騷以爲之基不沈浸於漢魏六朝唐宋  
諸家以極其致所積不厚負大無力遽欲逞臆而出率爾操觚蟬噪

耳奚以云詩亦有琴擬氣格推敲聲調專致嚴於體裁之殊又力主乎性情之說遊覽既少閱歷未深既鮮江山之助復乏體驗之力摩壘登壇貽譏優孟賸馥殘膏豈云作者卽或才誇天性謬託風流而一登仕版埋頭案牘鞅掌風塵鳴琴罕韻而猶欲捷同蕒豆豔擬生花吟弄風月以抒寫懷抱也夏夏其難之中州嚴心香刺史績學士也余視學入關卽聞嚴君有循良聲壬申暮春按臨鳳郡心香適握邑篆一日出其晚香詩草見示初植根於正則復演肆以宏才揚風拈雅佩實銜華山川草木悉深以康濟之思雞犬桑麻俱繪入風騷之什謂心香之爲詩也可卽謂心香之爲政也亦可爰陳胸臆書於簡端質之詞人當不河漢同治壬申季夏

銅川唱和集

清知縣嚴德芬撰

誠齋文稿

清廩生張敬書撰

鐵珊筆記

清貢生張姓撰  
佚

馮野詩草

清周承慰撰

文珊詩稿

清舉人周守典撰

柳賀蓀序曰余於同治元年奉命來巡是邦適當徧地烽烟賊巢林

立四鄉居民逃徙流亡不堪情狀道路亦爲之梗阻其時周生六典冒險繞道來至確山攀轅求救因挈之披荆斬棘歷盡險途當於戎馬倉皇之際與之暢談家世知其家隸申陽之出山店當賊之衝倡議舉辦團練乃父乃兄及同族之人死難者以數百計州境賴其保障之力不淺事平後敍功論賞始將周生六典請獎以通判選用並請旌其父兄族人以爲急公好義者勸暇時輒道及其伯兄文珊先生以名孝廉出宰吾吳屢任劇邑徧播循猷當逆氛逼近之時帶團殺賊迭克堅城遂爲賊所戕死事甚慘蒙朝廷褒卹忠烈特予建祠創祀吾鄉之人至今猶稱道其功績弗衰余每聆周生言迹其父若兄忠義一門未嘗不歎其積累有素世德如此文字可知也茲周生來袖出剩稿數首稱係文珊所作哀此劫火餘燼將付剗剗以貽示後之子孫索序於余余不敏謹誌其緣起於簡端余雖未見文珊而聞其遺行於吾鄉人之口己心折久矣今復見其遺詩並讀其絕命詞雖吉光片羽而忠孝惻悱之忱更令人想像丰標咏歎流連不置周氏後起有人宜何如刻勵奮興以繼其未竟之志哉時同治六年歲次丁卯八月分巡南汝光兵備道治愚弟蒯賀葆序

飲真廬雜筆

清舉人陳連川撰

曇花集

清舉人張培中撰

集蓼山房詩鈔

清貢生危麟趾撰

借山草堂詩集

清附生黎孫溶撰

小茗山房詩鈔

清附生陳世相撰

敬業堂詩文存稿

清進士李裕澤撰

河池學治錄

清進士李裕澤撰

敬業堂訓女十一書選本

清進士李裕澤撰

自序云門內有禮教而後天下有風俗閨中有淑女而後異日有母儀女子之不可不讀書也審矣顧時有久暫質有敏愚教之者尤宜慎爲擇也其在富貴之家聰慧之媛自卽至笄皆不廢學固不難徧誦諸經嫻習文翰矣若夫蓬門弱息性復愚魯幼小尙爾嬌癡稍長便勤操作其得偷閑讀書者不過三二年耳苟非擇其所急烏能獲收實用乎嘗觀鄉村子弟莫不讀書父兄送之上學曰吾子弟安望科名但求通倫理識帳目耳乃爲師者狃於曩例概授以詩書易禮之文但令誦習弗爲講解卽講矣而講章之理又非童子所知於是

終歲嚼蠟莫得其趣一旦廢學仍不能明一義寫一字數載供給竟成畫餅豈不大可惜哉昔唐翼修先生謂不習舉業子弟宜隨讀隨講多讀明白古文並多習字余竊謂訓女子者亦宜師此意也庚午春讀禮家居欲令姪女輩粗知禮義因爲擇其宜讀之書曰三字經曰弟子規曰小學曰論語曰大學中庸首章曰孟子節本曰女論語曰女誡曰百家姓曰朱柏廬治家格言曰讀史論略前編書凡十一種教者易於講解學者易於領悟且盡人而可讀不二年而可畢畢此而卽知禮達義不愈於數載咕嗶毫無實用者耶以後再能讀書則擬授以五經節本及選古文時文之有義理有關係者唐宋詩之端莊流麗者使肄習之不數年間卽爲閨閣之通人矣又何全經全史之不能自讀也哉至十一書中惟女論語女誡專爲訓女而設餘則男女皆可誦習余之爲女子擇卽爲凡不習舉業者擇也爲師者其留意焉

古文啓蒙選本

清進士李裕澤選

自序云文者言詞也其佳者則言詞之美者也童子初學爲文先生概授以制藝深者苦其難通淺者略無義理以致嚼蠟莫得其趣余

嘗謂今之制藝尋生活於章句之中施描畫於微茫之際非自然之文也文之自然者莫如古文故特選數十篇令與制藝參讀之其中若疏廣之對客馬援之戒子則德性之事也出師陳情二表則忠孝之經也至於流連景物如蘭亭詩序歸去來辭之類可以悅其性情開其意趣者亦登數首非是三者雖佳不與焉童子讀之乃知文也者談理而已言情而已紀人生之事寫眼前之景而已初非課虛叩寂勉強支湊而爲也世之讀古文者大都取其深厚吾則取其詞之顯義之明與篇幅之不長亦因人施教焉耳若昌黎之原道張子之西銘文義深奧未易領悟然其理祇如布帛菽粟亦天地間不可少之大文今知其淺他日觀其深學期明理不猶愈於多讀時文乎至於孔子家語紀聖門之遺事學庸諸序揭全書之綱領其文義皆顯明易知故並錄焉異時學有進益自應以史漢及八家之宏深者廣授之非今日事也同治戊辰四月

蓬山遺稿

清歲貢李祥元撰

非是齋吟稿

清陳兆麟撰

臨池隨筆二卷

清進士艾廷選撰

禮耕山房詩草

清進士何傳中撰

青照樓詩存

清附生劉煦峯撰

醉紅軒詩草

清附生王焜撰

之川詩稿

清周世鋈撰

楊承澤序曰風雅之道成周爲盛自三百篇溫柔敦厚之旨流行迄於近代其體雖遞變而志與言思未嘗或離其宗至風會之所趨盛衰之所致史傳記載悉數可稽信陽爲申伯舊封所謂汝旁之國也何大復先生揚挖風雅近三百年間韻士騷人希宗景附實有其人名卿大夫多以功業表見詩名不著於時巖穴之士囿於方隅冥心獨造抱一集而質疑問難使觀風采俗者得以覘其教澤焉未可視爲細事也已未春余奉命來尹汝陽道屬部人士多以所著詩文來謁見以是知三百篇流風餘韻薰陶涵濡猶想見條枚棠芾之謳吟非詩教入人之深有以致之耶近得信陽人周君可亭詩兩冊讀之中多妙句栩栩欲仙醞醞可諷其苦心孤詣是亦有所得者余故述詩教之大使大復先生猶可作也吾將竣之民國八年十月金谿楊承澤紀青識

竹石菊館詩草

清歲貢杜錫釗撰

養正隨筆

清歲貢杜錫釗撰

惜陰書室詩草二卷

清舉人陳惠麟撰

桂遊詩草

清歲貢余文輔撰

惜陰書室筆記二卷

清舉人陳惠麟撰

飲和詩草

清歲貢蘇裕昆撰

碎玉軒詩稿

清舉人馬柄詩撰

客中閑吟

清舉人馬柄詩撰

訓徒庸言

清舉人馬柄詩撰

講語隨筆六卷

清舉人馬柄詩撰

嵩山遊記

清舉人馬柄詩撰

唾餘集

清廩生陳晉基撰

一碧山房詩鈔

清廩生張葆華撰

一碧山房詞鈔

清廩生張葆華撰

然非齋詩草

清舉人蘇裕孚撰

憶莼詩草

清附生張葆真撰



伴桐軒詩草

清附生許貴文撰

壺園判牘三卷

清舉人劉子榮撰

申國舊聞三卷

清舉人劉子榮撰

巴蜀聞見錄

清舉人劉子榮撰

巴蜀異聞

清舉人劉子榮撰

壺園文稿

清舉人劉子榮撰

七峯舒嘯庵詩

清舉人劉子榮撰

蜀遊草

清舉人劉子榮撰

辛亥日記十卷

清舉人劉子榮撰

蜀遊筆記三卷

清舉人劉子榮撰

說夢軒詩草

清廩生張葆華撰

鯉河詩文集

清廩生余滋振撰

雪鶴草堂詩集

清廩生胡壽榮撰

桂林小草

清恩貢劉傳猷撰

耕心氏詩稿

清附生余瞻彩撰

右藝文目都一百五十四種作者一百另四人劫灰未寒鉛槧零落亡者

十之八九其幸而存者殆無幾矣甄採既艱收錄較廣雅鄭不必同音瑜瑕容或互見要之均爲前人手澤後之人固當愛惜珍護奉爲吉光片羽不必盡以班馬鄭杜相衡也至於人尙生存棗梨完具概予割棄轉恐百數十年後世變愈劇文隨人滅欲求一問其目而不可得卽有續纂邑乘者擬再從事撻羅其又何所憑藉耶故另作別錄不恤破例之諛特廣著錄之門卽文見人用備他年續纂資料若夫予奪去留斟酌審核聽之後人可也

藝文志別錄

經類

春秋集傳例義輯要三十二卷 清陳善同撰

經訓類編一十卷 清劉景向撰

史類

春秋國際公例四卷 清陳善同撰

豫河續志二十四卷 清陳善同撰

清史概要 清劉景向撰

小學歷史課本二卷 清劉景向撰

陳氏族譜

清陳善同撰

子類

傷寒論集註折衷七卷

清胡毓秀撰

集類

周氏族譜家話

清周原瑞撰

愛兩草堂詩集

清黃鯤年撰

信陽詩鈔十二卷

清劉海涵輯

何大復年譜錄二卷

清劉海涵撰

龍潭新志二卷

清劉海涵撰

賢首山錄

清劉海涵撰

龍潭集二卷

清劉海涵撰

龍潭詩草

清劉海涵撰

龍潭清話

清劉海涵撰

先荆南公崇祀名宦鄉賢錄

清陳善同輯

正經錄四卷

清陳善同撰

樗園奏稿四卷

清陳善同撰

樗園文存八卷

清陳善同撰

樗園詩存四卷

清陳善同撰

辛壬雜錄

清陳善同撰

治蝗芻言

清劉景向撰

衙蠹小史

清劉景向撰

諧史

清劉景向撰

未強文集二卷

清劉景向撰

未強詩草二卷

清劉景向撰

雞公山竹枝詩

清劉景向撰

百感吟

清劉景向撰

滑稽詩話

清劉景向撰

遊記四種四卷

清劉景向撰

未強尺牘二卷

清劉景向撰

公牘存稿四卷

清劉景向撰

楹聯存稿二卷

清劉景向撰

筆戲二卷

清劉景向撰

舊園賞菊錄二卷

清劉景向撰

宋七絕選四卷

清劉景向撰

評註約選文範四卷

清劉景向評選

轉坤折肱記三卷

清劉景向撰

常識韻言

清劉景向撰

國文徑四卷

清劉景向撰

味秋吟詩草

清陳善祿撰

靄芳吟草

清樊湘撰

餐英齋詩文集

清萬紹章撰

說諱

柴立節著

山農碎語

清周原瑞撰

重修信陽縣志卷二十九藝文志二

文徵內編一 照錄乾隆志

文徵內編二 新輯



文徵內編一 照錄乾隆志

應詔陳言治安疏

明何景明

中書舍人臣何景明謹奏爲應詔陳言治安事邇者寢宮被災皇上兢惕  
勅諭羣臣下求直言大小臣庶仰見聖顏憂戚伏聽綸旨痛切無不感動  
流涕謂聖心感悟事當轉移悲喜相繼慰慶兼至然自勅諭之後已將旬  
日未一視朝輔臣言官奏論邊軍番僧義子數事一言未見採納一事未  
蒙施行臣觀災變之來甚邇陛下上回天怒下安人心如此數事宜急省  
改今復處之晏然未見損減一二豈陛下感悟之心忽萌而轉移之機復  
塞也臣民莫不失望中外實爲軫心夫災禍切近悔厲斯深形勢積成改  
救何及臣上原天意下究民心近觀人事遠考古昔治亂存亡之機陛下  
欲圖理興化改絃易轍過此不爲無可爲矣臣聞天下之政精則治緩則  
亂明則治闇則亂治亂存亡事理必然方今上下依違遠近壅塞法度有  
失禮義弗彰功實不稽名器多濫欺蔽之風長偷惰之習成兼以民生已  
困寇盜未息兵馬弛備財力並竭外僅維持中實潰散其勢如此而其治  
如彼臣竊憂之陛下不急省躬以懲禍始而欲肆志以待患成何也臣聞  
內外附固長久之道今聖躬單立皇儲未建內無手足相倚之親外無肺



腑可託之戚后妃不得當御公輔不得通謁乃日與邊軍並出入番僧義子同起居此皆今日創見先朝未聞也陛下何不亦如言者所議早示聽斷且甲馬馳騁之場不如廣廈細旃之上夷狄邪穢之教不如文儒談諷於前樂彼厭此臣所未喻若義子則陛下寵幸之臣自古寵幸鮮能善後原其所由盛滿爲忌陛下尤宜早爲裁折明示區處使上者得保富貴其次得保首領義旣不失恩亦有終豈不美乎夫國事執奏實在大臣大臣順旨事乃寢蔽臣謂大臣奏事宜使卽決是非直陳利害準則憲章制之理義不宜奏兩請之辭取阿上裁則制度不墮功實不謬名器可正其大臣退進當以義斷行賄干進無恥取容者並爲罷斥而獎拔恬退訪求耆俊則名節明而仕不苟然後嚴督庶官以成精明之治寬撫百姓而培殷富之基治安之道此其大略要之大本祇在聖躬夫言苟切心何畏逆耳陛下若以章奏繁瀆亂聖聰莫若一御便殿宣進輔弼召集侍從尊卑之禮不甚峻拒上下之情乃可通達必能陳說利弊開道禍福指斥時事爲切心之言以悟陛下矣臣聞先逸後勞先後之間相去遠甚故儆戒之後必有餘樂怠荒之後必有餘憂陛下若體天心之仁愛念祖宗之創建堅自忍制常加矜飭務舉實政不事虛文太平之治可以立就永踐九重

之安長享萬乘之樂憂勤於一時而怡豫於無窮陛下何難而不爲此乎昔成王感風雷之變乃有刑措之休高宗感雉之異是臻嘉靖之效陛下深爲感悟稍一轉移海內將從風而靡四夷必仰流而化商周守成之業亦何足多哉臣草茅微柔蒙先朝甄育陛下復收起於廢黜之餘恩德至厚嘗欲以言圖報恐干出位之咎然臣之懷誠積慮久矣乃今躬逢聖明開獎言路千載一時何忍容默用是昧死上陳伏望皇上憫臣愚悃曲賜矜納臣不勝幸甚

擬陳東宮講學要務疏

明王祖嫡

臣竊惟天下之大本係於太子太子之大本係乎講學人不學不知道學而不講雖簡編日陳亦無以析其精義之所在庶人且然況有天下國家之責者乎然帝王之學與韋布不同韋布之學其取聲利者旣以詞章雕績爲工而知自立者亦不免弊精力於訓詁著述之所若夫太子者上而宗社億萬年之統下而臣民億萬年之仰實寄焉則夫輔養容德以爲作聖之地者可不豫哉臣嘗稽之經史考之載籍知古之教太子者甚嚴且備是故未生則有所謂胎教甫生則有所謂祿禠之教能行立則有所謂童穉之教少長則有所謂出齒太學之教十八則有所謂孟侯之教旣立

則有所謂三公之教既冠則有所謂膳宰諫鼓誦詩誦箴之教是其儀若甚繁而其事若甚勞焉者無非漸摩其德防制其欲習於勤儉恭敬之懿諳於軍國閭閻之務如水源之澄而流莫禦木根之培而長不窮者也此意既衰後之所以爲教者或導之非其人或言之弗能踐如是而咎治之弗古若也不其惑歟恭維我皇上見高千古登極二年卽建儲宮以定天下之本預示出閣之期茲者睿算十齡復俞禮官之請首加元服次出講學內而百官外而氓庶莫不欣欣相告以爲三代以旋所未有之奇邁盛典也臣歡忭欽頌之餘竊有區區忠赤敢一披瀝冀萬一東宮講學之助惟皇上留神採擇焉臣竊惟明君之務莫急於講學然有身講之學有言講之學此最不可不辯也何謂身講其人有忠孝廉節之行素孚於人其發於講也不惟其辭之剴切明暢聞者惕然而其溫厚惻怛之誠莊敬嚴毅之狀自溢於言外所謂有德者必有言如是而日侍儲宮雖不日諄諄於編簡之間而其益不可勝言矣其人有便嬖邪佞之行素惡於人其發於講也不惟其辭之浮靡遷就聞者易入而其容悅脂韋之態不覺盡逞所謂有言者未必有德如是而日侍儲宮雖極口堯舜周孔而其損不可勝言矣此最不可不辯也中人之產爲子延師亦必謀之交游詢其行誼

而況主器之重可以匪人參之耶臣愚以爲例講之臣固多正士然巖穴  
隱逸之中豈無卓行偉識重於鄉評者賈誼所謂博選孝悌行誼之士其  
所指蓋廣也今獨不可行乎至於日講之書已有規制似難別議但孝莫  
大於法祖德莫美於納諫斯雖二者固可以該衆美也如我太祖之儲君  
昭鑑錄成祖之文華寶鑑宣宗之帝訓憲宗之文華大訓及我世宗之欽  
天敬一諸書咸切於身心治理之術是不可不反覆而誦繹焉者至於納  
諫之美秦漢迄宋毋論其君之何如但能優容言官不憚改過可以爲法  
者日講一二條強復自用優柔不斷蒙於壅蔽覆敗不悟可以爲戒者亦  
日講一二條至於六曹職掌別爲修纂務爲明白簡切如財用困乏民業  
艱難武備積墮士風不振其它吏弊國蠹分條附見專備詢覽交徹互誠  
必誠必恆將見睿資日啓令德日崇下陋漢唐邁成周而獨盛矣雖然臣  
猶有過計焉孟軻氏之告齊王曰一日暴之十日寒之未有能生者也而  
宋儒程頤之告其君亦有一日之間見宦官宮妾之時多見賢士大夫之  
時少臣每讀其書未嘗不泫然流涕廢書而歎也茲非所謂治亂之源也  
哉儲君雖天姿英邁然生於深宮大內之中長於保姆阿監之手寒之至  
而見之熟是不可以不謹也必也委老成畏慎之人加開導維持之力毋

見少麗以犯未定之戒毋見奇袤以長奢侈之端以天下爲臣而毋有私人以四海爲富而毋蓄私貨謙抑節儉之說聞之習熟他日血氣既定游息旣安雖有快已之事放心之圖亦弗能入矣此易之所謂養正學記之所謂豫也講學要務莫先於此臣愚無所知識躬逢盛典感激慶幸輒效狂瞽之說惟陛下不以爲迂俯納施行宗社幸甚天下幸甚

論革除附錄疏

爲循史職修缺典以昭祖宗心事以隆繼述大孝事臣竊惟國之有史猶家之有乘非詳之難而不失其真之爲難也曷謂詳纖巨靡遺幽顯畢具敘述周悉揚推該贍是也曷謂真人之不同有如其面繪事者不能以愛憎易其貌猶編年者不能以好惡沒其實也洪維我太祖肇建區夏列聖讚承大統駿烈鴻猷咸載寶錄昭光日月媲美典謨信非三代以來所敢望矣顧臣至愚極陋竊有疑而未安者建文之革除景泰之附錄也是二者臣嘗詢之父老考之載籍大抵皆齊東野人之語而金匱石室之藏又非草茅所能窺測幸嘗備員史局獲與重修大明會典又蒙皇上嘉俞輔臣之請爰命儒臣類編訓錄臣亦供役以故歷朝寶訓實錄副本咸獲莊誦義疑二事始知本末愈所不安敢陳膚見不避煩瑣惟皇上留神採納

焉臣之疑革除何也高皇帝艱難百戰奄有天下挈神器而付之建文立嫡之大經也文皇帝際時艱危興兵靖難挈神器而完之高廟濟變之微權也鐘磬不移人代頓沒此何說哉臣愚竊謂建文紀年有不可泯者五焉自古大無道之君天人共棄聞革其命矣未聞革其年也豈惟用存殷鑒亦以實不可罔爾師曰靖難明非復讎胡爲追薄海內外已奉之正朔使之如死灰逝也哉此其不可一也聞之長老靖難宣力之臣覲覲茅土日夜構建文之過非成祖本心也事甫平定固已幡然悔悟是故鄙李實獨無封事之對諭吏部不念舊惡之旨榜文條例旋即除毀文武職官仍依見秩斯心也堯舜之心也革除之議惟三十五年六月庚午命五府六部一應建文所易政令條格悉復舊制今年稱三十五年而已說者亦謂當時之臣逢迎爲此後世不察遂謂成祖獨斷人莫敢言歸過君父使親親之心鬱而弗白此其不可二也或謂革除而後臣下亦屢以爲言而卒不可行者我成祖靖難定鼎功同再造如復革除則師疑無名如成祖之心何是大不然天下者太祖之天下也太祖之視成祖建文同一子孫也今日之視太祖成祖同一祖宗也不革除謂不能仰體成祖心必革除其能仰體太祖心乎天下有迹異而道同者武王伐紂夷齊叩馬不相悖也

書靖難所以彰成祖再造之功不革除所以紀建文在位之實而亦何悖之有矧成祖謨烈昭垂豈以革除顯不革除晦哉此其不可三也國史野史上下並傳往往信野史而疑國史何也毋亦以國史多諱而不敢盡書或涉諛慕索米不若求之野耳不知紀言紀動聞見自真誠擅三長足信萬世惟史失其職故裨官虞初售其欺爾夫年既革除事必散逸今紀建文事無慮數十家謬誤相承至有不忍讀者逞其雌黃遂淆朱紫此豈細故也哉此其不可四也所謂革除者不過使天下後世不復知有建文云爾不知天下惟史不可誣吾卽不爲建文紀年立史或遠而千萬禩之後寧能以建文之實曆爲洪武之虛數乎必將大書特書接洪武之統矣夫與其紀年立史於千萬禩之後孰如今日之爲得也此其不可五也夫以勢則不能革除以理則不可革除以情則不忍革除以事則不必革除而顧莫之議者此臣之所未解也臣之疑附錄何也睿皇帝赫怒整旅雖曰失計然非遊獵也景皇帝監國正位雖曰寡恩然爲社稷也名異兩朝事總一錄又何說哉臣愚竊謂景泰之錄不可附者亦有五焉臣伏讀成化十一年十二月憲宗純皇帝勅廷臣曰曩者朕叔郕王踐祚戡難保邦奠安宗社及寢疾之際姦臣貪功生事妄興讒構請去帝號先帝尋知誣罔

深懷悔恨以次抵姦於法不幸上賓未卽舉行朕嗣大統於茲一紀間以  
帝號之復質諸聖母亦曰此先帝本意宜卽舉行朕祇服慈訓用成先志  
其邨王可仍舊皇帝之號所有尊諡會議以聞嗚呼旣加恭仁康定之尊  
諡而不去廢帝邨戾之舊名而後背拂此其不可一也臣嘗反覆錄中凡  
涉問安奉迎俱爲裁抑每切憤歎繼聞耆舊又未盡然蓋編摩者承望云  
爾當時于謙王文之獄固已曰不如是則事出無名吁加人以惡侈已之  
功在是非未定之時無怪也茲何時也而尙附也此其不可二也詩於兄  
弟戒勿相猶謂弟薄而兄效之也景皇帝之薄自不敢曲爲之解英宗始  
雖感於讒構終竟懷乎悔恨故憲宗之勅廷臣一則曰先帝本心一則曰  
用成先志茲錄尙附不知者謂英宗猶之而不敢改沒虞舜親愛之意貽  
漢文粟布之譏此其不可三也自古中興之君與創業埒少康光武毋論  
已晉元宋高豈真有戡定之績徒以皇皇之際收拾人心稍能立國故雖  
江左臨安蕞爾一隅作史者不得不與之社稷爲重也景皇帝萃渙傾否  
外攘內修北狩回鑾神州如故七年之烈曾不得如晉元宋高之例後世  
謂何此其不可四也自編年之義起史家相承莫渝所以明歲時嚴統系  
也是故僭僞附偏閏附夷狄附大義也茲景皇帝之錄而從附謂之舛以



景泰之事而參之正統天順之間謂之淆此其不可五也夫景泰之忠臣皆天順改元所謂姦邪也修錄者咸正之而不從至於景皇帝願從之而弗正此亦臣所未解也自古有爲之君每恨無臣有臣矣每恨無時蓋勢有難兼而機有難值非偶然也茲聖神在宥慨然志二帝三王之道丞弼卿貳迄於庶秩莫不慶幸際逢懋思樹立而又斥埃煙消萑苻風靜雖水旱爲災堯湯不免拊循振恤自可輯寧臣不敢爲豫大豐亨之說取媚獻諛竊以爲有君有臣而又有時未有如今日者也當此之際凡可以舉廢救偏興利除害靡所不講靡所不行至於前陳二者顧視爲當然目爲迂闊而莫之議處臣所以感激流涕不能已於言也臣又伏讀隆慶六年七月二十八日恭上兩宮聖母徽號詔書內一款曰革除年間被罪諸臣忠於所事甘蹈刑戮有死無二皆我太祖高皇帝所儲養忠臣義士我成祖文皇亦有練子寧若在朕猶用之之語今仰遵我聖祖遺意褒表忠魂激勵臣節詔書到日各地方有司查諸臣生長鄉邑或特爲建祠或卽附本處名賢祠宇歲時致祭其墳墓苗裔儒有存者厚加卹錄大哉皇言父老跪聽有泣下者嗚呼削地狂謀皆建文諸臣之罪也陛下尙追原卹錄如此矧建文者我太祖高皇帝之嫡孫我成祖文皇帝之親姪臨御四年別

無他過乃不得援其臣之例以慰其魂於幽壤豈惟陛下之心未安太祖之心未安恐成祖之心亦必有未安者矣若夫景泰附錄於例於情自當釐正特未有言者故因仍未改雖於革除事體稍有不同均之史職之攸關熙朝之缺典不可使後之讀史者憤恨痛惜於千載全盛之時者也抑臣斯議懷之十年辛巳壬午嘗兩白輔臣俱以意見齟齬阻闕莫達今又荏苒數年矣桑榆之景漸逼狗馬之病日侵一但溘先朝露不惟上負先帝儲養與陛下器使大恩亦且下負所學抱恨終古矣伏乞陛下憐臣十載之孤忠察臣一得之末議勅下該部虛心會議斷自聖衷復建文位號如成化十一年十二月事例仍付史館將四年事蹟修輯爲錄凡野史不經之說盡爲毀棄其景泰自爲一錄削郟戾舊名正統天順承接弗紊使天下後世曉然知我成祖英宗不宿不藏之盛德以慰我太祖一源一本之公心以影我皇上善繼善述之大孝其所關繫信非渺小而臣愚濫竽詞垣茫無寸補亦可少效涓埃於萬一矣

上楊邃菴書

何景明

僕聞聖人哲士取人於衆惡明主顯相識賢於集毀夫狗同情則獨行見遺實多口則廉節被黜何也獨行者同情之所謬而廉節者衆口之所黜

也昔匡章棄於通國而獲與於孟軻卽墨汚於左右而受封於威王孔子明公治之非罪晏嬰脫石父於縲紲是故衆惡之中聖哲之所必詳集毀之下明顯之所弗蔽也今有操獨行秉廉節而干衆惡負集毀若李夢陽明公在上何可勿少加察而一援之也夫僕於陽非敢謂其無過也自崇而弗下人太任而弗識時多憤激之氣乏兼容之量昧致柔之訓犯必折之戒此其過也若其飾身好修矜名投義見善必取見惡必擊不附炎門不趨利徑處遠懷不招之恥處近執莫麾之勇在野有兔置之武在公著素絲之直立志抗行秉心陳力咸可尙也前與御史相忤同黨交構恃其貞介不服文法遻延無己固且自取而尊達至爲不悅縉紳靡然誹笑言官亟詆於朝法吏深鞠於獄惟恐摧之弗披而辱之弗窘也嗟哉亦已甚矣謂深懲以全之乃底其壞歷責以備之實求其缺謂其爲高好勝多事越位不卽攻之將爲患害則陽之爲害弗猶愈於賣法成賄汚行喪守玩公詭避行私煽虐甘心附媚役志富勢者乎凡此一切置之不問而獨於陽而較焉何也大概習於苟同而畏異已溺於混濁而非獨清便於相容而憚弗羣務爲蔽闇而忌太白故當事謂之橫伐奸謂之訐建樹謂之標已振起謂之輕事問民隱曰市名而出位持國法曰寡情而立威是以詭

俗諧衆之人相倚爲譽而直節獨行之士疾之若讎由此觀之仕宦之徒不貶損以就時游滑以希世何能免於今之人哉明公在上秉進退之權司統均之任獎拔廉直沮抑邪枉而陽爲門下相知之士其困於人若此況門牆之外萬里之遠者乎夫讒言屢至慈母投杼浸漬之灌可解膠漆僕於陽有肝膽之交聞於人言猶弗能無疑明公之門陽不敢徑達雖有鬱壹何由少白然陽之事在江西者亦甚彰彰匪有隱惡難見也僕嘗究之衆議士民頗公學校之徒曰陽敦古崇禮志在澄清閭閻之下曰陽不爲撫按官爾可使盜賊息權勢不害我也夫學校之徒陽之黨也其言不徵閭閻之下無知之衆何以黨於陽哉今京師之士其弗知者則已流言傳訛昧形議影羣猜共怒一吠百聲持辨風起發言雷同矣間有知者則亦恐異同於威要之吏以遭口舌之禍視爲秦越隨其軒輊夫反同情以伸人格衆口以明物此其弗利也必矣孰肯樂弗利而爲之哉昔孔融鸚薦乎禰衡汾陽解爵於李白揚善登俊閔才舒困昭昭人代矣今陽之文藻敷瞻才辯捷給誠二子流匹而拘檢行止閑於禮義可以用世賁治二子弗若也乃窘辱摧靡卒無一爲之地者僕甚傷之伏維明公乘道服人積望鎮衆力可以移易範可以表正於陽少加援察采士民之議捐比附

之論使邪枉無順遂之私廉直無不容之歎非獨陽之幸也國家斯文幸甚

上李西涯書

前伏聞明公體中不憚竊見在閣省食多事形勞心憂宜必至此某再造門下省間不得一望見顏色退而抑鬱累日又聞少康矣甚喜慰然疑久弗見出昨乃見有引疾求退之疏明公之識非末進可窺然竊以爲未安也近河南盜賊日益橫起山東士卒經年露暴國有強禦而獄有言官野有屠戮而朝方晏笑廷議大繆市令不行勢急燔溺獨恃明公拯救爾未宜閉戶無聞在家不知迺復棄而引去益非明公所以後身而急國家之難也古之大臣功成事定然後避寵利持盈滿深思高舉保身完名是故保身完名者大臣之所以居成功處盛世也今明公責重望深任利害而當毀譽欲以此時保身完名難矣昔成王在幼殷人動搖召公告老公且非之明公亦宜惋時悲人略疑忌之嫌捐顧愛之念鑒召公之迹體公且之心則天下國家幸甚或以內有掣制事無違逆覽不可之幾行必止之志然已晚矣若欲轉禍爲福求成於壞則猶可及也夫同舟之人胡越一心見禍知畏覩患思防人之情也今內之用事有未然者私意蔽於內而

利害之實不省忌諱容悅者衆而剴切之言未至也誠指事爲之勢陳禍  
忠之形喻以同難之義導其共濟之美開誠以示獨任不卻更執以不同  
之操斷以必至之勇若是而明公出焉不爲不可也若必惡污就潔見危  
圖全不惟缺天下之望亦不免當時之議矣又或顧患依違少撓卽屈則  
出處等耳亦非敢望於明公也夫成美者納善感恩者報義故袁盎進說  
於申屠朱雲納忠於蕭望古之大臣欲有爲者未必不有匡士弼贊義夫  
憇愚者也某在家五歲自期全命於蓬蒿之下過蒙明公收於廢棄之餘  
舉之下吏之列覩事激中旣不能明諍於朝於明公左右又無以增明益  
高補遺而輔不逮實甚恥焉恐終有以負明公敢忘其狂昧布腸腹惟明  
公采覽無謬於古大臣出處之義

與李空同論詩書

敬奉華牘省誦連日初憮然若遺旣渙渙然若有釋也發迷徹蔽愛助激  
成空同子功德我者厚矣僕自念離析以來單處寡類格人遜德程缺元  
龜去道符爽是故作述靡式而進退失步也空同子曰子必有謬諤之評  
夫空同子何有於僕謬諤也然僕所自志者何可弗一質之追昔爲詩空  
同子刻意古範鑄形宿鏤而獨守尺寸僕欲富於材積領會神情臨景結

搆不做形迹詩曰惟其有之是以似之以有求似僕之愚也近詩以盛唐爲尙宋人似蒼老而實疏鹵元人似秀峻而實淺俗今僕詩不免元習而空同近作間入於宋僕固蹇拙薄劣何敢自列於古人空同方雄視數代立振古之作乃亦至此何也凡物有則弗及者及而退者與過焉者均謂之不至譬之爲詩僕則可爲弗及者若空同求之則過矣夫意象應曰合意象乖曰離是故乾坤之卦體天地之撰意象盡矣空同丙寅間詩爲合江西以後詩爲離譬之樂衆響赴會條理乃貫一音獨奏成章則難故絲竹之音要眇木革之音殺直若獨取殺直而並棄要眇之聲何以窮極至妙感精飾聽也試取丙寅間作叩其音尙中金石而江西以後之作辭艱者意反近意苦者辭反常色澹黯而中理披慢讀之若搖鞞鐸耳空同貶清俊響亮而明柔澹沈著含蓄典厚之義此詩家要旨大體也然究之作者命意敷詞兼於諸義不設自具若閑緩寂寞以爲柔澹重濁剗切以爲沈著艱詰晦塞以爲含蓄野俚曠積以爲典厚豈惟繆於諸義亦併其俊語亮節悉失之矣鴻荒遐矣書契以來人文漸朗孔子斯爲折中之聖自餘諸子悉成一家之言體物雜撰言辭各殊君子不例而同之也取其善焉已爾故曹劉阮陸下及李杜異曲同工各擅其時並稱能言何也詞有

高下皆能擬議以成其變化也若必例其同曲夫然後取則既主曹劉阮陸矣李杜卽不得更登詩壇何以謂千載獨步也僕嘗謂詩文有不可易之法者辭斷而意屬聯類而比物也上考古聖立言中徵秦漢諸論下采魏晉聲詩莫之有易也夫文靡於隋韓力振之然古文之法亡於韓詩弱於陶謝力振之然古詩之法亦亡於謝比空同嘗稱陸謝僕參詳其作陸詩語俳體不俳也謝則體語俱俳矣未可以其語似遂得並例也故法同則語不必同矣僕觀堯舜周孔子思孟氏之書皆不相沿襲而相發明是故德日新而道廣此實聖聖傳授之心也後世俗儒專守訓詁執其一說終身勿解相傳之意背矣今爲詩不推類極變開其未發泯其擬議之迹以成神聖之功徒敍其已陳修飾成文稍離舊本便自杌隉如小兒倚物能行獨趨顛仆雖由此卽曹劉卽阮陸卽李杜且何以益於道化也佛有筏喻言捨筏則達岸矣達岸則捨筏矣今空同之才足以命世其志金石可斷又有超代軼俗之見自僕遊從獲見作述今且十餘年來矣其高者不能外前人也下焉者已踐近代矣自創一堂室開一戶牖成一家之言以傳不朽者非空同撰焉誰也易大傳曰神而明之存乎德行成性存存道義之門是故可以通古今可以攝衆妙可以出萬有是故殊途百慮而



一致同歸夫聲以竅生色以質麗虛其竅不假聲矣實其質不假色矣苟實其竅虛其質而求之聲色之末則終於無有矣北風便翼反復鄙說幸甚

與藩司論災荒書

頃者朝廷以淮西告災蠲其常稅命其臣存撫振貸此主上俯念元元之意惠甚渥也今郊鄙鄉鄙之民捐室廬去田畝訣兄弟叛父母而出者聞皆賣其妻子身爲奴婢甚者棄尸道路百不存一其未徙者又皆覆釜閻室坐以待斃有快於速死自經樹枝者夫死者未收而生者未哺往事已鑒而來勢方迫此正執事者所宜控竭知慮紓遐猷布隆惠以寬民生承上意之日也然而利害之實不省緩急之端昧序內無存變之卹而外無應務之策甚非所以謹生齒之大命彰主上之實澤者也竊於執事有不取焉誠使僕開其利害執事誠聽之今爲民計大率利一而其害有三徵求之擾工役之勤寇盜之憂此爲三害而所利於民者獨發倉廩一事耳利害不並施而多寡不相敵今徵鷹犬者使吏執筆索民出錢又胡椒馬布泉繫纓諸物屢下於民需價償之價倍而民實不得又屢取絺絡使女無餘葛此皆非賦之斂不貢之供猶日繼不絕是徵求之擾尙在也王府

黃河之役築城修營之夫丁連老羸扶顛起廢襄糧數百里死者已半而莫爲中止工役之勤如昔也前者困民刼掠爲盜下令各鄉置捕詰之役似爲便宜然捕官乘機生奸深察旁逮平日無賴子弟爲之爪牙羽翼家歷戶至殺人牛馬取人貨財盜未除而良者蒙禍有司因循莫爲之省是寇盜之憂尙在而又倍之也發倉廩本以利民而其弊反甚倉舍一啓豪強駢集里胥鄉老匿貧估富公家之積祇以飽市井遊食之徒而野處之民曾不得見糠粃富者連車方輿而貧者曾不獲斗升又鄉民有入城待給者資糧已盡日貨餅餌而卒不得與比其少得不足償貸反因是致死耳聞目睹可爲痛扼夫欲有所與必先爲去其所奪養馴兔者不蓄獵犬植茂樹者不伐斧柯以其近害也故止沸不捐其薪徒酌水泄之沸不見止養人飼其口腹而刳其股肉終不得活今三害未去而欲興一利以救民之凶何以異此也

與撫院袁洪溪書

王祖嫡

寓內藩臬郡邑之吏不知凡幾主上厲精化理思顯陟異等用風中外乃明公褒然首以輿情大協未幾聖書特畀撫我兩河兩河固明公舊治歌頌地也旌旄入境目擊赤地白屋溝壑之殘齒流遺之餓人傷心垂涕他

務未遑首上振救之疏反覆數千言詞旨沈痛區畫周悉所以起兩河枯骨而肉之者無餘筭宜乎主上覽之喟然太息大司農不靳儲蓄金錢重費沛然亟發也嗚呼富鄭公活饑民多自謂賢於二十四考中書令不知者謂其自矜知者謂其不惜自暴以勸後人蓋趙營平之意也仁人君子用心深遠如此不佞未嘗不歎今之民所遭重不幸也兩河餓殍不知與富公所活孰多然而富公勸所部民出粟人爭應之又發官廩不俟上請時勢固易也茲兩河部民所積者肯爭應耶官廩升合敢擅發耶是明公所遭視富公尤難矣不佞竊歎服泣數行下焉然有所獻於左右者四字曰務沾實惠而已夫此四字者非明旨懇惻屢下蠲恤之命昭如日月迅如雷霆者乎然而大不易言也何也奸黠豪猾之胥吏爲計甚巧爲慮甚密鮮有不墮其術中者不佞嘗見郡縣振饑村落四五里或百里未必知知之未能來也其能來者尙能步履者也而奄奄待斃闔門枕籍者卽穀如山積錢如泉湧能救其溘盡之命否也能來者環聚城市或數日或旬餘唱名不及借貸無從大半餓死及唱名而給者多係奸黠豪猾僱覓之人官見其形容枯槁艱難困苦之狀負粟而出喜曰可沾實惠矣抑孰知出卽他人之有守候多日僅得雇覓數錢已乎其有不肯雇覓者攜米

而去則強健者三五伺之至小巷靜處或城郭之外不惟奪米且並其衣而劫之此皆不佞親睹是每一振濟強梁者沾實惠而孱弱者受實禍矣是可不爲之深思而善處也哉爲今之計宜令各鄉村鎮店各舉公正有力素爲人信服者一二人卽以本處振濟委之令其互相糾察多立棚廠以糞粥寧就饑民毋令饑民來就又必時刻散給毋令其爭奪至於顛仆此在常事者加之意而已又須多差精敏畏法之人在在訪查或佐貳首領親歷周視振饑有法民沾實惠者小則量行獎賞大則迎勞給以冠帶其有侵漁爲利與夫振濟無法民不沾惠者亦視其大小而懲治之使人知上之不可欺而又不忍欺也庶饑其少濟乎然又必責之掌印正官不時舉其留心民瘼者一二人劾其不盡心力者一二人而後上下相維彼此相制卽不能人人沾實惠而如前之弊斷可祛矣正公有力爲人畏服雖僧道俱可使在知之真而委之專耳凡此俱明公灼知經略餘事而不佞竊有獻者桑梓之至情又目擊之夙弊不忍默默也保甲之法旣以弭盜又可行振不可不講也昨見邸報發臨德二倉陳粟以振此尤上渥恩但路遠不易致或令各處富有積者先捐穀或錢散給貧民官爲立券如散穀六斗則俾其持印信票帖領穀一石蓋二倉陳腐食當加倍又

省脚費此亦一道也倘富民不願又當設法務在通暢不必拘滯振饑如救火貴速又貴力也明公下車不佞不敢以幣交又不能爲世俗稱頌諛語以取媚左右謹布區區如此

上郡守徐公書

同前

某不佞嘗讀史至公子虛左以待侯生王生結襪以辱廷尉輒廢書太息兩高之顧此道寥寥來代罕睹毋亦以驕貴日熾故高尚之士感而愈疏趨附日盛故折節之禮懲而概廢斯所謂兩失者也然上之失十二三下之失十八九何也下賢美名也盛事也非倨傲侮慢之甚孰不慕延接而喜游揚哉躡躡擔簦馮軾結鞞皆有干於世者也而尤可怪者山人夫山人也者隱於深山無用文之者也今失志辟咎挾筴餽口之流概稱曰山人人亦曰山人揮塵談詩捫蝨抗禮揣度上意因緣爲姦利退或大言時政話訕要津陽示戇直陰持長短一遭驅逐亡命乞憐事已復集都下以此敗者多矣夫士誠自重寧掩榮名苟不見知天地至大焉往弗適何至懷刺伏謁向輿人關吏磬折耶某申之鄙人竊伏瀕溘聞徐先生子與久矣毋論歷下吳門並馳競秀而坦夷清粹海內人士咸切登龍之念茲幸綰符出守作我邦伯徐榻不懸鄭館益闕昨者行部敝州復先枉駕鄙人

不敢見又不謝豈故假蹇自高如前所云侯王二生成公子廷尉名耶私憤上愈尊士愈賤偃僂公門先取厭怠極意趨承徒博一笑不且自搆之矣雖明公冲懷雅量萬萬無此而白屋屈郡守之尊黃堂有不謝之客聊爲寒士解嘲耳乃明公弗訝憊憊注念過爲獎與缺然久不報是執匹夫之小節忘國士之大遇稍慕俠者且弗忍矧鄙人讀書粗知嚮往者哉竊又聞之馮驩賤士也而田文禮之爲上客劇孟博徒也而條侯獲之如敵國知其有所贊助也鄙人自度無寸長卽伏謁臺下終無裨益謹以所撰烈婦傳呈覽夫是傳也紀匹婦事爾奚關政務而以獻左右哉良吏之職莫先於燭奸雪枉良史之筆莫要於闡幽植教斯二者皆明公所優者也烈婦之行甚奇烈婦之節甚著而其事不久人所甚諱明公一閱致愼將來憤掩捕之倖功則毋憚詳覈之煩痛愚氓之冤死則毋拘已成之獄多方物色務得其姓名大書表揚永風乎澆薄亦長吏之美談藝林之盛事也若夫投贄郡庭移席別墅逞非馬之雄辯鬻雕蟲之末技或稱頌德政逢迎意旨妄附名流甘爲狎客甚者藉聲勢以驕人假請託而媒利豈惟明公賤萬遠之鄙人卽老死巖穴不爲也

修城記

何景明

僉事閻君子明兵備之二年城信陽成集予與都給事張季升登而觀之臺陞峻浚樓堞虧蔽表帶山河囊括萬家之室相顧歎曰壯哉麗乎斯地之年之固也先是僉事甯伯東氏來兵備值大盜之後爲防焉巡舊城視之曰庫也必崇而新之乃計費度工措財於官府取力於隙民歲餘城南門遙西北至東門起北門樓大功未就去又遇積雨兩牆壞數百丈閻君至則完其壞者城東門至南門立三門樓東懸鼓司晨西懸鐘司昏又置漏小南門司晝夜四時覓城上令旁下而走水卽積雨不壞其役不亟而功有稽其用經而力舒故三年而城成人曰二兵備之於役也於時事先後緩急各得其序理云城高三丈圍廣千三百五十六丈有七尺董其役者知州彭偉指揮袁鎧張恕孟漢千戶傅欽任武百戶王義梁山醫官周寶於是知州林君大霖指揮使鮑君國來請文紀諸石何景明曰古者諸侯守在四鄰政貴人和不以險塞爲固是故論治者有本末焉然時平而備弛並其末者亡之昔大盜之入汝南也更有棄城者矣然西平上蔡之長固死守吏也寇則踰垣塌門入卽二縣有堅城令弗死唐縣城稍完則守此豈可謂末弗治耶是役也甯君經始閻君成之二君功德斯地者並久遠矣閻君今且明其陳簡其卒作其禮教夫城以蔽衆簡卒以守明陳以

戰作禮教以經之所爲兵備者無弗至矣此豈徒治末者哉

重修譙樓記

王祖嫡

麗譙昉於魏莊子盛鶴列於麗譙之間則周末已有之或曰譙亦作雉壯麗而雉曉也顏師古謂門上爲高樓以望顧曰譙而漢書五行志主公車大譙取譙呵之義近時楊用修謂麗如魚麗之義譙爲誰何之譙不取前說然詰奸禦暴觀象眺遠嚴晨昏之候昭縣布之典匪壯何以示威匪曉何以設險匪崇何以臨下兼乎三義斯爲備矣信陽譙樓創自國初歲久傾廢成化改元秦州武侯因臺構樓規制宏敞舊碑殘缺蓋又百餘年於茲矣毋論防檢近疏瞻視起藝而風雨摧剝棟宇朽蠹過者岌岌於巖牆之訓何也華陽李侯領郡符奉職循理約已裕民未期而境內大治每覩茲樓輒仰歎曰時誠舉羸治貴仍貫皆有爲而發爾執斯以譚必任其頽壞無蹟乃爲不擾不知勢必復作能材由天降役驅鬼工耶持因循玩愒之心遺厚費重困之患彼視公廩爲吾廬愛齊民如己子者忍爲是哉乃毅然撤而新之臺拓而廣樓增而高南向左右各出數丈可列兵卒北向東西各建一軒以設鐘鼓綺疏朗豁可以燕集雕欄環曲可以凭倚從眺則千峯蜿蜒起嵐秀可餐俯窺則萬井鱗次炊烟相望峻陴翠嶺控三關鎖



鑰之雄傑閣穹窿擅九塞山川之勝且財取積餘力乘役暇市野晏如公私無擾厥工不日厥費不繁可謂盡節縮之宜得悅使之道任勞怨之嫌貽恆久之利試盤錯之長才覘經濟之遠略矣落成之日予適奉使還里登臨四顧歲豐人和荏符闕其無人枹鼓設而不用郡父老相率屬予記之勒石樓左俾後來考鏡相繼修葺識侯惠於無窮夫燕昭延賢請自隗始侯莅申善政不可枚舉茲特一事耳嗣有鉅筆爰傳循良不腆之詞曷足爲茲臺茲樓重亦聊附隗始之義云耳

儒學新製祭器樂器記

同前

信陽設學自國初迄今幾二百年壯麗宏敞甲於中土惟祭器未備每春秋釋奠籩豆簋簋類代以他器樂用俳優有司莫之問卽問亦莫爲理歲已未眉山張公奉命守是州黃梅盧君來掌學事迺鳴鼓進諸生語曰國家首重祀典盡革流俗陋習崇報先聖尤慎且嚴顧茲申土河洛名區大成儀物殘缺若此何以稱報功之典張公西蜀名賢下車半載政通民和百廢俱舉其於教化尤拳拳焉盍一白乎諸生唯唯同請於公公允其請並白兵憲孫公公嘗以春秋上丁先日謁廟優人羅列俗樂競奏尤毅然欲正之乃捐俸金購玉磬於靈璧其餘器品盡委張公公雅負神解考圖

譜募工匠凡簠簋籩豆犧象雲雷登鉶之屬悉範以金飾以丹漆靡不精妙合古制復白孫公選民間俊秀免其雜役以供樂舞二百年殘缺未講者煥然一新時維仲春天清氣和律呂之音響徹雲際合邑士女怡怡雍雍若陟虞廷而聞韶樂者孫公臨視喜曰此足以祀吾夫子矣又數日鶴集大成殿因而巢焉生五雛殿瓦琉璃且高峻不可置一芥巢復巍然若有物以承之殊不可曉殿階前桐樹二蔥鬱瀟灑亭亭霄漢數畝清陰掩映廊廡忽一夕葉垂圓珠潤如玉甘如飴師生咨賞咸謂奇觀歲辛酉領薦五人何生洛文復首多士自是諸生思奮絃誦之聲無間市野禮樂之感召和氣振勵士風其速至此哉今年春孫公致政還閩中盧君亦引疾求退張公三年政成旦夕遷擢諸生馬君奇等懼後來者之忘其自也屬祖嫡爲文紀之既弗獲辭則誦所聞以告之曰古今之祀夫子也匪直報功已也祀之必用雅樂也匪直將事已也夫子之道載之六經天理民彝不可一日闕者誦說相沿視爲陳迹堂室田畝親所經營以遺子孫者何切也歲月既久遂忘從來至有棄以予人者聖人制祭以永其思固不爲堂室田畝然而齋明盛服洋洋如在顧瞻木石有不惕然淒然以求無忝所生乎聖人之六經非吾之堂室田畝乎由祀而思刪述之勞因經

而求心術之蘊其視誦說相沿何如也夫子固曰禮云禮云玉帛云乎哉樂云樂云鐘鼓云乎哉爲吾學者豫養此心偏倚乖戾一毫莫雜父母不孝非禮樂也兄弟不友非禮樂也夫婦不睦朋友不信非禮樂也他日事君使民遺艱應變小大不同同歸禮樂由是駿奔清廟之上周旋禮樂之間庶幾無忤而顏無愧而心事定論公列之從祀千載與有榮矣不然講求誦說無益實用其不肖者背義害道甘心爲之是舉堂室田畝而棄之瞻廟貌覩樂器其能不汗且懼耶於是諸生肅然起曰是舉也盧師倡之孫公主之張公成之而吾子實永之矣請記斯言俾後之有事釋奠者頌三公之功而懼吾子之說禮其有興乎

子貢書院記

何洛文

信陽之有書院蓋自正德中前兵備閩公始闢公旣城信陽復斥城北隙地創建書院祀故信陽宰端木子貢而因以造士其中名曰壯學書院嘉靖間憲副潘公崇獎學校不佞身備都肄之列於時夾池汪草宰木蒼鬱芙蕖被沼亭榭相望歲有菓蔬魚稻之饒士相與挾策講藝朝絃暮誦何其盛也自予去官京師兵巡使者更代不一典守日益弛玩樵牧不禁白徒因而竄居浸盜蕪匿歲入多逋累堵連楹拉然朽崩甚者陂瀆而田棟

撤而薪千章虧蔽者童然輦入豪胥家矣萬曆壬辰僉憲任公至廉得其狀首寘豪胥於法周爰咨詢喟然歎曰書院實崇賢育才之所而頽圯若此司牧教者謂何乃清覈隱冒歲得租若干以屬州守韓君大修治之逾年告成前曰性道堂內爲重構曰美富齋貌黎公像號舍夾室庖漏門屏罔弗煥以飾門外左方臨流築臺臺上爲君子亭而總樹綽楔曰子貢書院會春夏大雨掘水注陂前後皆滿移種蓮荇田田然環種花竹森森然景若增而勝地若增而靈者不直頓還舊觀而已公喜召予落之曰茲且拔士之秀者羣聚讀書俾進其學而月再課之子盍記示永遠無俾今日郁乎躋踰而後尋落落也予曰唯唯夫書院主祀子貢而前人願以仕學名者何也豈以賜也日損不若揭日益者示之趨耶無亦謂西河二語體用具備凡宦於斯習於斯者咸可顧思耶是殆不然聖道大中不及者跂之難而過者類之易卽欲學聖人之全莫近端木氏者雖然賜在二三子中稱最賢矣大史公因貨殖著評而載其結駟連騎聘享諸侯因言語列科而載其存魯亂齊破吳霸越此何以稱焉予謂政使有之夫子固心弗善也而屬厚望者恆在焉則何以故彼顛顛篤謹用守師說可耳必遇則傳非進取高遠弗任者故與其弗如抑以不幸往往深折其鋒銳之氣俾

約而精思類而力踐研疑契悟賜也其殆庶乎晚年一貫特受舍參無兩性與天道聞所不聞顏曾而下庸多讓耶至其宰信陽而服膺聖訓迄今當官三事萬世準焉仕學體用曷以尙茲予故曰願學聖人之全宜莫端木氏若也然則公之嘉惠斯舉不獨維新規制而且釐正厥名詎無意歟教之必因其才居之必擇其地引之必向其方所爲陶鑄而鼓勵之者至殷殷矣士際斯期瞻仰感激卽中材猶然思奮矧惟茂異由今之學追古之道敬業而羣則一貫是繹得時而駕則三事攸詳充斯志也曾謂及肩非數仞之基丘陵限日月之照哉脫或誦讀不論其世利達寢淪其初維昔賢令德成而上迹超貨殖科邁言語而士嚮風景行委蛇乎其中有年乃濟仁義湛浮華出道德入權譎異日登性道之堂有不顏汗首疾掩面而卻走也者幾希何進取高遠爲也漢昭有言守令者民之師帥多士師帥不遠固儼然矣而臨之矣矧明監司率厲作人良守牧推德意而廣之詎無副此躬逢者出乎哉不佞文質行能罔所底止豈曰有諸已者顧詩不云乎心乎愛矣還不謂矣敬記之以諗多士

州守第五公瑤林免諸生河夫記

何瑞徵

令夫一事也有至人焉起敝而拓昌明博大之規式孚物望必先有畸人

焉越俎而構傲擾泯棼之局盡失人心至於衿帶藏輝宮牆闕彩而至人者乃當其厄而一新之而後衣冠文物發其光壽考作人收其譽則知申士河夫之役不免者適足爲免之者樹德之資矣余年過懸車時當溽暑惟支扉作梵唄或兀坐蒲團耳一日聞剝啄聲二三親知見過感州守第五公明德優免諸士河夫欲勒石以昭示來茲而屬余言爲之詮次余惟古者禮士之典升於司徒者不征於鄉升於學者不征於司徒其來舊矣近代諸生亦免錢糧二石人丁二丁方且復其家矣其身有不復乎乃若古之甸服不過五百里中申之距河七百餘里河患與申風馬牛不相及而申又當子午之衝滇黔之餉蚤夜轉輸懷繻者又輪蹄交錯申民僅存視息尙堪疲於奔命擬河上逍遙哉民猶當恤之而士之當恤可知也且公循卓之績郡史所不勝書卽如自剄投縵者置不問而民鮮輕生以僕陵主者法必懲而民鮮不軌此皆大有造於申者乃獨以免役一端盡公耶不知免役已足重也免役於必不免之後尤足重也先是河工告急上臺檄下頗嚴然諸生雖無必免之文亦未有必不免之牘其行其止有司者治之耳而一監司者攬其權而重布之優免錢糧止存一石四斗而裁去六斗矣河工一事他邑無役諸生者而此斷斷役之高坐堂皇立行驅

遣嗟呼懷詩書而操畚鍤習禮樂而墮泥塗余在南聞之且泣下數行先師能無恫焉者乎日復一日莫可誰何諸生亦惟結社釀金以待僉報相視吞聲而公乘日月之明厲風雷之勇不待呼籲下令里胥自今河夫不得派及諸生及則有罰噫嘻何前後之大相遠歟前則若墜於淵今則若升於霄是烏可以不紀而別駕王公亦從臾其事相與有成爲規爲隨地方咸嘉賴矣然余與申人士有厚望焉裁免糧與役河夫一時也河工既沐深仁安知不併全免糧二石之例乎申民與申士俱與河無關也申士旣仰高天安知不並蘇申民之困耶倘荷請命上臺而俞允焉其懽呼祝頌者又當何如載筆揚休請以俟之異日

信陽州舊志敘

明劉尙樸

今天子乙卯春爲芑寰楊公下車之踰月枉朱軒湫隘而請曰信陽古文獻舊邦也宜有志以紀山川人物之盛乃志自純皇帝己亥以來寥寥矣間素之故家所傳皆蠹餘也幾不可認識又暇論魯魚亥豕哉嘗思國朝稱文章開創咸推信陽北地近如三太史先生同時直承明著作之廬皆鄉先達也乃亦令此志湮沒無傳闕典哉豈其立朝行義日不暇給與乎子大夫休沐里中立言其事殆天假之會以襄厥盛舉也余遜謝不敢承

曰志史之流也昔班孟堅論司馬子長曰其文直其事核不虛美不隱惡故謂之信史而文直事核不虛不隱豈一鄉里病棄之夫所任乎況余居常閉門掃軌自甘寒蟬之諛豈不知隱情惜已爲杜周甫之舉人哉蓋橫襟而上下古今也易擗筦而品題月旦也難阮嗣宗之慎固輓近涉世之道宜爾也乃公慨然修舉之念益堅一日集闔郡士紳約所敦請如初余亦遜謝如初公曰寰宇郡邑有乘幾於充棟豈異人任乎毋亦惟是溢美逆施且有所以掣董狐之筆者耶此非子大夫之慮也人自有品論自有定凡茲矜紳孰不具三代直道守土者將衷裁之以爲形管佐余乃贊公取志中諸類而分之首圖考終武備某類屬某某類屬某某各據所傳聞開載呈於公公以爲可余乃受而總其成授簡自春仲迄今冬仲殺青斯竣余周覽而更有感焉曰治吾郡者首黎公黎公宰申夫有所受之也曰廉曰平曰慎尼父蓋立萬世司牧懿矩今公之蒞吾申也適當積廢之後三商而出三商而入拮据釐剔牘日以益清政日以益簡庾日以益允民日以益腴然公當諸務絜蠅中每奏一類未嘗不卒業且也朝奏而夕發夕奏而朝發蓋目不停閱手不停披他務精勤大略稱是志雖一記載之文乎其間登耗進退一字一哀相參相比卽經生易厭薄而屑越之文考核



必精評隲必肖累黍之度毫釐不可損益他務敬慎又大略稱是文章潤飾吏事固公之雅韻實吾申人之光也吾申人祖父多藉手以流芳徽於永永者不腆勞工之費衆擎易舉公一切峻却且公諸贖鍰又俱以積穀備振卽一棗一楮莫不從節嗇俸薪及雜支餘金所易者懸魚拔薤之操恐亦未及此矣黎公所受聖訓公已身體而見諸行事夫豈徒爲是邦文獻生色哉後之賢大夫讀郡乘而興思雖代有黎公可也謹次以弁簡端

清白吏傳

王祖嫡

先生名容字汝大生而恬澹無所好成童時動止一以禮受經於叔祖東東發解中州行誼爲里人重而尤負人倫鑒每撫公謂族人曰是兒他日不但功業顯當以令德著惜吾不及見耳自是邑人稍稍奇公而公益韜晦嘗慕徐孺子非力不食之義習勞甘苦刻意向學二十取姜氏以公貴封宜人嫻內則與公相敬如賓人擬之冀缺梁鴻家貧居恆教授以養父母父母安之每舉筋歎吾食藜藿不知列鼎之爲美也嘉靖庚子薦於鄉上春官不第從遊日衆青袍草履寒暑不易坦夷不校人望而親之嘗之館塾無賴子醉詈公遜謝不已久而方解次日里人共責無賴子非人哉胡爲犯劉先生無賴子悔恨欲自經竟遠去公友愛甚篤二弟宋官授

室治生讓先廬與之而別創茅屋於其側里之闕牆者往往感化時諸邊缺馬大括郡縣不惜重價人競趨之公若不聞也者令鄧君雅敬公又憐公貧密以語之公謝曰我無馬鄉人共知今又有馬乎姻黨被誣乞公居閒公諭之曰吾人處世所恃者天道神明而已爾誠誣人卽不直神亦直之奈何舍正路而鑽別竇令聞公言乃白誣者公不喜女色友人疑其矯強飲外墅而先寘美姬於空室夜分各寢一所謂公好靜宜居此鐺戶去而姬出公危坐待旦天甚寒姬啼公以衾與之終不一顧友人太息曰坐有魯男子而吾不知何云交厚哉公遊南雍宿正陽主人婦少而新寡夜就公婉轉誘之公作暴疾狀呼童篝燈煎藥味爽馳去僮爲人言公終不洩也已未父母相繼卒哀毀逾禮令陳君造廬慰諭摘禮不慈不孝之文示公矍然汗下始有起色辛酉禫除矢感風木不赴公車或曰公不忍仕是也如夜臺寂寞未沾一命何公又矍然汗下跨一蹇驢去試復不利謁選判黃州抵家而姜宜人卒公泣曰此與我同辛苦事父母者父母不及祿養而宜人亦以荆布從之吾何忍再娶且有牛衣鹿車之誓矣營葬畢單車赴任黃號難治而公專催科逋負至二十餘年公務以至誠開諭不事鞭笞爭先輸納他郡糧不完及錢穀焚燬亦以委公立辦監兌蘄州點

吏悍卒相戒斂戢公布袍蔬食不殊寒士人或風之公笑曰惜福曠行吾自甘之不知其它也自是廉平之譽孚於上下薦剡旌牘莫可殫紀乙丑景王柩回京中貴人僕從橫甚兩臺以下懷懷恐獲譴公力任之中貴人素聞公名持其青袍歎息嚴諭其下一無所擾撫臺徐公謂其屬曰吾儕嫉閹官如仇畏之如虎每每激而取禍觀劉君事良愧矣居久之擢同知府事監收船料夜泊蘆川賊拔刃突至詢知爲公叩頭謝過仍衛送出境而荏苒之警稍靖副推僉臬者數黃人恐公去環訴兩臺竟從民情不違奪也隆慶改元籍沒陶氏公當其事無一波及守缺例入覲一篋自隨見者垂涕公任既久操愈厲而吏事益習漕院檄造運艘數十工竣而洲涸百人推挽屹然不動相視無計公命通一小渠布以田間淤泥數人曳之利涉如川遂達江潏癸酉擢南戶部員外郎任黃十一年矣士女攀臥號哭之聲震於原野爲立生祠歲時伏臘若水旱疫癘禱無虛日公抵白下未幾榷關武林公私稱便久之值滿考堅欲乞歸少司徒汪公曰知君志不可奪顧不爲二尊人地下耶公又矍然汗下貸十金行時銓曹二人一爲公門生一爲舊部僚風公少需當有顯陟公不謝亦不辭而去又久之擢知滇之廣南公貧旣不能行又疾作懇疏乞休上知公非矯特允致仕

獨居索處一榻蕭然親知勸公爲主饋計公流涕曰老而再娶是曰昏悖其賢耶且有累如不賢敗德破家所不忍道吾卽忘糟糠約可以四十年苦行頭陀萌還俗念哉公俸入盡散親族至不能舉炊陋室湫隘不避風雨讀書課子泊如也每出仍布袍草履婦人小兒見公來亦斂衽起里有不善惟恐公知絕迹公府達官貴人避匿不見式廬造請亦不及公府事壬午大慶覃恩進中憲大夫甲申五月痰疾大作猶手一編寘牀頭戒諸子甘貧安命毋爲市井計六月三日索湯飲訖就枕少憩卒時盛暑顏色不變人咸異焉公自少至老無一戲蝶語無一欺罔事誠之所積人自感孚使大行厥志雖不能盡挽澆漓而實心實惠視智術駕馭者當必有間乃止二千石而又未嘗見諸行事也惜哉

### 三節贊

王祖嫡

予友張子厥名大信千里靡竟中隕神駿厥妻李氏矢志柏舟厥妾丘氏同節相求子女俱無兼之少艾金石冰霜不間中外大信之弟大教有聲先兄而卒妻亦幽貞秉節立孤艱辛萬狀與嫂相依蕭然窮巷苦心苦日相懋相安如竹松柏不改歲寒親戚官府亡一問者綽楔表閭乃多富舍予使過里往拜其廬固請相見且拜且獻雅以嫂事矧烈如此爲生者欽

爲死者喜二子而在卽遂成名上壽騰仕奚若是榮嗚呼是榮寧直張氏凡我申人藉光曷已美哉三節千載猶存更二夫者毋過此門

張公去思碑

何景明

吾州守張公以彰德府推官蒞吾州遷南京戶部員外郎適弘治甲子爲吾州凡七年旣去州之大夫士越考翼馳狀於京謂余曰公政吾州德我民我民德之子州人且公所舉其知公爲我民文其實碑之余聞公初第丁未進士來推彰德彰德達上下州之之京師者必之焉公所以爲彰德州人固已識之往來間迨遷守吾州州之人咸慶曰此其推彰德者也始抵任鳴鼓據公座列郡吏胥隸其下兩翼詰土之情之俗皆莫對且欲徐伺其所爲公頃屈指曰某也富某也窮曰某良曰某曲且僞曰某里某地闕狹瘠饒高卑如何嫁喪貨農及所尙敦薄如何悉中左右顧且汗莫知所出神之臨民溫然有餘度人多易近有訟者不欲速成獄久能自解不問其成案惟詳惟明故境內訟不他求伸民或中其惡不卽以色姑徐治之大要務與民休息不輕震動擊搏初人以爲常不甚快然卒以相安殊無多事陰受其益民知爲生桑柳皆林羊牛鷄狗豬靡不腓以孳故賦多先期納者工役未嘗僕僕舉其不獲已者時孔子廟久不葺棟桷缺丹白

孰以隆公完之廡置像舊無者州東山曰義陽昔申伯地世沒於衛官公於御史沁水李公白之遂築書院於山之陽路橋陂池倉府署郵城隍郡治祠入祀典者每一新民不曰費暇引學官諸生講學考業然亦不數數諸生益習不怠州往年科無兩舉十人者兩舉而十人惟公之力處人上下各有禮故無怨至於小夫亦多感焉由此觀之公之政古謂平易者也所居雖不大異其去能使人有餘思原公以經取第復以經術潤飾吏事且熟文法加之平易所以克令厥後凡刻削抉剔炫矜能僞自增顯者視公不足取焉公名拱字朝儀蜀之內江人履歷不盡紀紀其大者耳示不忘也而州人忠厚之道存焉以是堅不可讓爲之辭曰天子勅牧光播厥修輔植敦樸顛躓賊蠹民庸是優持威倚法刻志爬搜良者不闌益佑其偷惟民之羞公邁厥迹匪剛以柔令終如始民罔違尤南山之石蒼蒼寒秋世公之休

郡守秦興朱公去思祠碑

劉尙樸

萬曆乙巳公刺申六載有奇先是主爵者爲功令久格虛海內守若令日苦淹滯擬治行高等者授以部銜需次補銓省報可而公遂以副爽鳩司被徵州人如嬰兒之戀慈母皇皇然攀臥不獲共謀爲祠以志去思公聞

而厲色卻之曰思從心在心不在祠也況余以徵行於格戾方且愧媢母去帷媢形畢露又何敢以六年嚮尤之身煩地方父老爲時余以武庫郎休沐過家祖道郊垞而公辭益厲乃父老謀所以祠之者益不置也營地繕材鳩工聚鏞不煩聲色而儼然聳觀五父之衢矣僉謁余爲文以永貞珉余進父老子弟而語之曰祠者示不忘也記者示不朽也郡守貽澤之遠地方愛慕之公具見之矣第信陽冠帶往來之國碑固不於道傍一片石而於千萬人共口者余悉公德讓君子足以輩前世桐鄉乃所爲察行質言以符合乎途之人者則又唯爾民謠足憑試詳言藉手以裁潤之於是士首四民謂公美秀而文不憚延諸博士弟子於學宮躬爲講解品題藝文其貧而無力婚喪者咸取助焉故至今相繼登賢書者皆公藥籠中物也卽蜀文翁不啻矣其農夫載茅蒲欣欣相向曰吾春秋兩稅外惟知搶刈耨耨以且暮從事於田畝而已間有虞芮之質旋且以我公善愧人息矣何知有雞犬之擾也州雖舟車不通而歲醅釀千鍾屠牛羊豕以千萬計上商之出途入旅者不乏而公於此更無毫髮侵也嘗聞入覲後便道之任袵衣未及隨篋遂以染指申葛之故而暑月複襦不易也板輿迎養太夫人所與奉飲食外皆藜糗也一日械一僕以歸詢之知以屬厭饑

口故未及稟命易豬脂如許也其清修之節見於稱誦如此且也地當孔道軍民繁囂公駕馭貂璫調停兵餉經理河工弭救荒盜目視耳聽口應手披咄嗟便辦則又黃髮黃口人人如置一喙也夫下以其分取足於上而予無欠缺故感恩圖報如此唯是簿書文案之吏輿臺伍伯之儔夫固視清廉吏如盜憎主人者乃亦沾沾不置何也彼誠見夫意氣揚揚者雖足明一時得意而敗不旋踵身命繼之其嚮所爲局脊無敢容詐者乃所以晏然夜叩而不怵念於震搖山岳者之按部也夫民至四民止矣而見德知感者至出於四民不可料之外公之深仁厚澤所以膠結於民而不能已於思也余不能文恐貽笑大方余更不能爲無稽之文以貽預爲陽鑄者口實至觀納風謠表章實行則固不憚其言之俚也因次第其言以爲記公戊戌進士揚之泰興人今且緣前典郎司馬矣他世德不具述云

重修信陽州儒學碑

同前

吾郡學宮創自高皇常辛亥嗣是增建不一最後倡修者爲何宗伯公蓋今上丙戌亦三十餘年於茲矣殿宇欹傾剝落春秋將事非所以昭虔也殿後明倫堂堂後尊經閣閣下敬一亭更不蔽風兩博士弟子幾無可爲肆試地幸芑寔楊公來守吾郡不啻化蜀文翁司教鐸文君文翁之相如



也公甫下車謁先師俯几筵仰棖栒徘徊慨歎景行與安神至意交集於中已而升堂諸生以次進講講畢賞鐫訂謬顧棟宇倍爲愴懷維時案牘填委攻剽頻告弗遑也歲丙辰公政治刑清萑苻息警節嗇雜支餘銀屬文君督修大成殿庀材用計程期以日論工以工論餉涼風至而致用霜降而工休矢棘鱗次煥然肅然俎豆有恪文教在茲及今丁巳公又節嗇得餘銀若干屬文君修明倫堂如大成殿修尊經閣敬一亭如明倫堂餘銀不足稍移贖穀佐之蓋公詞不輕受亦無金贖自大辟作姦犯科外多徑釋或責而釋之責不足以盡辜乃量輸穀備振耳公旣一桷一甍不以煩里甲文君體公意督勤覈冒費省而功倍役旣竣文君丐余言壽貞珉昔人云有其舉之莫敢廢也因仍蠱壞諉責後人毋論已工逢迎者飭傳舍徼福利者崇梵宇廣珠宮孰有加意覺序亟爲修飭如我公者又況月有試試有程以口教文以身教行不徒旅進旅退飭興學之文而已也耶難者曰學宮以隆師造士也州堂以蒞事子民也公顏曰保赤顧名思義垂範來茲修之宜矣若預備倉倍增於舊得無與長府類乎是不然魯爲長府改先公之舊將腴敝民以實之故聖賢委曲諷採今公效古常平義倉遺意儲穀備亡年又以計口賦入出納間多滋弊竇惟於罰三十

以上應入金者易而爲穀穀至舊庾不足以容不得不增不寧惟是文廟前爲樞星門樞星天田星卽農祥也國家創制蓋先養而後教之意今旱蝗相仍應祈幸得甘澍蝗亦遠去民已甦十之六七矣冬春間公更議出庾穀爲糜餽鬻桑庶可轉瘠而腴公他善政凡可以養民者大略稱是申人被潤澤而大豐美其秀出者顧化瞿然先師富教之旨旣見諸行事又豈徒飭崇祀之文者哉文君旣羽翼諸生更率而祇服公教燁真所謂文翁倡教相如爲師者樸不佞邁茲舉不辭燕拙而樂爲之記公名若梓字育原世燕臺著姓以癸丑進士來文君名立綸字仲彌世桂林著姓以癸卯舉人來分訓京口周君名槃字廷器箕城張君名西銘字仁甫並能飭規章教贊化申士得備書

傅公登榮建信陽州大堂碑

何瑞徵

申陽州治前朝崇禎末燬於寇無一椽之庇皇朝應運司牧者雖歲有締構皆湫隘不蔽風雨郡龍夭矯而來結脈高敞非大廈不足控其奇賴前太守高公建大觀樓巍然鉅麗矣而黃堂庫狹不稱象魏之雄受事於庭者擁促無威嚴抱簿書以進者蜩縮無所役足堪輿家言申之闐闐寥落甲第晨星職是故耳故人咸惜盛事之未舉云我公握符是郡慨然欲更

新之然慮民性未孚未可重勞及期年而物阜民康百務具舉爰召工師而命之曰俾爾以俸金百採木魯氏之山召陶人而命之曰價勿爾鑄器勿我窳鳩工於邨市而備之曰吾飲食汝計日酬若植子趨父事擊鼓弗勝始事於乙未之秋落成於丙申之春爲楹五間高廣數倍於昔民不知費工不言勞輪奐聿新觀瞻聳肅或疑爲鬼工焉蓋公忠孝昭於太史鯉庭之訓淵微初承家學弱冠有成德之譽天性仁人也愛人如子其革贖錢裁火耗卻筐篋懸魚茹藥之操見仁者之廉其投之艱大而不撓干以非禮而不怒畀之寵異而不驚見仁者之度獄無敢隱以情胥吏無敢舞以文錢穀歧雜無敢遁以數見仁者之明八固山數萬之師一至天閑旬月之喂養再至阜餼芻卑晉接豐饋餉人人苦之而公應之裕如其他理繁治劇莫不游刃見仁者之才卽如信陽最苦者驛站輪蹄雜選日無寧暑受篆之日纔羸駟十餘自履任至今兩年倒買過三百餘匹站錢減少咸出自蠲坐騎及稱貸旂下親知以補之從不累里下令亟請上臺題准增設明港譚河兩驛申民得以稍甦仁人之利其溥何如乎惟恩勤之及人者深故不勞而功集如此今且以卓政第一召爲維揚二千石後之登斯堂者念始事之勤亦如公之信而後勞相與丹雘墜茨以壯臨蒞

之色也其德不朽睹斯堂者念拊循之惠指爲甘棠相與敦禮守羣以承歌詠之風也其德亦不朽因推郡人之意而記之

州守賈獻之去思碑

同前

公初筮仕爲通許令其聲績應需次清華而主爵者欲歷試之乃以邑令高第擢申陽守申陽古要害地也楚之應山居其南鄆與宛之桐柏居其東西汝之朗居其北使者相望往來於朗與應之間申當子午之衝輪蹄動以二百里計驛騎每多倒斃差使又肆誅求民應之不聊生吏司之亦不堪命矣公以俸入充官廩不以津貼困窮檐魚肉驛舍者脅息而莫敢雄行申若不知有置郵之苦者諸上臺間以公事至善事之罔或失其歡然皆約已裕人未嘗以飾廚傳累塵市或自出按行郊野不多從騶呵挈榼自隨不以資於村落也申地西南多山而瘠東北平衍而澆水旱俱易爲災凶荒率致無救一經兵燹徧地荆榛間有豁除僅餘甌脫初行清丈報額視他邑倍多迨義興屯僞增於懸坐不少而尺籍一定雖凶歲必按籍而稽且不待新絲新穀之期復有條議黃蠟之派焉公仁心爲質痼瘵乃身饑由已饑咎歸予咎往者天心降割申罹百年來未有之奇荒曰殍曰離有監門之圖未能盡繪者公設法施振出俸錢召買若干勸中產輸

助若干所全活者衆而無何有編審之令實欲於賦額有加也公曰申賦不衷見額已倍蓰他邑矣賦浮田者三之二田賦稱者不及三之一焉田浮賦則無之卽加加於何所或謂公不畏大司農課賦額殿最乎公曰民且不保朝夕以民殉官何如以官殉民吾不忍以一最易單赤矣竟持見額以應上焉者亦莫能以格繩之而又於條議蠲其全於黃蠟減其半爰立三限之法以春夏秋季月受輸輸必以衡取盈而不取耗絀繭絲於保障伸撫字於催科嘉惠生民真無量功德哉乃申與諸邑壤相錯皆在茂林深箐之中逋藪所在有之殊多陰陽閃爍畫疆而守不得過而問焉故盜不能獲以時而公遂以此受過而去矣申人士遮挽之不得謀立石於五父之衢而屬予以石言識公德於永永予謂公之德深且巨此一片石海水之滴涓也不幾斗酒豚蹄而謝滿車之甌窶耶僉曰此固不足爲公重而俾來茲者興焉觀焉爲規爲隨而申享清淨寧一之休大有足爲申重者予素不嫻於頌而茲誼不能辭採輿人之誦而記之予且將藉公爲重矣

重修信陽州儒學碑

清孫鳳立

申陽自周申伯受封而文獻代著迄明季如何仲默先生之文章董重夫

張季升諸先生之事業類皆高擢巍科名馳海隅志載之甚彰彰也洎後人才漸稀科第寢熄間有一二登賢書者復抑鬱坎壈鮮預世用用是宮牆削色無以爲後學勸斯果人文地脈遠不若古歟毋亦撫字茲土者不能相繼而振興之歟歲辛亥春厚庵艾公來莅斯邦之初卽爲訪鄉耆禮賢士恤民瘼減征耗理沈寃公聽斷美政嘉績罄楮難書矣至其崇祀先師培植學校尤出尋常萬萬者謁聖畢仰瞻畫棟見前任道憲如陳公孫公以及州牧龐陳二公俱捐資整理越今六十餘載日被兩淋雪壓以致殿宇蕭條廊廡頽弊因瞿然有感亟同學師以語諸生曰學宮鞠爲茂草固大夫之羞也抑爾多士之咎幸逢道憲費公捐俸十二金雖亦可以修補而實不足於用余其相率而爲攄清俸爾多士其亦括庫餼庶煥然而聿新之顧事謀諸始尤慮可繼自今新監之贊儀舊例半鑑有二余弗納汰其四而存八新生之公宴舊例一鑑有四亦不納汰而存十二以爲陸續補葺費至若樂器禮服之殘缺凡爾佾舞等亦各捐資三金以爲之備自茲以往永垂定規以誌不朽諒亦多士所樂從而病余之倡斯舉也抑余之意尤有在焉緬維孔子之德廣大配天地高明並日月今茲廟貌弘敞所以象其大輝煌所以象其明爾多士幸遊聖門願不可觸目而

思振乎由斯以後其立心也制行也以及凡有著述也睹其弘敞卽必規於正大見其輝煌卽必進於光明修此三者日新又新卽聖賢所樂引以爲徒矣又安在文章事業不可追蹤先達耶維時鳳得與陪其列聞公言爰樂爲述之以勒諸石

信陽州志考

明何奔家

地理之有志也自禹貢昉也郡邑之有志也自漢志昉也古者職方氏掌圖土方氏致景形方氏致地域保障氏分星野天子時巡命太師陳詩以觀民風命市納價以觀民之所好惡故延袤可度也機祥可察也則壤可賦也庶士可正也燥濕剛柔可均也說者謂周禮非姬公不能作倘亦謂其善志也夫且信陽之名非古有也有之自宋開寶始歷代改置不一要之實周申伯分封地按詩嵩高奭奭申伯于邑于謝謝近申地傳曰在南陽揚之水戊申黍苗肅肅謝功傳又曰在今鄧州信陽軍之境踵承不察遂爲疑端舊志蕪陋魯魚帝虎殆不可觀邇嘗續修殺青未竟考據遺迹斯已塵矣故未暇辨朱傳自相矛盾之故夫申之所以爲申繫申伯之以此尙未明志於何有嗚呼考亭解經固非能一一躬履其地詢千百載以前掌故故老也所據者地理志耳漢志尙無今名舊稱置平氏者近是自

秦以來俱屬南陽其後或置義陽郡宋仍置信陽軍汝寧之稱又始自勝國昭代因之故傳極高而曰南陽者就漢史言之也傳揚之水黍苗而曰信陽者就宋時言之也其兼言鄧州或亦有故使考亭生於我明當又曰今在汝寧南偏矣讀書誦詩而不論其世輕詆者妄已卽泥辭滯義無能達觀疏通言言皆疑府也愚生嘗自豫入楚周覽鄧侯故墟矣土瘠地夷易無崇山之固城池卑淺不稱元舅之封且封申於鄧置鄧侯何地耶信陽卽堇堇乎南阻重關古黽阨塞北則長淮迴抱直達江漢西南一帶士雅賢首峴山下梁諸要害在焉自五代分據南宋播遷壁壘遺迹往往而是不徒曰州曰縣而曰軍者巖地也而又嘗屬鄧州申鄆間又有古謝城豈申封故在宛唐泌鄧之間後入爲王卿士宣王又念元舅之重我圖爾居莫如南土特遣召伯卜吉啓土改營於信陽耶是亦未可知也而信陽則必爲申封後周及唐武德間改名申州久矣而信固古申字也明其爲申然後按圖測景正域分野其延袤俱近二百其機祥上應翼軫其產穀土庶土歲額惟謹其人彭仲爽朱燕朱序王讚朱修之張惠紹胡元範其名宦端木賜毛德祖夏侯亶陳慶之魏釗姚元之范純仁劉安世昭代彬彬未易僂指山川風氣孕靈毓秀標表往昔照映來茲可得而言雖然明



堂不作六龍希駕爰有衣繡采風之使昔何以淳今何以漓昔何以簡今何以繁昔何以謚今何以謚一開卷而犁然目前妙搏捭迴幹之用調燥溼溫柔之宜總不外別蠶興利二者若區區按輿地而圖之徵物產而賦之不過績鍾筐篋事耳而績鍾筐篋之果不可以爲郡志者也倘亦有紹明世繼春秋本詩書禮樂之際者乎

曾烈婦本傳

清王

臨州人

烈婦郭氏明經郭塚女母姓李從祖明孝廉李公呈章乃死難遼州而妻妾俱殉者也李父匡倫之母興伯母皆以節著州志其適郭也流風餘烈壺教蓋有自云婦生六歲卽嫻於內則母李病侍湯藥唯謹八歲李故繼母劉益善病扶持抑搔之餘視父羹膳衣履及日用操作咸隸焉劉故事繼母楊尤相得無間年十九適曾若次子肯穫穫旣天性純篤婦復婉婉悉當舅姑之旨門以內親疏大小益雍雍可樂也常勸夫力學雖溽暑蚊嘍寒霜雞喔不廢績紡佐之丙戌穫方見知學使旋染痘卒婦遺身八月幾哀號絕粒冀存夫一息不敢卽死無何生女數月而妖舅姑方慮其無以爲生也願以其幼姪爲嗣蓋示以不絕其夫婦亦不敢堅持死志矣亡何嗣子又瘍爰迨三年服闋力勸舅姑營葬戊子十二月十九日辰時哭

送夫柩河干婢扶反臥則引被蒙首自縊矣家人奔赴塋所晷尙未移也  
時年二十三歲卒與夫同瘞焉嗚呼存順歿寧道丈夫難之可生而生可  
死而死如烈婦者從容慷慨可不謂兼善歟一時聞者感泣各上憲業給  
匾旌閭臨獨恐事久失真大義寢晦迺次爲實錄以備採風若夫輪轅之  
飭壽諸貞珉則請俟之

以上文類

行露

商召南申女

厭浥行露豈不夙夜謂行多露誰謂雀無角何以穿我屋誰謂女無家何  
以速我獄雖速我獄室家不足誰謂鼠無牙何以穿我墉誰謂女無家何  
以速我訟雖速我訟亦不女從

白華

申后

白華菅兮白茅束兮之子之遠俾我獨兮英英白雲露彼菅茅天步艱難  
之子不猶灑池北流浸彼稻田嘯歌傷懷念彼碩人樵彼柔薪叩烘於燧  
維彼碩人實勞我心鼓鐘於宮聲聞於外念子懔懔視我邁邁有鷺在梁  
有鶴在林維彼碩人實勞我心鴛鴦在梁戢其左翼之子無良二三其德  
有扁斯石履之卑兮之子之遠俾我底兮

雜詩

王讚人義陽

朔風動秋草邊馬有歸心胡寧有分析靡靡忽至今王事離我志殊隔同  
商參昔往鶴鷓鳴今來蟋蟀吟人情懷舊鄉客鳥思故林師涓久不奏誰  
能宣我心

女蘿篇贈何大復

戴冠

瞻彼女蘿託身喬木朝兮烟綰夕兮雲羸孀孀千尺下引深谷斧不可施  
斤不可斷豈無桃李懷此幽獨相依萬年惟日不足愧彼兔絲蔓於春綠  
不慎所從其能有淑

還至別業二首

何景明

雞鳴高樹杪狗吠墟里間家人望車徒遠客造門端入門問所親上堂敘  
悲歡行人暮飢渴秉燭具盤餐明月照西戶三星爛中天出門踐野草白  
露忽已溥十年苦行役茲夕方來旋寧知非夢寐忽忽心未安

詰晨親友至筐榼攜所需各言平生歡念子久離居綢繆語未畢展席臨  
前除園榮亦已抽況有盤中魚人情倦懷土富貴豈常於無爲泥形迹所  
願恆相俱

與大復先生夜話

戴冠

共坐夜深沈清談雜古今感慨孤燈下各慰相知心相從此百年自誓無  
晴陰但恐癡絕子昧昧非知音

雜詩

何景明

西陸移修暑素節多寒陰端居屏營慮淒氣慘人心浮飄委時卉零露傷  
青林仰見孤雌翔玄鳥無遺音蟋蟀何愁苦終夜長哀吟感物興慨歎憂  
思孰能任

馳輝在西山返景流東隅羣欣被光灼何能待須臾重陽肅萬物樹木日  
夜疏叢蕙植幽闈含榮耀前除佳人渺雲端何由致區區常恐霜霰至委  
棄不我需

賢山

樊鵬

前賢已無及今日稱賢山賢山抱申城蒼翠青雲間望之如芙蓉寒江對  
幽間青陰遠相庇高峯不能攀我隨振鷺侶西眺開愁顏舉酒啜佳茗極  
賞暮言還山頭松月淒萬古光區寰

西河泛月歌釣石

王納言

城西七重陂巋然一釣石理機有參軍羈心玩逸客溯洄控上游野曠展  
瑤席遙見蛟鱗從詎直魚蝦噴鼓柁百鱗翻玻璃萬頃碧垂竿者誰子照

耀烟嵐夕仰天長叫嘯坐磯忘今昔儼逝渭川湍忽瞻嚴陵烏龍潭自澄  
澄高山何奔奔雲中入蓬島月下泛赤壁茂對倒壺觴暢怡無間隔披簑  
一水涯笑傲乾坤窄

行經平靖關

南山秋色高峯吼盤千里形勝控淮南要害轄楚尾峭蒨入雲平崢嶸拔  
地起巖岫何渺冥岡巒多崷崙遠近建霞標高下去天咫飛流瀑如練彌  
望樹若薺蔽隱變日月峻絕饒壁壘中經巨靈擘箭栝通迤邐一夫當莫  
開丸泥封可恃必爭想齊梁雄吞弔申芋出入雞自鳴陟頓馬頻止坂折  
摧車輪石危妨屐齒重繭疲征人濟勝愜遊子九塞此居一散函壯堪擬  
屢憩始及巔崇墉冠峯趾古廟棲寒鴉蕭條惟羽士踟躕天塹空關門氣  
正紫慚非青牛駕彷彿逢尹喜曠緬俯中原悠然酌清醴聖德方無外車  
書混文軌出關無用傳設險亦徒爾折衝屬廟廊願言圖至理

避暑南城樓田子藝貽以雙鴛雛並詩率爾奉和王祖嫡

有美雙文禽飛止共朝夕胡爲遣兩雛短羽尙淺碧不能使狐衛

鴛鴦尤  
異者

離於土窟間能  
使狐衛其子寧敢笑鷗尺得非詩人羅獲異如皋射比翼若憐鐵交頸

似相啗雖愧閒鷗清幸免腐鼠嚇放爾之寒塘同棲愜幽適顧影戢芳姿

乘時養彩翮主人鳳池賓愛護永不迫

西樓登望

明 劉尙質 州人 御史

盤紆危樓開清眺淒風發簾櫳凝烟光岑闌空未樾遐川自溱洄蒼峯儼  
突兀俯矚扁舟橫誰爲解纜滙大觀已塵氛人生多飄忽豪宕良難儔一  
尊對秋月

採藥仙石嘖

仙石饒靈藥獨往薄言采清晨荷鋤去杳然入蒼靄境絕異凡區地迴逼  
真宰神芝動黃芽塵骨蛻如改虛無翔順風漸與自然會資生詎外益葆  
中非他待生卽憾有涯理或超無外

貞烈姚女紀實

萬 侯 州人 廉

聞道昔陳姚待字甘貧苦幽貞淑秀姿慘彼強鄰侮矢志戀所天視彼如  
仇虜訟獄漫相誣不屈於威武勿頸在公堂官吏皆驚顧白日頓無光逢  
天示竄怒北闕進鳴冤榮膺身後祜迄今百餘年靈爽常相聚魂夢感懦  
生碑碣殘風兩軼行難罄書撻取十之五憲牧錫褒崇城南封塚土瀨水  
並賢山芳名亘萬古

扒山兵行

馬 錄

扒山兵古來戎卒無此名昨日府檄下州縣長吏惶恐州人驚是時里書各射利簽報誰肯輸忠誠册中五百皆下戶囚首赤脚東南行承平久不經爭戰州人誰識弓和箭押官催促早出城父子相看泣如霰西江豺虎正縱橫別時休問何時見乃知生女勝生男女生不死他州縣南征北守真可憐天寒日暮他鄉邊龍車鳳輦無消息淮水悠悠何日旋

古松歌

何景明

賢隱寺傍之古松奇絕可比徂徠峯問之故老迷歲月但見皮肉屈彊苔蘚裂高枝上掣玄冥風迴柯反掃陰崖雪藤翻蔓卷空林黑集霰流烟豈終極斧斤相顧畏盤錯梁棟誰來誇正直昔予山遊駐車馬行吟屢憩茲松下松根老僧爲開徑野色巖姿坐生暝葉暗秋燈梵殿深花香晚飯齋廚靜一年幽憂不到此寧知摧折空山裏龍盤虎拏終有神白骨蒼鱗半枯死滄波古岸霜氣夕律飢猶看數千尺石上連朝走雲兩山中十月飛霹靂千靈百怪相護訶過客居人盡憐惜君不見泰山五大夫零落今看

在何處滄海空流使者槎悲風暮起將軍樹嗚呼人生富貴竟何益松乎松乎吾當爲爾誅茅傍青壁

潘節婦

同前

二十君辭房六十妾在堂紅顏爲婦白首媼昔日抱女今已亡風火炎煙黑鄰里相救失顏色未亡之人安所從義不避火天返風噫嗟妾雖有身君無子身未化石心不死

重光崖怪松歌示王子文若

劉永利

子向模

君不見參華古松生絕奇山深歲老成虬螭幾謂他山難再得忽遇此間一雪之初來梯險與相見擁腫支離令人眩無復尋常木柏形其身其幹奇而變踞崖拄空圍數尺褊心剛骨撼危石有何抑枉不得伸怒發虬髯爭指斥鬚髯森杰摩蒼寒良久方爲察其端忽見一枝拏壑底驚看別作蛟龍蟠蹈空而生無此理循幹求之卽其委不將上下度量思踵反爲杪杪爲趾其傍兩枝擘蒼霧雖相揖拱無阿附停雲蓄兩蔭無方子落鄰封成大樹我來驚歎爲摩挲鱗鱗霜雪生枝柯顧笑王子世有怪松怪如此三度來遊此度爲之歌

鴻鴈歌

姚女

挽長弓插雙箭要射天邊雲裏鴈那識一心戀舊羣哀鳴直到金鑾殿

吾州

何景明

遼邈吾州地名從申伯來通淮一水下入楚萬峯開舊國無遺廟寒城有



廢臺秋郊獨臨眺懷古意悲哀

三關

同前

楚塞三關隘雲峯入望重何年戎馬地空有昔人蹤積水沈秋堞長烟帶古烽乾坤當失據饕餮任羣凶

遊賢隱寺次馬君卿韻

同前

繫馬長松下風烟幾日留天高還薄暮地迴更逢秋孤嶂開僧舍千峯繞佛樓自能來白社不用遠公求

渡淮

同前

津口風翻旆春陰鬱未開淮流衝古岸沙店倚長臺鳥向平蕪下人隨返照回未忘舟楫興臨路獨遲徊

夜酌黑龍潭

同前

川流一曲抱峭壁萬年開白石傳杯坐青天送月來蛟龍亦自舞鷗鷺豈相猜誰識仙潭上天留此釣臺

九日同馬君卿任宏器登高四首

同前

歲歲重陽菊開時不在家那知今日酒還對故園花野靜雲依樹天寒鴈聚沙登臨無限意何處望京華

遠地宜登望秋光薄暮濃樓高窺萬井潭迴落千峯花爲重陽發人懷百歲逢同遊俱俊彥尊酒得從容

清思逢佳節孤懷憶遠遊河山還似昔煙樹不勝秋故國浮雲去高臺日暮愁牛山原有恨休訝淚長流

向夕楓林爽行吟未擬回明霞積水外落日古城隈鼓角秋深怨風霜歲晚催莫將遲暮意孤負菊花杯

登釣臺

何景明

野闊窮秋出雲寒望未開萬峯遙駐馬殘日更登臺水落龍蛇蟄一作沙空鴈鷺來孤懷對搖落吟罷有餘哀

登堅山寺

同前

西峯插天起絕頂寺門開雲裏一僧住山中無客來落花平講席積草徧香臺我欲聞清梵焚香坐不同

九日同諸友登賢隱山四首

何景明

九日西山上登臨思渺然高城過一鴈疏柳歇繁蟬勝概仍佳節同遊似往年休將竹葉盞空對菊花前

古寺來遊日高秋雲物清樓臺萬里目時序百年清野樹斜侵郭河流曲

抱城明年當此際誰與共題名

野望秋無賴西風城樹凋浮雲滿天地落日更蕭條醉舞隨長劍哀歌逐  
短簫龍山高興者千載究難招  
薄暮經行處千巖落照深孤松秀雲壑衆草莽寒林故里登高興平居懷  
舊吟風前一感慨不異古人心

登釣臺二首

同前

歲暮荒臺上孤高望不窮亂山浮落日遠水抱寒空野鷺時親客江鴻晚  
避風終期謝城市來此伴漁翁  
出郭冬初暮登臺日已曛碧潭寒吐月孤嶂晚生雲名姓嫌人識悲歌欲  
自聞沙鷗莫飛去應共爾爲羣

劉朝信讀書山寺

同前

嗜靜山中寺藏修此度年白雲千嶂裏清夜一燈懸書卷留孤客盤殮傍  
老禪何時騎馬至訪爾古松邊

登西巖寺二首

同前

西林禪誦地石壁倚天開曲磴千盤上飛泉一道來園禽巢古殿野鹿過  
香臺共坐題詩暮山花落酒杯

野寺千峯裏遊人一徑深窗喧石澗水殿落翠巖陰花樹三春暮山川百  
代心天風日夕厲難上最高岑

登堅山寺絕頂真武廟二首

同前

古廟堅山上丹青碧蘚封遊人不到處一老自鳴鐘絕壁飛泉掛危峯曲  
徑通岩曉一以望頓覺世塵空  
同來息心石不避捨身臺洞裏煙雲出窗中日月開孤僧絕頂住遊客半  
空迴不盡登高興無人送酒來

雨後次孟望之

同前

斷雨藏申浦殘雲霽晚空人家亂水外野艇夕陽中風急鳴江鶴天高落  
塞鴻滄浪浩歌起身世羨漁翁

同唐應德遊龍泉寺二首

孟洋

苦憶珠林迴欣遊寶地偏礪泉天外落樓閣雨中懸梵語聞猿過經行見  
虎眠凭欄花似兩身世卽諸天  
見說青蓮宇叨陪金馬遊衣冠來北極文藻動南州卷幔峯巒入停軒雲  
霧流慚非名勝地司馬好冥摛

渡淮

馬錄

淮水深秋淺中流忽見灘岸峯過兩碧沙樹著霜丹一日程初晚孤舟興未闌南通江漢迴應識禹功寬

遊隱賢寺

戴冠

不到翠微裏悠悠二十年石橋斜斷路雲木上參天古洞藤迷處高僧雪滿巔重來更何日久矣欲逃禪

過鮑參軍方亭

王納言

參軍豪且逸愛客醉還醒傍竹皆瓊樹看山一水亭尊同秋露白座入晚峯青彩鷁徐飛動寧能向海溟

遊普濟寺次唐荆川年兄韻

同前

馳馬遊名寺山陰覆古臺林逢僧共話鳥勸客傳杯飛瀑千峯落層巒四面開風雷忽爾作暮雨漫相催

遊賢隱寺

張四知

青巒兼碧水寺古復林幽花徑含朝雨松巖帶早秋階前苔不掃洞口鶴相留薄暮方歸去霑衣翠欲流

董峯寺

何洛文

經過頻望岫此日愜幽尋萬仞常埋霧諸天總布金飯慚香積供坐愛綠

蘿陰入定逢僧臘誰知出世心

賢首山房夜雨

王祖孺

春雨朝何急僧堂夜轉空驚雷爭聚壑敗葉響千峯小榻諸天上孤燈萬木中塵緣消淨界無語頌元工

普濟寺次荆川先生韻

同前

石磴逢僧引荒林喜夜從嵐光迷古閣秋氣爽高峯對月吟山鬼憂時想臥龍更思投老計一洗俗緣空

重過龍泉寺

同前

重過龍泉寺溪橋尙宛然泉聲疑繞榻峯勢欲摩天古殿多秋色疏林逗晚煙追思遊此地一別已經年

秋日王思延何今升邀同楚人邱仲儒遊賢隱寺 劉鳴瑞

古木鬱蒼蒼相攜過上方千山秋色淨一榻晚風涼往事悲梁壘清尊對楚狂興來聊一醉何必問行藏

遊雙林寺

王延世

秋來多遠興騎馬到東林  
眺此無爲境因知不染心  
涼風疏葉下斜日亂峯沈  
徒倚高樓上惟聞清梵音

同王觀察次先太史壁間

同前

寂寞存先蹟，嶙峋嵌碧空。事如分異代，境尚繞千峯。殘墨微茫際，孤吟黯淡中。塵埃今自慰，披拂有宗工。

再遊賢山寺

劉尙質

重來十塔寺，卽上半山亭。秋入花仍放，詩成醉已醒。近巖雲自白，依壑草長青。唧唧蛩吟夕，長松月滿庭。

逍遙遊山莊秋日雜興

劉尙樸

孤村秋欲暮，殘月曉來寒。早起山煙碧，遙垂楓葉丹。林平無虎窟，河曲有龍蟠。寧得攜尊酌，年年與客看。車馬經過少，山人樸野多。出門疏禮數，避地絕風波。一飯無兼味，三杯祇自歌。乍驚時物變，可奈世情何。

石門山居

王延酉

返服從初志，南山定隱居。松窗陰寂歷，石澗響虛徐。病長稽公蠹，情聞惠子魚。倘逢城市客，爲謝懶題書。

山中雜興二首

同前

河溪深幾曲，林下見茅齋。霜果寒垂牖，風泉夜繞階。境幽生事懶，道薄俗

情乖坐看雲中寺微鐘落半崖

中峯新卜築空翠正當窗藥氣薰丹井松陰繞石幢存思精後見煩惱定  
中降每憶開尊處山花撲酒缸

西山瀑下照空亭落成

明 王星壁

一榻懸雲際三楹闢澗隈如家無子女似寺有尊壘雪瀑珠璣箔秋山錦  
繡堆熾然聲色裏卻較少塵埃

秋日泛臺湖

明 王星奎

出郭意方適悠然望遠空寒山猶帶翠霜葉漸能紅返照湖波亂穿雲鴈  
字工棹歸新月起香動晚荷風

水月庵晨起

同 前

曙色方微及殘星半就凋晴霞浮水面宿霧抱山腰鐘動鳥離樹城開人  
渡橋紅塵從此集誰復話逍遙

天山遺懷

劉永利

夙昔柴桑侶茲焉靈雨分爲鄰靡二仲在壁有三墳塵境誰知旅霞情自  
不羣西窗依遠岫爽氣接朝暉

箕腹藜牀久年來竟欲穿天晴掛角出夜雨隱囊眠氣睨元龍上鞭馳祖



逖先莫喘名欲在不是小乘禪

過王東園照空亭

清劉蓀芳

人天留勝迹割取最幽清飛瀑當檐落山禽匝樹鳴道心依貝葉香飯煮青精何用尋圖畫知從摩詰行

登士雅山卽祖逖屯兵處時屢聞寇警

同前

修巒藏舊壘排兩獨登遊沙帶孤城遠山連衆岫幽疏鐘聞佛定急羽識師柔誓志中原日千秋感壯猷

夏日憩浴

清劉檝蓀芳子

小憩菌苔石林深澗更幽葉翻窺鳥趾潭靜數魚頭峯日銜相轉松風灑未休此中逃酷暑不羨鑑湖遊

雙井店

清王星室州生人

綠樹千山裏新鶯弄曉音關雲連楚塞澗水入淮尋野店深藏谷孤村遠隔林卻因輿馬上隨地得清陰

再遊賢山

清王補之州人

積想無爲境重來度石關鳥鳴和梵唄人語響空山夾岸松千樹深林月一彎何時營半榻投老白雲間

過李氏山莊

劉俶

州生人

秋陰暗野色斜日照厓東遠水疏楊外寒煙晚稼中到門雞犬靜入座俗塵空我有避人志相期物外同

梁王壘

同前

壁壘今猶在旌旗何處尋荒煙冷苔石落日下松林曲澗年年瀉巉巖片片陰興亡千載事暮鳥對風吟

遊龍泉寺

同前

纔轉松陰路花宮咫尺間人驚低樹鳥風扣上堂鑲入座逢吳客登樓望楚山爲乘遊興至誰與問禪關

早別潘氏山莊

同前

棲鴉驚古木殘月在高岑曙色孤村蚤人煙疊嶂深草迷來日路花戀去時心別後相思處微風動竹林

賢嶺松風

清郭際雍

州生人

昔賢高隱處遺嶺擅清幽松密烟迷望風翻翠欲流梵聞多寶刹坐愛滿林秋疑是蓬萊境申南作勝遊

灊河泛月

同前

皎月灑河照泛臨景自賒樹烟歸遠嶂城郭現平沙酒市燈明滅漁舸火  
淡斜幾多清意味也足答蟾華

申塔朝暉

同前

一柱衝霄出俯臨萬姓塵曉噴噴爽氣絕頂繞晴烟旁矚龍光起仰瞻牛  
斗懸巖城憑作鎮近日歷年年

奎樓晚照

同前

檐牙高百尺勝致晚偏稠飛靄碧連棟斜陽紅半樓千峯迴照迴萬井暮  
烟收佇看文風振奎光匝郡浮

龍潭瀑布

同前

瀑入龍潭裏恍從天上來濺濺奔雪浪瀾瀾響晴雷素鍊波中織白雲嶺  
半開丹青描不就遊客借詩裁

雷沼噴雲

同前

凌漢雷山起危巔沼水清魚游波若峙雲作岫都平靄靄從龍出霧霧覆  
野橫獨欣靈氣降爲兩濟蒼生

龜山晴雪

日現冰花聚龜山態不羣紈妝浮霽色玉甲帶寒雲烟淡遙嵐接晶明近

郭分東郊堪縱眺曠與令人醺

長臺古渡

同前

淮漲長臺下客途盪渡舸胎簪來白浪泗水接洪波山色中流映村烟兩岸多乘風懷壯志鼓楫莫蹉跎

同高鐵溪先生劉朝信兄宿賢隱寺次韻

何景明

兩過青山暮色來僧堂客至燭花開半空樓閣星河動滿院松梧鶴鶴回浮世黃塵兼赤日古人白骨已蒼苔兵戈此際同杯酒愁聽春城鼓角哀

秋興

同前

千年申國有提封楚塞重關渺未窮舊事祇看東逝水高臺不斷北來鴻連山落木蕭條後隔坐殘花悵望中正是平居多感慨底須辭賦答秋風

溪上

同前

溪上茅齋不掩扉西風初罷芰荷衣月寒沙柳蕭蕭落天晚江鴻肅肅飛野客哦詩水邊立家人沽酒夜深歸相逢醉語休辭數城外黃花漸覺稀

賢隱寺別劉朝信

同前

臘近孤城送客難一尊蕭寺共悲歡山空木葉鳴風急水曲松林背月寒歧路人間防躍馬十年天上憶鳴鸞知君此去長安近擬向雲霄直北看

葉四公子西園

同前

邀客西園公子家東風二月已飛花  
巷遮碧柳行春馬樓倚青山落暮鴉  
移席尊罍遙出浦入舟燈火更依沙  
清吟況接同鄉彥應有文星動水涯

登謝臺

同前

故國蕭條登此臺暮雲春色轉相催  
蓬蒿滿地悲風起樓觀當空倒影來  
山鳥不隨歌舞散野花曾傍綺羅開  
今來古往無窮事萬載消沈共一哀

題注淮橋乃書老胡水儉造

同前

鑿池垂梁爲衆謀共看百尺駕長流  
彩虹閣兩滄波曉烏鵲橫雲碧漢秋  
楊柳欄邊閒駐馬蒹葭渡口自維舟  
濟川事業平生志回首江河思未休

遊郭氏園

同前

郭侯園林清客心況有樓閣炎天陰  
亭亭高雲石五色颯颯白日松千尋  
已辦清尊爲樂事不須出郭開塵襟  
鄭谷秦樓豈異此市朝巖壑空長吟

遊賢隱寺

孟洋

暑殿清風繞萬松夕窗殘月隱千峯  
焚香習靜山花對倚杖凭高野衲從  
路轉澗樵遙聽笛巢歸塔鶴一鳴鐘  
欲知塵世珠林隔門外烟霞更百重

鮑揮使邀遊賢隱山

馬錄

久居城市無佳興並客尋幽山野中野衲形容非舊日  
林花開落自春風  
尊前月滿將軍樹洞口雲留御史驄自古勝遊難可再請君莫放酒杯空

送孟望之使寧夏

同前

漢家開詔篤親親旌節聞君又入秦欲爲朝廷宣聖德卽今藩國識王臣  
青羌日落笳聲遠赤坂春來草色新卻喜西陲正無事漫將籌策說驚人

遊袁文卿震雷山莊

南山隱臥龍蛇雲樹蔥蘢洵可嘉初夏晚涼綠客到小橋曲徑逐門斜  
杖藜緩步尋瑤草載酒行歌問野花迴望河梁維纜處孤邨松竹幾人家

遊紫霞觀

明岳東升  
州人

紫霞臺閣接層霄海上三山望不遙時有真人龍虎見更傳上帝鬼神朝  
春回洞口千桃樹風轉檐牙雙玉簫乘興便思生羽翼青天倘有赤松招

遊賢隱寺

同前

賢首山深松樹多上方臺殿迴巖阿前朝戰壘來梁魏今代詩篇得李何  
坐擁天花僧不語行霑霏翠客頻過爲尋蓮社清狂侶昏黑攜尊捫薜蘿

雞頭石

同前

雞頭石在千山裏芳草詩傳亦有名突起雲霄疑健鬪乍驚風雨欲長鳴

絳冠日曉丹霞擁繡羽春晴錦樹生身世百年真一肋夜深起舞不勝情

泛舟西池

池即學塘田廣文改為大夫湖

明何立

州人

宮畔橫塘畫鷁開城闌西望倚申臺弦歌不減菁莪化禮樂時傳太守杯  
五馬爭看飛蓋擁三鯁維進講堂來豪遊勝事真堪記況有相如作賦才

春日遊賢隱寺值雷雨

何洛文

黛色氤氳暗碧峯郊原新綠漸茸茸雲流苔蘚春連騎電繞松杉畫掛龍  
鷓鴣雅宜今雨集江山空有昔賢蹤塵清坐覺花壇靜咫尺金仙庶可逢  
何啓圖劉玄子諸君遊鐵佛寺病不能從

王祖嫡

南巖幽桂有芳叢並馬衝泥霧靄濛飛瀑寒生諸壑暝重嵐畫繞萬峯同  
慧雲淨護青蓮地法雨閒聽紫紺宮可信維摩常示病不能花逐下山風  
田子藝改學宮西池爲大夫湖語具敘中文甚工而事甚奇且以詩  
示因次其韻

同前

方塘近傍泮池開一鏡空涵申伯臺小艇忽驚人舉棹中流卽有客傳杯  
窮源疊欲乘槎去問字何當載酒來爲賞嘉名誰作賦登高原屬大夫才

重遊龍泉寺

明周繼文

州人

寶地重臨好避譁霏霏零雨暗烟霞餘寒難雉鳴深竹新水遊魚趁落花

蹤迹漫勞漁父問留連須費遠公茶年來萬念如灰滅不信禪林不是家

陪何宗伯登東山

明劉鳴瑞

明州人

東山不遠城之東山上千松兼萬松溪流曲曲篆紋似稻田離離棋罫同  
黃花偏插清狂客紅輿扶將鏤鏤翁追隨飛蓋最高頂把酒吟向西來風

秋夕同諸公登南城樓

明王延世

將州人

蕭瑟高天大火流啼鳥杳杳女牆頭數聲哀遶三更月一夜西風萬里秋  
東去逝波歸渤海北來寒鴈叫汀洲諸公莫道登樓興樓上偏令詞客愁

迥月樓詩依韻答社友

明黃文煇

孝州人

淪落羞稱市駿臺悠然小飲徑初開橫窗自喜羣書擁載酒寧期二仲來  
梅破暗香招月上燭添寒影逐風迴紅塵滿眼終何事今日盟壇列異才

其二

雲繞層巒樹繞樓振衣到此亦豪遊疏狂共擬追元亮豔麗無須貯莫愁  
夜靜氣干河漢色詩成聲振帝王州高歌劇舞杯頻進遮莫霜華送戍籌

秋日奉邀沈永思副憲登樓

劉尙樸

多病疏慵殊未醒高樓登望始開扁秋深對酒峯仍碧雨豁同君眼更青  
四而風雲團野況百年冠蓋駐文星幸逢庾謝閒登眺楓落瀕川鶴下汀



寄何伯子山居

王星壁

聞爾移家碧澗東，盡拋書劍作山翁。  
避兵茅屋傾花榭，防饑蔬畦種藥叢。  
眺罷鞭牛疏雨外，酒酣射雉夕陽中。  
有時對客閒捫蝨，極目秋雲送去鴻。

讀書賢首山寺

劉永泰

一片濤聲上石樓，連宵兩妒麥將秋。  
諸天鐘梵清聞語，十里松杉翠欲流。  
攢韞猶能全楚璧，時平何處試吳鉤。  
頭顱未信今如許，又聽深林叫栗留。

其二

白社經年此締盟，雲烟檻外幾遷更。  
揮毫欲落羣峯撼，把卷高吟萬木驚。  
擬向藁輝傳舊業，羞從月旦問時名。  
憑誰寄語雞壇侶，篋裏陰符揣已成。

亂後經賢山

劉永豫

郭外青山不厭尋，昔賢於此傲朝簪。  
長松影暗白雲合，孤磬聲微蒼蘚深。  
石井泉香空鹿迹，洞門蘿月自猿吟。  
廿年回首行歌地，榆白窺人負此心。

郡樓觀漲

劉永元

北海尊壘倚成樓，仲宣情思黯難收。  
窗含曙色千村迳，狂波萬里流。  
瑤圃何方通秣馬，秫田今已沒浮鷗。  
蒹葭漠漠金風動，天末伊人足暮愁。

遊賢山寺

明袁洪州丞

石徑蒼苔入遠山，烟霞深處隱禪關。  
五更梵語聞天上，六月秋聲滿樹間。  
洞口龍歸雲漠漠，巖前虎臥水潺潺。  
昨來因結東林社，也得僧家一日閒。

震雷山龍沼

同前

雄峯高聳白雲端，上有靈池總不乾。  
半夜龍歸風雨惡，九霄雷震骨毛寒。  
丹崖古木啼黃鳥，絕頂飛流響碧湍。  
何日塵緣能謝卻，結廬此境坐觀瀾。

同友人遊賢山值雨和碑上韻

清王星室

尋幽重訪舊山阿，結伴相將信步過。  
一徑浮烟籠翠竹，半空飛雨溼青蘿。  
溪聲午夜同僧梵，鳥語深林雜牧歌。  
惆悵昔賢高尚志，芳名千載杳難磨。

入武勝關

同前

雄關高抱楚峯稠，峽樹谿泉氣色幽。  
地展屏垣分兩界，天留鎖鑰壯中州。  
勞勞車馬千年路，冉冉風烟八月秋。  
萍迹漢江歸路晚，隨鞭殘照滿林坵。

春日同彭粥岑觀察遊賢山

清羅應選  
州人

高人浪迹世情疏，十里春暉過梵居。  
鳥語長松笙奏響，花飛古洞錦流裾。  
投簪不欲驚猿鶴，結社何煩較笠車。  
蘿薜空懸賢去久，清風繞座自虛徐。

和前韻

何瑞徵

翠微佳氣自扶疏，聞道前賢此卜居。  
漸水鏡清成帶礪，雷峯鼎峙接襟裾。

錫飛常待金仙駕，星聚欣逢憲使車。天下蒼生思謝傅，暫時著屐意舒徐。

出冥阨塞有感

清戴玘  
明冠會孫

誰開榛莽織高軒，夾石空留虎豹蹲。天縱五朝分半壁，地當九塞限中原。民勞敢憶泥丸閉，廟算猶煩玉節屯。極目蕭騷深緯恤，一鞍斜日下孤村。

避暑紫霞觀

清劉葆芳

桃源近在市東隈，挈榼扶筇點碧苔。化鶴已隨青鳥去，晴霞還過赤城來。丹臺迴隔軒車夢，華髮空憐河朔杯。獨有如龍雙翠柏，層陰曾閱劫前灰。

春晴同社中諸子遊賢山寺

得沙字

同前

三旬嚴凍縮如蝸，蠟屐同人醉晚霞。負煖遊魚浮漲雪，逸羣嘶馬散平沙。疏鐘出寺穿雲遠，曲徑盤松引翠斜。萬法祇今歸六觀，便從初地隱袈裟。

遊賢山

李匡倫

昔也嘗遊憩，晚涼登臨今日感。滄桑晴霞掩映山，如繡陣鴈直橫字幾行。欲覓賢蹤無姓氏，且隨僧榻話蕭梁。松濤一派天風響，可許長歌效楚狂。

秋日陪郡侯遊賢山和眼聽和尚韻

清張宰  
州人

澹澹秋林掛夕暉，紅塵掃盡白雲飛。不嫌月到常開牖，一任風來自掩扉。嘯木山猿如喚夢，銜花石鹿總忘機。何人參透其中味，野鶴舒翎天際歸。

前題

清王補之  
恩州人

遙天霽色燦靈暉爲訪招提逸興飛夾澗鹿遊深竹塢層崖鶴款亂松扉  
但能吾道存三古了却禪門第一機乘興捫蘿窮極頂烟雲收入錦囊歸

同友遊滴水巖

清王  
臨州人

書城徒擁矐春愁喜逐諸君選勝遊提榼不知山徑遠穿林漸覺水聲幽  
摩雲劍氣森如掛脫縷珠簾散不收自笑塵顏堪對此居然個個是清流

攬勝橋弔何大如前輩

清王  
觀州人

留連爲愛清幽景對此清幽卻可憐無字水聲惟自訴有情花色爲誰妍  
銜杯興致歡今日獨景風光感昔年高士祇今何處覓徒餘孤塚草芊芊

西山凍瀑二十四韻

清王星壁

玄多方候緊大壑愈寒嚴冰柱撐銀漢廳車駐鐵崦濺難隨霰舞響已與  
雷潛泪箸啼都咽鮫珠泣盡沾希聲猶瑟奏微沫僅魚噉瓊綴埋枯蚌膏  
凝掛死蛸巖頭垂乳長潭面凍痕添著樹瑤花密穿沙玉笋尖長懸天女  
珮不捲夜明簾虛管鵝脂溜修翎鶴羽燭兩飛皆變電海立悉成鹽卓爾  
迎狂颺晶然射曉暹爲憂饑獮苦遂恐螫龍殲鹿飲疑源渴猿扳畏確鉅  
青膚凋石髮翠鬢駁松髯異相非形擬新題漫口占嵐深光自映月上鏡

逾恬奔激真堪抑，碎匄亦可嫌粟肌。誰近對炫目，獨翹瞻靜得。便高枕清  
宜榜短檣，淩堅崖。善滑陰重曉，多燔糞雪攜。茶具衝風卻，酒帘尙應供。白  
足更合謝朱炎，擊澗崩雲日傾湫。折嶽兼

題岳鄂王廟中香爐

明高鑑  
太州守人

半夜祈靈向石壇，月華渺渺露溥溥。西風吹破神仙夢，白鶴飛來寶篆寒。

其二

曉暎未發彩雲紅，金鴨飄搖篆霧空。乞得此生磨一劍，斬蛟剛到水晶宮。

其三

日午空庭樹影斜，篆烟飛送五侯家。東風剛爲傳消息，分付雞聲早振衙。

其四

月明一炷裊香烟，萬里無雲湛碧天。識得人心真絕處，此香端爲此心傳。

登士雅山

相傳卽祖遜屯兵處，西望有梁王壘。

清劉倣  
州生人

望山將半老，始上翠微巔。日與頭顛並，雲將衣袂連。松濤迤遠岫，柳浪滿  
晴川。一殘塔烟外，孤城返照前。飛鳧下遠渚，野馬逐遙天花。色盈梅塢春  
光逼，麥田迴瞻梁氏壘。忽念祖生鞭愁目，平原豁雄心峻嶺。牽詩成石壁  
錄人醉草茵，眠再約登臨會。寧知復幾年。

澗南訪隱者

同前

衣冠棄巢許邱壑老夔龍何處尋高隱澗南第一峯

吾申古要害地也閑居興懷追咏古迹作詩八首 何景明

西來一道是淮源南向千峯盡楚山風雲尙擁蛟龍窟天地曾開虎豹關

其二

寂寂孤城申伯臺廢園遺沼盡堪哀繁華惟見東流水歌舞空傳此地來

其三

南山西嶺自天來翠壁丹崖映日開不見當時臥龍者只今惟有釣魚臺

其四

仙人昔返上清家留下仙壇號紫霞世人不識蓬萊樹道士空餐松柏花

其五

郡西山畔舊禪宮朝暮風烟多不同已見樓臺翠微裏更聞鐘鼓白雲中

其六

震雷山頭石潭水夜月蛟龍行兩歸青春下與滄溟會白日常聞霹靂飛

其七

楚關申戍鬱茫茫野草春沙更斷腸山頭僧住何年砦山下人耕古戰場

其八

故謝城邊溪水流郢中風物盡堪愁行人欲問陽春曲此地猶傳白雪樓

任洪器草亭三首

同前

薔薇深院無行迹風到閑門掃綠苔明月滿庭香襲襲野塘新水藕花開

其二

繞屋南山秋色靜數枝寒菊一籬烟酒醒讀罷秋聲賦風落松梢響石泉

其三

門外水流雲自起雪峯半出草堂西孤舟欲作山陰夢月冷梅寒共一溪

贈王胤昌宮庶四絕句

劉鳴瑞

紛紛詞客滿公車綵筆看君賦子虛卻羨雲間仙掌露漢皇偏得賜相如

其二

聞說蓬萊海上峯飛仙來往日從容如何弱水三千里邈隔烟波不可從

其三

玉皇香案起居臣染翰朝朝侍紫宸下視塵寰烟霧隔那須不念折腰人

其四

漢家才子鬱如林作頌王褒藻思深爲問鑿坡常視草金蓮幾照夜沈沈

奉詔撰詞

王祖孺

日闕寄萬年歡下三首同

化國舒長喜扶桑麗景早出暘谷陽德方亨萬里堯天晴煦五色呈祥眩  
目海內外臣民瞻矚乾坤正快睹容光鍾山漫照神燭。溫生比屋人間  
有傾葵丹耿獻曝誠篤永就吾皇應共效華封三祝願使多男壽福曜靈  
與離明馳逐何須問弭節義和年光一任轉轂

月

太液波澄看遙空雲斂井梧風歇冉冉冰輪光映玉樓金闕正遇太平時  
節喜八萬四千工輟銅龍滴夜漏遲遲廣寒仙樂清徹。霓裳按拍更闌  
見姮娥振珮連袂姑射杵白靈丸敬上長生寶冊頻勸兩宮瓊液灑氣爽  
桂飄鸞翮惟願取歲歲年年團圓常如今夕

風

搖颺蓬瀛漸蕭蕭汎漾微拂千頃重譯占祥遠貢神香蔥嶺漫道無形無  
影更橐籥洪鈞玄乘深宮喜燕雀高翔合殿遠飄寶鼎。微涼未迴飛揚  
陋徒思猛士橫汾清冷辨悉雄雌祇是蘭臺詞聘上溯虞廷勝境迎薰把  
五絃操軫四時應律修通常送卿雲麗景



雲

非霧非烟看紛紛郁郁輪菌飄渺蒼蔚朝躋倏忽氤氳蓬島瑞靄形庭旋繞方車蓋頃成羽葆仙葩儼玉葉金枝常覆琪花瑤草。呈祥未了濟時喜觸石五岳爲霖八表黃兆豐年青應賢良國寶遙想廣成論道翩翩至帝鄉幽宵何須問穀食鷄居乘虛萬年不老

春圖寄千秋歲下四首同

青陽布暖壽域鴻鈞轉仙桃醉晴絲捲新波溢玉隄淑氣輝金殿芳菲日建章宮樹流鶯囀。膏雨盈畿甸霈澤乾坤徧世登三曆紀萬賞花陋宋會既醉宜周燕雍熙樂年年歲辰承天眷

夏

朱明扇穆長養欣生育榴薦紅荷翻綠虬影舞仙槐龍種看新竹微雨過峯瞻萬歲懸飛瀑。合殿爐香馥永日縹緗讀清虛境銷炎燠已頒滌暑冰更賜含風服聖情豫南薰時送虞廷曲

秋

清商澄霽木脫炎雲退玉露零金風至飽宜鼓腹歌醉見豐年瑞民相告西成盡出吾皇賜。喜值虹流會時與華封際威虎拜綿鳳曆甘谷薦初

英壽聳浮仙桂齊祝讚太平萬萬千歲

冬

玄英寧止嘉候書雲美玉樹茂繁苞啓芳殿靄晴暉椒宮詠麗綺豐稔兆  
天花亂翦瑤池水。皇情軫閭里飢寒恆切已善苑春契晏子十行恩詔  
下四海春溫裏樂歲暮鳳城雙闕歌鍾起

以上詩類



文徵內編二 新輯



論九品疏

晉李重

先王議制以時因革因革之理唯變所適九品始於喪亂軍中之政誠非經國不刊之法也且其檢防轉碎徵刑失實故朝野之論僉謂驅動風俗爲弊已甚而至於議改又以爲疑臣以革法創制當先盡開塞利害之理舉而措之使體例大通而無否滯亦未易故也古者諸侯之治分土有常國有定主人無異望卿大夫世祿無出位之思臣無越境之交上下體固人德歸厚秦反斯道能侯置守風俗淺薄自此來矣漢革其弊斟酌周秦並建侯守亦使分土有定而牧司必各舉賢貢士任之鄉議事合聖典計蹤三代方今聖德之隆光被四表兆庶顛顛欣睹太平然承魏氏彫敝之迹人物播越仕無常朝人無定處郎吏蓄於軍府豪右聚於都邑事體駁錯與古不同謂九品旣除宜先開徙聽相並就且明舉貢之法不濫於境外則冠帶之倫將不分而自均卽土斷之實行矣又建樹官司功在簡久階級少則人心定久其事則政化成而能否著在三代所以直道而行也以爲選例九等當今之要所宜施用也聖王知天下之難常從事於其易故寄驥括於閭伍則邑屋皆爲有司若任非所由事非所覈則雖竭聖智猶不足以贖其事由此而觀誠令二者旣行卽人思反本修之於鄉華競

自息而禮讓日隆矣

雜議

晉李重

晉太中大夫恬和表陳便宜稱漢孔光魏徐幹等議使王公已下制奴婢限數及禁百姓賣田宅中書啓可屬主者爲條制李重奏曰先王之制士農工商有分不遷其業所以利用厚生各肆其力也周官以土均之法經其土地井田之制而辨其五物九等貢賦之序然後公私制定率土均齊自秦立阡陌建郡縣而斯制已沒降及漢魏因循舊迹王法所峻者惟服物車器有貴賤之差令不僭擬以亂尊卑耳至於奴婢私產則實皆未嘗曲爲之立限也八年已已詔書申明律令諸士卒百工以上所服乘皆不得違制若一縣一歲之中有違犯者三家洛陽縣十家已上官長免如詔書之旨法制已嚴令如和所陳而稱光幹之議此皆衰世踰侈當時之患然盛漢之初不議其制光等作而不行非漏而不及能而不用也蓋以諸侯之軌既滅而井田之制未復則王者之法不得制人之私也人之田宅旣無定限則奴婢不宜偏制其數懼徒爲之法實碎而難檢方今聖明垂制每尙簡易法禁已具和表無施

燕國中正劉沈舉霍原爲寒素司徒左長史荀組謂原德禮無聞不應寒

素之目李重奏曰案如癸酉詔書廉讓宜崇浮競宜黜其有履謙寒素靖  
恭求己者應有以先之如詔書之旨以二品繫資或失廉退之士故開寒  
素以明尚德之舉司徒總御人倫實掌邦教當務峻準評以一風流然古  
之厲行高尚之士或棲身巖穴或隱迹丘園或克己復禮或耄期稱道出  
處語默惟義所在未可以少長異操疑其所守之美而遠同終始之責非  
所謂擬人必於其倫之義也誠當考之於邦黨之倫審之任舉之主沈爲  
中正親執銓衡陳原隱居求志篤古好學學不爲利行不要名絕迹窮山  
縑緇道藝外無希世之容內全遯逸之節行成名立縉紳慕之委質受業  
者千里而應有孫孟之風嚴鄭之操始舉原先諮侍中領中書監華前州  
大中正後將軍嬰河南尹軼去三年諸州還朝幽州刺史許猛特以原名  
聞擬之西河求加徵聘如沈所列州黨之議既舉又刺史班詔表薦如此  
而猶謂草野之譽未洽德禮無聞舍所徵檢之實而無明理正辭以奏沈  
所執且應二品非所求備但原定志窮山修述儒道義在可嘉若遂抑替  
將負幽邦之望傷敦德之教如詔書所求之旨應二品詔從之

誥封武德將軍王公伯和墓表

高鑑

碑立於明弘治庚申夏馮鎬篆額張拱書丹



大丈夫積功累仁於一世而足以垂休流慶於百世此固大丈夫德之所及其亦天人感應之必然者乎如武德將軍王公諱悅字伯和世爲山東濟南德州大族公考汝錫妣殷氏元季相率歸附我太祖高皇帝列之戎伍汝錫當洪武草昧之初每以忠義自勵親冒矢石歷階陞大寧中衛百戶侯及會夾河大戰汝錫奮勇不顧遂隕身陣前一時將士咸惜之公爲冢嗣宜世厥美而公實在孩提時朝廷用武之秋官其義兄立以汝錫夾河功次擢立爲署千戶職掌軍務永樂末立卒洪熙己巳公長成襲前衛左所正千戶誥授將軍宣德二年調充信陽衛後所七年河南諸署大臣以公之素行甲於羣僚薦之得軍政本所公自蒞政以來益勵乃操益勤乃事故吏道備而戶役均禮度詳而兵戎整扶弱制強刑罰中也築城濬池工役勤也餘如敬老尊賢課子姪謹婚姻三十餘年了無不備之政如公若考汝錫則皆可謂積功累仁者矣嗚呼天道冥冥施報不爽與之子以繼其業與之族以昌其業天順初嫡嗣端果能善承善繼毅然以不負先人爲己任成化改元荆襄草寇爲患端隨保國公朱永都御史王恕運謀勦平之擢授本衛署指揮僉事七年復因荆襄懋功賞資有加端之三子後先襲蔭光顯非常亦足以見公之慶澤行於後昆而及於老父者矣

公配李氏封宜人繼娶韓氏子四人長郎端其次曰正曰忠曰良皆儒行可重俱韓氏出也孫男十三人若璋與璽皆前所謂陰襲而早逝者至於瑀則穎脫不羈且飽韜略善騎射他日爲國家掃狼烟淨邊陲者其在斯人與次瓚亦早沒其琇環瑛珮琪璉琮等又岐嶷可嘉也孫女八人曾孫男二人曾孫女三人先是公卒子端奉柩葬於城東霸王臺之北麓與荒烟合野草伍者幾三十年其盛德大業泯而弗耀端不忍請狀於庠友蕭琥次第其行實而求余文以表之樹石於隧道之側使晦者以明塞者以通腐壞者以不朽九原有知將瞑目於地下而無恨矣繼今以往爲王氏子孫親茲列表又當益永孝思期無忝於乃祖乃親而益大振其家聲云

樊懋昭墓志銘

何景明

樊懋昭諱亮信陽在城鄉人五世祖林洪武初自徐州從軍徐丞相麾下文皇時隨征克大寧歷鄭村壩白溝河攻圍濟南又歷夾河小河大戰有功陞正千戶死於陣其家因徙南京林傳玉玉傳清清扈從幸北京遂又家於北京正統初以林功大死事故陞清爲金吾右衛指揮同知錫之誥清傳子愷戰西直門死詔其後爲都指揮同知給恤其家子恕在襁褓天弗嗣而懋昭父剛當嗣剛時在南京性慈赴廕未就而歸乃從其外翁家

信陽樊氏由此失其官剛生二男子長曰明次卽懋昭父母愛長子不甚愛懋昭朝夕笞詈懋昭曰父母非愛兄不愛我也爲兄貧爾愈親愛無怨懋昭少好賈賈不欺人買綿於湖廣李氏至館閱數有羨乃密如李氏問綿數李不知也懋昭卽還其羨遊鄭陽家人來言河濫溺人卽惶問父母人曰無害卽大喜忘問其餘館人旁聞之太息曰此人孝子也知有父母已矣懋昭行賈二十年僥積嘗買牛家牧與溢三金牛家恐其知而取也設酒跪曰昨者閱直實溢三金吾貧可遺其一還其二懋昭笑曰吾知爾貧故溢與爾甯兵備至信陽先問首惡誅死次問首善以爲鄉長鄉亦強懋昭懋昭不欲爲然莫能脫爲鄉長民富者持千錢貧者持百錢密遺之求免役懋昭怒罵棄之地已乃竟役富者而貧者緩焉官有取嘗爭之數日必抑其末弗得則拂衣起直出不顧官亦知其直不重讓也然竟怏怏弗平致疾不起矣生天順乙卯十二月十二日卒正德癸酉十二月二十一日年五十五歲配計氏生子曰鵬爲郡學生好讀書慕古昔從予學甚解懋昭爲人篤實不識字然善算絲毫不爽又能記不忘先人梅溪公嘗言懋昭父母始來信陽艱窘其兄好酒不事生懋昭弱也卽粥菜行市供其親長卽賈賈遂矣卽農乃今教其子儒矣豈可不謂自立善變化者哉

傳言公侯之後必復其始樊氏之失官越三世而始儒鵬曰亡父積善不能大壽而子孫孤弱非先生誌銘蔑沒朽矣嗟呼遠大懋昭者在鵬也夫銘曰孰達弗以厄孰起弗以仆爾反爾棄本旋復爾族

袁勳夫婦合葬墓誌銘

何景明

懷遠將軍信陽衛指揮同知袁公卒其子鎔者余同年舉人者也衰服來請余銘曰鎔辱好於吾子子幸而念吾子之好其勉以圖吾父余義弗得辭也乃志曰袁公勳者字世臣其先武昌江夏人也高祖曰壽從高皇帝兵有功累官副千戶壽生斌斌襲官始自南京徙信陽衛左千戶所賦生清清生俊俊皆相繼其官俊卽公父也明於往古成敗有立志思樹奇功厭循循蹈恆轍好讀馬援傳慕之曰必如此乃男子也後果効功荆襄固原間歷指揮同知進階懷遠將軍卒君所襲官蓋其父立者也公幼而母夫人丘氏棄養養於祖母太恭人繆氏既長事祖母能篤孝又事三繼母亦靡有弗得職者也爲人長者無所欺備宣府時屬朱參將部戍獨石虜犯塞士出還奏捷公未有獲也朱參將者往與公愛欲私之乃密令功載著其功公不知也將奏以告公公愕然辭朱參將曰將軍部列城使某得幸備行列而虜犯將軍之寨當蒙金矢先士卒獲其渠率今縱不能而將軍

又私我以功夫冒人之功以干上賞未能有厚享者也將軍則惠我矣其若我何敢以辭也於是朱參將許之嗟嗟曰弗可及也已奏功同部多與得顯秩者而公益裕然終其身無有怨也公始厲志軍事數入主將白軍冀有所建後見邊事益擾將率多不撫循士罷於求自歎所如不合有志莫可爲也乃得病歸解其職事閒居士卒至垂泣請而退益堅既謝官出則布衣弗飾乘馬常獨行郭門外遇負薪者弗識也爭道擠公墜於橋水濡衣公起振衣去亡有怒顏負薪者察知是公皇恐來跪門外左右請罪之公乃反酒食負薪者曰固知汝弗識我爾我曷怒汝也惟夙友愛父命與昆弟分產悉推與昆弟不取有別產在罐口盜夜劫積稻捕者緝之皆旁舍兒也公曰釋之是窘於饑者也非不令子弟也我既弗能振而使其溺於盜又奈何使其以盜死也於是盜悔讓亡不相率爲良者在宣府有所嘗活者歸而鬻子得貨持謝公公廉知其鬻子也不受使反其子又備有病疫者彼親者弗敢近公入其臥躬賜藥與食飲凡公所弗忍者有是也公少業儒所嘗讀書老尙能口誦使諸子及從者爲文親考閱布其次第雖老師莫能易也及鎔魁河南鄉試人皆曰公以武世其家又能以文學成其子也公娶韓氏宣武尉始信校尉百戶韓俊女也賢而能其妃

然早卒公亦不再室也有男子四人長曰鎔次鎧次錡次錄鎔既爲舉人不欲襲公乃以鎧代襲而大有能於官女子五人長適指揮汪洋次適監生辛裔又次適百戶趙騰又次適千戶陳昂其一幼也又孫男子一人女子五人皆亦幼也公卒於正德己巳八月十九日有生六十又四矣以是年十月二日合葬韓氏墓銘曰溫溫之德不爽厥恭厚積自躬厥承靡窮東門之東有丘其隆是曰公宮公降於中與其配同萬祀攸終

高鑑墓誌銘

何景明

鐵溪先生高公卒余道赴關西過家哭其喪余抵大梁之夕也夢一星搖動隕地其光上發厥明有報公疾甚者及余至公蓋亡一日矣公遺令其子遷曰必何子銘我而可遷跪而泣曰可是惟爾子之志於是遷乃狀公事實來求余銘按公上世山東人始祖濟南萬戶萬戶生成徙居河南太康縣成生智官建文時爲副千戶永樂間謫戍信陽遂世居信陽矣智有孫曰瓊景泰庚午舉人爲祁州司訓司訓有男子二長鐸次卽公司訓卒於官公纔二歲母李氏攜之歸年十一時與羣兒戲釣於學宮池水上曰我釣鰲亦如此爾指揮劉宗異之舉於提學陳公選收儒學弟子員中成化甲午鄉試戊戌舉進士授武選主事崇王請置守備汝寧馬大司馬以

信陽已置守備而汝寧重置難之集司屬議公進曰是不難移信陽守備置汝寧俾兼視信陽則事攝而官可不重置大司馬喜曰主事議便於是常引與計事稱之曰我益友也公仕宦既聞時有所憤切乃言事忤內貴人內注其名屏上卒以他事逮之調鎮遠府通判在鎮遠爲錢都御史所重諾以邊務洞夷有相仇者使通判輯之不服通判乃夜徙居他山空設其供帳故所遲明往臥榻已碎通判則從容束帶出帳前議和事夷覘而神之盡服弘治改元移山東青州府明年遷鎮江府同知嘗委事江南諸郡著績自鎮江遷夔州府知府一年致仕歸與鄉人游讌觴詠自娛十八年今天子御極詔進大中大夫初人屬公以公輔之幹公亦自負旁睨一世無所下以是人又疾之使不究其用故公之歸也益肆形世外嘗曰仕宦之途我固諳之矣人生苟快意何必至卿相哉公體貌修偉而精神秀朗見者傾悅又善談辯時出詼謔曉音律能自度曲兼善書畫皆奇健自成一家公既綜博衆藝而尤長於詩詩語豪宕自喜篇章流播時人珍之在鎮江往賓日本使臣使以詩上公和答章立就使臣俛首歎服曰此中國詩人也性儻蕩好交遊樂於與進門下之客率多名士其在鄉益剗岸示坦後進無長少無不與之者而好學耽詩至老不倦焉公生景泰壬申

五月二日卒正德戊寅八月十有四日享年六十七歲配吳氏封安人有子八人長遷次選次遠俱郡學生次道次遠次邁次造次迅女子三人孫男子七人孫女子七人公之將卒也召八子前曰我有好子徐又曰汝亦有好父遂瞑遷治終甚愼將以某年月日葬於城南飛鳳山之陽夫吾郡雖代有顯仕而文物之開實自公作辭翰風流爲鄉人宗即使公徒致位卿相何足以易此哉銘曰淮山二精降神合符是生偉人大郡大夫佩劍冠玉容雅甚都驟驥修陸大車廣衢旣聘旣載弭轡懸輿弗究厥至命也匪吾有八男子接躅登塗列名公藏萬祀是圖

何景明墓誌銘

孟洋

余讀伯夷傳其稱不與善人謂其不然今觀何子修學立行而夭死又何戾也余哭仲默之明日其孤以門人樊鵬狀謁銘慟乎慟乎君知我我獨不知君已乎仲默茲爲汝誌矣何君諱景明字仲默號大復山人高祖太山由羅田徙居信陽生海海生鑑鑑以陰陽家縣辟爲典術五子曰信者封徵仕郎中書舍人讀書善吟號梅溪梅溪公四子長景韶東昌通判卒次景暘安慶通判次景暉最幼何君何君秀而癯性沈敏有度八歲能屬文十二從梅溪公宦遊陝西之渭源臨洮守聞其奇召置館下甚愛重令



師授春秋數月卽說春秋其師乃辭避弗教也梅溪公旣歸乃又從其兄受尙書尙書纔九月弘治戊午卽以尙書魁河南鄉試己未試禮部不第遊太學祭酒林公又甚愛重何君贈詩美之壬戌舉進士進士例改庶吉士何君獨以不私謁弗與進士請歸娶娶張氏二年卒當是時關中李君獻吉濟南邊君庭實以文章雄視都邑何君往造語合三子乃變之古自是操觚之士往往趨風秦漢矣甲子授中書舍人明年奉使南方遠過里閭再娶唐縣王氏是歲正德元年也劉瑾時君度惟大臣可與抗節乃上書諸尊貴言宜自振立撓瑾權諸尊貴惡願賺何君丁卯何君恐禍及謝病歸郊居著述一年瑾盡免諸在告者戊辰何君免己巳梅溪公及李太孺人相繼卒何君哀毀危絕辛未冬何君用閣老李公薦復中書舍人直內閣經筵官時四方學士咸願知何君車馬填門巷卽元老鉅卿亡不欲出門下錢寧欲交歡何君間持古畫謁何君題君謝曰此名畫不可點污弗許乾清宮災君應詔言時事詞義剴切疏留不下丁丑陞吏部驗封司員外郎仍直內閣戊寅陞陝西按察司提學副使提學政尙嚴務在崇本起弊初稍不堪漸久而安風習亦振初何君獨以文學著聞旣提學人又服其能政若是辛巳二月何君以形勞慮深卒然嘔血損六月棄官歸會

道暑益極抵家六日爲五月八日而何君卒嗚呼傷哉王孺人故有內疾號痛莫支越十七日亦暴蹶而卒孺人幼喪父相者貴之求婚母輒不許年二十二始歸何君以賢稱會毅皇帝上尊兩宮及李太孺人張氏同封贈云何君事兄恭能順承父母之志其父母諸兄亦獨愛何君何君一切不愛華靡復不治產業居官所入祿則又常分所親故旣歸餘白金不滿五十兩所在不齎方物疾且亟王孺人泣曰官貧諸兒女幼君卽有不諱奈何君曰若無多患第不昧天理足矣何君友與人訟者故嘗寡交與友訟衆莫爲之地何君乃獨上書力爭直友之屈師御史者客死京邸莫能斂錦衣官廔鵬錢寧之黨也賻之棺因結歡士大夫君曰奚爲汚吾友地下乃出金賻之諸所知皆賻之斂成禮旋郤所賻棺其見義勇爲如此何君天資穎異好學常若不及讀書率過夜半卽盛暑蠶蟲汗治背不廢邇年略去詞章嘗稱以爲天下自有實用之學竭精力猶弗逮何假文詞無益也蓋其用世之志至遠今中沮矣惜哉及王孺人以哀絕亡他顧慮亦貞固矣何君生成化癸卯八月丙寅卒年三十九歲王孺人少二歲生成化乙巳二月甲寅子三人長夫聘郟縣王氏參政君女次立次登女三人長字袁氏子次馮氏子次張氏子皆王出是年十月七日合葬典術公墓

側何君有文集詩集詞賦集合若干卷行刻傳於世云銘曰歸哉何君孰奪爾壽也雖奪爾壽爾名不朽有女媃媃爰麗君子如琴如瑟樂爾偕死未畢爾婚嫁豈無巨源靡孤叔夜淒淒雲弄鶯駕遲遲鳳凰喈喈和鳴相隨瞻彼崇岡載陰載陽靈魄收藏用萬祀無疆

戴誼墓誌銘

孟洋

嘉靖七年七月二十八日趙王左長史戴公卒治命家人曰今世誌銘每寡實予死甚毋遺我羞公仲子山東按察司提學副使冠謀諸公之門人孟洋孟洋曰先生茂德匪言莫永不可冠泣涕曰然知我先君莫如子洋乃按舉人何士狀爲公誌云公諱誼字正夫姓戴氏少淵慧有大志博極羣籍家貧人意其廢業公益自振舉弘治十一年河南鄉試明年試禮部不第母陳太夫人年七十公曰以時文決進取非吾不能謂親不俟何乃就吏部試得獻縣教諭以身先諸生勤恪弗怠諸生或率厥訓風聲振傍郡邑是時巡按御史黃君珂獨疏薦獻縣教諭教諭三考又試禮部又不第又就吏部試例授沂州同知掌州賦歲十八萬石民多逋負輒囚繫盈獄民愈急公至盡縱所繫爲之期衆德公爭先諭辦無不如期者同知一年鬱鬱不樂曰吾抑志居卑爲貧耳何事催科上疏乞散秩報稱得請改

除國子監學正公雅好經術居太學日進諸生講授如教諭時太學諸生趨業恐後也祭酒石公魯公咸嘉勸之曰是可爲人師也已後三年會陳太夫人喪去官喪除擢趙王左長史王初立輔導亡狀日從嬖幸人嬉遊無度公常請問陳利害前驗以動王王弗聽又率僚屬廷諍又弗聽且怒公乃抗疏於朝王益怒公自若曰吾修吾職耳他奚顧哉居久之王察公志行純潔乃悟語左右曰戴長史忠我也遂盡斥所嬖幸人日與長史論究文藝公乃又數稱東平河間事啓王王由是駸駸知向往矣公爲人沈謀善斷國事大小王輒趨使白左長史曰長史自能了此已而公迎刃割解無不合王意王大悅之今年春公疾乞歸王慰留至泣下曰正夫忍去我耶夏疾且阼王乃厚辭幣車徒使者送公歸抵家二十四日卒也年六十有四公先世吉水人八世祖曰十一仕宋爲承仕郎二子伯四仕南臺御史伯五大理寺評事伯五生再八再八生庚七庚七生景澄景澄生諱孟孜孟孜挾貲客遊信陽因遂居信陽凡二子長經訓次公父諱緝訓緝訓處鄉有望人以行稱正二翁云正二翁生公奇其穎峻目之曰戴氏自再八來亡顯其能顯者幾是乎乃遺事何仲律先生受尙書何仲律先生父梅溪翁故善正二翁令其仲子仲升友之季子仲默師之二子者與公

同舉鄉試公始娶程氏弘治十六年四月十日獻縣卒五十有一又娶任氏正德五年用子冠貴贈封安人子男二蚤卒無嗣次卽冠娶羅氏女五長適生員劉東次池英皆程出次聘生員張繼武次何立次孟格皆任出孫男山川女三程安人性安而順奉姑孝謹又勤密治內故公得專業以成厥志公體羸氣下慙慙如庸懦人然邁節抗義勇不可奪常語冠曰崇善如登不可嚮邇遠貨如崩不可近邇冠戶部員外以言譴謫南海公貽之書云是不汝事耶勿我爲念友愛其弟爵怡如也伯繼訓蚤世公收其遺孤分產業與之茲有立矣買城東隙地給貧無葬所者公平生不喜爲詞章嘗稱讀書以析理明物文不秦漢詩不騷雅剽賊奚爲哉冠言所著惟宦情錄教嗣錄皆貽古今之鑒揭理亂之端藏於家弗以視人今年十月十九日冠將葬公黃草山之原合程安人之墓銘曰鏞弗於其形惟厥聲瑤不於其飾惟爾質於惟哲人暢美操直伊貴而富孰與卽壽溫溫淑子令終自始厥裔用昌家爾彌光琴瑟爾音金石永藏

贈林憲副序

孟洋

壬申秋八月監察御史林君陸湖廣按察司副使林君以行人爲監察御史於是監察御史由行人者十有三人乃合餞林君篤察舊也爵三進唐

應詔曰京官謂行人厚察交吾聞君子厚圖不忘是故惟面不常惟言允  
臧茲餞林君厚矣諸君子其將無言趙時獻曰善哉將告林君也書曰德  
惟善政政在養民矧茲民旣困之極也時獻齒加十二人故先次張汝器  
曰璉聞之法嚴則政行政行而民以安其嚴乎張伯行曰二子之言不可  
辟也朱文宿曰信乎張子論二子夫寬則民縱弗格嚴則民蕙弗堪寬嚴  
允濟厥功乃迪李德卿曰吾聞林君治專屯田屯田古之遺也古者兵出  
於民田以畝授車以乘差故兵強而民富自漢以來兵民異籍以兵散處  
於民以農以備故民亦不擾賦且治今之爲屯由也強兼弱富併貧兵疲  
而民肆士餒而官奪之食往茲祛弊厥惟艱矣陳廷爵曰苟委於時罔以  
復古老善舉弊子言斯具楊師文曰語曰木之茂矣培之植之觀人之政  
惟其蓄之余德輝曰珊知林君之蓄也嘗與君居默然而識淵乎而藏其  
接物也如豁如沛如不可禦蓄之淵矣孰得禦焉於是潘起溟謂董商民  
曰諸君諸君之言如何商民曰時獻善也汝器法也朱與張其兼資乎德  
卿確士也其言不泛廷爵孚之師文言本末也余之知人夫知人而後用  
之故知人惟艱人之弗知乃有悔憂余子免也潘子明曰然劉子靜曰諸  
君子之言至矣盡矣董子之論辯矣澄甫何言林君乃置爵再拜言曰某

不敏敢不敬承諸君子之教於是孟洋幼弗敢言敢請次序其說贈林君行

光風霽月卷序

孟洋

序曰善賈者不孤蓄善施者不擇類善政者不偏舉官以蒞衆衆以服政無弗蒞御無弗政矣蒞若人而廢若政奚爲能厥官也是猶約者之希賈嗇者之強施安免屈於兼收病其博濟哉或曰各有攸司非我敢侵也若是者非委則忌譬之若兄之妻子凍餒而弗之顧也曰豈吾不欲周哉吾兄之任耳是故江河之潤無草不長甘露時雨無物不需君子之政無務不周東漢先生來巡信陽也除姦慝發隱伏興墜典辟刑獄撫良順詰兵戎繕城郭寇賊遠伏境內用休可謂無遺舉矣時乃進諸生考業而廣仕學書院書院者前兵備闔公建也已奮於舊營業於所者又豪猾盡姦其利先生收奪者罷之並論諸姦利者以法而責其償於是選於諸生得三十人分館就業其薪水之廨及食飲筆札費悉公給之然弗與於民也諸生於是無間貧富皆得以自資矣先生時又往遊其間館至而人告之勸勞有差諸生於是無賢不肖則又皆自謂有得矣嗟乎書院不自己作且垂廢矣而復之用弘其諸生徒有專司也而優育之先生不以爲嫌誠知

所自盡耳其可謂不善矣乎即使先生弗委弗忌而力不足然兵獄之務不可謂不繁也何暇及此哉詩云左之左之無不宜之右之右之無不有之先生之謂乎諸生業有餘力乃皆諷詠先生之德業而成帙或有光風霽月贊先生者遂以標諸首云

謝益王啓

王祖嫡

遠渡盱水幸接容顏念皇華之勞錫清燕之暇百戲且陳信宿靡倦賜觀雅樂指示元聲在齊之聞鈞天之奏曠世相感矣猥辱佳貺敬控鄙忱仰荷曲體下誠悉歸內帑茲抵金谿復承瑤翰發陳思之高詠揮汝之草書寧直藝苑奇珍允爲傳家至寶謹再拜而什襲之其文房清玩藥籠良劑不敢過爲矯飾再陳辭瀆至於花爵路費萬不敢當昔陸生使南越橐金而還議者兩誚殿下樂善秉禮今昔鮮儔何論炎徼君長卽不佞奉命敢爲一介行李累哉謹九頓附使璧謝希鑒函焉

附益王符箋天使遠臨  
說勉爲借宿之留顯技事而且且歸完壁如冰藥允稱禮玉堂之職乃助風廉愈之  
操不染纖塵青循交際之常悉歸完壁如冰藥允稱禮玉堂之職乃助風廉愈之  
增上國之光輝當承順乎初心詎敢再瀆  
乎行飾風儀既昭永盈外庫如數檢收

馬國珍墓誌銘

孟洋

馬國珍氏其從弟廬江令鑽監察御史錄皆余同年友嘗爲余道國珍行



事余以是知國珍屬國珍子太學生潔以誌銘謁余悲夫斯人之亡也不得辭誌曰馬君諱鑑字國珍始祖谷用者由浙之山陰徙居信陽世爲信陽人父諱玉母曰張氏生子三人長欽廣濟簿次卽馬君次鉞崇府典膳馬君生而警慧少與諸昆弟同修科舉業已見希近效且無爲治生幡然起曰丈夫處世縱不能以文學顯獨不能爲富家翁乎與諸昆弟約若等自學我當他計爾於是馬君乃棄筆硯力田畜相時貿易弗怠不數年貲饒益至頓鄉邑馬君旣富益折節力儉然喜施予不責報嘗以舟利涉者里人病無告或貧不能送死輒訊馬君馬君皆爲佐辦無不當意又愛內驢郡士大夫郡士大夫亦樂與馬君遊咸謂雍容有古氏之風云馬君嘗戒其子曰富者多怨吾恆此之懼汝曹慎勿此驕人旣而曰公家事旣非吾屬敢與而塵市喧雜何爲者乃卜築震雷山麓居焉因自號樂山散人樂山則又日與隣翁野父相飲會爲樂意裕如也環所居百里無識與不識耕斂不足者皆取給樂山門庭攘攘往來無休時爲之語曰幸無患貧馬公存噫是非所謂富而好禮者耶馬君雖不徧閱經史然通曉事理察世故卽宿孺不逮悅親極甘脆之奉父喪自盡以禮自諸父兄弟子姪以及鄉黨無間言馬君一日夢其友杜泉與語甚異杜泉者亦故以貲稱好

義先數年卒矣既寤心惡之遂盡語其子後事越六日馬君卒實正德辛巳三月也馬君生成化乙酉九月甲寅享五十有七配劉氏生男子三長潔次淵俱太學生次江女子一聘馮氏孫男二梓杞孫女二潔等卜以今年十二月戊寅葬馬君兩河口之原銘曰有山歸如羣谿流結縵吁嗟乎良士宅茲土戢彩舍芬兮千萬年所

風兩山堂記

孟洋

嘉靖癸巳仲夏二十有一日余避暑賢隱山寺乃亭午王默軒養之高了山子近鮑方亭用勤皆攜鱸至觴序頗歡明日梁東岡民瞻暨弟雅山鍾之以巨樽來嘗之味嘉返易之倍嘉焉又觴且序歡滋甚是日風雨交至夜分始就寢又明日陸鴻漸隱山馮公式小峯蔡汝培懶醒亦告繩罽篋肉以河漲不得騎徒步而至合心同調棋酒嘯歌山水之間玩棲禽而聽鳴兩瓶罍既空玉山傾倒非人世一大快事乎已乃漲弗可渡尊俎索然覓之山家雅識徐徐而繼亦不至乏耳鮑子舉觴避席颺言曰今夕之樂古今可數登高作賦賢哲攸稱蓋各永言用垂令問乃立五韻各賦七言一章如詩不成作浮白之罰余曰善哉言乎遂得詩如左又明日陳生山泉惟允侔來陳詩蓋病且漲弗能來耳嗟夫天下之故展矣弗可逆觀也

始余獨興尋寂甯知數子能見訪耶數子者又寧知風雨留滯笑語累日  
胥罄交歡共留奇迹爲弗可忘者耶陳生豪興沛然竟弗得從數也由是  
而知天下之故願可逆覩哉又明日默軒出手軸請余書之余謂良晤不  
常勝遊可記不吝揮毫卒如所請云爾共詩十首附陳生一首是日有涯  
孟洋記事

戴冠墓誌銘

樊鵬

君戴氏諱冠字仲鵬號邃谷先生世江西吉水人父誼中弘治戊午鄉試  
累官至趙府長史娶程氏贈太安人生長子巾次卽君也君幼嶄然自異  
謹禮容未嘗婆娑嬉遊長從吾師何子於京師苦學至困疾輒益弗懈是  
時長史公仕獻縣學君每省視往來途中口誦不輟途人皆異之數年盡  
得何子之道讀其文曰彼有善有不善何子稱曰戴生妙悟諸人弗如也  
由是名聲藉甚正德丁酉舉河南戊辰登進士第授戶部主事三年憂國  
用之不足而見冗食之衆也於是上疏曰臣聞立國以人聚人以財祖宗  
以來百六十年倉庫積蓄未見其有餘軍國經用未見其不匱海內虛耗  
物力頓屈此何故也今宣大陝西諸邊數有警報戶部運送之使相繼告  
急之不絕加之北直隸河南山東徐淮之境水亢爲災小民逃亡不知陞

下亦嘗少念及於此乎臣惟古人論理財皆務去冗食臣見京師勢要之家子弟家人苟竊爵賞錦衣官屬萬人次者係籍勇士投充監局匠役不可數計實皆所謂國蠹也昔國家漕運每歲四百萬所入足供所出尙有贏餘近年水旱相仍所入不及前數而歲支過當概計此輩所費三分之一陛下何忍以赤子膏血養此蠹乎又曰臣聞兵貴精不貴多邊軍生長邊土習於戰陣今一遇有警便遣京軍彼居則惡其奪食戰則恐其奪功烏肯盡其死力也哉虜退京軍掣回矣宣府兌調官軍三千餘名累經臣下論列堅不肯從不知陛下何所顧慮而不從此乎又曰臣聞天子藏富於天下者也若務鳩聚爲帑積之積是匹夫商賈之計比年逆瑾既貶所籍財產不歸之有司而貯之豹房遂創新庫夫供御之物內有監局外有部司不知此庫何所用之疏上忤旨貶廣東烏石驛丞是爲正德十年烏石居七年種蔬自給益肆於學嘗赴廣州夜行海賊入舟君惶懼投水若有人捧出者三乃獲生嘉靖改元起戶部員外半道陞延平知府延平幾年適當入覲君弗治行一日肩輿出城隸人問何之曰直從北路歸耳一郡大驚其廉直如此尋改蘇州數月拜山東按察司副使提學未履任遭長史公之喪服闋而感風病積久不起矣

先隴修塋記

何立

蓋古不修墓予兄定遼參軍嘗於先人之墓修之夫修墓伊何昉哉記曰某東西南北之人不可弗識乃封墓崇四尺此其遺意乎昔余先大夫先孺人之棄孤也余兄屬當弱冠而余藐在幼齡是時家門殄瘁乃

計久之墓田至有傾圮松樹有剪伐者矣余兄每春秋社攜余過墓下輒泫然泣曰吾幸辱先大夫後繼志承祧坐視塋域頽毀而不之治將何以妥先靈而慰地下此非吾之罪耶余亦相嚮飲泣者久之然自度力不能益一杯土則徒塵風本之悲云越數歲余自遼陽致政歸遂盡出所得俸與舊之積粟謀法先隴因石於近山而陶甃於塋之隙地計諸資用業已具則度其工程而致役焉以墓前陡逼又數崩圻無陳俎豆所則拓而廣焉者二丈自下而上延可三丈有奇東西十餘丈悉積簣築而崇焉於其外則固之以草苴又外則下錯之石而上封以甌中疊爲複道級而升爲神路焉以至並塋之地脈衝缺者掘殘者咸以次荒度而增修之蓋余兄早作莫思胼手胝足數閱月始克畢役已復取松櫟數百千株手植於墓南之案山以爲屏障又慮守塚者靡治則以資置田數畝使耕焉而量與之食既竣則喜謂余曰吾幸藉先靈以終斯役卽異日下見先人無

愧矣汝其文之石以識吾志余拜受命蓋未幾而余兄亦棄人間世余實  
煢煢弔影而重自悼焉唯是夙昔然諾屬屬焉不忘於心第方屢上春官  
已復迫官守歸而家務總總多焦勞嬰心之事則不暇爲謀茲於謝政之  
十五年始告於先墓稍經營因念余兄方有事先人之兆也汲汲然急於  
眉睫若不可須臾緩者比其功甫立成而遂蚤世似有造物者陰相之使  
舉斯役儻其時非圖之豫將何所藉以至今日先儒言不忘先墓爲孝之  
大余兄有焉於是次第其事碑於兄之墓左其以告後之子若孫知所守  
云兄諱夫字子乾別號小復嘉靖中官遼東定遼左衛經歷配邳縣王孺  
人無出兄爲人慷慨多奇節鄉評至今藉藉頌說焉茲不具述尙俟鴻筆  
君子表之

重修朝陽庵碑記

周復元

是碑何洛文篆額王祖嫡書丹今庵已廢碑在庵院泥中

東陴城之外隍迤南四五丈許有舊尼院名朝陽嘉靖間僧弗諱弗延業  
廢爲民居籬落荒涼燈火遠涉投宿遊僧不時誤抵之凡主三易舉眷屬  
不安以故空其壘者一二年萬曆丙子三月忽僧自伏牛來稱河內人  
法名明理別號無礙其人行臘極高余聞而訪之氣宇閑雅詞旨清曉

之解文字通諸內典尤激於禪機蓋一世之高僧也始舍於城南無我住無我去終日危坐法界黯然人有訪之者但以勸人爲善曰心好行好卽是因果活有天堂君子居之活有地獄小人居之此生未了休問來世此語一喧城中轟動鄉人好善者求庵之故主舉其地以奉僧始拂然曰我去非住我住非去若以一囊約我乎卽我極愚亦不受人之約旣而幡然改曰何去非住何住非去去住交戰於中俾主人日沖沖且坐枯木死灰弗當也乃留爲常住顧舊趾湫隘雖日加增葺不克擴其規左墀地有一隙乃軍營復直之原有瓦屋二楹牆垣盡圯計度仍其貫爲左右翼新構正堂三間山門一間藉其原名不更取其東向不忘葵傾之心也觀者褰簾而入見其香篆軒昂驪龍盤繞莊嚴法態金碧熒熒非昔之故陋矣工竣僧屬余以文余曰佛本天竺人生於周昭王二十四年後漢明帝遣使求其道得其書圖其形及沙門攝摩騰至京師中國之人從其教者甚衆歷代雖有禁約教殊不棄夫佛西方聖人也厥術不行於本土而行於中國我中國之聖運同天地明並日月道奚於彼取也人奚於彼宗也士君子不有衛道淑人之責而余又奚於彼文也意亦嘗思之矣朝廷典刑能施於人迹之顯今觀大明律令法網大備而累朝引例如牛毛第其心術

之隱念慮之微壬儉回慝人不及知官府奚從而發之一尊其教則曰有來生之報在也一入其門則曰有法師之言在也進而畏退而尤恐尊而信解而何依此又足以格人心之隱而默助我皇仁之不逮也故亦不爲君子之斥焉萬曆五年歲次丁丑冬十一月

朝陽庵碑記

王祖嫡

碑立於明萬曆十六年何洛文篆額管志道書丹今在庵內

州城東多蔬圃隍隄之左有隙地幽而弗闢塏而弗燥震雷羣峯蜿蜒而北畦田遠近煙樹空濛日初出如翠黛捧金鉦赫奔射目有遊僧跏坐曰是宜建蘭若而茂草積磔亡除芟者無礙禪師河東人勤苦精進大衆欽仰住伏牛最久嘗感初祖異徵飛錫到申乃於斯址創庵曰朝陽歸者雲集余每訪之緇流大小戒律甚嚴善男子善女人流涕合掌不啻舍衛城中也余同年友管登之棄嶺南僉憲歸吳一意內典囑天池持書托余請師主其事師以病足辭余爲敦勸者累日始肯南去凡年餘力求歸登之暨耆宿檀越送者數千人揮涕而別贈者一錢不受也師於豬塘村有庵曰海會其一在天池恐二庵僧聚散不常而旁居狡黠虛惕恐徒衆庵因以廢乃屬登之記海會余記朝陽刻石眎來者登之精竺乾又以吾儒之



說發之其文行遠無疑余於二者茫乎未窺也則以所嘗聞於師者語大衆梁武事佛餓死遂爲千古闢佛口實不知達摩已言之矣有陋者因全無功德諸善知識爲師建此庵定不覲果報耶一作是念去圓本旨不知幾億由句汝不見日乎光明洞徹亡微不燭雲霾陰晦日之本體猶是也汝但空諸所有明心見性無上菩提何假辭說此朝陽命名義也若以庵必待文不毀毋論劫灰之語人人知之恐非師意也師揮塵首肯王子不讀佛書亦有一二暗合者遂刻石置庵中俾官斯地者知師苦行維持修葺之而住斯地者初日中日後日不間焚修雖非師意實大衆意云

重修雞鳴寺記

王祖嫡

予嬉戲時數從竹里先君至黃嶺其下蓋有雞鳴寺云爲予高祖伯和公建公宣德六年由大寧中衛調信陽野多荒田官墾子孫聚嶺下以耕爲業公雅信佛於嶺北建寺曰北寺嶺南建寺曰南寺北卽雞鳴相去五里許風清夜靜鈴鐸相聞公杖策設會飯僧歲以爲常公沒僧稍稍散去嘉靖乙亥有司毀境內佛像雞鳴像皆石製作精妙倉皇掩土中時見光怪後禁弛啓雖完好已失羅漢三尊柏堂盧氏幼秉衣緇禮眞公大覺爲師住雞鳴二十年戒律精苦嘗遊都下五臺峨嵋錢塘匡廬諸勝

又於大石門東靜室棲息每閉戶輒三月餘余數訪語舊爲之悽然蓋先君已於己未捐館矣柏堂歎歎曰吾住雞鳴二十年公相待如一日吾去雞鳴又二十年舊蹟不可追憶卽忘尊公獨奈何不念首丘誼耶於是虔叩佛天傾其所積散之匠役遠近聞柏堂復來雞鳴翕然樂施殿舊在小山下西澗移之

已而果堂復故處爲殿三間石佛一尊增泥像二補羅漢三兩壁塑諸天緣覽聖像殿前舊有古樹三又參差不齊則又伐其一始亭亭若二峯對峙然殿後山崖崩壞砌以磚石

爲方丈三間折而西爲精舍三間屈屈相通稍東爲長廊三間又稍南爲僧房數餘間

望龍華震雷諸峯如百步內起甲子九月竣今四月而鐘鼓樓伽藍殿方謀經營舊

者乎先君釋兵家居

草屋數椽僧又鄙俗不堪先君每過必太息不忍去豈非思祖宗創業之苦感物理盛衰之運乎寺今稱盛柏堂復來先君遂沒而余嬉戲之童髮將種種沒世無成也悲哉悲哉惟忠惟孝可以永世作是記勒之石匪直紀柏堂之功且示王氏子孫來遊者以固永思之意也

信陽余侯生祠碑記

王祖嫡

體國卹民守土常職爾祠也何居識惠永思風吏也余侯之祠備此三者當矣不於州治而於阜陽之村也何居村郡勝地淮流環抱萬山盤礴侯過之必停車吟眺民擬之召之棠羊之岷也祠旣落成王子瞻謁低徊太息久而弗去父老泫然出涕述侯德丐索辭勒石王子感茲誼稍敘次父老語俾傳循良者采焉侯名良樞字士中江西奉新人登隆慶辛未進士高第是年八月來牧信陽覽牒詢俗慨然想惠直廉平遺跡力行節儉與民休息猶惓惓以燭幽達隱爲務黃金珠以成逋與其黨楊從洎詭爲宥還鞠驗金珠坐刻僞印死洎調還塞當是時尺籍令嚴監司以下承望風旨雖已故絕田數易主亦以佃戶補伍世世毋貸侯造佃戶冊申解豁除無辜遠戍者二十三人獄囚衣糧以見年輸錢充用侯曰奈何腹赤子膏血給罪人改杖決杖一名折囚米二斗歲省輸錢七十餘兩囚瘦死者往往棄諸水濱骨肉狼籍盡地瘞之里甲買馬鋪陳輸錢外借辦因茲私斂侯令催募養馬走遞馬價於地畝內徵派遂無偏累裁革有馬吹手十二名應捕二十五名歲省工食銀二百八十餘兩量鋪司繁簡裁門禁冗濫歲省銀三百五十餘兩南陽以驛遞衝罷議加本州銀二百八十餘兩協

濟允矣侯毅然率父老爭之詞旨懇曲竟莫能奪自是汝寧諸邑歲省銀一千有奇吏胥公辭傾頽案牘兩潰得因緣爲姦利侯營建井井各治文書無徑入者學舊無田侯置田若干畝寒士仰給甚衆復於性道書院建齋樓二十餘楹俾孤寒無師及銳意嚮往者朝夕讀書其中督學袁公隄之屬侯自作記風勵來者凡道路傳舍弗便行者悉加葺理若龍井雙井明港諸橋捐奉易石民獲永濟此雖細事不必書亦以見侯綜理精密若是也衛役苦不均而各營舍如棼絲愈理愈亂當道悉以畀侯行伍稱便蓋侯貌溫氣和導人盡言參酌理勞無所偏主故處置得宜如此而性復仁恕淫酷諸刑終任不用人之畏之有甚於被刑者侯治申三年良政甚多諸臺交薦侯亦滿考將上績矣會太夫人訃至哀毀南奔攀臥痛號闌擁原野旬日乃得發既二月而祠遂成王生維藩家祠之左感侯國士之遇贊襄爲多云祖嫡曰嗟夫兩漢循吏傳敘述毛鎖皆後世中人可辦者及詳玩之其言溫厚若家人父子議於一堂其政平易若課農問桑無煩條目其澤敷於民也若和風甘雨之以時其民之賴之也若布帛菽粟之不可缺而其效則所居富所去思嗟夫吏誠如是矣烏乎不富烏乎不思耶今之吏則不然以爲不嚴以蒞之則下玩而事不集夫市井無賴使酒

罵座人亦畏而避之矧假朝廷威靈膺專城之寄盛氣斂容神明自待自非木石誰不股栗汗流者卽揮霍風生頤指霆巡而民之失所多矣然後味乎遷固之言而卑之無甚高論者談何容易耶以余侯之治信陽與信陽之民戀戀於余侯者觀之居富去思千載一轍彼赫赫者何爲者哉萬曆三年乙亥

論陳登雲諫疏

王祖嫡

讀陳南濱侍御疏眉山蘇氏之論諫也以龍逢比干之心行蘇秦張儀之術其辭甚辨其意甚婉然非明主之聖事直臣之純節也人臣進言務殫此心而已矣其行與否非所逆視也然事關宗社機伏隱微有人所不能言所不敢言者能言矣而怵於奇禍牽於私愛擬議遷就引之而不竟談之而不激外博直諫之名而中寓遠害之計如弄嬰於掌股之間調狙於朝暮之際可以此而施於行父哉蘇氏之說蓋昉孔子取諷之言而不知孔子之意所指一節非謂凡諫君者俱以諷爲貴也如俱以諷爲貴是比干非仁而武子信愚矣難言哉難言哉主上明聖寬仁逢怒之臣往往舜威顯融以作敢言之氣是以壬午迄今讜論剴詞視前代爲盛而使人縮頸吐舌扼腕拊膺悲憤不能已已未有如陳君上是疏者疏之甫上豈惟

陳君慨然不有其身而中外之人亡不謂不斃杖下必成遠徼乃上持是疏且歎且思且置且閱竟無一毫薄譴卽此一事主上之優容陳君之忠赤俱三代以來所不多見也或謂陳君之疏信能言務盡厥心而不知所謂術者惜竟留中未見之行耳吁是大不然猛獸在山藁蕘不採夫猛獸未噬而人避之者誠憚之也謀寢淮南功首曲突障隕隄於蟻穴保元氣於鍼芒豈不宏且遠哉奈何與一言之中一事之施比度長短也予不識陳君第讀其疏始而危之中而壯之旣又躍然喜主聖臣直躬逢其盛耿耿孤忠不敢出位乃爲嗟嗟歎歎賞私紀如此隆萬以來名臣奏章茲爲第一故又表而出之俾進言者慎毋以術云萬曆戊子閏月之望信陽王祖嫡書於木天禁署

明貢生李桐墓表

王祖嫡

小岡李君嘗邀余至尊公南岡翁墓所曰響山渡瀝三里幽徑紆仄入山漸平折而北若升陞然溪澗潺湲田盡膏腴田上甃以池清冷可鑑巨魚游甚適池上門二楹門內竹蘭奇花異草襲人衣裾中爲饗堂五間庖湑諸室咸備堂後由石級上爲南岡翁夫婦墓約山之半山不甚峻而巖崿崿呀環抱拱衛脈隱隱自天目來松楸蒼鬱嵐翠欲流雖不諳青烏子術

知爲佳城矣而小岡君顧指隧道片石潛然曰先君捐館舍三十餘年未能表厥墓歲時奠掃未嘗不攀樹低徊不能去也回出所爲狀跪請曰願吾子留意也按狀翁姓李氏諱桐字伯琴別號南岡先世鳳陽人某世遷信陽祖勝生海郡諸生娶吳氏生翁吳卒繼陸氏翁幼孤依大父母受業大復何先生年甫十四補州庠弟子員弱冠食廩聲稱籍甚大父母卒祭葬以禮遣弟子爲傳經授室後掌昌黎教一姊二妹一爲陸出資嫁如一翁少歷艱苦廩金錙銖弗妄費稍買田園勤力耕稼歲有餘饒與人交無貴賤賢愚遠近披肝直眎人有謀殫力爲之非其義千金弗視也羣居燕飲非其任弗強翁有酒德醉後愈恭人以爲不可及屢試不第迨膺歲薦數年爲嘉靖丁未以疾卒距生弘治元年僅六十配史氏慈惠婉懿事姑陸甚謹陸無子十九孀居完名全節咸謂史氏成之斯又賢於他孝婦遠矣史與翁同歲生至隆慶四年乃卒享年八十三丈夫子二長朝陽領嘉靖丙午鄉書仕湖廣房縣令所謂小岡君也次朝旭郡學生孫七人盡性生員餘讀書能文咸稱偉器史孀曰嗟乎天道人事至微不至著莫過於報應之理合曰昭昭舛曰懵懵皆非也大要乘除損益於其定者觀之耳自予爲兒時聞長老談里人某宜昌而衰某宜衰而昌意甚皇感未十數年

則昌而衰衰而昌若寒暑晝夜勢極而反倏忽如此何論久遠哉老子張弓之說誠有味乎其言之也南岡翁蓋恂恂厚德長者而上壽靡登偉抱弗竟合耶舛也逮小岡君貴諸孫燁然起迺知翁以不盡貽天以不盡報乘除損益之妙又灑然矣

明郡學生陳惟功墓誌銘

王祖嫡

予友陳惟功氏卒予往哭之尊甫居山坵面失聲盡持惟功素業長跪向予淚淫淫下不能出一語予揮涕謝曰翁意欲僕作墓銘耶此僕之心也僕之責也翁稍稍收淚講曰亡兒無似辱足下知愛共筆硯同塲屋十餘年矣覲謀寸祿慰我衰病不幸已矣疾革時略微意屬銘足下惟仁人君子念之言已復哭嗟乎吾尙忍銘吾惟功哉予多病寡合閒居靜處每歎知己之難晚得惟功不啻兄弟始予與應亨符君善應亨溫雅和粹類惟功爲人而文辭稍不及皆慨然名節相砥礪二君亦毅然自任不爲世俗聲利諛順之態予每喜交遊中得二君可爲士風一振無何應亨物故又無何惟功亦卒良友凋謝悲悼不禁嘗許銘應亨今宰木拱矣茲復忍銘惟功哉惟功鯁士也生不喜人阿譽死乃諛之相負深矣謹以其弟惟伊狀書之陳氏世爲信陽大族其始祖沛嘗任陝西僉事沛生原原生讓讓



生教是爲惟功父皆以耕讀自樂潛德弗耀教二子長惟功字如皋別號響泉生而岐嶷不好嬉戲五六歲知書卽琅琅夜分不寢家人咸異之後習舉子業俗皆以書坊所刊時文競相傳誦師弟朋友自爲捷徑經傳註疏不復假目惟功獨疑之盡焚所積時藝案間置尙書蔡傳四書朱註沈潛玩味又購蔡虛齋陳紫峯林次崖三先生說讀之故發而爲文流自肺腑無俗儒支離泛濫之弊予嘗厭苦汜誦思一矯之以習尙方熾且筆力萎弱不敢對人置一喙君獨卓然不奪予亦有所感發乙卯補郡庠應試聲稱籍甚與予皆下第衆咸咎其違俗不售君殊不屑意益勉前業戊午歲水陽先生以翰林編修視學中土痛懲剽竊陋習凡取文字一以經傳爲主士風翕然一變先生以藝苑宗工不輕許可按試信陽見惟功文大驚曰中州有若人乎奇士也時惟功以胃疾猶未盡所長先生每爲延譽聲望益著是歲予廁鄉榜末揭曉後見無惟功名士論譁然稱屈惟功亦鬱鬱莫知所爲下第未幾聞惟功臥病予往問之惟功言論慷慨不減昔時察其形狀殊困憊不能支乃竟不起惜哉惜哉君誠惻樸茂怡然可親至聞不平事輒憤憤太息嘗以所見者手書小冊皆嫉世憫俗痛切悲激之言冀他日入仕籍舉而行之君沒後居山翁始出示予予以爲可附呂

舍人官箴胡太初書簾緒論之後君雖未仕所樹立己可知矣彼汲汲升斗循資待次歷華要榮顯者自世俗視惟功何香壤然有道者視之直一噓耳惟功何恨哉惟功食廩四年所入盡供甘旨一錢不私積自爲兒至卒三十四年矣未嘗一言少忤父母弟惟伊友愛甚至鄉黨朋友咸得其歡心死之日識與不識莫不悼惜云惟功生於嘉靖戊子閏十月十三日卒於嘉靖辛酉二月十六日配劉氏子三宅聘郡學生蔡可遠女弟如伊爲郡名士文行類其兄銘曰汝穎奇士萃申之墟靈異攸鍾微君孰居修辭敦行弗事伎巧辟施與嬖任質自姣僉曰遠俗予曰不然粵我宣父禮樂從先俯仰造化囿乎庶衆等之小兒雖俳實痛若才若德而夭而窮自古皆然嗟乎惟功

祭王師竹文

何洛文

古謂九原可作吾誰與歸如可贖兮人百其身某等於先生感慟愴慨寧異斯懷寥廓縣寓律臣軌者不期忠乎先生載筆禁林儷直董狐如請復革除補修實錄累朝蘊菟一旦吐正文武典試彬彬得賢孰不嘉其忠程子道者不期孝乎先生明發孺慕顯親揚名泣血叩關墜緒克振抗疏陳情表旌先節論者孰不崇其孝仁人者民之譽先生賑貧恤孤扶顛瘞暴

重信信國縣志卷十一  
施舍周資指困累虛神字橋道修規殆遍僉曰非仁人而胡能惻隱若是  
義士者行之標先生見善響赴睹愿力辭公議可倡氣獨挺勁急難無佐  
力不退旋僉曰非義士而胡能倜儻若是乃其字度謹冲神情曠達憂時  
籌世雅負才猷厲志禔躬罔慚衺影學臻闢奧文移國華兼車充棟刃迎  
峽倒揮塵從容霏霏傾聽隱囊紗帽坐談如神此又先生之國士無雙風  
流獨擅者也蓋先生涵川嶽之精稟岐穎之質究聖賢之旨負豪傑之概  
故其登金馬上玉堂若神仙中人海內仰望如鳳凰之翔千仞應龍之起  
九霄以爲位不躋公輔壽不匹喬松不止也胡爲一疾溘焉羽化使人疑  
造物之難憑謂仁者不必壽耶自先生之逝也朝宁驚而悼緝紳挽而嗟  
四遠傳而疑父老士庶家慟而人悲都輦遐陬深山窮谷之人往往奔走  
絡繹而來哭相弔矧如某等世世通家道義骨肉追想生平惆悵永隔雖  
心欲灰而淚若注奚能抒痛楚之萬一哉茲者丹旄載揚玄宮往卽天地  
晦翳風雨淒其薄酬一奠莫寫千結神乎洋洋當諒直言不文而深衷無  
盡也

遊白龍潭記

王延世

余初度在八月杪每辱親友貺惠招延不能謝絕今年擬先期速避薄田

在城西楊柳河有白龍潭夙聞其勝思一遊眺舅倩周君居與潭近藉爲地主約沈君安時叔弟思篤星奎星翼二兒同往星房姪以病痞不能從蚤渡灑河過賢首山至高廟憩山莊田戶薦菜湯胡餅兒子求少鹽不得相顧歎息鄉民貧苦食淡若此屋東母舅墓在焉肅揖興涓陽之感里餘上高岡女松萬株翠色撲人四望曠莽心目俱暢下岡渡河卽楊柳河支流入澗者莊戶聞余至攜盒待於樹下安時望見提壺大笑曰吾事濟矣獨飲罄疊問去周村只五里夾路榆柳右溪左阜豐草茸茸岸善崩危險甚二兒策蹇飛行呵之不止笑曰真將種也瞬息入山周君已候於柴門矣環峯密林激清儲陰溪流如帶疊石爲梁前卽稻場新禾堆滿雞鶩紛馳犬聲如豹羣兒集牆頭觀望此何減桃花源哉日已下春飲數觴出步溪上晚風蕭蕭甚有寒色入室篝燈坐語只一木榻憩余安時三弟二兒厚鋪穀草同臥其氣暖反勝榻也晨起有羅君來訪相去里試邀過晚餐遂同往龍潭行榛莽中殆無蹊徑至一田舍款段盡寄於此各覓竹杖魚貫而進自西折而北兩山對峙一水中涵芋眠清泚如長樂噉蔗矣沿岸攀蘿可二里許連過二潭樹益瘦縈青潦白外與天際是爲第三潭如鳴鏘然儵魚隊隊皆若空遊無所依小蟹如錢兒輩以杖撥之俱潛入石縫

野鹿呦鳴翠鳥翔集因歎何處無佳山水人多貴遠忽近遂令名區湮鬱耳忽聞水聲澎湃如萬馬奔嘶而來則瀑布飛流自削壁建瓴而下轟然如百夫搗鼓人語都不聞聲但見頤頤開張相視大笑水下匯爲深潭闊可盈畝云有白龍蟄此旱禱輒應佇立久之悽神寒骨扶掖至潭右一巖如广大石離列可座而飲食敲石火溫所攜酒炙烹蚶茗色味俱絕安時忽轉而北以手招余曰有奇觀在斯亟趨視崖中一樹抱石而生高僅三尺身如龍鱗枝如虬攫蒼古殆不可狀酬酒賞之斑處其下余題名於石安時小篆蒼巖翠壁四字又於樹皮剝落處書千古絕妙盆景數字各浮大白分險韻撚鬚覓句二兒燃爆竹遣健僕登絕頂觀瀑布發源推大石飛落潭內聲振林麓以爲笑樂一僕牽藤下崖可三丈地太清不能久坐由故道而出回望雲泉步步惜別樂莫樂兮新相別寧獨交友然哉過寄款段處田叟留飲因言今秋大熟但頻年荒歉債委積此時半納公稅半完私逋依然瓶無儲粟惟以樵採餬口聞而傷之不能畢觴過羅氏莊一飯復返周寓歸鴉滿林牛羊下來矣余倦甚卽寢諸君尙飲酒食粥笑語哄然二更方就枕次日馳歸華黍堂三弟供淨饌與安時言龍潭之奇聞之三十年茲方一遊較美未發豈有待耶愧余寡陋不能如柳州記緝鉛

潭袁家渴使有聞於世山靈所遭有幸不幸哉信宿入城清夢冷冷猶在  
飛泉奇木之側往返六日得詩若干首倘親友有好奇者能訪幽源當出  
示爲公據嚆矢也

按延世字思城內外巡捕左師參所著有華委堂文集卷二指十揮

餘從幾本鈔於茲

### 賢山記

劉應陸

申巖疆也西南五里有賢首山峻嶺袤延秀若列屏澗斗折而入  
茂林修竹青蔥陰翳名藍在隱約間歲庚辰僕偕友何子堯風郭  
子筠亭張子樂寅家秀升兄讀書寺之東偏暇日得詩若干首間  
有遊歷輒爲記亦猶王右丞之於輞川柳儀曹之於愚溪云

晨起抵谷口路盤山腹夾松石寂無人行嵐氣空濛時聞山鳥聲朝霞忽  
射林杪層巒如黛遠淨空際名藍金碧縈青潦白西山爽氣在襟帶間矣  
由鎖溪橋而南出叢竹水聲淙淙然接武音公池水清冽澈底石魚約  
十頭散布荇藻間旣忽翕習怡然不動若與遊人相樂池上盤石翠幙糾  
結列坐神息淡乎忘歸 仙石嶺西爲鹿澗谷幽邃泉伏地行至鹿澗始  
出掬飲之味甘冽若惠泉然兩時澗雲縷縷出石罅蠕動山翠移頃重巖  
絕壑漉漉合沓倏忽改觀 梁王壘踞寺東巖按魏齊書梁武拒北魏軍

於此自寺折而南路紆衍寺僧德普指余曰君曩遊未奇也由寺東有危澗路峭削折爲松壘松或連卷若屈蟠或倚伏若偃蛟怒而攫者垂而旒者蹲踞而糾結者根裂石而濯泉者難僻甚奇也至則攀葛藟凡三休始達壘城郭掩映河流縈帶騁懷遊目遂竟斯遊 寺中可登而眺者惟雙柏館閣危敞峙松壑間背枕崖谷前俯雕甍水光山色洞達入窗豁如也階前有柏二株矗直千尺大數十圍虬枝攫天陰森若雷雨垂凭欄遠矚大貴諸峯俱羅列如兒孫白雲青靄迴殊朝暮允屬大觀

舊山賦

劉應陸

往僕讀書賦首山寺中間十載今惟張子樂寅偕焉間居興懷追念曩遊兼抒鄙志遂撰斯賦

方夾鍾之屈律藹清霽之佳晨緬匡廬之高奇遵天臺之舊津眷光景於下帷伊茲事之可珍佩若蓀如擷荃羅珊瑚而剖珉汲修綆於靈區障狂瀾於先民探驪龍之頌珠騰干莫於青旻列洞穴之厓厲表石梁之嶙峋庶往迹之可踐信余懷之能振爾其分條太乙孕靈昭稽互青沈紺蒸霞截霓黃峴白雁紆南盤西饋阮豁研陰宵冥迷川耀蠙珠之彩關封冥阮之泥匝故郢之地維鈞鑿峴之天梯蜿蜒秀列背郭枕瀨朝爽橫髻夕采

沈黛折屏風而錦張浮青螺而鏡對綉繚白而凝紫乃吐沈而納瀟鬱蔥  
佳哉千狀萬態時則汀烟一碧山翠半銷幽厓射虹朱珎冠翹鷓鴣充乎  
蘭沼竹箭婉乎沃焦松輪菌以結蓋霞蔚起以建標射干茸以被塗葛藟  
糾以縈條蔭挂旗以先導羌踟躕於山椒至若白雲逢逢一西一東裊蘿  
觸石霏澗翳空渾冥濛於一氣結氛氳於千重界金碧以蠕動股激湍以  
撞春忽劃青以成園若將舒而御風渺蓬壺之飛嶠誰蕭梁之故蹤襄曙  
景以陟巘爻明滅之九變覽風景以抗懷感遊歷之夙悰當其晏息竹林  
之下騁懷徂徠之澤踐芳蘅之馥郁倚采旄以齊適或墊巾而容與或屬  
匏而狼藉忘機則濠上之魚列座則荊州之躡嗣是風流雲散桂摧蘭折  
山濤之薄領難堪子敬之人琴俱絕登山之淚盈把渡江之樹誰擊須啾  
啾以助哀雲黯黯而忽霽庾蘭成則悲愴勒銘向子期則悽涼聞笛於是  
背下陵步崇岡驂兩螭以偕逝駕文鸞以迴翔佩萑萑坐堂美繡  
段以耀軀鬪木雞以飾璫散湘帙之雕文施縹綠之雜章羌靈修之媿美  
曰余情其樂康若乃嘯聆鸞鳳文移猿鶴樵悴江潯之吟揆挾鉅錡之作  
鄙終南之捷徑陋東山之棲託皆達士之放曠非聖賢之憂樂是用援古  
昔以增慕感存沒而橫泗雖無向平之蹈竊比子長之義撫髀肉以生歎



聞荒雞而不昧夜耿耿以達曙時冉冉其將至信利濟之可期爰從容而攬轡

賢首山賦

危

聞聖人之在御兮野鮮留良迨夢卜之無期兮士始韜光棄塵寰之擾擾兮選勝地以徜徉累徵車之不出兮貯奇情於奚囊賢依山而不朽兮山得賢而傳芳斯固無地不然而遺迹多見於名邦遠申城之數里有高山之可仰士雅屏其南瀨水繞其旁似建業之帶東山若洛邑之枕北邙聞有人焉曾用爲邁而爲軸問何時乎難辨是漢而是唐洵哉高人之麓允矣幽士之鄉獨是石鐘因蘇銛錡鐸傳柳廬以匡名綿屬介有茲何名譽之寂寂不聞姓氏爲某某豈藉終南爲捷徑至棲遲之未久抑同桃源之迷津囑漁郎之緘口今俱弗論聊言所有時而春也山花歷亂鳥語喧譁草增新綠溪鬧鳴蛙瞻山中之錦繡生腹笥之英華乃未調鹽梅於鼎鼐徒然話桑麻於田家時而夏也水田鷺立高樹鶯歌荷錢似鈿梅雨如蓑誠性天之有道知心地之無波坐長日以難消僅抱膝以吟哦時而秋也金風瑟瑟芳草萋萋松聲謾謾白露泥泥指兼葭之在望求中央之路迷時而冬也草枯石井冰結水隈嚴颼栗烈島嶼濛濛臥袁安於土室冷竈內

之寒灰未得賦詩於梁苑徒然踏雪以尋梅當其晝也天清日朗氣和風微嵐光欲滴山遠如眉將運甃以消磨慚非行遁之所宜當其夜也月上山腰鐘送招提啾啾山鬼鶴淚猿啼將起舞於中夜悵空谷之無雞斯皆賢山之招隱不同北山之文移欲買山則無用戴家之錢而遊山則又宜著謝公之屐余嘗步其麓陟其巔訪其迹求其賢尋伊人而不見止時景而流連問古有賢而今何無父老扶杖而言焉聖天子之崇儒重道咸出而佐飛龍於在天所以山空而谷靜僅餘蔓草與荒烟茲已易草廬爲禪室穆然徒見賢山之巍然

殷太宜人墓表

王良

碑立於清乾隆癸酉良其十世孫也

太宜人殷氏始祖千戶侯汝錫王公之嫡妻也本山東齊安德州籍元末提三尺劍從明太祖定鼎金陵後因成祖師起戰沒夾河遺一子諱悅字伯和甫四歲太宜人不忍沒夫勳徒步背負伯和公赴請優恤草昧倥傯查黃遺失怏怏而返又赴南京始獲優恤贈汝錫公千戶侯伯和公襲正千戶宣德六年調任信陽衛後所太宜人隨任遂永信陽籍初太宜人之京師也有弟某者頗富託人貸路費弟笑曰姐家有南園桑北園棗耶太

宜人蓋永誌之乃盡露衣飾往迨伯和公掌所印威望甚著舅歎曰不意吾甥振拔至此太宜人笑曰窮兒子何勞稱羨有南園桑北園棗耶至今知者猶以爲口實云於戲吾始祖之沒於王事時太宜人正少婦子幼家貧親戚無所託如奪其志或不克令終王氏絕矣乃能徒步負子跋涉兩京遂啓後人數百年之息蔭武則有武德明威廣威昭勇鎮國數將軍文則有翰林宮庶一人明經七八人博士弟子員數十人固知祖公之忠烈宜食於不朽然非太宜人之節有以成之曷克致此太宜人之墓於茲幾四百年矣墓旁阡陌原吾家產林木蔥蔚石碣琳瑯及我熙朝定鼎河山改革僅餘荒墓一所蒼松二三而已至康熙末年置地數畝可供守墓者之居乾隆九年補立墓碑過此者始知爲太宜人之墓云而余重有感焉皇恩浩蕩建坊旌閭者比比也太宜人未邀片石之榮並州志亦遺而不載可勝悼哉每春秋展墓及開讀家集未嘗不歎歎太息淚溼衫襟今則髮種種而齒搖落矣然猶幸能悉其梗概敬勒貞珉置諸墓道俾後世子孫知吾家有百世不可祧者倘能爭自奮勵不遺先世羞固太宜人所應食報者曷勝切楚

指南院碑記

郭六宰

法有開山之祖具創之所始與所由成兼擴而大之之功者相其陰陽流泉經營締造卜築以據上方之勝此創始落成事也若棟宇恢宏梵音流布鐘聲佛號杳杳冥冥於蹊徑中有雲山曠

於窮巖岨谷外

則擴而大之其功亦不細矣城南指南寺者地當南北之衝大河繞其背震雷峙其左賢山拱其右龜峯筆架如羅紋指隱現出沒不可勝數亦勝境也入其中花木繽紛芳草鮮美琳宮法院竹林陰翳森森出牆外令好奇探幽者沈吟往復樂而忘疲寺僧佛可告余曰知此寺所由昉乎觀察西蜀彭公與賢山眼聽音和尚之

當康熙初年兩人步屨郊野吟

風弄月樂其勝概曰是可剏寺以手指南觸機而動因名曰指南亦引人前進意耳令其書記筆形狀修築住持爾時審基定規登登馮馮球度興勝欲延引十方有志而未逮佛可承其後數十年間構材鳩工重修佛殿後樓兩廂房丹者丹堊者堊曲者曲橫者橫繩而直之爽而塏之木石瓴甃節稅之屬不事華飾要以堅厚久遠爲率於乾隆二十八年係有本寺監院湘碧引領大衆開期接納半生勞瘁皆體當年未竟之志可也敢自矜功乎曷爲僧記之今聞其言核其實深以爲然夫事不自始待人而成者昔人有言蘭亭若不遭右軍則清湍外溢遂成空山矣是寺也因彭

公觀察之志而前後諸僧之勤也蓋洞天福地散在人間天臺雁宕諸勝概詎寧復遠乎余嘗遊武陵桃源其境亦平平耳誦淵明記述若神仙彷彿人迹不到之地至勤歷代名公歌詠不休所謂此中人語不足爲外人道也余因僧言記其創始擴大之由至言之不文行之不遠亦由誌實耳更贈以詩曰余與佛可遊行住了無異爰溯其生平忍苦見高義人家好子孫尙志乃以招提境恢擴前人事紺宇與琳宮燦燦西來意接到十六人選佛由茲地是日開山祖向後誰不思短歌淡而清勒石垂之寺又附昔春指南舊作一律春風已度廿餘天冉冉南橋柳色妍雲水空中蕭寺見石林深處午鐘傳到門竹影分幽境折檻梅花傍老禪坐久塵機渾欲息疏簾一碧漾茶煙

節孝李氏傳

郭六宰

讀詩柏舟錄共姜春秋書紀叔姬宋共姬詳其于歸妾媵以及卒葬見聖人善善之長也若吾州節孝李氏者其弟庠生正緯從余遊持其事求傳義無庸辭矣氏庠生李碩彥女幼許字鄭克明子自新甫及笄結纜有日而夫沒氏聞闔門自縊父母救甦曰必欲女存詣鄭守喪則可許之衰服入門事舅姑無違禮夫弟鄭明甫二歲又一弟一妹氏襁抱提攜佐姑不

逮其生自新之姑柩在堂氏紡績經營並夫葬之更有難者舅老病委頓牀褥氏親湯藥累月經年焚香祝告願以身代姑李氏感傷涕零則其他可知也舅沒姑老食口日煩家計日窘附身附棺稱禮而行並三弟妹婚嫁之以弟明之子嗣夫祀飲冰茹藥三十餘年學使上聞奉明旌閭潛德幽貞凌霜貫日矣故縷述之但媿鄙不文語無倫次爲探風者導先路爾論曰吾聞明章文寶妻金氏許字守義入門撫孤氏其倫歟然金猶有妾孤可撫者氏隻身無依殆又難也夫巾幗一念之誠致命遂志上達宸聽身與其志並垂不朽兩家父子姪與有榮施傳聞欣欣頌慕懿德之動人如此彼身列衣冠有志之士宜如何自立哉

奏請整頓吏治疏

陳夢蘭

奏爲大難既平擬請及時整頓吏治與民休息以蘇民困而新景命事竊髮捻之亂迄今十有六年矣幸賴列祖列宗之聲靈皇太后皇上之神武漸次芟夷大憝奠安海寓雖周宣王之中興漢世祖之光復何以加茲溯查前此致亂之由大抵因承平日久吏治不修賊民乘機釀成大變自咸豐辛亥以來封豕長蛇蹂躪徧天下各省陷賊之州縣其牧令爲賊所委則竭力搜括地方以奉賊其未陷賊之州縣則牧令竭民所有以禦賊州

縣陷賊而爲官軍收復者則牧令類皆倉卒受命略取備員不必果諳政治其於民也軍隊之糧秣資之運輸資之捍禦送迎無不資之嗟乎民力窮矣民命疲矣瘡痍猶在呻吟未忘不急與休息之恐賊盡而人民亦相隨以盡也今大功告成人民得撥陰霾而見天日臣謂宜及此時講求吏治培養元氣救死扶傷輕徭薄斂出水火而登之祗席是亦我國家億萬年有道之佳會也軍興以來朝廷重在戡亂有以武人而任封圻者遂有以武弁而膺民社者介冑之夫便可以牧令分省補用雖曰酬庸之典不可不優然嫻武備者不必卽諳文治習戎行者不必卽熟民事百夫之長豈卽足語於百里之寄耶自今以往應請注重牧令資格嚴訂考察之條優獎循良之選勤撫字清訟獄興教化課農桑庶幾海內重見康熙乾隆之治矣臣櫛昧之見冒瀆宸嚴是否有當伏祈聖鑒施行幸甚謹奏

祭湘浦公文

陳連川

原名錦林

維同治十一年七月 日宗姪錦林謹以冥費四事祭奠於宗叔大人之靈柩前曰季春上巳越二日老佺歸自瓠城傳翁惡耗詫然大異吾申去江陵僅八百里親故日自江陵歸不絕於道翁之動息無不周知胡爲未聞疾而遽聞卒乎且此耗不來自五里而來至瓠城殊難憑信立遣妥紀

走翁宅探視足未履庭而望湖宗叔哭聲達於戶外返述其狀錦不禁失聲泣曰天乎何善人之不永年也嗚呼惜哉吾州二百年來館選無人五馬無人陋已極矣翁逾冠遊庠食廩餼登賢書甫壯成進士入史館改秋曹陟台諫尋補今職開木天之清署導先路於黃堂大足壯觀賢首矣雖然以此譽公猶皮相也翁生簪纓幼無閱習言動循規矩性嚴毅合族敬憚從不干公事當道曲意羅致不撓也品節卓著錦心折焉奈五里去洋東西距四十里又皆窘於家計以筆耕佐不給逐歲勞勞無片日暇以故聯宗雖久往來頗不易徒以神明相贈答已耳壬子秋翁新第錦歸祭烏盆舊兆返過洋留舍五日晨夕縱談稍傾積悃三十年始一聚也嗣翁供職都門錦授徒里曲灑水燕山相望於二千里外去愈遠而會愈稀每於茶罷吟歇臨風北顧爲之廢景行之句深仰止之思焉丁卯秋匹馬赴都偕寓蓮花寺僑寓三載日接清光而翁之刻苦作人於焉大醉於心而欽佩幾難名矣翁性省嗇每餐不過二簋冬裘夏葛十載一更嚴謹寡交遊隻身作宦數愈一紀往來稍密者十餘人皆一時廉靜之士重然諾託以要件雖夙所厭疾之人爲謀未嘗不忠尤不慣揭人短稠人廣座中間有攻某瑕訐某私者翁徐徐曰某之作某事大可法發某議大可採一座



肅然而同鄉之德彥同寅之英俊名公卿之嘉言懿行未嘗一日去諸口好善之誠蓋發於不自覺也其司刑部時一梨園某干法紀掌憲委幹司鞠之某曰若契友也安忍訊儂連番更委十餘郎某日均故交也安肯屈儂尋委翁掌憲厲聲示之曰此信陽陳某也某厭然色沮戰兢伏辜翁之盛德上邀憲眷下服頑童此豈塗飾耳目所可倖得哉方翁巡視南城團局未撤余友吳幼岑欲以孝廉董事央言於翁翁曰此徑頗捷但購得梟犯一名彙薦無不允雖十年逸犯董事以重利餌點役可立獲晉秩增級如操左券捷則捷矣以人命博得一官設心殊不可問意仁人必不出此錦悚然動容曰乃今見公心矣幼岑聞之歎服事中寢噫嘻翁久於言職無赫赫之名鄉議以爲豐於德嗇於才以德許翁洵爲允論而殫力盡職奔走部曹監司間十餘年無僨事無才者能然乎至出守江陵裁堤費復常平廉節惠政洋洋盈耳荆之人慨然道之錦不復贅嗚呼沒世不稱雖爲君子所疾翁平生敦行幽邃晦彩韜光必不汲汲於身後之名而知翁如錦能不略述其梗概以留示其子孫乎茲於哭奠之餘臚陳行狀隨賦輓一章以抒哀感歌曰標廉節於日下兮名炳著於旂常敷愷澤於江漢兮循聲遠播於三湘倏騎鯨而西去兮遂長辭乎故鄉憶樹德於申東兮

僕興起於河洋作吾輩之楷模兮炳閭里之圭璋願效臂助以勤勞兮偕  
整理乎膠庠胡忽焉其徂謝兮俾踽踽而涼涼惟同心之有侶兮庶起二  
豎於膏肓奈孤掌之奮舉兮抱難鳴之隱傷策駑駘以副鵠望兮不敢耽  
逸樂以頹唐督幼穉以承先兮煥詩書之馨香虞德薄之無濟兮切戰兢  
於履霜施冥力以相我兮無俾中道而披猖抒私衷以上達兮爰敬奠乎  
酒漿鑒區區之愚誠兮庶來格而來嘗尙饗

游河鎮來家廟碑文

謝柏春

嘗謂鬼神之有無人心之敬肆爲之詩曰相在爾室尙不愧於屋漏又曰  
昊天曰明及爾出王昊天曰旦及爾游衍然則吾身之上下左右莫非鬼  
神者何所在而亦何所不在也而或者求之於禱祝感應之間吾未見其  
說之果有據也游河鎮舊有來家廟未審其創自何時大都爲祈穀報賽  
而設余少時屢過其地瓦屋數椽漸不蔽風雨數年復過之舊基傾頽盡  
矣而斷碑殘碣之間有石像四見有跪而叩之者問之居人曰是能降福  
於人求無不應遠近之人操香楮而至者踵相接也余笑而未之應前年  
春附鎮諸君子公議建廟募金督工歲餘而告竣屬余爲文問其建廟之  
故僉如向時居人言余曰鬼神之說信有之矣鬼神之靈異余亦或聞之

矣顧此廟非自今日始也何以昔者未傾之時將傾之際曾不能震動斯人之耳目便不時修補之耶何以必待荆棘縱橫始一顯其奇於荒煙蔓草間耶然必以爲誕妄而不可信而奔走求祈於其中者又何以舉國若狂耶其有耶其無耶吾烏得而知之耶而村之人既以爲有矣諸君子且以爲有而建廟以祀之矣則人心之所聚鬼神卽於是乎依亦固其宜抑余尤有說焉鬼神者聰明正直而一者也今將縱爾欲敗爾度入廟而祝曰神其佑我神聽之乎今習於險趨於詐入廟而祝曰神其佑我神聽之乎大抵鬼神之庇廕不可知而吾心之善惡則可知吾心之善惡既可知鬼神之庇廕亦無不可知聖人以神道設教其意蓋有在焉吾安知村之敬鬼神者不卽以有求於鬼神之故而反而自求其心相率而入於善之地而因以受福於鬼神也且不卽以受福於鬼神之故愈知心之不可以自昧而因而父勉其子兄勉其弟卽以一鬼神之說亦可以大有造於一方也轉移之機鼓舞之權將於是乎在苟非是之求而曰享祀豐潔神必報之以福而其他皆可不問也則卽謂斯廟之建無鬼神也可則卽謂斯廟之鬼神冥頑不靈也可然鬼神必不可矣然而諸君子建廟以事鬼神之心亦必不然矣余故於其成而樂爲之記

車雲山記

馬柄詩

車雲山不知何自名不見於山經水注亦無名卿鉅公騷客逸人遊覽題詠其間故車雲之名不名名以仰天窩社友余君玉峯告予曰此山鄉先輩程公諱悌者嘗呼爲車雲毋亦因天氣陰兩風雲旋轉如輪而遂命以此與予愛其名之雅且肖也亦名之又取其名以自名曰車雲山人山在州治西八十里西界湖北隨邑幽深險僻中忽曠宇天開有良田美池桑麻雞犬不亞武陵源咸同時寇盜縱橫全活人以數萬計先君亦攜予居此纔五六齡不能記憶亦不知山之美寇平下山垂三十年淮陽社友邀予伴讀山寺林泉詩酒嘯傲泳遊愛其水石清麗館於是且家於是焉東曰九嶺岡越九嶺始入山中也屈折盤辟怪石林立有石作伏卵狀曰母雞又有石高踞山巔如虎形兩目耿耿下視曰臥虎至此山徑益險崎嶇灣環暗谷邃深難以俯瞰忽見一水從天半倒落兩岸峭壁摩空則瀑布崖也迤南里許有石高四五丈可十人圍透剔玲瓏挺然則嶙峋杖也又最南高處叢石環列如城則曰而崖也最北絕頂高峯插天則千佛塔也東雙峯並峙透出雲表曰雙龍寨也寨南奇峯聳翠危石盤空欲飛欲鳴曰鸚鵡石凡此八公謬以予而益著雖然名不名亦何常之有東山以孔

子名西山以夷齊名岷山以羊叔子名臥龍岡之名以諸葛君富春之名以子陵鬼谷之名以王詡車雲之不名無其人以名之耳陳子相廷玉軒少從予遊毀山寺佛像創興學校異日英雄輩出必有人名而山亦與之俱名者夫山豈有心於名山無心人有心所以不能自名亦遂不能名山孔子曰遯世不見知而不悔此山有焉名此山者亦當如是

遊中嶽記

馬柄詩

余性喜山信陽州治西有車雲山愛之遂家焉縱橫五十餘里一邱一壑曲盡其美而猶未足以滿吾志也夫觀水以海爲極觀山以嶽爲至岱華恆霍遠矣若夫嵩嶽去吾家僅數百里臥榻間物耳亦未之登余心蓋不能無憾戊戌歲歸自都門住明道書院者四閱月欲遊嵩者未果乙卯復至書院適偃師潘明府荔庵延余課讀余以欲遊嵩故且諗潘公之爲人也允之到館時隨諸幕友爲郭外遊見夫南則景山北則邙山西則首陽皆稱名勝東南約數十里有山嵯峨如錦屏風則御寨山也按嵩嶽有二室東曰太室西曰少室御寨卽少室也高八百六十丈奇峯悉在南面少林寺在山之北麓太室高二千八百丈周圍一百四十里少室三十六峯太室二十四峯並續補十二峯爲七十二峯古蹟仙境載登封縣志暨景

冬陽說嵩吳江潘氏嵩遊日記者特詳余遊嵩有夙志雖泛覽得其大略終不肯以臥遊當之秋九月銳意往重陽前五日約友人薛君仲超董君笠樵並轡南行渡洛水踰景山越巒嶺過轅轅關至郭店投宿焉郭店介二室之間在子晉峯下與永泰庵最近西去少林約五里遙望塔影摩天梵宮曜日秋山紅葉點綴成圖恨不秉燭夜遊翌日遊少林緣溪行時聞水聲潺潺蓋少溪也導源鉢孟峯由寺前東注所謂泉流繞階者於寺得之至五乳峯下古柏成行紅牆高聳時有小僧從密林中出不知身已至山門矣門外石橋如虹隔岸人家傍山結寨以水爲村高樓危閣透出林表惜未至也入寺則殿宇多殘毀山僧無一雅者問雪庭禪師故事不知也寺建於後魏隋賜柏谷屯地以贖僧唐王世充作亂寺僧與有戰功太宗賜勅獎諭明倭人入寇總制胡宗憲亦用寺僧兵今若此殊動廢興之感觀殘碑斷碣暨達摩面壁石循故道走郭店一路看山日午至登封縣主學官金蕙人先生家上距太室猶十二里城內看山如臨城上峯愈高視愈近也嵩陽書院在北郭外國朝耿逸庵寶默庵李禮山諸先達嘗講學於此次日隨金蕙人暨董薛二公往觀焉漢封柏三株僅存其二者可十人圍枝葉蒼鬱懷懷有生氣真奇觀也門外數十武有唐碑高丈

餘乃徐浩八分書以其爲李林甫撰文題詠者多訾之東爲崇福宮宮建最早舊有宋眞宗像故朱子程子暨諸先儒多提舉焉東北爲流觴亭鑿石成九曲引泉水入亭妙絕又東爲啓母石石高三四丈北面劈裂半倒相傳啓母塗山氏所化劈裂者啓從石内生也殊爲怪誕不經北面平石能坐數十人臥數羣峯一一可名狀盤旋不覺移晷日夕而歸擬次日登嵩頂薛君足力稍差且不慣走山崖險路遂同董君晨往覓導者從呂祖洞後老翁峯側直上離山根三里許得一大石有老嫗坐石陰中問所從來乃往二仙洞焚香以石壁陡峻不可攀躋而歸猶以爲彼婦人年且老其不能拾級以登亦宜矣泊至山脚則崩崖峭立高不見頂山邊蝸路一縷且多石子下臨深澗稍滑則轉溝壑矣股慄不敢進欲歸擬異日從御道上較穩便董君暨導者已前行余以爲途窮亦將歸矣姑待之坐有頃起視董君已入雲霄中以手招余余心少定遂攀藤撫葛以進至山半則怪石林立目不給賞長嘯一聲山鳴谷應如出金石霜林紅葉冷豔滿山望玉柱老翁諸峯絕壁千尋玲瓏透剔雖吳道子亦不能繪乃知天下奇絕之境每在人迹罕到之處非有志者不能至也有志矣或則中衰非尤有志者鼓舞之仍不能至也余之能至斯境也微董公幾何不交臂失之

又上聞人聲導者云必行香從二仙洞歸來者俄二老姆偕一幼婦自上而下俯視懸崖略無懼色嘻異哉余視爲險境彼視爲坦途仙乎仙乎山中人不可及矣姆見余亦援木倚石而息凡山中美景一一爲余指點姆亦深得石水趣者又上數里許遂至巔與董君鼓掌大笑相謂徼倖徼倖計所上不下二十里日已午矣北下尋二仙洞取飲轉過嶺見巨石石隙如門甫至洞主馬富生來迎入越一小嶺見翠竹干霄丹崖滴乳迥非塵境由嶺至洞中隔一石峽深數百丈架木作危橋滑恐墜膽爲之裂學陳仲子匍匐往幸無恙富生頗款曲與談世事但笑而不答毋亦隱君子與奉母居洞中十一年不復出焉有兄遇癩疾語言皆詩有雷發一聲響滿天小人廣多君子稀諸句問其人初不識字是亦大奇少頃奉茶飯余列山菓盈盤余飲之甚甘飯於洞中食後富生送余山頂沿路縱談謂時勢孔棘諷余絕念仕途異哉此招隱語也富生真隱君子哉上百步許至峻極峯下得天池玉井玉女擣帛石堆積碎礎殘磚若舊有宅第然乃宋時峻極禪院遺址也後改爲真武祠三楹今亦無復存者又上百餘步見御碑仆地知爲絕頂到此則天宇宏開羣峯以次低首卽少室之連天紫霄太陽少陽之絕高者皆在山半信乎太室之高倍於少室也東望禹州西



望洛京南望箕潁北望太行數百里原嶺岡巒一如平壤觀於海者難爲水可轉爲之一語曰觀於嶽者難爲山董君欲歸富生曰御道紆遠今夕恐難下山問導者不知路有會長知良玉兄弟居峻極峯皆與富爲泉林友貧而介富生重之令玉導余下山囑曰天晚且宿宋莊吾與宋公厚當不至慢吾客也玉曰唯唯遂行過大仙洞聞陳某居此辟穀已二十年母病且死不歸怪其人弗入也望大小鐵梁一山中斷深不可測古人鑿石架梁以過今已無由是路者峽以西多石室採藥者恆居之走望朝嶺路較平曠未及十數里夕陽已墜暮山皆紫問所謂宋莊蓋遠甚而路亦漸陡前途峭壁如削精疲力倦跬步千里幾欲葬虎狼腹中幸初月一鉤朗照巖阿董推曾挽僂僂罄折徐下履巉巖披蒙茸大似蘇長公復遊赤壁也余身則苦余心則快計上下又十數里月亦將沈問所謂宋莊蓋猶遠甚又下四五里踰一小嶺便得一溪天生石梁光明如鏡聞上有男女脚蹤也夜未之見聞屨吠聲料宋莊不遠而夜已漏三鼓矣傍山隈穿竹徑至莊曾往叩門宋聞客至兄弟俱起設榻具菽以待有文人風次日酬曾以金曾以友富生重其介惟高士能識高士也余欲以區區之金相酬抑淺甚辭不受將謁嶽廟恐余失路遂至黃蓋峯而別廟宮殿壯闊氣象萬

千規模一如禁城惜屋宇破敗照香道士有如乞兒竊歎極盛難繼從西  
華取道歸比至金蕙翁薛君懸懸於兩人者心始降焉次日董君先回偃  
邑余與薛君亦不復遊居數日主人將赴洛遂同行紆道過會善寺曲徑  
通幽柏林疏密有舍利塔十餘座朝暉秋爽宜畫宜詩步步引人入勝寺  
側對少室東面諸奇峯如千葉蓮花爲少林所不及後山長杉滿谷異鳥  
呼名美石千百萬狀雖信宿留亦賞玩不盡山半龍王廟有泉引達廚內  
大殿金輝碧煌殿後爲純皇帝暨太后行宮僅存遺趾右有觀荷亭亭外  
方池引泉可種芙蓉有魏嵩陽寺碑唐戒壇碑景賢禪院塔記國朝亦多  
名刻未暇觀焉飲分泉水辭上人徐行夜宿府店次日已刻至偃師回首  
七十二峯都羅胸次矣他日返車雲山作七十二峯觀也亦無不可

以上文類

奉和太子納妃太平公主出降三首

胡元範

帝子威儀絕儲妃禮度優疊鼓陪仙觀凝笳翼畫轉鬱鬱神香滿  
雲浮排空列錦厨騰歡溢皇州

金閨未息火玉樹鍾天愛月路飾還裝星津動歸佩紫極流宸渥清規佇  
慈誨恩波治九流光輝軼千載

重刊信陽縣志卷十九  
三十一  
列席詔親賢式宴坐神仙聖文飛聖筆天樂奏鈞天曲池涵瑞景文字孕  
祥煙小臣同百獸率舞悅堯年

戰城南

何景明

戰城南戰不息朝戰城南暮哭城北積尸纍纍肉腐鳥不食放馬澤中雪  
沒馬腓沙寒草枯不得馬肥北風夜吹胡兵四圍我欲上馬馬瘦不馳我  
欲射箭弓硬不開但語城中親汝出收我骸戰城南君莫悲猛虎噬人翔  
於山垂欲食虎肉不避虎威男兒立功橫行四夷生當封公侯死當白骨  
歸

黃頭郎

何景明

黃頭郎爾毋侮殿上天子憐府中丞相怒爾雖有銅山運去銅如土黃頭  
郎爾毋侮

獨漉篇

何景明

獨漉獨漉驅車折軸不畏折軸但畏車覆兀兀者菑生彼中衢雖有蘭蕙  
當門則鉏同行竊金相顧道左我實不知彼則畏我食荼知苦食梅知酸  
狐裘之敝可以禦寒有虎斑斑伏於林下我欲射虎愧無勁弩肅彼北風  
渡彼中流豈不懷憂與子同舟

城南寡婦行

城南有寡婦見客泣數行自言良家女少小藏閨房青春嬌素手白日照紅妝父母偏見憐嫁我不出鄉前年彌魯亂腥穢入我堂弟兄各戰死親戚俱陣亡嗟哉華麗質忍恥罹凶強憂愁雲髮變辛苦朱顏傷昨聞故夫在消息通兩方百金贖我身三年歸舊疆歸來門巷異人少蓬蒿長轉盼夫亦死兒女空在旁薄田無耕犢寒臘無完裳人生固有命妾獨遭此殃況復官軍至燒焚廬井荒主將貪賄賂百死不一償朝廷自有法出師亦有名妾身何足道無乃乖天常

長歌行贈旺兄

何景明

兄爲吾祖之長孫能將孝義持家門耕鑿不隨時俗改衣冠頗有古風存我家東岡舊鄉土穀有田塲桑有圃諸弟誼誼譁逐城市兄也蕭條守環堵僕僮馴雅妻更良男女膝下皆成行女長適人止近里男大爲農不出鄉只今汝年六十七我翁爲叔汝爲姪歲時相看如父子登堂過庭禮不失弟昔省兄盡兄歡夜秉燈燭羅杯盤兄前勸飲嫂勸餐留我一月相盤桓自從離兄仕都下都城誰是悠悠者萬戶清晨霜滿裘九衢白晝塵隨馬朱門金鎖午未開我曹不敢騎馬回此時吾兄正穩臥日高戶外無人催

重刊信陽縣志卷十七  
三三  
愛兄好靜謝塵網一卷道書常在掌託身未肯附年少舉手何曾掛官長  
頃來生事日看微種麻自織身上衣少兒從學長幹蠱我兄心中無是非  
君不見人間歲月坐相迫胡爲東城復南陌兄今已作白頭翁弟亦長辭  
青瑣客山中桂樹況逢春谷口桃花更照人花前樹下一壺酒弟勸兄酬  
不畏貧

官倉行

何景明

長棘周袤三丈垣高門鐵鎖緘兩關黃鬚碧衫下版吏白板朱書十行字  
帳前喧呼朝不休翦旌分隊聽唱籌富家得粟堆如邱大車檻檻服兩牛  
鄉間餓夫立牆下稍欲近前遭吏罵

凌元洞

高 鎰

東巖樂景物依稀俯城郭江草離離江水綠峯巒壁立危如削空然一洞  
光閃爍日色下照春霧薄石瓶石壚似人作雲萍蹤迹隨飄泊彷彿如夢  
還如昨葡萄滿甕醅初潑狂歌起舞爲君酌醉倒不知天地闊羣仙拍手  
騎黃鶴萬里天風吹寥廓俯視塵寰猶隱約何處好東巖樂

余偕提學車公同遊賢隱寶利酒半車首倡律詩一首余與陳公次

第而和之因書置本寺舊題之碑陰用紀歲月云馮 鎰

幽僻人誇此澗阿乘閑不厭日頻過數拳怪石迷苔蘚百尺長松繫蕙蘿  
山寺空留賢隱號洞門深閉考槃歌前修縱使韜光甚尚有芳聲耿不磨

按車公名照字一之山西澤州人陳  
名嵩字仰止崇慶人按察司僉事

別甘景暘

戴冠

桂枝出桂林蘭草生蘭澤臭味苟相同未論形骸隔憶昔初見子與子兩  
莫逆何以效區區贈子雙白玉我義既同金子心亦匪石三歲爲新歡不  
謂行當別嗟我在網羅豈有凌風翮踟躕衢路中引領情內迫白日既不  
留紅顏亦堪惜蹇修貴及時弗爲兒女戚古人重義氣相期保無斃他年  
風雨夜與子話夙昔

於郎中足賦卷

樊鵬

官軍日食十萬粟邊城財賦苦不足大同宣府鄰封疆千里極目皆沙場  
朝廷北顧垂至計馬饑軍餓憂不細於君自出居關庸芻糧堆積高如山  
官軍無事日中酒偵騎聞之皆北走

再遊賢山寺

樊鵬

仙梵花宮萬木森空山獨馬遠相尋到門靜掩藤蘿晝看竹行穿虎豹林  
古殿登臨青嶂逼老僧相見白雲深翻疑此地非人代坐久眞銷塵外心

至釣魚臺

王祖嫡

方舟溯流上縈紆入幽篠霏雨結沈陰空濛迷遠眺飛泉千仞瀉奔怒激  
石竅疑張洞庭樂忽發蘇門嘯清籟萬木振哀響衆壑導天風吹餘韻冷  
冷轉要妙釣臺時急湍虹梁度小髓藉苔漱澄澗捫蘿對孤嶠遐想垂綸  
者水石本同調鏗鏘聽不足汨沒良自悼返櫂重回首空山留西照

寄衣曲

王祖嫡

古今寄衣曲多矣大抵悲歌繼眷而致身之義無聞焉豈閨人語  
應爾耶獨國初唐肅處敬憶征夫憶征婦二首慷慨激烈無傷別  
悼遠之態其詩曰征婦憶征夫死生竟何如寧作戰場骨莫作降  
人奴征夫憶征婦慷慨不成悲只愁生有賊不恨死無兒吁可以  
風矣今竊其意作寄衣曲雖詞旨不倫揆之於誼庶乎不拂焉耳  
孤城蕭蕭落寒木半夜霜風入空屋驚心欸起遠階行旋撥殘燈製征服  
郎瘦郎肥雖非故衣窄衣寬尙可度牙尺遙思未去身剪刀已斷生歸路  
嫁君自謂終裙布從軍敢怨良媒誤人生聚散各有時青衫枉泣江州婦  
破綿敗絮重重補衣者寧知作者苦一毫以上盡君恩普天之下皆王土  
朝廷念汝寒尙衣進御顏無歡數語挾纊且感泣解衣汝衣心何安寄君

衣多添線線多密密縫着此好酣戰點點糝糊虜血腥捷書飛奏承明殿  
妾身幾欲赴沙場婦人軍中兵不揚馬革裹屍丈夫事千年文繡永留芳  
君不見東鄰有衣寄關山惟勸良人及早還又不見西鄰惡少美裝束錦  
襖狐裘徒碌碌人生忠義殊奇偉弱草輕塵能有幾可憐桓桓李將軍至  
今甘作單于鬼塞月悲笳幾處明緜袍戀戀寄秋聲須知海內君臣義莫  
念閨中兒女情

妾命好

王祖嫡

朱淑真以才色配農家子人咸傷之今觀其所著斷腸集殊怨恨  
揆之人情固無足怪而國風忠厚之意微矣今反其意作妾命好  
使不得於所天者讀之感悟而不自處於薄也於人倫其少補乎  
人傷妾命薄妾幸妾命好茅屋住深山農家無煩惱郎力田妾採桑炊熟  
共郎飽蠶老成衣裳終歲不入縣門去且喜生男又生女百年但得不分  
離卽是人生至樂時君不見胡笳聲清且酸黃沙萬里嫁呼韓又不見琵琶  
妓擅樂部老來流落商人婦紅顏薄命奈若何妾之所得亦已多瓦甌  
自舉新熟酒郎醉莫愁兒女守

行經平靖關

何洛文



南山秋色高崢嶸盤千里形勝控淮西要害轄楚尾峭蒨入雲平崢嶸拔地起遠近建霞標高下去天咫飛流瀑如練彌望樹若薺蔽虧隱日月峻絕饒壁壘中經巨靈擘箭栝通迤邐一夫當莫開丸泥封可恃競爭想齊梁雄吞弔申芊出入雞自鳴陟頓馬頻止坂折摧車輪石危防屣齒重繭疲征人濟勝愜遊子九塞此居一穀函壯堪擬屢憩始及巔崇墉冠峯陟古廟棲寒鴉蕭條惟羽士踟躕天塹空關門氣正紫慚非青牛駕何處逢尹喜

哭李姓友

劉鳴瑞

尋常過暖茗相對話酸辛誰謂君先死天留我獨貧西風吹墓草落月照梁塵千載山陽邊而今益愴神

報國寺松偶憩一首

帝京景物略鈔出

張如芝

可知盤礴亦崔嵬低照遊人歲月催馬軛車輪忙底事霜鐘風鼓不勝哀森森夏日深無暑瑟瑟秋澗上有苔相對夢醒陰一枕松邊僧梵散經臺

秋日陪郡侯遊賢山和眼聽和尚韻

張宰

澹澹秋林挂夕暉紅塵掃盡白雲飛不嫌月到常開牖一任風來自掩扉嘯木山猿如喚夢銜花石鹿總忘機何人參透其中味野鶴舒翎天際歸

讀何大復集

劉 楫

何郎珊珊有仙骨姑射之山特超忽少年落筆如雲煙江鮑詞章俱凌越  
海內今知有信陽偉人傑出邦之光予也亦自信陽產野鶴孤雲不受染  
官齋霜冷夜寂寥手把君詩如琬琰三年塵泊漳之濱黃河隔斷故園春  
故園山水君詩在只對君詩卽故人

過黃瑟彼之門

馬 竣

東山之下有霞樓澗戶雲深茅屋低犬吠不知人在否溪聲送我過橋西

刪竹

王 臨

從知人不俗端自栽竹得欲令竹生好刪竹須教刻去年如指紋今夏笋  
踰則夫何修幹稀叢篠密如織得非溷雜中宵小滋篡匿凌霜奮厥武揮  
刀肆誅殛凡此害竹者我今在必克敗節固非良斜抽皆是賊况迺非其  
種敢處此實逼自此擴清餘蕭疎振顏色分荆布四圍聊以固吾域管取  
青青委來年成挺特

早別潘氏山莊

劉 俶

棲鴉驚古木殘月在高岑曙色孤村早人煙疊嶂深草迷來日路花戀去  
時心別後相思處微風動竹林

遊何家砦二首

王觀

登砦莫登樓樓是前人制磴道已欹斜空有巖巖勢漫道樓將墮還增山勢高但愁危壁下荒草集猿獠

讀桃花源記依兄孚庵韻

王良

聞說桃源迴絕塵如何千載尙迷津看來豈只漁郎誤子驥心癡第一人

天谷信宿賢首山寺有寄二首

劉應陸

聞說西山游託宿招提境支公開南軒龕燈照虛耿風泉生夜涼蘿月散清影趺坐寂無言蕉團習禪靜

昔游鏡湖曲兩峯列青冥名藍匝飛瀑空翠交巖扃桃源惜往返竹林茲

亘經白雲歧予望君將斲松苓

君曾客靈隱南屏寺

由滴水崖至龍潭第一谷作

劉應陸

靈湫勢三疊遠在西南峯茲行首北澗及此開夙棕鉤連躡危蹬登降趾不容屣屨黜古鐵尻雕扼其衝水石相搏擊雲氣互撞舂狀若白龍鬪射日紫翠重隨風忽颯杳暝迷青芙蓉跳珠復濺雪飛鳴流琤琮洞天闔石扇橫綠無春冬時飛白蝙蝠靈草花紫茸迴視二潭谷委折方淙淙陰巖糾蘿蔓夕霧流杉松赤城信可步吾將支瘦筇

游龍潭第一谷後復紆徑至三潭山皆壁立中潭遂不果上爲半格

詩一首

劉應陞

龍潭第三谷舊倚釣臺間水石澹無比遊人長自閑空響忽遠近雲氣時  
往還中巖生夕暝孤峭造天關始知神龍狀首尾成孱顏試看清淺水中  
有三神山

旌表鄭母李老孺人節孝

郭燕翼

生人有大節婦貞能不失乾坤正氣扶道義其根質匹夫志難奪百年如  
一日稱名在邑里朝廷徵其實悠悠巾幗倫名實安敢必卓哉李女抱天  
真夫死甘心未亡人衰絰來爲鄭門婦扶柩泣拜高堂親事舅事姑繼夫  
志撫姪爲子承夫禋雪鬪霜帷動紡績孤燈夜兩泣鬼神茲心堅如一寸  
鐵百練不與紅爐滅又如萬鈞石不轉磷磷豈觸洪濤裂吾聞自昔齊梁  
妻一哭梁山傾丹梯精神真可變天地林麓震動草木悽又聞陳氏之孝  
婦夫沒養姑心愈固朱幢入奏丹書來紫泥丸封式閭戶懍懍貞操更奇  
艱不比尋常烈女看千秋節義綱常係彤管輝映冰雪寒

前題

葉震

曾經許字未來嬪早向深閨誓守貞節孝卽今稱鄭李馨香自昔重金陳

生前已是無他志，沒後何庸辨此身。扶植綱常全婦道，始終不愧受恩綸。

前題

危人駿

從一由來婦道光，未歸先已慄冰霜。黃金北斗高門戶，姓字永留竹帛香。

前題

李崑

直將冰雪作心肝，三十餘年耐歲寒。明鏡何由如止水，井中原自不波瀾。

前題

孟佐

矢志終身不二歸，未親夫面守孤幃。紅絲綰定梁間燕，畢竟當年並翅飛。

題車雲山

程梯信陽拔貢乾

雲去青山空雲來，青山白白雲只在山常伴山中客。

宿馬家屯

張六丙

旅館逢秋暝，層陰覆野泥。水環煙市北，山嶂柳村西。細雨因風急，遙天隔

樹低。暫投人處宿，又聽五更雞。

課花草堂初成兼呈梅侶二首

周淮

小築聊爲獨樂身，幽棲近與輞川鄰。幾回倒屣思迎粲，卻喜薰香早接荀。愧乏醇醪醺上客，長留花氣靄餘春。邈來顯晦何曾繫，閒似東山笑傲人。花木未擬構亭臺，一徑幽深草閣開。入室但看修竹繞，捲簾時放遠山來。

當頭新月宜聞笛照眼紅蕖足引杯更種秋英三百本他時醉我莫輕回

洞庭湖

郭鑑庚

萬古衝沅水蒼波匯洞庭地盤三楚闢天入九疑青蘭芷騷人怨魚龍夜  
氣腥風帆杳何處醅酒弔湘靈

京口

郭鑑庚

割據全吳地英雄說仲謀江山猶百代人物已千秋官驛南徐界荒煙北  
固樓維陽好明月雲樹不勝愁

贛榆城樓晚眺

郭鑑庚

捲地怒濤奔孤城抱海門天荒雲亦老潮上島俱吞韓市袁江外秦山李  
篆存蒼茫波浪裏何處認漁村

劍門

郭鑑庚

鎖鑰全川地通天此一門關連秦樹迴山入棧雲昏沃野猶千里荒基各  
九原傳聞錦江水終古怒濤奔

秋日登高陽城樓

郭鑑庚

堞高盤嶺脊灘急打城頭秋色莽千里夕陽紅一樓林深還倦鳥江晚滯  
饑鷗蓼岸花疏處蒼茫起暮愁

雞頭關

郭鑑庚

季漢屯田處雄藩又此關孤城青嶂抱連棧白雲環灘急盤深谷天高入  
亂山老僧曾識我笑比烏飛還

鳳嶺遇雨

郭鑑庚

雲氣猛沈山羊腸步步彎怒雷奔大壑驟雨出重關記得孤城在相尋亂  
水間浪遊成底事耕鑿較安閒

宿南廣

郭鑑庚

陰森洞口亂猿號斷續人家蔓嶺牢石罅燈孤搖夢冷灘聲夜久上山高  
一生馬角年空老百事羊藩氣不豪八次戎州剛半載風塵歷慣也嫌勞

金陵懷古

郭鑑庚

旅愁漫把酒頻澆桃葉桃根冷畫橈六代鶯花黃葉寺一江風雨白門潮  
孤城佛號呼難應古井香魂恨未銷試訪烏衣空巷曲寒蟬落葉總無聊

偕友游鍾山鋪北觀音寺

曹西林

有約尋幽剝寒山十里程斷雲迷塔影隔陽出鐘聲黃葉一林暗紅牆半  
角明到來方丈地渾欲學無生

春草詞

曹禧林

迴廊曲榭兩餘天一種閒愁鎖翠烟且喜階前生意滿綠窗人對已三年  
藤蕪長徧畫橋西望斷天涯眼欲迷正是鶯花三月地斜陽一抹子規啼  
鎮日流鶯喚曉晴難將春色解離情王孫縱有還家夢只恐萋萋路不明

讀史四首

張培金

新莽好周官井田爲亂始安石好周官新法成禍水如何太平書徧誤王  
家子泥古鮮通變流毒遂如此所以聖賢語時之義大矣

其二

東晉始偏安牛實代馬後過江多人才忘卻神州守咄哉寧馨兒不試經  
綸手清談祖虛無排牆亦何有寄奴潛移祚揖讓猶藉口篡也以爲禪曹  
丕實罪首呵呵蕭老公媚佛更可醜何如拓跋珪遺嗣得賢胄高允崔浩  
忠彌縫善補救制度既大備規模復遠就華夏半已平民氣漸仁壽較彼  
齊梁君豈曰非天授論古拘世系眼光小如豆區區南北隅正統毋乃陋

其三

太祖本不悞太宗負太祖立國賴長君母言非無取金匱卒寒盟罪實歸  
臣普燭影泣搖紅疑案已千古介弟不令終癡兒死更苦聖經炳大義忠  
廉作良輔豔豔瓜子金寶甕貯廊蕪半部佐太平此是何論語



其四

南渡惟康王高宗恰無後孝宗嗣統緒此豈關人授冥冥二王靈各有神明胄兩宋所歷年靖康視德祐天之報太祖用意亦良厚毋謂網恢恢雖疏而不漏

仙人石

張培金

仙人遊戲苦無益飛上山頭化爲石熱腸何如冷眼看世事千年一局弈北斗夜吸天漿寒松蘿爲作古衣冠春雲冉冉空中幻秋月媚娟靜裏團頑性從來有真相但論鬚眉皆俗狀螺髻青圍六曲屏花枝紅簇九華帳金銀宮闕蓬壺多縹緲虛無可奈何似此着腳踏實地那必人間異大羅天開地闢風霜古受盡炎涼渾不語因知守默有玄功反覺點頭無是公只爾憑高能久坐紅塵自結長生果

老君洞

張培金

巨靈何年入山谷峭壁手剗洞其腹兩石上合下對開中間坦平大如屋軒敞偏宜風月臨堅完那怕雪霜侵海內洞天三十六似此幽棲何處尋後枕孤峯千丈起前流一曲清溪水峯高水活回環抱半點紅塵飛不到東來紫氣過兩關誰見青牛住此山何因指作玄元府我欲問山山不語

應是造物特好奇幻出神工與鬼斧洞口鐫字亦傳疑洞裏仙人已萬古  
吁嗟老子信猶龍五千道德殊空空

遊黑龍潭

張培金

鱗蟲三百龍爲長深山大澤潛修養忽爾騰霄掣雲去留得空潭半畝廣  
三面峭壁如堵環一面平開石鉤連緣溪曲徑折而入仰觀何異井中天  
上有懸崖百仞之飛泉下有積水千尺之驚湍冷氣逼人疑風雨到來六  
月生晝寒嗟夫爾龍亦神矣能作甘霖沛萬里雷轟電掣恩濟威死者復  
生槁者起龍兮龍兮無間然飛到九天潛九淵靈物變化不可測誰能抱  
爾金底眠

三仙缸

張培金

兩山之中夾平石石山流泉水色碧連生三竅圓而堅口大如甕深百尺  
桃花紅映仙缸春第一烹茶味更醇可惜品題無陸羽年年只好待遊人  
黃葉驚秋天宇淨澄波俯視開明鏡一顆心珠月正中三缸都有心珠印  
我於此間得佳趣盈科而後遞相注其去尤能作大觀飛落懸崖成瀑布  
雪龍冷抱玉壺清澤腹初堅照日晶天巧非由人力作萬古寒冷凍不破

白水崖

張培金

海神偶與山靈戲手翻天飄落巖際兩峯高聳欲摩雲萬丈飛流下平地  
有時大雨波濤連疑是銀河瀉九天有時晴久日華絢又是秋光瀉匹練  
忽爾濺石成細流百斛明珠散不收忽爾結冰堅其腹宛然一帶挂腰玉  
我讀匡廬瀑布詩石門空繞夢中思龍湫絕壁五千丈變態因風更出奇  
此山此水亦佳妙霏煙噴雪空自嘯至今世上少人知冷月無情來相照

老馬歌

陳秩五

時平戰馬日消瘦老使追風羈敗厩恩主例捐一束芻困人暗減三升豆  
誰刷鬣上垢誰洗尾間泥水草不濟渴與饑齒已加長精神疲日懷遠道  
空悲嘶憶昔沙場遇國讎主人鞍馬氣不侔兩軍不動各伺變大旗閃閃  
動蚩尤主人偶作色馬已不受勒馬助人威人生翼馬耶人耶渾爲一奔  
雷掣電瞥眼黑敵人駭觀昏不測麾下頭已探囊得三軍乘之紛逐北提  
頭躍馬翩然歸人耶馬耶交生輝此事依然如昨耳嘻甚矣德胡至此吁  
嗟乎末路英雄衆交侮難與執袴爭雄武白髮宮女彈清商難與村婦鬪  
紅妝君不見名場老宿齊泣下何況區區一匹馬

節婦吟爲蘇母董孺人作

陳秩五

洋山高聳千丈翠鍾毓文雄超羣類正誼明道有家傳曙後孤星亦拔萃

甲節子婦爲蓋竹坪女蕭州北選貢山中武功遺裔衍書香  
繡結青年春正芳斷織  
曾聞舅夫婿作羹親爲奉  
姑嫜鴻案鹿車自儒素  
那知倏忽東流去淒淒  
兩損並頭蓮烈烈風吹連  
理樹嘉木森然挺女貞  
高堂猶在敢輕生釵鳳  
分飛人一个鏡鸞孤掩月  
三更敬姜晝哭更無語  
斷兩零風甘自苦鑄就  
癡心鐵石堅鍊成勁節冰  
霜古遺孤覓得撫育親  
晝荻丸熊幾度春地下  
幸非殤死鬼世間老作未  
亡人烏鵲高飛黃鵠淚  
夜兩孤燈年堪計藁砧  
望斷廿三齡苦席臥安四  
十歲表宅旌里帝恩覃  
蔗境由來到晚甘介壽  
從頭遇甲子承歡繞膝萃  
丁男吁嗟乎子卿仗節瀚  
海地皓首胡天無二  
志君臣夫婦理同原朝宁  
閨門事豈異平地男兒節  
難知宗風賴有婦守  
之自昔雪氈羞李衛而今  
巾幗勝鬚眉割鼻毀耳俱  
陳迹高風誰與比貞  
白君不見晶瑩澄澈淨無  
塵淮水一灣繞門碧

淮節婦家

九日遊小滴水崖

陳秩五

重陽佳節到蠟屐出衡闔  
載榼尋幽徑攜朋肆遠瞻  
峯排鱗角筆石擁象  
牙簾選勝原初願探危了  
不嫌路隨溪曲曲橋跨水  
漸漸棕帽盤藤挂芒  
鞋落葉粘一灣生白荻兩  
岸長蒼蒹苔薄梳青髮松  
長拂翠髻留蟲迹  
篆沙混虎形鹽忽有清泉響  
堪爲俗耳矻望驚雲氣隔  
聽訝兩聲兼到此

途疑盡行餘致倍添樹堆深谷口瀑瀉亂山尖波遠飛爲練流高幻作簾  
急於雕箭竒白似寶刀銛日任晴陰異山常露霖沾直翻崖疊疊旁侵草  
纖纖景類名人畫形如大婦縑千行珠脫履百道溜垂檐溼氣頻侵喪煙  
光半襲檐上惟飛鳥到下有老龍潛水向潭中注天真井底覘莫窺深渺  
渺只見翠泔泔靜漾冰壺魄平措寶鏡奩浴應棲野鷺印定透仙蟾斷雁  
時留影浮魚偶露噉人思槃軸咏地象仰孟占境本超塵俗泉宜號讓廉  
照形殊朗澈掬飲倍甘甜洞府巒爲壁蛤呀霧是幃閒觀偏意遠久憩更  
神恬落日千巖淡涼風九月嚴歸途欣共覓好韻待同拈忽漫前村外茅  
簷露酒帘

千年松歌 松在龍潭西

陳秩五

白龍潭西亂山叢高峯突出千芙蓉無土無沙骨瘦削石罅古生五株松  
橫截衆山鬱蒼翠虎豹爲友無人蹤枝幹盤屈根半露地偏不辱秦百封  
一如人立一假臥一如長揖曲厥躬餘如猛士不相下怒伸長臂挈青空  
凡卉不生藤蘿絕挺然長亞洪濤風鬼神呵護霜雪煉不知天地有秋冬  
白雲吞吐紫霄冒鱗爪隱約飛蒼龍斧斤斲削不能到烟含月照無終窮  
人生安得如汝壽不禁悵然對青峯

遊白龍潭作

陳秩五

龍潭遠在南山隈，聞說清幽無纖埃。祈晴禱雨俱有應，從古人以神靈推。首夏乘興肆遊覽，攜朋八九無疑猜。兩脚各著謝公履，挈榼載酒兼尊罍。攀藤履磴數里許，洞天石扇訇然開。天公怒闢四山石，陰崖如壁立不頽。飛瀑莽莽自千古，雪浪倒翻蒼峯堆。水勢欲瀉不卽瀉，幾回觸石聲喧豗。作意千丈試一落，晴空忽忽聞驚雷。流急巖亂兩相擊，蛤蚌齊剖傾珠胎。穿雲越樹雜沓下，日光掩映金銀臺。石潭底在山之麓，仰承懸溜波滌洄。廣可數畝深莫測，平鋪寶鏡新磨揩。投石半响無消息，巨浪忽破青玫瑰。枕石席地聊縱酒，山光盡入玻璃杯。歡呼浩飲倏然醉，笑問老龍安在哉。不飛不見常潛伏，毋乃痴懶遺嘲哈。潭底老龍峭無語，但聽風雨聲飛來。

閒居

謝伯春

雲邊窗戶月邊樓，最小隨肩愛子由。無我自教鄰舍喜，多情嘗替古人愁。新添竹徑閒思鶴，舊種山田解飯牛。一領青衫一枝筆，俗途卽此劃鴻溝。

楊花三首

謝伯春

一場春夢欠分明，盡日纏綿各有情。到底不知離別苦，等閒飛出綠楊城。

其二

團雲曳雪影飄飄，纔欲假人卻又遙。爲說叛兒曾唱汝，可還記得白門橋。

其三

感秋四首 錄一首

謝汝梅

原上蓬蒿一望深，邈來狂寇尙如林。哀鴻嘹唳棲中野，涼月悽清響暮砧。  
淹滯空山名未就，挽回殺運責誰任。茫茫萬感橫胸臆，寶劍頻看拭不禁。

庚申二月望日冒雪送同鄉新孝廉覆試

陳夢蘭

北風凜冽逼人來，一日銀花遍地開。披筆那堪寒襲座，驅車且喜淨無埃。  
求賢端重清華品，獻賦羣推白戰才。寄語諸君同努力，好移紅杏日邊栽。

端午日渡河南歸

陳夢蘭

客中厭說逢佳節，何事征夫笑語狂。強酌村醪先獨醉，多情角黍卻生香。  
難求雲水醫凡眼，漫藉絲歌破悶腸。八載光陰驚逝水，率八諱家居來秋又逼菊花黃。

和南溪內兄新春原韻

陳鑑

千山萬樹鳥聲春，花露朝來溼角巾。寄語尋巢梁上燕，故人白屋未全貧。

卽事

陳兆麟

空際亂鴉盤人行秋水次遠矚平林西屈巒露蒼翠雲與山爭奇幻相諸  
色備一角斷霞明其中有詩意

初秋新晴

張培中

西風吹不斷今又到沙邱暑退高梧落涼風早稼收歸雲連樹擁秋水嘯  
堤流向晚開新霽天邊豁遠眸

哭李蓬山廣文

張培中

莫道貧非病何堪累到今一寒真澈骨百計不從心節自生前勳名誰死  
後欽天涯知已在南望淚沾襟

秋日還家

張培中

自客夷門變素衣此身久與故鄉違我行好似江南燕不到清秋總不歸

自歎

周守典

回首桑榆景色斜每因遲暮感年華天高未化雲中鳥波險難停海上槎  
故國夜深通旅夢敵樓日落隱胡笳祇園會上從容悟錯認優曇一現花

蘆花

周守典

西風幾日到陂塘遠岸蘆花盡著霜開後木棉悲冷落輕如堤絮怕飄揚  
忍將瘦影隨流水獨抱秋心送夕陽此際有人呼欲出雲天澤國兩茫茫



其二

行盡江邊與水邊自將衰境感華顛  
數叢遠浦斜陽外十月微雲小雪天  
壯士途窮空有恨美人鬢好總無緣  
參差渾似風前帚欲掃離思卻未然  
甲子商南和王石村廣文重陽登高原韻

嚴德芬

亂飛紅葉久經霜佳會留連樂醉鄉  
作賦手推黃甲客題糕酒喚白衣郎  
風流曾落龍山帽韻事應分曲水觴  
一髮青山看不厭城樓角下挂斜陽  
河池留別五首

李裕澤

書生那有濟時才祇爲家貧覓祿來  
不惜郎官膺百里何期薦剡達三台  
中田稂莠除將盡四野桑棉利漸開  
太息官民緣分淺未逢考績已遷推  
其二

春來隴畝試巡行野草山花夾路迎  
喜與老農談積貯偶過村塾聽書聲  
道人木鐸條條肅童子詩歌字字清  
似此周旋纔幾日祇今迴憶不勝情  
其三

手栽桃李未成陰歎息斯民愛戴深  
無計挽留爭署額最難虛飾是良心  
提壺野老情何摯臥轍孤兒感不禁  
倉猝未能移悍俗殷頑何日化鴟音  
其四

征車欲駕復遲遲，載酒登高又一時。  
拔地樓臺遙煥彩，向陽桑柏已抽枝。  
鳳堂晷畫通佳氣，鳳山秀巖一邑之勝雉堞排空帶遠曦。  
柳下遺墳封未了，瀕行猶

繫鄙人思。

宋吳忠烈王墓在鶴樓山臨崖將崩修築未成臨行囑高趙兩生修葺事

其五

蕭蕭落葉拂征袍，腸斷離亭酒一瓢。  
聊藉豐饗娛父老，強持悲喜對同僚。  
匆匆別緒言難盡，望望山城去已遙。  
他日隴南重攬轡，兒童竹馬好相招。

居宅

周世釐

燕居雖近市，幽僻似山家。  
昨夜一回雨，今朝滿樹花。  
山山雲斷續，處處鳥誼譁。  
無事依欄立，中天日影斜。

柳關舟中

陳世相

隄外盡荷叢，惟餘半鑑空。  
船移雙岸樹，客坐一帆風。  
望去山疑合，行來路轉通。  
同舟人語靜，犬吠水聲東。

詠史五首

陳惠麟

蚤歲事筆硯，致用富縹緲。  
上策擬治安，獻賦藐長楊。  
邊塵動西北，軍書走倉黃。  
雖非孫武侶，報國矢戎行。  
撫時一感激，志欲吞吳江。  
下馬作露布，策動坐明堂。  
片帆出石頭，單騎見胡虜。  
功成且退讓，歸隱南山陽。

平時有鷗鷺飛啄在蓬蒿樹頭一鷓雀得意振翎毛豈伊力不及地勢據  
其高世胄席簪紱英俊無袞裳不見金張臣弃代乘旌旄馮公終白首際  
會難與遭

攻魏息兵革段干天下賢帝秦屈羣策仲連蹈海傳放達不足貴臨困能  
扶顛高節薄日月厚祿恥腥羶鐘鼎不爲美纂組不爲鮮富貴如浮雲虛  
難塵網牽

大梁行

陳惠麟

落木蕭蕭秋草白駐馬城頭增感惜楸梧遠近魏王宮塚壘高低信陵客  
憶昔國邑稱豪雄車馳馬驟闐闐通關土數千驅虎豹帶甲百萬走羆熊  
可憐轉盼成黃土舞榭歌臺那可覩蒼茫故址鎖寒雲寂寞荒郊經夜雨  
悲歌慷慨日黃昏依稀指點舊夷門富貴繁華今已矣劍俠朱亥名尙存  
大地滄桑皆如此錦衣繡裳一偏傀淒涼往事不堪論滔滔惟有東流水

除夕感懷

余文輔

風雨瀟瀟可奈何一年將盡感蹉跎愁當除夕偏難遣酒爲衰年不敢多  
欺我黃梁空有夢送人綠水欲生波調田家中兒女應相憶白髮天涯歲  
又過

留別諸同人

余文輔

驚心對鏡髮如霜惹起離情倍憶鄉  
破屋數椽依舊在小園三徑未全荒  
篋中詩草貧難賣嶺上梅花冷愈香  
行矣欲留留不得夕陽雖好近昏黃

遊宋園

馬柄詩

醒獅亭畔繫漁舟湖上園林分外幽  
碧水三篙花四壁夕陽人在瓣香樓

感懷

王琨

幾番覆轍鑿前車惡夢驚心足傲予  
薄宦差同牛馬走浮生愁近虎狼居  
和戎祕策輸君實華國宏文賦子虛  
賸有一腔熱血在請纓無路重欵歎

其二

補天鍊石事堪疑大廈難憑一木支  
玉帛枉通中外好舟車直親古今奇  
孰從絕域歸完璧那許丸泥塞漏卮  
怪底無謀衆巾幗故妝醜態學西施

其三

悲憤填胸氣不侔空聞敵愾說同仇  
莅盟異類偏爭長割地強鄰互效尤  
觀政目中空魯衛折衝皮裏各春秋  
無端腐鼠頻相嚇又向樽前泣楚囚

其四

海輪飛渡陣雲高枵腹從征氣不豪  
壯志已拚歸馬革微軀直欲付鴻毛

但聞公子營三窟誰爲將軍講六韜痛殺攀轅諸父老空留血淚染蓬蒿  
其五

年來空抱杞人憂宰相何堪鑄六州見說長官能造福那知名士更貽羞  
中原旂鼓嗟芻狗異域衣冠笑沐猴一紙諫書家萬里伊人姓氏勝封侯

訓子

蘇裕昆

我老兒方幼嚴寬兩不宜常呼叔作父每認姊爲師白髮愁今日青燈憶  
往時箕裘將賴爾過小忍輕笞

苦雨

劉煦峯

幽夢驚回正曉鐘人家依樣溼雲封祈他幾陣瀟瀟雨留作來春慰老農  
小院菊有黃紅白三種花開甚茂詩以賞之

劉煦峯

爲賞名花獨倚欄西風一陣曉光寒天桃禮李今何在始識人間晚節難

遊武昌

張運籌

地據中原險爭衡得失中無情江漢水送過幾英雄

哭伯兄歸窆

易蔚文

庭幃風冷雨如絲又折荆花第一枝塵世讓人爭歲月玉京先我侍嚴慈  
生前孝友名難朽夢裏團圓醒欲遲手足由來關痛癢此身悵悵獨何之

清源秋興

張葆真

作客清源地秋來興倍長  
黃花三徑兩紅葉一林霜  
雁影搖明月砧聲亂夕陽  
詩懷何處是一色水天涼

冬日河邊晚步

張葆真

寒氣鬱晴空煙光冒津筏  
獨立覲清波皎皎生明月

溪塘晚步偶過田家閒話三首

張清運

斜日已沈閑餘霞尙滿天  
誰家數聲笛吹起一溪煙  
殘暑退高樹野風生白蓮  
農夫荷鋤返濯足弄清泉

散步隨鷗鷺綠溪入薜蘿  
深林一犬吠遠火簇漁歌  
露重香生草風微水不波  
桃源今在否煙景更如何

溪山深絕處地僻俗塵稀  
松竹影斜月芰荷香滿衣  
簷低瓜引蔓籬小樹成園興  
盡飄然去嵐光鎖翠微

哀淮西二首

張清運

誰覩王氣識龍蛇讖語飛  
來到處譁共說真人與白水  
浪傳季布在朱家誅心幾見  
陳琳檄枵腹空量道濟沙  
鼙鼓一聲蓮社散驚鴻斷雁  
各天涯

漫驅魚雀聚淵叢民盜由來息息通豈必然犀窮罔象須知碩鼠卽哀鴻  
金錢劫重天難問石火光消鬼亦雄聞道桃源須避世煙深何處覓漁翁

朋黨

鼓吹學說號召生徒入主出奴乘瑕是謂朋黨張清運

外侮都從內閩來古今一轍實堪哀攀鱗附翼趨炎客別戶分門大辨才  
南渡黨碑流血史東林文社斷頭台清談亦自能亡國議論伸時已劫灰

長城

邱樹梓

匈奴那見遽跳梁竟築堅城萬里長只恐封狼侵領地未防秦鹿出咸陽  
南來尙有關門雁東向旋牽軹道羊最是便宜劉季子不勞炎漢設邊防

庚子戰鮮奇感二首

邱樹梓

江湖會匪已如毛又聽拳民奮大刀豔說紅燈窮鬼域爭從碧海望旌旄  
津門誰遣聯軍入電檄徒聞澈夜勞況是神京傳失守更於何處覓同袍

重陽

蘇裕孚

閒扶竹杖登高去載酒奇峯最上頭今日黃花須痛飲滿山紅葉報深秋  
饒盤慣識他鄉味霜鬢須添旅客愁極目平原路千里歸心東逐漢江流

玉泉院

蘇裕孚

玉泉飛出蓮峯麓洗盡人間萬種愁好鳥相呼山欲笑落花不語樹無憂

深沈道院留春住，疏散閑雲帶鶴遊。  
野睡希夷猶未醒，不知塵世已千秋。

己酉同唐信安龍潭觀瀑

劉子榮

路轉峯回日色昏，烏飛不到已無村。  
枯藤匝地虬龍舞，怪石依崖虎豹蹲。  
百尺清泉霏玉屑，千層雪浪擁雲根。  
詩人不少畏梯天，險十五年覓爪痕。

活佛歌

胡壽榮

客從靈山回，問我見佛否？我家有兩尊，其他未遑覩。  
一佛西天去，一佛東廚主。客聞驚且疑，佛豈來中土？惟我兩尊佛，德大無從數。  
我佛生我時，歷盡般般苦。寒則授以衣，饑則哺以乳。稍長教讀經，弱冠擇匹偶。  
我若須臾離佛，便掛腸肚。鞠育顧復，恩無不出肺腑。我佛心血耗，形容頓衰朽。  
一生精氣神，都向 myself 補。請客到高堂，看佛壽相。古白髮幾莖，飄是我活佛母。  
客見是衰母，笑說我亦有早知親。是佛何必靈山走？客問奉事何？養志師參魯躬行，我未能，但不觸佛怒。問何修持法？始可慰皓首。我性拙如鳩，心齋常記取。首戒淫與訟，並禁忿與賭。此便是我齋。被人笑迂腐，四事我領略。似可對佛姥，客如不我疵。所言願謹守，世說我好佛。便與佛老伍，人皆佛所生。立身當不苟，我不到靈山。日日朝佛祖，作篇活佛歌。願佛壽長久。

以上詩類